

ЭРЗЯНЬ КЕЛЬ

СИНТАКСИС

Эрзянь кель

синтаксис

ISBN 978-5-7103-2534-6



9 785710 325346



МИНИСТЕРСТВО ОБРАЗОВАНИЯ И НАУКИ
РОССИЙСКОЙ ФЕДЕРАЦИИ
ФЕДЕРАЛЬНОЕ ГОСУДАРСТВЕННОЕ БЮДЖЕТНОЕ
ОБРАЗОВАТЕЛЬНОЕ УЧРЕЖДЕНИЕ
ВЫСШЕГО ПРОФЕССИОНАЛЬНОГО ОБРАЗОВАНИЯ
«МОРДОВСКИЙ ГОСУДАРСТВЕННЫЙ УНИВЕРСИТЕТ
им. Н. П. ОГАРЁВА»

ЭРЗЯНЬ КЕЛЬ

СИНТАКСИС

ТОНАВТНЕМАПЕЛЬ

САРАНСК
ИЗДАТЕЛЬСТВО МОРДОВСКОГО УНИВЕРСИТЕТА
2011

Рецензенттнэ:

Мордовия Республикнть Правительствань
ГКУ РМ «НИИГН-нь» языкознапнянь отделесь;
Н. И. Рузанкин, филологической наукань кандидатось, доцентсь

Сёрмадыцянтнэ:

Н. А. Агафонова, Р. А. Алёшкина, Г. Ф. Беспалова, Л. П. Водясова,
Е. Ф. Клементьева, И. Н. Рябов, Г. В. Рябова, А. М. Харитоновна,
В. П. Цыпкайкина

Анокстазь Д. В. Цыганкинэнь ветьмонзо ало

Тонавтнамапелесь теезь «Финно-угристика»
научно-исследовательской лабораториясонть,
нолдазь М. А. Кастренэнь вейсэндявксонть лезксэнзэ вельде

Э769 **Эрзянь кель. Синтаксис** : тонавтнамапель / Н. А. Агафонова, Р. А. Алёшкина, Г. Ф. Беспалова [ды лятне] ; анокстазь Д. В. Цыганкинэнь ветьмонзо ало. — Саранск : Изд-во Мордов. ун-та, 2011. — 208 с. — На мордов.-эрзя яз.
ISBN 978-5-7103-2534-6

Книгасонть ванновить псеень шкань эрзянь келень синтаксисэнь коряс ксв-кстематне. Явось мель синтаксисэнь единицатнеспень, сынст теевемаст ды смуст-тест коряс ванномантень. Песэнь максозь терминэнь валкс.

Вузсо студенттнэде башка, тонавтнамапелесь калды лезэ школасо, пед-колледжэсэ вожодицянтнеспень туртов.

УДК 811.511.152.1'367(075.8)
ББК Ш166.31

ISBN 978-5-7103-2534-6

© Агафонова Н. А., Алёшкина Р. А.,
Беспалова Г. Ф., 2011
© Оформление. Издательство
Мордовского университета, 2011

Тонавтнамапелесь алтазь вузсо тонавтниця студенттнэнень. Те эрзянь кельсэ сёрмадозь синтаксисэнь коряс васенце вajoдема. Эйсэнзэ келейстэ ванновить синтаксисэнь единицатне: валсюлмавксось, апак стакалгавто ды стакалгавтозь валрисьметне, сынст теевемань ёнксост, кельсэнтэ тевс нол-дамо.

Важодемань пелькстнэнь сёрмадыцянтне:

- **Агафонова Н. А.** «Валрисьмень аволь прявт пелькстнэ»;
- **Алёшкина Р. А.** «Вейке прявт пельксэнь валрисьметне», «А явно-виця валрисьметне», «Аволь пешксе валрисьметне», «Валрисьмень совав-тозь ды путозь теевкстнэ», «Пунктуациясь»;
- **Беспалова Г. Ф.** «Стакалгавтозь валрисьмесь», «Аволь кандово-мань-аравтомань стакалгавтозь валрисьмесь»;
- **Водясова Л. П.** «Валрисьмесь», «Валрисьмесэ валонь молема лу-вось. Актуальной явомась», «Кандовомань-аравтомань стакалгавтозь вал-рисьмесь», «Союзтомо стакалгавтозь валрисьмесь», «Синтаксисэнь ста-калгавтозь теевкстнэ»;
- **Клементьева Е. Ф.** «Синтаксисэнь предметзэ», «Синтаксисэнь сюлмавомадо чарькодемась», «Валсюлмавксось», «Лиянь кортамось»;
- **Рябов И. Н.** «Пшкадемась»;
- **Рябова Г. В.** «Валрисьмень вейкетэ пелькстнэ», «Валрисьмень явовикс пелькстнэ»;
- **Харитоновна А. М.** «Диалогось»;
- **Цыпкайкина В. П.** «Кавто прявт пельксэнь валрисьметне. Подле-жащесэ ды сказуемосэ».

Тонавтнамапелесь теезь Д. В. Цыганкин профессоронть ветьмонзо ало.

Синтаксис (грекень валсто *syntaxis* — сюлмавома, теема) — грамматикань пелькс, косо тонавтневить валтнэнь ды валонь форматнень валсюрмавксос ды валрисьмес сюрмавомань лувост.

Те валонть кавто смустензэ: 1) келенть синтаксисэнь теевксэзэ, конась морфологиянсенть марто совить келень грамматикантень; 2) келень наукань пелькс, косо, васенцекс, тонавтневить валтнэнь ды валонь форматнень сюрмавомань лувост, омбоцекс, сеть единицатне, конатнень потсо неть лувтне топавтовить.

Бути морфологиянть туртов тонавтнемань предметэкс ашти валось сонзэ грамматикань категориянзо ды грамматикань форманзо марто, то синтаксисэнть туртов валонть формазо карми тонавтнемань предметэкс се ёндо, кода сон сюрмави лия валонь форматнень марто валсюрмавксос ды валрисьмесэ. Синтаксисэсь тонавтнн синтаксической единицатнень составост, смустест, функцияст, сень, кода сынь пряст невтить ёвтамонь теема-сонть.

Синтаксисэнь единицакс лововить валсюрмавксось ды валрисьмесь. Сынст ютксо улиць сынст теевемасост, грамматикань смустьсэст, синтаксисэнь тевсэст (функциясост) неявиця домка а вейкетьксчить. Неть а вейкетьксчитнень коряс валсюрмавксось ды валрисьмесь кармить вейке-вейкеде башка аштиця (аволь зависимой) синтаксисэнь единицакс.

Валрисьмесэ валтнэ сюрмавить эсь ютковаст смустень ды грамматикань коряс, тень пингстэ теить те валрисьмесэнть башка смустень ды грамматикань вейсэндявкст, конатнень лемест валсюрмавкст. Валсюрмавкстнэнь улиць теевемань ёнксост, смустест ды формаст.

Валсюрмавксонь синтаксисэсь невтьсы эрва башка валонть синтаксисэнь ёнксонзо ды кода те валось сюрмави лия вал марто. Тень пингстэ мельсэ кирдеви валонть кортамо пельксэнь смустезэ. Саемга, **молян кудов** валсюрмавксось ашти глаголсто ды существительнойстэ; глаголось **молян** ашти прявт валокс ды веши **кудо** существительноентэ эйстэ, конась карми кандовицякс, эрявикс падежень форма.

Валрисьмесь ашти кортамонь прявт коммуникативной единицакс. Седе сеедьстэ сон явови вал ды валсюрмавкс лангс. Валрисьмень синтаксисэсь явови валсюрмавксонь синтаксисэнтэ эйстэ. Валсюрмавксонь ды валонь форматнень сюрмавоматне максовить ёвтамонь цельтнень топавтомга, секс сынь явовитькак валсюрмавксос сюрмавоматнень-кандовоматнень эйстэ.

Синтаксисэсь кода наукань пелькс кеместэ сюрмазь келень лия пелькстнэнь марто: лексиканть, фонетиканть ды морфологиянтэ. Лексиканть марто сюрмавомась эрва кодамо ёнксов, пек сюпав. Васняк лексикась ёвты синтаксической единицатнень смустест ды структураст. Те неяви,

саемга, сехте вишка синтаксисэнь единицасо — валсюрмавксос: **ниже вирь — ниже эйкакш; пандомс варя — пандомс кеж**. Васенце валсюрмавкстнэсь неяви **ниже, пандомс** валтнэнь оля лексикань смустест, а омбоцетнесэ — фразеология ёндо сюрмазь смусть. Лиси: васенцетне кандовить валсюрмавкстнэненъ, а омбонстнэ — кемекставозь валсюрмавкстнэненъ.

Кой-кона лексикань единицатне вешить эсест туртов келейгавтома. Саемга, глаголтнэ **содамс, неемс, марямс** ды лиятне или теить валсюрмавкс, или вешить кандовиця (придаточной) валрисьме: *Мон содан те кортамодонтэ. Мон содан, мезде сон карми кортамо.*

Синтаксисэнтэ сюрмавомазо неяви фонетиканть мартояк. Весе валтнэ ды валонь форматне аштить башка гайтьстэ, конатнень тонавты фонетикась. Те неяви вайгельксэнтэ (интонациянтэ) ёндояк, конавтомонтэ арась валрисьме. Лексика ёндо вейкетэ валрисьметнень ёвтамост лия вайгелькс марто полавтсы целанек ёвтамонтэ. Саемга: *Те ломань. Те ломань? Те ломань!*

Синтаксисэнтэ сехте кеме сюрмавомазо морфологиянтэ марто, секс мекс сынь кавонест кармить грамматикань пельксэкс. Предметэнь, кодамо-бути ёнксонь (признаконь), тевтеемань, ламочинь невтиця ськамочинь кортамо пелькстнэ теить валрисьмень смустентэ. Но вейке-вейке марто сынст сюрмавомсто покш таликаст лездьця кортамо пелькстнэнькак (валмельгакстнэнь, союзтнэнь, частицатнень). Саемга, *Авась ванось ломантнень лангс, но кинькак эзь сода (лангс валмельгакстомонтэ а сюрмави глаголось объектэнь невтиця существительноентэ марто, но карадо-каршонь союзось невти сказуемойтнень ютксо сюрмавоматнень-кандовоматнень лангс, эзь частицась максы глаголонтэнь арасьчинь смустэ).*

Весе невтевкстнэ кортыть синтаксисэнтэ ды морфологиянтэ кеме сюрмавоматнеде. Явовомась сынст ютксо — тонавтнемань предметсэст. Бути морфологиясь тонавты валонть ды весе сонзэ муевикс форманзо (*теле* — существительной, аволь невтемачинь полавтнемань номинативсэ), то синтаксисэсь ванны валонть коряс седе стакалгавтозь единицатнень (саемга, *Теле* кода валрисьме, прядозь вайгельксэсэ, вейке прявт пельксэнь). Ансяк морфологиянтэ коряс, косо валось тонавтневи структура, формань теевема ёндо, синтаксисэсь ванны валтнэнь ды валонь форматнень истя, кода сынь пряст невтить валсюрмавксонь ды валрисьмень теевемасонтэ.

1 §. СИНТАКСИСЭНЬ СЮРМАВОМАДО ЧАРЬКОДЕМАСЬ. СИНТАКСИСЭНЬ СЮРМАВОМАНЬ КУРОТНЕ — АВОЛЬ КАНДОВОМАСЬ-АРАВТОМАСЬ ДЫ КАНДОВОМАСЬ-АРАВТОМАСЬ

Валсюрмавксос ды валрисьмесэ валтнэ сюрмазь эсь ютковаст синтаксисэнь сюрмавомасо. Синтаксисэнь сюрмавомато кевкстемась — те синтаксисэнтэ прявт кевкстемазо. Сонзэ смустезэ сеньсэ: вейке валось (валонь формась) кандови лия валонтэнь (валонь формантэнь). Вейке башка валрисьмесь кандови омбоцентень. Те весе невтеви келень башка ёнкстнэнь вельде. Истямо синтаксисэнь сюрмавомась неяви колмо ёндо: 1) валтнэнь

ды валонь форматнень вельде (валсюлмавкссо ды валрисьмесэ); 2) предикативень единицатнень вельде, кода сынь сюлмавить стакалгавтозь валрисьмесэ; 3) башка валрисьме ёндо, кода ды зярдо сынь сюлмавить текстсэ.

Келень наукасонть явовать кавто сюлмавомань курот — аволь кандовома-аравтома (сочинения) ды кандовома-аравтома (подчинения). Теке марто, меельце шкастонть явови истямо синтаксисэнь сюлмавома кода поладома (присоединения). *Зярдо ломанесь сыця шкадонть мелявты — мень лия часият вешнемс: вана сон, кедь маласот. Ды седейсэть* (А. Доронин).

Аволь кандовомань-аравтомань (сочинениянь) сюлмавомась — те валонь формань или башка валонь сюлмавома, конатне кармить вейкетъ эсь ютковасть. Те сюлмавоманть вельде вейсэндить кавто или седе ламо пелькст, конатне топавтыть валрисьмесэ вейке тев ды секс кармить вейкетъ эсь ютковасть. Теньсэ кармияк сочинениянь сюлмавоманть смустезэ. Сюлмазь пелькстнэнь прявтонь ёнксокс карми сеяк: сынь кармить вейке кандовомань-аравтомань (подчинениянь) сюлмавомасо колмоце пельксэнтень. *Виресь-как, лееськак копачавсть тусто сувсо* (Н. Эркай).

Истямо сюлмавомась вастневи стакалгавтозь валрисьмесэяк предикативень башка пелькстнэнь ютксо. Тень пингстэ кавонест пелькстнэ истя жо вейкетъ эсь ютковасть. *Теде мейле семьянок курок полавтызе зрямо тарканзо, ды се эрькентъ чирес мон вестъкак эзинь понгоне* (Т. Разгуляева). Явовомась вейкетъ пелькстнэнь пингстэ сочинениянь сюлмавомадонть апак стакалгавто валрисьмесэ ды аволь кандовомань-аравтомань (сложносочинённой) валрисьмесэ сеньсэ: апак стакалгавто валрисьмесэ свал ули колмоце пелькс, конанень кандовить вейкетъ пелькстнэ, а аволькандовомань валрисьмесэ истят пелькстнэ а эрсить.

Аволь кандовомань-аравтомань (сочинениянь) сюлмавомась апак стакалгавто ды стакалгавтозь валрисьмесэ невтеви вейкетъстэ: или сочинениянь союзсо (**ды, и, а, но** ды лият), или башка мельга-мельцек ёвтамонь вайгелькссэ, или частицасо (**-гак, -как, -як**).

Кандовомань-аравтомань (подчинениянь) сюлмавомась — те истямо сюлмавома, конань пингстэ вейке пельксэсь (валось или предикативень пельксэсь) карми прявтонь, а омбоцесь сонензэ кандовиця. Те ёнксось кармияк кандовомань-аравтомань сюлмавоманть смустекс. Прявтонь пельксэнтъ эйстэ путови кевкстема кандовицянтень. Истямо сюлмавоманть пингстэ свал вейсэндить ансяк кавто, аволь седе ламо пелькст: *поки кудо (кудось кодамо? поки), кортамс книгадо (кортамс мезде? книгадо)*. *Зярдо Обран ваны эйде лангс, сельмензэ цитнить лембестэ ды чевте-стэ* (К. Абрамов).

Кандовомань-аравтомань (подчинениянь) невтемапелекс эрсить: апак стакалгавто валрисьмесэ — валонь молема лувось, грамматикань формат, стакалгавтозь валрисьмесэ — союзт ды союзной валт (**што, штобу, хоть, теке, кодо, косо, косто, зярдо** ды лият).

Синтаксисэнь стакалгавтозь теевкстнэсэ, конат аштить кавтодо ламо предикативень пелькстэ, вастневить синтаксической сюлмавомань колмо ёнкст: мельга-мельцек кандовома-аравтома, ве ёндонь кандовома-аравтома (соподчинения), зярыя ёндонь кандовома-аравтома (параллельной под-

чинения). Саемга: *Гермоген пейть порсь, зярдо ледстнестъ тоначисэ оймсиця старецтэнтъ, конань сон течис ловсь эсензэ васенце ятокс* (А. Доронин) — мельга-мельцек кандовома-аравтома; *Сельме икельганзо (Сергеень) ютась, кода васенцеде неuze тейтерентъ ещё экзаменэнь максомсто, кода талакавтызе те чуросто вастневиця алкуксонь мазычицэ* (М. Брыжинский) — ве ёндонь кандовома-аравтома; *Аламо шкань ютазь сон (Микита) мольсь пакшатнень ваксс, конат пансестъ алашатнень, мерсь тенст, штобу сынь аламос оймсевельть...* (В. Колмасов) — зярыя ёндонь кандовома-аравтома.

Апак стакалгавто валрисьмесэ прявтонь синтаксисэнь сюлмавомакс карми улема кандовомась-аравтомась (подчинениясь). Стакалгавтозь валрисьмесэ сюлмавомактне седе келейть: сынь теевить апак стакалгавто валрисьмень подчинениянь ды сочинениянь коряс.

2 §. ВАЛСЮЛМАВКСТО ЧАРЬКОДЕМАСЬ

Валсюлмавксось — те истямо сюлмавома, кона теезь келенть лувонзо коряс кавто или седе ламо съкамочинь валсто, сюлмазь эсь ютковаст кандовома-аравтома (подчинения) вельде, невтить кодамояк вейке чарькодема: *чевте киш, тонавтнемс вадрасто, кавто ялгат, пек мазый*.

Валсюлмавксонтя истят ёнксонзо: 1) ашти кавтодо аволь седе аламо съкамочинь валсто; 2) сюлмавома пелькстнэ аволь вейкетъ эсь ютковаст: вейкесь прявтонъ, омбоцесь кандовиця, прявтонсенъстэнтъ путови кевкстема кандовицянтень; 3) эйсэнзэ неяви вейке валонь сюлмавома омбоце валонть форманзо марто: *ловнан, ловнотано (мезе?) — книга*; 4) уликс пелькстнэ сюлмавить ансяк кандовома-аравтома (подчинения) сюлмавома; 5) эйсэнзэ арась предикативностесь.

Аволь эрва кавто валонь сюлмавома ловови валсюлмавксокс. Истямокс а кармить улема аволь кандовома-аравтома (сочинения) вельде сюлмазь валтнэ. Саемга, вейкетъ (однородной) пелькстнэ а совавтовить валсюлмавкстнэнь юткс — сынст эйсэ арасть прявт ды кандовиця пелькст, сын а чарькодевить вейкесь омбоцэнтъ: *покиш ды вишкинетъ, ловномс ды сёрмадомс*. Валсюлмавксокс а лововить предикативень единицатне (подлежащее, сказуемое), аналитической форматне (*кармась сакшно-мо*), валмельгакс марто существительнойне ды местоименияне (*ялга марто, тондетъ икеле*), совавтозъ (вводной) валтнэ, пшкадема, междометияне.

Валсюлмавксонтя улить ёнксонзо, конат малавгавтыть сонзэ валонть марто: 1) кавонест топавтыть лемдемань (номинативенъ) функция; 2) сон, кода валоськак, ашти валрисьмень пельксэкс; 3) валсюлмавксонтя, кода башка валонтькак, улить эсензэ полавтнемань ёнксонзо.

Мейсэ явови валсюлмавксось башка валонть эйстэ? Валсюлмавксось тееви кортамсто, сёрмадомсто. Башка валось — максозь аноксто. Смустенъ коряс валось невти чарькодема (предмет, предметнэ уликсчи, тевтема), валсюлмавксоськак невти чарькодема, ансяк седе домка: *кудо — авань кудо, тиринь кудо*.

Валсюлмавксось малавгавтови валрисьмень мартояк: 1) теяк, тонаськак — синтаксисэнь единицат; 2) валсюлмавксонь ды валрисьмень пелькстнэ сюлмазь кода грамматикань, истя смустень коряскак. Валсюлмавксось седе пек малавикс кандовома-аравтома (сложноподчинённой) валрисьметненень, конатнесэ, кода валсюлмавксояк, вейке пельксэсь кандови омбоцэнтень: *мазый тейтеръ (Тейтересь кодамо?)*. *Кодамо тидицясь* (кандовиця), *истямо ярсамопелеськак* (прявтонъ).

Валсюлмавксось явовияк валрисьмень эйстэ: 1) валонь сюлмавксось сюлмави вал лия валонь форма марто, а валрисьмесэ сюлмавить валонь

формат; 2) валрисьмесэ ули предикативностесь, валсюлмавксось сон арась; 3) валрисьмесэ ули прядомань вайгелькс, валсюлмавксось арась; 4) валсюлмавксось свал кандовома-аравтома (подчинения) сюлмавома, валрисьмесэ жо синтаксисэнь сюлмавома не седе келейть. Валсюлмавксонтя валрисьмень марто сюлмавома неяви сеньсаяк: кой-конатне эйстэст вайгельксэнь, валонь молема лувонть, предикативностень ёнкстнэнь вельде ёмавтсызь эсест кандовома валсюлмавкстнэненъ. Саемга, *маней валске* валсюлмавксось лиясто карми улема вейке прявт пельксэнь валрисьмекс — *Маней валске*, лиясто жо кавто прявт пельксэнь валрисьмекс — *Валскесь маней*.

3 §. ВАЛСЮЛМАВКСТНЭНЬ ТЕЕВЕМАСТ

Весе валсюлмавкстнэ теевемань (структурань) коряс явовить колмо кужос: апак стакалгавто (простойть), стакалгавтозъ (сложнойть) ды вейссовавтозъ (комбинированнойть).

Апак стакалгавто валсюлмавксокс лововить: 1) кавто съкамочинь (знаменательной) валсто теезтне: *покиш кудо, велятомс чокшине, прыдызе тевензэ*; 2) конатнесэ улить аналитической формат: *кармась кортамо бойкасто, сехте малавикс ломань*; 3) козонь вейке съкамочинь валдо башка совавтовить существительной ды местоимения марто сюлмавома валмельгакстнэ: *ютамс ялга марто, пачкодемс вирентъ малас*; 4) конатнесэ кандовиця пельксэсь невтезь кемекставозъ или а явовиця сюлмавксось: *рангомс ниже-ожо вайгельсэ, чиёмс прянь-полдань синдэзъ*.

Стакалгавтозъ валсюлмавкстнэ аштитъ кавтодо ламо съкамочинь валсто, невтить, кода апак стакалгавтозтнеяк, вейке чарькодема, ансяк чарькодема сынст эйсэ седе домка. Теевить апак стакалгавтозтнэнь келейгавтозъ вейке или седе ламо кандовома-аравтома (подчинения) сюлмавома вельде, конась моли вейке прявт валсто. Теевемань коряс сын истят:

1) прявт валонть пингстэ кавто или седе ламо кандовиця валт, эрвась эйстэст башка чарькодеви прявтонсенъ: *ашо тусто пельть, соватомс кудов ведъ, пек аволямс кедьсэ*. Сынст башка ёнксост — эйсэст кандовиця пелькстнэ апак сюлма вейке-вейке марто;

2) кандовиця пельксэсь чарькодеви теезь апак стакалгавто валсюлмавксонтя: *килеень коське пенгеть, чувтонъ од кудо, монъ вадра ялгам*.

Стакалгавтозъ валсюлмавксось чарькодевиця пельксэсь эрси ёвтазь: 1) относительной ды качественной прилагательнойсэ, тень пингстэ качественное аравтови прявтонъ валонть икелев, а относительное качественное икелев: *теленъ якшамо чокшине, велень од ломанть*; 2) местоимения марто качественной или относительной прилагательнойсэ, причастиясо: *кодамо-бути а содавикс ломань, сонзэ берянь тевдензэ*; 3) качественной или относительной прилагательнойсэ, ламочинь или лувонь числительнойсэ. Числительное тень пингстэ путови прилагательное икелев: *кавто од ломанть, колмоце покиш кудосонтъ*.

Вейссовавтозъ валсюлмавкстнэ смустень коряс малавикс апак стакалгавтозтненень, теевемань коряс — стакалгавтозтненень. Аштитъ кавтодо ламо апак стакалгавто валсюлмавксось лия-лия прявт вал марто.

Кандовиця валось истямо валсюлмавкссо теке шкасто сонсь ашти кодамо-бути апак стакалгавто или стакалгавтозь валсюлмавксонь прявт валокс: *сэн сельме тейтерне, колоньгемень иесэ ава, кучомс цёранть тонавт-неме тевентень, апак лотксе ёвтнемс ютазь кизэденть*. Саемга, меель-цесэнт явовить истят апак стакалгавто валсюлмавкст: *апак лотксе ёвтнемс, ёвтнемс кизэденть, ютазь кизэденть*. Тесэ, кода неяви, кандо-виця валось *кизэденть* теке шкасто сонсь карми улеме прявт валокс *ютазь кизэденть* валсюлмавксонть.

Лиясто вейссовавтозь валсюлмавксонть валтнэ сюлмавить мельга-мельцек молиция кандовома-аравтома (подчинения) вельде, зярдо прявт пельксэнт икеле аштиця валось чарькодевити сонзэ, а икелензэ аштицясь содавты эсензэ кандовиця валонтъ: *велень ломань — маласо велень ло-мань, човазь пеель — питтистэ човазь пеель*.

4 §. ВАЛСЮЛМАВКСОНЬ ЛЕКСИКАНЬ-ГРАММАТИКАНЬ КУЖОТНЕ

Сень лангс ванозь, кодамо кортамо пельксэ ёвтави прявт валось, явовить валсюлмавксонь истят лексикань-грамматикань кужот: субстан-тивнойть, глагольнойть, адъективнойть, адвербальнойть. Эрьванть улить эсензэ сюлмавомань-кандовомань, кандовиця пельксэнь невтемань башка ёнксонзо.

Валсюлмавкстнэ, косо прявт валось существительной (субстантивной валсюлмавкстнэ)

Субстантивной валсюлмавкссо прявт валось ёвтави существительной-сэ. Сонензэ кандовицякс аравтовить:

1) существительнойть: а) косвенной падежень формасо: *качамонь чине* (генитив), *верьгиздэ пелема* (аблатив), *пацясо ава* (инессив), *велес-тэ ломань* (элатив), *кудов молема* (латив), *паксява ки* (пролатив), *пал-маньшка цёра* (компаратив), *питневтеме казне* (абессив); б) валмель-гакс марто: *вирь чиресэ кудыне, пильге ало модась, кудо икеле килеесь*;

2) качественной ды относительной прилагательнойть: *сэтьме варма, ниже лопат, паксянь нармунь, кизэнь чокшине*;

3) личной (генитивень формасо), неவிция, определительной, аволь определённой, возвратной местоименият: *монь патям, неть ялгатне, эрьва ломанесь, кинь-бути раськеде, эсь тевензэ*;

4) ламочинь, лувонь, вейспурнамонь, малавикс ловомань числитель-нойть: *кавто ялгат, омбоце кудосонтъ, колмонст варьгат, сисемшка чить*;

5) действительной ды страдательной причастият: *ловныця эйкакш, сивезь тарад, викинешь панар, вечкевикс цёра*;

6) наречият: *маласо велетнева, ало ульцясто, ялго молема, эрзякс кортамо*;

7) инфинитивень формат: *ярсамо кедьге, морамо вайгель, мель ту-емс, шка тонавтнемс*.

Валсюлмавкстнэ, косо прявт валось глагол (глагольной валсюлмавкстнэ)

Глагольной валсюлмавкссо прявт валось — глагол. Сонензэ кандови-ця валокс аравтовить:

1) эрьва кодамо падежень формасо существительнойть: *рамамс киши* (номинатив-аккузатив), *учомс авань* (генитив-аккузатив), *меринь леля-нень* (датив), *кортынь ялгадо* (аблатив), *аштинь библиотекасо* (инес-сив), *молемс пирестэ* (элатив), *совамс кудос* (иллатив), *ютамс школав* (латив), *лиссэ ортава* (пролатив), *тонавтнемс лецицякс* (транслатив), *эрямс ярмактомо* (абессив);

2) валмельгакс марто существительнойть: *аштесэ кудонтъ вакссо, кандызе пирентъ удалов, мольсь недлядо мейле, сась шкадо икеле, мо-лемс книга мельга*;

3) местоименият: *тонавтсь минек, ёвтамс лиянень, кортамс ки-нень-бути*;

4) числительнойть: *мольсь ветецекс, сыргамс кавтонь-кавтонь*;

5) наречият: *эрямс маласо, бойкасто прядомс, самс веть, ламо кортамс*;

6) деепричастият: *совамс ютамсто, туемс капшазь, апак арсе ёвтамс*;

7) инфинитивень формат: *вешсь ярсамс, саузь морамо, знялдсь кадомс*.

Глагольной валсюлмавкстнэсэ невтевить объектэнь ды обстоятельств-вань сюлмавомат-кандовомат. Васенцетне муевить сеть теевкстнэсэ, косо кандовиця пельксэсь — существительной: *ловномс книга*; местоимения: *пшкадемс сонензэ*; лиясто инфинитив: *кандсь симемс*. Обстоятельстван-сетнень пингстэ явовить эрьва кодат смусть:

— таркань. Тень пингстэ кандовиця валось — наречия: *чачомс тесэ, кепетемс верев* или существительной: 1) косвенной падежень формасо: *молемс паксяв, оймсемс велесэ*; 2) валмельгакс марто: *касомс кудонтнень вакссо, аштемс ломантнень ютксо*;

— шкань. Кандовиця валось — 1) валмельгакс марто существи-тельной: *прядызе обедтэ мейле* или 2) наречия: *туемс чить, свал арсемс*;

— тувталонь-целень. Кандовиця валось — 1) валмельгакстома или валмельгакс марто существительной: *нувсемс сиземадонть, модемс пан-го мельга*; 2) инфинитив: *самс чиямо*; 3) деепричастия: *кенярдомс ва-нозь*;

— ламочинь. Кандовиця валось — наречия: *пшкадемс кавксть, ала-модо виздемс*;

— уликчинь. Кандовиця пельксэсь невтьсы тевтееманть уликчинь ёнксонзо, конась содавтови: 1) тевтеемань ладонь наречиясо: *мазыйтэ морамс, стакасто лексемс*; 2) компаративень формасо существительной-сэ: *килеекс кольгемс, тейнемс ломанькс*; 3) деепричастиясо: *модемс кап-шазь, варишамс пейдезь*.

Валсюлмавкстнэ, косо прявт валось прилагательной (адъективной валсюлмавкстнэ)

Адъективной валсюлмавкстнэсэ прявтонь валось — прилагательной. Эйсэст прилагательноеентень кандовиця валокс аравтовить:

1) существительнойть: а) косвенной падежень формасо: *ривезде ёжов* (аблатив), *сюнав модасо* (инессив), *дока тевс* (иллатив); б) *валмельгакс марто*: *поки ялганзо коряс, берянь шумбрачинть туртов, артовксонтъ эйтэ ашо*;

2) местоименият (личнойть): *сондензэ превей, тондетъ мазый*;

3) ламочинь наречият: *тунь вишкине, пек покиш, цють сэрей, ала-модо питней*;

4) инфинитивесь: *шождыне лексемс, паро кортамс*.

Валсюлмавкстнэ, косо прявт валось наречия (адвербиальной валсюлмавкстнэ)

Адвербиальной валсюлмавкстнэсэ прявт валось — наречия. Сонензэ кандовиця валокс аравтовить:

1) существительнойть: а) косвенной падежень формасо: *тейтерентень визькс* (датив), *нармунде бойкасто* (аблатив); б) *валмельгакс марто*: *велентъ эйтэ васоло, вейсэ ялга марто*;

2) местоименият (личнойть): *сондензэ куруксто, минденек икеле, монень стака*;

3) ламочинь наречият: *аламодо кувать, пек састо, вельть маря-виксстэ*.

5 §. ВАЛСЮЛМАВКСОНЬ ПЕЛЬКСТНЭНЬ ЮТКСО СИНТАКСИСЭНЬ СЮЛМАВОМАТНЕ-КАНДОВОМАТНЕ ДЫ СЫНСТ НЕВТИЦЯ ЁНКСТНЭ

Валсюлмавксонь пелькстнэ аштить эсь ютковаст сюлмавомасо-кандовомасо, конат теевить неть пелькстнэнь лексикань смустест ды грамматикань формаст лангс ванозь. Тень коряс явовить колмо кужонь смустень сюлмавомат-кандовомат: атрибутивенъ или определительнойть, объектэнь ды обстоятельствоань.

Атрибутивентенетне эрсить сеть валсюлмавкстнэсэ, косо кандовиця валось аравтови прявт валонтень кода определения: *ялгань вал, певтеме ки, чувтонь кудо*. Истят сюлмавоматне-кандовоматне эрсить васняк субстантивной валсюлмавкссо, косо прявт валось невти предмет, а кандовицясь — предметэнтъ уликсчинзэ (признаконзо). Тень пингстэ явовить истят смусть:

— азорксчинь: *авань валозо, монь книгам, сонзэ ялгазо*;

— таркань: *веле удало леесь, икеле кудось, куншкасо тарка*;

— шкань: *чокшнень пиземе, кизэнь ве, телень якшамо*;

— мезень-бути улемань или арасьчинь: *вальма марто кудынесь, питне-теме казне*.

Кандовиця валокс атрибутивенъ сюлмавоматненъ-кандовоматненъ пингстэ эрсить:

1) *валмельгакс марто* ды сынстемест существительнойть: *викишевкс марто нардамот, потмаксто моменль*;

2) прилагательнойть: *вадря ломань, чувтонь кудо, кишинь койме*;

3) числительнойть: *кавто ялгат, васенце ёвтамо, сисемика читъ*;

4) местоименият: *сонзэ патязо, лия оршамопель, эрва ломанесь*;

5) причастият: *вечкевикс цёра, соказы пакся, авардиця эйкакш*;

6) наречият: *васоло вирь, удало пире, вере улыця*;

7) инфинитивесь: *мель тонавтиемс, арсема молемс, шка туемс*.

Объектэнь сюлмавоматне-кандовоматне эрсить истямо валсюлмавкссо, косо кандовиця валось аравтови прявтонсентень кода объект. Сынъ вастневить глаголонь валсюлмавкссо, косо прявт пельксэнтень — глаголонтень, аравтовить:

1) эрва кодамо падежень формасо существительнойть (виде ды аволь виде объектэнь смустьсэ): *ловномс книга* (номинатив-аккузатив), *учомс ялгань* (генитив-аккузатив), *молемс бабанень* (датив), *кортамс тевде* (аблатив), *сёрмадомс порсо* (инессив);

2) местоименият: *тердемс сонзэ, кучомс эрванень*;

3) числительнойть: *пеемс кавоттнень, полдамс колмотнень*;

4) субстантивированной валт: *мелявтомс сыретиезде, содавтомс ловныцятнень, максомс васенцентень, муемс лиятнень*;

5) инфинитив, конась малавикс номинативень-аккузативень формантень: *кандомс симемс, максомс копордамс, вешемс ярсамс*.

Лиясто истят сюлмавоматне-кандовоматне эрсить адъективной (сэрей *ялгадонзо, тондетъ превей*), адвербиальной (*маласо леентъ эйтэ, веле-дентъ васоло*) ды субстантивной валсюлмавкссо. Меельцетнестэ васняк нолдавить сетне, косо прявт валось глаголсто теезь существительной: *вишкинетнеде мелявтома, ютазгентъ арсемат, пирень кочкома*.

Обстоятельствоань сюлмавоматне-кандовоматне теевить сеть валсюлмавкстнэсэ, косо кандовиця валось аравтови прявтонсентень кода обстоятельства. Сонензэ путовить обстоятельствоань кевкстематне. Истят сюлмавоматне-кандовоматне эрсить:

1) глаголонь валсюлмавкстнэсэ, секс мекс весе обстоятельствоань смустне кандовить кодамока тевтеемантень. Тень пингстэ явовить:

— таркань невтема: *ютамс вирьга, лисемс кудосто, ардомс велев*;

— шкань невтема: *стямс обедстэ, туемс чокшине, сыргамс валске*;

— тевтеемань ладонь: *чиемс бойкасто, тонавтнемс вадрясто*;

— бажамонь (целень) невтема: *сась лездамо, молемс оймсеме*;

— тувталонь невтема: *каземс важодемань кис*;

2) прилагательноеень (адъективной) валсюлмавкстнэсэ: *вельть сэрей, цють валдо, пек покиш*;

3) наречиянь (адвербиальной) валсюлмавкстнэсэ: *пек васоло, овсе маласо*.

Нетъ сюлмавоматне-кандовоматне ёвтавить васняк глаголтнэнь ды наречиятнень (эрымс *сюнавсто, важодемс ветъ*), глаголтнэнь ды таркань, шкань невтиця существительнойтнень ютксо. Тень пингстэ суще-

ствительнойне сайневить кода валмельгакс марто, истя сынместемкак (укомс пакясто, ловномс чокшне ланга, чумондомс темень кис).

Валсюлмавокссо вастневить истят сюлмавомат-кандовоматкак: 1) кандовица валось ашти прявтонсентень объектэккак, обстоятельствокаккак. Истятнэнь мерить объектень-обстоятельстввань сюлмавомат-кандовомат: ютамс (кува? мезенть трокс?) лееить трокс; 2) кандовица валось саеви и кода определения, и кода объект. Истятнэ муевить падежень примыканиянть пингстэ: сёвоньстэ чакш (чакшось кодамо? ды мезестэ?), пандошка цёра (цёрась кодамо? ды мезешка?).

Сюлмавомань-кандовомань невтиця ёнксокс саевить: 1) валонь молема лувось, 2) кандовица валонть грамматикань формазо, 3) сонсь кандовица валось.

Валонь молема лувось — истямо ёнкс, конань пингстэ валтнэ валсюлмавокссо аравтовить эрявикс таркава. Те келень ёнксось саеви атрибутивень сюлмавоматнень невтемстэ субстантивной валсюлмавокстнэсэ, конатнесэ кандовица валось аравтови прявт валонть (существительной) икелев, ды сонзэ тарказо а полавтови: ванькс киякс, од ломань. Полавтындеряви валонь молема лувось, полавтовить сюлмавомань-кандовомань ёнкстнэяк: атрибутивенсетне теевить предикативнойкс: кияксось ванькс, ломанесь од.

Кандовица валонть грамматикань форманзо вельде невтевить объектень, обстоятельстввань сюлмавоматне-кандовоматне, зярдо истямо валокс саевить эрва кодамо падежень формасо существительнойть, местоименият, субстантивированной валт, лиякс меремс, полавтневица кортамо пелькст: сёрмадомс ручкасо, эрямс вирьсэ, туемс сонстемэнзэ, вастомс морыцянть.

Сонсь кандовица валось ашти сюлмавомань-кандовомань невтицякс, зярдо истямо валокс саевить а полавтневица кортамо пелькст ды формат: наречият, причастият, деепричастият, инфинитивсь: эрямс маласо, капшазь молема, вешемс ярсамс, молема лездема.

6 §. ВАЛСЮЛМАВКССО СЮЛМАВОМАНЬ КУЖОТНЕ

Келень наукасонть явовить синтаксисэнь сюлмавомань колмо кужот: вейспрамо (согласования), аравтома (управления), нежедема (примыкания).

Вейспрамось (согласованиясь) — сюлмавомань кужо, конань пингстэ кандовица валонть формазо вейсэндя прявтонь валонть форманзо марто: те кудось — неть кудотне, се велесь — сеть велетне.

Вейспрамось (согласованиясь) тевс нолдави лавшосто. Сон вастневи: 1) субстантивной валсюлмавокстнэсэ, косо кандовица валокс аштити невтиця или определительной местоименият, конатнень улить вейкенъ ды ламонь числань формаст. Вейспрамось тесэ ютавтови числасо: истямо ломанесь — истят ломантне, те ломанесь — неть ломантне. Шкань ютазь алка ды кувака кудосонть кепететсь вайгелень истямо шалт, нотай марявь орта вакссо ванстыця стрелецтнэнь (К. Абрамов);

2) подлежащеенть ды сказуемоеенть ютксо, косо вейспрамось моли лицава ды числава: валы пиземе — валсть пиземеть; бути сказуемое невтезь аволь глаголсо, вейспрамось аняк числасо: чись пси — читне пситъ. *Ветямо* *Ветяца, ветевыца*

Аравтомась (управлениясь) — истямо сюлмавома, конань пингстэ прявт валось веши кандовица валонть пельде эрявикс форма: сёрмадомс сёрма, сёрмадомс аванень, сёрмадомс ялаго, сёрмадомс ручкасо, сёрмадомс кудов, сёрмадомс доскас.

Прявт валокс те сюлмавоманть пингстэ эрсить: 1) существительнойть: верьгиздэ пелема, кстыйс молема; 2) глаголт: молема паксяв, ловномс книга; 3) прилагательнойть: ривезде ёжов, вармадо виев; 4) наречият: ломанде визькс, седейсэнъ апаро, конатненень кандовицякс саевить полавтневица кортамо пелькст: существительнойть, местоименият ды существительнойть смустьсэ саезь весе лия кортамо пелькстнэ.

Валтнэнь ютксо, конат вейсэндязь те сюлмавомасонть, невтемапелекс кармить улема кандовица валонь грамматикань форматне — падежень суффикстнэ, валмельгакстнэ.

Аравтомась — прявт валось существительной (присубстантивной управлениясь)

Присубстантивной аравтома (управления) марто валсюлмавокстнэсэ ёвтывать эрва кодат сюлмавомат-кандовомат, а кандовица валтнэнь полавтовить эрявикс падежень суффикст.

1) Саевиндеряй прявт валокс тевтеемань лем, кандовицякс аравтови аволь невтемачинь полавтнемань номинативень или генитивень формасо существительной: номинатив — киякс шлямо, генитив — кияксонь шлямо. Истят валсюлмавокстнэсэ ёвтави виде объектень смуть;

2) те сюлмавоманть пингстэ саевить дативень форматнеяк. И. Шумилкин сёрмады баснянзо аволь секс, мекс потмозо пешксе эрямонть лангс кежде ды ломантненень а вечкемадо (Г. Горбунов);

3) аблативесь. Ютазде ёвтнемакс сон (эпосось) тейневи теде мейлень сыметненъ-буетненъ мельсэ-арсемасо (А. Шаронов). Кандовица валокс тесэ саезь субстантивированной причастия;

4) инессивесь. «Вай, Лидя, цёрат а садави тең. Кодамо мазый, сэрей!» — шныя вакссонзо мизолдыцянтъ (Сятко). Прявт валокс невтезь валсюлмавоксонть саезь субстантивированной причастия, инессивень формасонть ашти валмельгакс, кона ютась местоимениянь таркас. Истят теевктнэсэ ёвтывать атрибутивень сюлмавомат-кандовомат.

Аравтомась — прявт валось глагол (приглагольной управлениясь)

Сехте кеме тарка сайт валсюлмавокстнэ, косо прявт пельксэсь ёвтазь глаголсо. Те сюлмавомась эрси валмельгакстома ды валмельгакс марто. Зярдо истямо валсюлмавоксонть арась валмельгакс, сестэ прявт валонть мельга аравтовить:

1) номинативесь. Сэнелька лейнесь укссь пиземесэнтъ таргазь олгот, тарадт, галань толгат ды чейть (А. Доронин);

2) генитивесь. *Июлень маней читне кенярдовтсть колхозниктненъ сюронъ чачомасо...* (В. Коломасов);

3) дативесь. *Тундось ломантненень сюнав казнетъ явшесь: сыретненень — кувака пингть, одтнэненъ — вечкема...* (А. Доронин);

4) аблативесь. *Атаясь мольсь апак капша, ваннось певтеме розъ паксянть лангс, кона те шкастонть зэхельстэ лымбась чевте варминедеть* (В. Коломасов); *Те пизёлдонть ярсынъ колонъгеменьшка иеде икеле ды се танстентъ те шкас маряса кургопотсон* (А. Петайкин);

5) инессивесь. **Велесэнтъ истя кортнекишнестъ:** *уцяскатненъ Верепазось сисемеце менельстэнтъ явши* (А. Доронин); *Воеводась чатьмонсь ды кедьсэ партнесь чамастонзо кельме ливезентъ* (К. Абрамов). *Содазь, эрва падеженъ ули зярья смустензэ. Инессивсэяк существительнойтне сайневить эрва кодамо смустьсэ. Саемга, васенце валрисъмесэнтъ ётэви тарканъ смусть, омбоцесэнтъ — тевтееманъ кедьёнсонъ;*

6) элативесь. *Эрямонъ чувтстонть ливтитъ читне лопакс, прыть вейкенъ-вейкенъ...* (А. Арапов). *Те валрисъмесэнтъ элативесь невти тарканъ смусть. Теде башка, сон невтекшни шканъ смустькак. Кода эзь музгорде телесь, но апрелень васенце читнестэ савсь тензэ туюмс* (В. Коломасов);

7) иллативесь. *Кудазорось понгавтызе картинанть неявома таркас ды секе тев ваньылъ лангозонзо, потмова абунгалиль мазычизэнзэ* (П. Ключагин);

8) лативесь. *Сеедьстэ тарканъ смусть марто. Ки чиресэ кишти, келейгали селей, празь лопанъ фатасо аволи пертьпелев* (А. Куторкин);

9) пролативесь. *Апак потомда вальма варяванть ушосто эшксь варма зэхель, кандсь мартонзо чокишенъ эшке* (К. Абрамов);

10) транслативесь. *Пельсвачо, пельситапо эйкакштингесь сонзэ (Ключагинэнъ) туртов эрямонзо перть кадови така онокс...* (Р. Щанкина);

11) абессивесь. *Исследовательтне умок састъ мельс: фольклор-томо вейкеяк од литература аволь чачо* (Г. Девяткин).

Валмельгакс марто глаголонъ аравтоманть пингстэ тевс нолдавить номинативень, генитивень ды аблативень форматне: *шаштомс столь вакссто, лисемс чувтонть удалдо, кортнемс ялга марто, самс ломанде икеле*. Истямо аравтоманть пингстэ явовить номинативень эрва кодат смусть:

— тарканъ. Тесэ келейстэ тевс нолдавить истят валмельгакстнэ кода ало, ланга, лангсо, лангов, вельксэ, икеле, потсо, удало, эшкс ды дият. *Ломанесь — нармунъ, кона эсь мельтнесэ ливтни менельга, сонсь яки мода ланга* (А. Доронин);

— шканъ. Саеви ланга валмельгаксось. *Сеедьстэ сынъ вастневкишнестъ, чокине ланга яксестъ вейсэ улыцява, ванность кинофильмат, театрасо спектаклят* (А. Брыжинский);

— вейсэчинъ. Сеедьстэ тевс нолдави валмельгаксось марто. — *Вельксэнтъ ды ловсонть сахар марто човоряса, мейле путовтса кельме мацтс — ды вана тетъ тантей каванямка* (А. Доронин).

Валмельгакс марто глаголонъ аравтоманть пингстэ вастневи зярья смустьсэ генитивесь:

— тарканъ. Тесэ тевс нолдавить валмельгакстнэ лангов, ланга, лангсо, трокс, перька, пачк. *Князентъ лангсо улынесъ кувака якстере оршамо, плашнянзо сиянь, цитнить мештеизэ келес* (К. Абрамов);

— шканъ. *Курок ломантне кармасть содамо идемевсте атянтъ тандадомонзо, пингензэ перть лангсонзо раксестъ-згийастъ* (П. Госткин);

— объектэнь смусть. **Ацирьгадоманть эйстэ сон** (Наста) *мик сускизе эсь турванзо — тень эйсэ спартнесь ойментъ шождалгавтомс...* (В. Коломасов).

Валмельгакс марто глаголонъ аравтоманть пингстэ аблативесь вастневи седе сеедьстэ шканъ смустьсэ, конанъ невтьсызъ мейле, икеле валмельгакстнэ. *Тундонъ видемаптненъ прядомадо мейле тикше ледемантень кадовкиность малав ниле недлят* (В. Коломасов).

Келейстэ тевс нолдавить валрисъметь, косо вастовить прономинализациянь пачк ютазь валмельгакст. Сынъ сайневить эрва кодамо падеженъ формасо. *Ней сынст, Кучавтненъ, ве паксяст кадовсь, лангстонзо сюродонть ламо а саят* (А. Доронин). *Пешкедсь вакссон цёковдо садпиресь, нолси чамам налксиця вармась* (А. Зиньков).

Кода нетяно, эрзянь кельсэ присубстантивной ды прилагательной аравтоманть пингстэ глаголтнэнь ды существительнойтненъ вакссо аштитъ некесть жо падежтне некесть смусттненъ марто. *Содазь, падеженъ смустезэ ашти зависимоекс прявт валонть лексиканъ смустензэ эйстэ.*

Зетлемо ветисъс
Аравтомась — прявт валось прилагательной (приадективной управлениясь)

Прилагательноеентень кода прявт валонтень аравтовить аволь ламо падеженъ формат. Те толковави сонзэ смустьсэнзэ: сон седе сеедьстэ ашти кандовиця, толковиця, аволь прявт валокс: *эрыза пидемасо, сюнав ярмаксо*. Истямо аравтомась эрси валмельгакстома ды валмельгакс марто. Сонзэ пингстэ сайневить истят падежть:

1) генитивесь. *Сон (эпикась) сюнав кода мифологиянтъ, истя историянтъ ёндояк* (А. Шаронов);

2) аблативесь (аволь виде объектэнь смусть марто). *Молинъ те аволь шождыне, аволь валая ды теке марто мельстуиця, тевде пеишке кияванть колонъгеменде ламо иеть* (Н. Видяз);

3) аблативесь (сравнениянь смусть марто). *Панов бояронть горбун управляющеэзэ, кона вень удомат а соды — сонсь прок сельмевтеме нармунъ — кавалдонть виев ды кавалдонть кежев* (А. Куторкин);

4) инессивесь (тарканъ смусть марто). *Тюремасо сон виев ды кол, душман лангс машты нолдамо тол* (П. Любаев).

Зетлемо ветисъс
Аравтомась — прявт валось наречия (приадективной управлениясь)

Приадективной (принаречной) аравтомась вастневи чуросто: *кудонть эйстэ маласо, тондетъ бойкасто, рана валске, нек парсте*. Наречиятненъ вакссо аштекишнить лицанъ смусть марто дативень форматне.

Те сеедьстэ эрси вейке прывт пельксэнь лицянь а нейтия валрисьмесэ, косо прывт пельксэсь, сказуемоесь, нейтия предикативень наречиясо (категориянь состояниань валсо): *эйкакшонтень стака, монень аволь вад-ря. Мариянень икелеяк вирьсэнть ульнесь паро, ней сон кармась вечкемензэ прок оянзо* (М. Брыжинский).

Теде башка, предикативень наречиятнень пингстэ сайневить существительнойть аблативень формасо. *Ялатеке мартот туян, а кадован... ломанде визькс* (М. Моторкин).

Аблативесь саеви таркань, тевтеемань ладонь наречиятнень пингстэ-як. *Вакскап ютыцясь курок ёматотсь лепеденть авасоло касыця сэрей каль куротнень экиш* (П. Ключагин); *Чевте киведе бойкасто солан, кеме репскеде куроксто пиян, пекишень чевнеде нулкасто палан...* (А. Куторкин).

Нежедемась (примыканиясь)

Нежедемась (примыканиясь) — те истямо сюлмавома, зярдо кандовиця валось прывтонсенть марто сюлмави ансяк смустень коряс. Грамматикань сюлмавомань лия невтемат арасть, секс мекс прывт валонтень кандовить а полавтневиця кортамо пелькст.

Нежедеманть (примыканиянть) вельде сюлмавить валтнэ истямо вал-сюлмавоксо:

— **субстантивнойтнесэ**, зярдо существительноеентень кандови:

1) абсолютной формасо существительной: *карькс ведьме, лисьма курго, пазава угол*. Истят теевкстнэс нейтивить атрибутивень сюлмавома-кандовомат. *Тапавсь, мерькавсь эрямозо (Лёсань) од шкава, эзь сато ку-вать потмо толозо* (Ф. Чесноков). 2002-це иестэ нолдазь «Вейсэ, башка, теишкс вельде» валкссонтень ламо истят форматне сёрмадовить вейсэ: *ловишумо, письмаркудо, тумолопа*. Ансяк минек кельсэ сынст улема-дост ялатеке эряви кортамс.

Абсолютной форманть вельде нежедеманть пингстэ нейтивить эрва кодат сюлмавома-кандовомат: а) материалнэнь кандовома, конасто теезь предметэсь. *Паксятне сельме икеле пижелгадсть, сюротне канстенъ сэръ кепететсть, коштось качадсь партемкс сэпштьсэ* (А. Доронин); б) тарканень кандовомат. *Палсь тундонь баягакс Лёсань чамазо. Вирь чине качадсь эйтэнзэ* (Ф. Чесноков).

2) Существительноеентень кандовить эрва кодамо кужонь прилага-тельнойть. Качественнойне кандыть истят смусть:

— тусонь. *Кудыинть вальмало кулов пульсэ экишелить саразт, вакссост ве пильгензэ лангсо нувси раужо атякшось* (А. Куторкин);

— покшолмань. *Олгсо вельтязь покиш кудост пешксе ломанде: шабрат, ялгат, малавикст, эйкакшт, покиш* (Н. Видяз);

— ломанень иень-пингень шкань. *Теке жо чистэнтъ Прокопычень нуцкянтъ марто вейсэ тусть армияв ещё капто од цёрат* (В. Коло-масов);

— танстенъ. *Весе эрямостон сехте валдо, сехте тантей ледст-немакс кадовсь эйкакшпингем* (В. Арапов);

— ломанень ды ракшань ёжомарямонь, обуцянь ды прыветямонь ёнк-

сонь. *Пандонтъ лангсто сон (Зосим) сеске редизе пенгень кирдема латонтъ ды чарькодсь: лавио ломанесь тесэ эрямсто а цидярдъ* (А. Доронин);

— пертьпельксэнь ёнксонь. *Ансяк чинь налтнэ кекишевсть пельт-нень экиш, зэрькстась пурьгине ды тусь виев пиземе* (М. Тарасова).

Нежедеманть (примыканиянть) пингстэ относительной прилагатель-нойтнеяк саевить эрва кодамо смусть марто: материалонь невтемань: **по-нань цюлкат**; таркань невтема: **вирень ярсамка**; шкань невтема: **тундонь валске**; раськенъ, национальностень, цёра-, аваломанень ёнксонь невтема: **эрянь тейтерь, авань оришмопель**. *Пиземетнесэ ичезь кевень стенатнес тикше видьмекскак а педиль* (А. Доронин); *Мос-ковонь инязорось ушодсь эрянь велетнень эрицянек-мезнек явшеме бояронзо туртов* (К. Абрамов).

3) Нежедеманть вельде субстантивной валсюлмавоксо существитель-ной марто эрсить сюлмазь эрва кодамо кужонь числительнойть:

— ламочинь. *Сон (Ёга) пачкодсь каль куронтень, капто кедьсэ кундась тарадозонзо ды лепиязь таргсесь оймензэ* (П. Ключагин);

— малавикс ловомань. **Каптошка читъ теде мейле** (Сергей) эзь яка библиотекав (М. Брыжинский).

4) Азоркчинь, нейтиця, определительной, возвратной местоименият: *монь ялгам, се ломанесь, истямо тевесь, эсь прязо. Те чистэнтъ ильтнильть ве ёндонь инжетнень, «витнильть» сэредиця прятнень* (В. Арапов); *Полян морамонь ёрокчизэ покшоль: эрва валось ойме-коштсо эждазь...* (В. Горбунов).

5) Причастият: *каладозь изамот, морыця тейтерь, соказь пакся, вечкевикс цёра. Якшамосо наряжазь вальматнень томбале феврал-ень кумболдыця валскесь цяторсо пакиштордсь* (А. Доронин).

6) Инфинитив: *мелезэ содамс, мель тонавтнемс. Тишаень арасель мелезэ туемс экиш таркастонть, ледемадонть сизесь нуцк-пачк, чулксетить весе кедензэ-пильгензэ* (К. Абрамов).

7) Наречият: *васоло вирь, парсте кунсоллома, гайтевтэ ловнома. Ламо иеть вепеле роботазь, Максим тонадсь кудонь чапомо, ашконь стамо, сюронь кастомо ды скотинань трямо...* (В. Горбунов).

Нежедемась кода сюлмавомань ёнкс вастневи глагольной валсюл-мавокстнэсэяк, зярдо глаголонть кандовиця валокс путовить наречи-ясь, деепричастиясь, инфинитивесь. Тесэ нежедемась а карми зависимоекс валонь молема лувонтъ эйстэ.

Наречиянть глаголонть нежедеманть пингстэ теевить обстоятельст-вань эрва кодат сюлмавома-кандовомат:

1) тевтеемань ладонь. *Весе покичитнень (покишнянок-бабанок) теишкестъ келейстэ, сюпавсто — пурсь лейкс чудезэ, сто-лесь ярсамопельтнеде стака улезэ* (В. Арапов);

2) тевтееманть уликсчинь питнень максомань. *Яхим кежейстэ вар-ишась нинть ёнов* (В. Коломасов);

3) таркань. *Сон (Володя) варишась удалов, ансяк виев кандыло-вонтъ экиштэ эзизе нее аванзо...* (М. Брыжинский);

4) шкань. *А. Д. Куторкин — минек писательтнень ютксто вейкесь, кие эсь творчествань теманть зярдояк эзь полавтне* (А. Доронин);

5) тувталонь. Тынь илядо арсе, што сон (Яхим) монень шабра ды секс мон сонзэ кис **аштян** (В. Коломасов);

6) онкстамонь ды степенень. Мекс рузонь аватне а кандтнить пулайть? Пулаесь **вельть мазылгавтовлизе** од аванть рунгонзо (К. Абрамов);

7) бажамонь (целень). Колазь ёжонь **пансемга** Григорь Мироныч лиссь кудыкелев, косо удось Охонька, лоткась тарканть пес (А. Доронин).

Теде башка, вастневить валсюлмавкст, косо глаголтнэнь пингстэ чарь-кодевица валокс сайневить невтевксэнь-марьявксонь наречият, конат те-ить ломанень ёжомарямонь невтемат, максыть неявиця тевтеемань невте-мат. Апак учо Володянь седеезэ **тарск тейсь**: марьявь, *буто мото-*рось кармась роботамо лиякс (М. Брыжинский); Инжесь шаштызе Верушонь — тона эль эзь пра — автордызе кедьстэнзэ пенченть, **лоцьк озась тарказонзо** ды чатьмонезь кармась ямдонть амолямо (Н. Видяз).

Деепричастиянь вельде, кода содатано, невтевить глаголсо-сказуе-мойсэ ёвтазь тевтееманть или аштема-улемачинть ёнксост. Зярдо деепри-частиясь путови глаголонтъ ваксс, сон невти поладомань ёнкс, седе се-едьстэ шкань, способонь, качествань лангс. Чудикерькстнэ **шольнезь-пейдезь ведест пандалов кевердить** (П. Ключагин).

Нежедеманть вельде сюлмавить глаголосъ ды инфинитивесь. Те эрси глаголонтъ стакалгавтозь сказуемойсэ. Ансяк теде икеле Витя ялатеке иешка **арсесь** косоак **роботамс**. **Спартнесь варчамс** строицянть теветъ танстензэ (А. Брыжинский).

Глаголонтъ пингстэ инфинитивесь аштекиши тевтеемань объектэкс. Тесэ сон сави аволь ансяк **-мс** прявт суффиксэнзэ марто, но **-мо**, **-ме** суффикстнэнь мартояк. **Терявтнесь налксеме** (Захар) нуцьканзо мар-то, конат *сеедьстэ варитнестъ бодяст ёнов*, ансяк аламодо *пельстъ* эйтэнзэ (Ю. Кузнецов). Инфиитивесь сайневи тевтеемань целень не-втемань туртовгак. Корнилий **путьзась озномо**, князесь ютась вальма малас ды кармась мельганзо *ваномо* (А. Доронин).

Нежедемась вастневи **адъективной** валсюлмавкстнэсэяк, косо прилагательноентень кандовкшнить наречият, местоименият ды инфинитивесь. Зярдо цятны **пек якишамо теле**, сонзэ эйтэ овсе иля пеле... (П. Любаев).

Пек чуросто нежедеманть пингстэ наречиясь кандови наречиянтень. Тесэ теевить **адвербиальной** валсюлмавкст шкань, онкстамонь, уликс-чинь ёнкс марто. Ратор ошо *аштемстэ Осипов атаманонтъ перька ломантнеде промсть* **вельть ламо** (К. Абрамов).

Нежедеманть вельде сюлмавить кемекставозь валсюлмавкстнэ прявт валтнэненъ, конатнень функциясо эрсить глаголт ды существительнойть. Пизёлкинэнь эйтэяк *азорось редясь истямо ломань, кинень мерить «автенъ курго»* эли *«аволь васолга чавиця»* (Р. Щанкина); *Микита атянь теке лакиведьсэ валызь, кириявтсь таркастонзо ды тижэ-ожо вайгельсэ рангстась...* (П. Госткин).

Эрзянь кельсэ вастневить формат истямо сюлмавома марто, конан-тень лия кельтнесэ мерить **падежень примыкания**. Те сюлмавоманть

пингстэ существительноеень или субстантивированной кортамо пельксэнь косвенной падежень формась а карми зависимоекс прявт валонтъ лекси-кань ды грамматикань смустензэ эйтэ.

Истямо сюлмавомасть малавикс нежедемантень (примыканиянтень), ансяк явови сеньсэ: кандовиця валокс падежень примыканиянтъ пингстэ эрси валмельгакс марто или сонстемензэ существительной. Те сюлмаво-мань типесь малавикс аравтомантеньгак (управлениянтень), ансяк тесэ кан-довиця валось аволь истямо эрзявикс, кода аравтоманть пингстэ.

Падежень примыканиянтъ коряс седе сеедьстэ теевить субстантивной валсюлмавкстнэ: *пацясо ава, сёвоньстэ чакш, потмакстомо менель, пан-дошка цёра*. Маряви: истят валсюлмавкстнэсэ ютась адъективациянь про-цессэсь, ды падежень формасо существительнойтне неявиць прилагатель-ноекс. *Превезень сон (крещениясь) кадовсь алашасо ардтиемакс* (В. Арапов).

7 §. ВАЛРИСЬМЕСЬ ДЫ СОНЗЭ ПРЯВТОНЬ ЁНК СОНЗО ВАЛРИСЬМЕСЬ КОДА СИНТАКСИСЭНЬ ЕДИНИЦА

Валрисьмесь — грамматикань ды вайгельксэнь коряс теезь синтаксисэнь единица, конань вельде ломанесь тейсы эсензэ арсеманзо ды пачта-сы сонзэ лиянень. Грамматикань единицатнень ютксо сон ловови сех покшокс; весе лиятне (морфемась, валось, синтаксисэнь курось) улиць сонзэ пельксэкс.

Валрисьменть вельде келесь топавты эсензэ сех покш тевензэ (функциязо) — коммуникативностень, лиякс меремс, сон ашти ломантнень ютксо кортамонь ёнксокс. Саемга: *Адя ютатано мартот Иванбиё велеса* (Д. Надькин); *Чачома край, тиринь мастор, эжди эйсэнь лембе седсет* (П. Гайни). Мик сестэяк, зярдэ валрисьмесь ашти ансяк вейке валсто, сон явови валонть эйстэ эсензэ смустензэ ды кортамос тевензэ коряс. Саемга: *Сёксь. Ушосонт кизэнь лембе* (Н. Видяз). (*Сёксь* валрисьмесь ёвтави прядозь вайгельксэ, невти прядозь арсема ды канды эрямочинть марто сюлмавома).

Неень шкань келень литературасонть валрисьменть ванномазо-тонавт-немазо моли колмо ёндо (аспектсэ): теевемань (структурань), смустень (семантикань) ды коммуникативностень. *Теевемань (структурань) ёндо* тонавтомась ваннэ валрисьменть предикативной юронзо невтеманть, совавты эсензэ эйс структурань схемадо теориянь. *Смустень (семантикань) ёндо* тонавтомась ваннэ валрисьменть эйс максозь потмосмустень (содержаниянь), сонзэ синтаксисэнь, морфологиянь, лексикань смустензэ (семантиканзо). *Коммуникативностень ёндо* тонавтомась ваннэ, кода валрисьмесь эри кельсэнь, кода сон топавты кортамонь ёнксонь тевенть.

Тень лангс ванозь, эрзянь кельсэ валрисьменть явовить истят теевемань-смустень (структурань-семантикань) ды тевень (функциань) ёнксонзо: 1) кирди предикативностень смустень; 2) карми прядозекс вайгельксэнь (интонациянь) коряс; 3) невти прядозь арсема; 4) пельксэнзэ (компонентэнзэ) вейсэндязь грамматикань коряс.

8 §. ПРЕДИКАТИВНОСТЕСЬ КОДА ВАЛРИСЬМЕНЬ ПРЯВТОНЬ ЁНКСТНЭСТЭ ВЕЙКЕСЬ

Предикативностесь — грамматикань категория, кона теи валрисьменть ды невти сонзэ потмосмустень (содержаниянь) сюлмавомаanzo алкуксонь эрямочинть марто (кортыцянь мелензэ-бажамонзо коряс).

Валрисьмесь — те келень сехте вишкине единица, конась канды пре-

дикативностень смустень. Валось ды валсюлмавоксось эсест эйсэ истямо смусть а кирдить.

Предикативностень невтицякс аштить синтаксисэнь колмо категория — объективной модальнойчинь (синтаксисэнь наклонениянь), темпоральностень (синтаксисэнь шкань) ды персональностень (синтаксисэнь лицань).

Васенце категориясь, кона сови предикативностень лувс, — те объективной модальнойчинь категориясь. Сон невтысь: ёвтавоксось *алкуксонь (реальной)* (алкуксонь факт, эрямонь явления), кона тееви неень, ютазь или сыця шкасто, или *аволь алкуксонь (ирреальной)* (кортыцясь мезе-бути веши, кармавты тееме ды седе тов).

Алкуксонь (реальной) модальнойчи марто валрисьметнесэ (или валрисьмень кодамо-бути предикативень пельксэнь) тевтеемась моли кодамо-бути содавикс шкасто — неень, ютазь, сыця: *Течи ушосонт лембе; Сась мазый тундось; Курок ушосонт манейгады*. Весе неть смустнень тейсынзе синтаксисэнь индикативесь (изъявительной наклонениясь).

Аволь алкуксонь (ирреальной) модальнойчи марто валрисьметнесэ (или валрисьмень кодамо-бути предикативень пельксэнь) тевтееманть молема шказо а содави. Сон чарькодеви ансяк контекстэнь или кортамонь ситуациянь коряс. Объективной модальнойчись истят валрисьметнесэ невти эрвэа кодат смустть:

1) кармавтомань: *Васня андомак, макст тень товсюро, мейле симдемак тонсеть коморсто* (Я. Кулдураксэв);

2) кармавтомань (побудительностень), кона пачтяви кунсолыцянь вельде киненьгак лиянень: *Читъ сон айгортинэнь мельга яказо...* (В. Радаев); *...кандост* тенек ярсамс, *ливтест* мацтсто кельме кумыс (К. Абрамов);

3) тевтеемань, кона топавтови эрявикс вешемань улезь: *Молевлитъ, тейтернем, Натальнень* (К. Абрамов);

4) тевтеемань, кона арсеви лия тевтеемань эрявиксчикс: *Эрявиндеряй мезеяк ёвтамс, ёвтасы кавто-колмо валсо* (К. Абрамов);

5) тевтеемань, кона арсеви прок ютазь шкань апак топавто тевтеема: *Кортындерявлитъ сестэ — умок кучовлинек сёрманть; Мериндеряволь* исяк — саевлинек эйкакшонть мартонок;

6) тевтеемань, кона невти мельс саезь апак топавто тевтеема: *Кармиксэль кортамо — валонзо сеске сезизь; Рамиксэлинек велесэ кевень кудо — ярмаконок эзть сато*.

Неть смустнень невтицякс, васняк, саевить глаголонь косвенной наклонениянь форматне — императивесь (кармавтомань наклонениясь), оптативесь (побудительной наклонениясь), конъюнктивесь (сослагательной наклонениясь), кондиционалось (условной наклонениясь), кондиционал-конъюнктивесь (условно-сослагательной наклонениясь), дезидеративесь (желательной наклонениясь).

Кода несынек, алкуксонь (реальной) ды аволь алкуксонь (ирреальной) объективной модальнойчись кеместэ сюлмавозь глаголонь наклонениянь категориянь марто. Ансяк мельсэ эряви кирдемс сень: наклонениясь — те морфологиянь категория, а объективной модальнойчись — синтаксисэнь категория, секскак сонзэ невтицяно туртов эряви меремс «син-

таксисэнь наклонения». Объективной модальнойчись (синтаксисэнь наклонениясь) морфологиянь наклонениянтэ эйстэ явови истямо ёнксонь коряс:

1. Объективной модальнойчи ули глаголтомо валрисьмесэяк, а морфологиянь наклонениясь кандови ансяк глаголонть кода кортамо пельксэнтень. Саемга: *Телень маней, чамас авториця якшамо чи. Орданьбуень кияванть, кода лиятневаяк, ардтнить ансяк лишмесэ ды якить ялго* (Н. Видяз). Васенце валрисьмесэнтэ, конасонть арась глагол-сказуемой, максови аволь келейгавтозь чарькодема, но алкуксонь эрямочинь явления: ули шканть марто сюлмавома (неень шка), эсензэ эрямонть марто сюлмавома, лиякс меремс, валрисьмесэнтэ явови алкуксонь синтаксисэнь наклонения (сонзэ невица ёнксокс ули ёвтнемань вайгельксэсь, конанень лездьцякс эрсить глаголонть-сюлмавксонть ды предикативень (сказуемостень) суффиксэнь нулевой формаст).

Глаголтомо валрисьмесэ алкуксонь (реальной) модальнойчись неветви валрисьменъ теевемасонть (структурасонть) *улемс, арамс, кармамс, марявомс* ды лия глаголтнэнь-сюлмавкснэнь или предикативень (сказуемостень) суффикснэнь вельде: *Тонавтыцясь вельть одат* (К. Абрамов); *Сакалонзо Ортянь шержевть. Зярд-бути сынъ ульнестъ тонол раужот* (К. Абрамов); *Ансяк весе нетъ моротне аволь истят питцейть, малавикст ды кенярдовтыцят...* (Л. Седойкин); *Ведескак тетъ таштей маряви* (Л. Седойкин). Улемс глаголось-сюлмавксось ды предикативень (сказуемостень) суффикснэ эрсить нулевой формасояк — сестэ сынъ невитть неень шкань алкуксонь (реальной) модальнойчи: *Те а лисьма — эрексия, те медьпрамо — аволь ведъ* (Н. Эркай); *Чокшнесъ опаня ды валдо* (Ч. Журавлёв); *Олодмирэнь князесь вельть виев* (К. Абрамов); *Сынст кудось маласо*. Ютазь шкань алкуксонь (реальной) модальнойчись неветви глаголтнэнь-сюлмавкснэнь ды предикативень (сказуемостень) суффикснэнь ютазь шкань формасост: *Сестэ минъ студентэлинек; Лангсонзолъ (тейтерькиненить) сэнъ тусонъ таштыне платия ды мерьказъ туфлят* (Т. Разгуляева); *Манеель; Чись ульнесъ маней; Сынст кудост маласоль; Колмоце чи Вася фермасоль* (А. Доронин).

2. Аволь алкуксонь (ирреальной) модальнойчись эрси неветзэ:

а) инфинитивсэнтэ, кона ловови глаголонь а полавтневица формакс, секскак ашти башка морфологиянь наклонениянь категориядонть: *Сурсо а токамс! Кадомс эри зярс. Ансяк киненьгак тензэ а пшкадемс, валгак а ёвтамс, малав а модемс, каршо вастомсто, ютамс ваксканзо, сонзэ ёнов мик а варшамскак* (В. Радаев) (инфинитивень форматне невитть кармавтомань смусть марто аволь алкуксонь (ирреальной) модальнойчи: *а токамс* (= илник тока); *кадомс* (=кадынк), *а пшкадемс* (=илядо пшкаде), *а ёвтамс* (=илядо ёвта), *а модемс* (=илядо моле), *ютамс* (=ютадо), *а варшамскак* (=илядо варштаяк);

б) модальной частицатнэнь вельде: *Эрья тынсь, эрзянь цёратне* (И. Прончатов); *Арази те а сонзэ? Тонь ли те?*;

в) вайгельксэнтэ вельде. Саемга, кевкстемань вайгельксэсь, сень лангс апак вано, кодамо наклонениянь формась тевс нолдави, свал невити аволь алкуксонь (ирреальной) модальнойчи: *Ёвтнян тетъ ёвкс? Морат эрзянь моро? Тишай, мекс кувать а сат?* (К. Абрамов).

Объективной модальнойчись валрисьмесэ эрси поладозь субъективнойсэ, кона невтсы кортыцянтэ мелензэ ёвтамонтень: кемема или а кемема, кавтолдома, талнома, кенярдома, ризкс ды седе тов. Саемга: *Пиземесь куроқ прыдови*. Ды: *Паряк, пиземесь куроқ прыдови* (алкуксонь объективной модальнойчись поладовозь субъективной модальнойчисэ, кона невити кавтолдомань смусть). Субъективной модальнойчинь смустне кеместэ сюлмазь кортамонтэ экспрессиянь ды эмоциянь тусонзо марто. Сынъ неветвить башка вайгельксэсь, совавтозь теевкснэнь, модальной частицатнэнь, междометиятнэнь ды келень лия ёнкстнэнь вельде. Саемга: *Пиземе. Пиземе! Ды: Вай, пиземе. Алжукс, пиземе?! Вана те пиземе!* Тешкстама сеяк: аволь весе кельсодыйтне явить объективной модальнойчинь субъективноэнтэ эйстэ. Саемга, рузонь содавикс лингвистнэ Г. А. Золотова, П. А. Лекант ваннать сынст кода вейкине «объективно-субъективной» категория, кона невити эрва кодат модальной смусть (алкуксонь (реальной) / аволь алкуксонь (ирреальной) модальнойчись — вейкесь эйстэст).

Синтаксисэнь омбоце категориясь, конась совавтозь предикативно-стентэ лувс, — те *темпоральностень (синтаксисэнь шкань) категориясь*. Сон невити шканть марто ёвтавксонть смустень уликсчинзэ сюлмавоманть: се, мезде кортави, моли кортамонтэ шкасто, ульнесъ кортамодонтэ икеле, карми улема кортамодонтэ мейле (*Лопатне прыть... — Лопатне прастъ... — Лопатне кармить прамо...*). Темпоральностень (синтаксисэнь шкань) ушодкось — кортамонь шкась.

Алкуксонь (реальной) модальнойчинь марто валрисьметнесэ темпоральностесь (синтаксисэнь шкась) седе сеедьстэ неветви глаголонь индикативень (изъявительной наклонениянь) форматнесэ, конатнэнь вельде сон максы неень, ютазь ды сыця шкадо чарькодема: *Вечкса эсенек кудонтъ* (темпоральностесь неветви *вечкса* глаголонть неень шкань формасонть); *Зярд-бути покштянок-сырькаенек ванстызь те мазычинть минек туртов* (темпоральностесь неветви *ванстызь* глаголонть ютазь шкань формасонть). Сыця шканть, кода содасынек, кавто форманзо — апак стакалгавто ды стакалгавтозь. Апак стакалгавтозесь — те неень шкань формась: глаголонть неень или сыця шкасо тевс нолдамозо чарькодеви ансяк контекстэнь коряс: 1) *Сёрмадан сёрма* ды 2) *Недлечистэ сёрмадан сёрма* (васенце валрисьмесэнтэ *сёрмадан* глаголось невити алкуксонь (реальной) модальнойчинь неень шкань форма; омбоцэсэнтэ — алкуксонь (реальной) модальнойчинь сыця шкань форма (тень лезды чарькодемс контекстэсь). Сыця шкань стакалгавтозь формась тееви кавто валсто: *кармамс* глаголстонть, кона полавтневи лицява ды числава, ды *-мо/-ме* суффикс марто инфинитивсэнтэ: *Си истэнтъ карман тонавтнеме* *кеменце классо (карман тонавтнеме* формась невити алкуксонь (реальной) модальнойчинь сыця шкань смусть).

Аволь алкуксонь (ирреальной) модальнойчинь невица наклонения марто валрисьметнесэ темпоральностесь (синтаксисэнь шкась) седе сеедьстэ содави контекстэнтэ или кортамонтэ ситуациянзо коряс. Истя, императивень (кармавтомань наклонениянь) ды оптативень (побудительной наклонениянь) форматне невитть неень ды сыця шкаяк. Саемга: *Иля удо, тейтернем, сундерьгадозь, а шкастонзо мадитъ, — мерсь Наста* (или

удо арасьчинь формасо глаголонть вельде темпоральностесь максы неень шкадо чарькодема); *Таго сы поки курго овтошь, илядо панжт* (М. Евсеев) (*илядо панжт* арасьчинь формасо глаголонть вельде темпоральностесь максы сыця шкадо чарькодема). Конъюнктивень (сослагательной наклонениянь) форматне максыть кода неень, истя ютазь ды сыця шкадо чарькодема. Саемга: *Келеть сусковлик* (=сускомаль)! (В. Радаев) (ютазь шкадо чарькодема); *Эно лисевлиде* (=лисесе) *ушов — эйкакшт-ненень лексемс а мейсэ* (К. Абрамов) (неень шкадо чарькодема); *Шекшей патяй, кодаяк бу пейдествелимик* (=зярдо-бути пейдевтемак) (М. Евсеев) (сыця шкадо чарькодема) ды седе тов.

Весе лицянь валрисьметнесэ ды валрисьметнесэ, конатнесэ невтевить вейкетстямот (тождестват), максови свалшкадо чарькодема: *Мезе тейт — секень нейт* (Валмеревкс); *Бути шнатоно — сапоньсэ шлята-но, бути сялдтано — сялго сялгано* (Валмеревкс); *Кавтонть кавто — ниле; Колмонть колмоксть — вейксэ*.

Кода несынек, темпоральностесь (синтаксисень шкась) (а седе тов — персональностеськак (синтаксисень лицясь), кода объективной модальнойчиськак, кеместэ сюлмазь глаголонь категориятнень марто, но а улитъ сынст марто вейкетствозекс, секс мекс явовить глаголтомо валрисьмезяк.

Глаголтомо валрисьметнесэ темпоральностесь (синтаксисень шкась), кода объективной модальнойчиськак, невтеви валрисьмень теевемасонть (структурасонть) *улемс, арамс, кармамс, марявомс* ды лия глаголтнень-сюлмакстнень или предикативень (сказуемостень) суффикстнень вельде (неень ды ютазь шкань формасо саезь): *Кодамо мазый мастор лангось!* (А. Моро); *Тон вечкевиксат истямат* (И. Калинин); *Вельть паро улевель...* (К. Абрамов); *Ломанесь сон* (Е. Б. Буртаев) *сэтьмель, лембе седеель* (П. Глухов);

Синтаксисень колмоце категориясь, конась соавтозь предикативностень лувс, — те *персональностень (синтаксисень лицянь)* категориясь. Тешкстасынек, те категориянь предикативностень лувс соавтыть аволь весе кельсодыйтне, тень теить В. В. Виноградов рузонь лингвистэнтъ вановтонзо кирдицятне.

Персональностень (синтаксисень лицянь) категориянь смустезэ ашти сенсьсэ: сон невтьсы ёвтавксонть кинень-бути кандоманзо: эстензэ кортыцянтень (1-це лицясь), кунсолыцянтень (2-це лицясь); лицянтень или предметэнтень, конат а кортыть (3-це лицясь). Саемга: *Мон оймсян; Тон якат ушова; Чись маней; Кортнетяно сы шкань эрямодонть; Чокшине ёнов мольтядо кишинь рамамо; Эйкакштне якасть вирьга*. Персональностень (синтаксисень лицянь) невтицякс улитъ истят ёнкстнэ, кода глаголонь лицянь форматне, личной местоимениятне, валрисьмень теевемань башкачись (саемга, существительнойсэ невтезь подлежащее ули 3-це лицянь невтицякс). Саемга: *Цярмун велень школасонть мон тонавтнинь вейке теле* (П. Глухов) (персональностесь (синтаксисень лицясь) невтевить мон личной местоимениясонть ды глаголонь лицянь формасонть, сынн максыть 1-це лицядо чарькодема); *Менельганть уить вецана пельть...* *Стамбарнэ поверсь чопода пиземе* (К. Абрамов) (кавонест валрисьмет-

несэ персональностесь (синтаксисень лицясь) невтеви подлежащее формасонть, конат максыть 3-це лицядо чарькодема).

Персональностень (синтаксисень лицянь) эрси а содавикс ды вейсэндия смустезяк (истят смусттне эрсить невтезь а содавикс лицянь ды весе лицянь валрисьметнесэ): *Кортазь пеке а пештят* (Валмеревкс); *Сыре озязонть сюва лангс а манясак* (Валмеревкс); *Чокшине кандсть газетат; Ушосонть морить; Кенде велесэ лоткасть лишмень кирдемеде* (А. Доронин).

Истямо ладсо, объективной модальнойчинь, темпоральностень (синтаксисень шкань) ды персональностень (синтаксисень лицянь) категориятне невтиять валрисьмень теевеманзо-смустензэ. Колмонест вейсэ сынн тейсызь предикативностень смустень.

9 §. ВАЛРИСЬМЕСЭ ВАЙГЕЛЬКСЭНТЬ СМУСТЕЗЭ

Прядозь вайгельксэсь — валрисьмень омбоце прявтонь ёнксозо. Сонзэ вельде тееви предикативностесь, панжови валрисьмень кода вейкине кортамонь синтаксисень единицанть тевезэ (функциязо), сонзэ грамматикань смустезэ.

Вайгельксэсь невтьсы: валрисьмесь седе сеедьстэ ашти зярыя эсь ютковасть смустень коряс сюлмавозь валсто ды валсюлмавксосто: *Икелень аштесь эрзянь тиринь велем* (А. Арапов); *Гайгитъ тейтерень весёла, мазый вайгельтне...* (Т. Раптанов); *Цитни, цивторды, кумболды, зорянь паломсто, модась* (А. Мартынов). Теке марто, ёвтындерясынек вейке башка валонть или валонь форманть прядозь вайгельксэ, сонгак тееви валрисьмекс: *Сёксэ...* *Модамартъ таргатано кепе* (Л. Седойкин). *Сёксэ* существительнойнень номинативень (именительной падежень) формазо тевс нолдазь ёвтнемань вайгельксэ, секскак сон теевсь валрисьмекс, кирди предикативностень смустень (невти алкуксонь (реальной) модальнойчи, максы неень шкадо ды 3-це лицядо чарькодема).

Вайгельксэнтъ вельде явови кортамонть целензэ (лякс меремс, коммуникативень тевентъ) коряс валрисьмень кужось, теевить ёвтнемань, кевкстемань ды кармавтомань валрисьметне: *Тундо. Тундо? Аштеде теске. Кунсолодо!* Сонзэ вельде муеви, мезе ёвтавксонть сехте одось: *Тонь сазорот тонавтыця. Тонь сазорот тонавтыця. Тонь сазорот тонавтыця*; невтевить эрва кодат эмоциянь тюст — кенярдома, ризнэма, кавтолдома: *Паро. Паро? Паро?! Паро!* Вайгельксэнтъ коммуникативень ды эмоциянь тевензэ (функциязо) коряс теевсь валрисьмень пенъ вайгельксэнь кужось: ёвтнемань, кевкстемань, кармавтомань, серьгедемань: *Сеель варштась мельганзо, чаравтызе прязно ды кармась пултонь сюлмамо* (Т. Раптанов); *Мирдетъ пельде сёрмат получакишат?* (А. Куторкин); *Ловнынек. Сёрмась вельть паро!* (К. Абрамов).

Вайгельксэнь ёнкстнэ — вайгелентъ верев кепедемазо или алов нолдамо; синтагмань, фразань, логикань вачкодкстнэ; кортамонь ютко шкась (паузасть) ды лиятне — явить синтаксисень теевкстнень (конструкциятнень) синтагма лангс. Тень лангс ванозь, явови ёвтавксонть смустезэ целанек, невтевить валтнэнь ютксо сюлмавоматне.

10 §. ВАЛРИСЬМЕСЭ СМУСТЕНЬ КОРЯС ПРЯДОЗЬ АРСЕМАНТЬ НЕВТЕМАСЬ

Валрисьмень колмоце прявт ёнксо — *смустень коряс прядозь арсемаить невтемась*. Сон невтьсы: мелесь-арсемась ёвтазь, секскак валрисьмень кода кортамонь единицанть тевезэ топавтозь.

Вейкест-вейкест эйстэ валрисьметне явовить кортамсто лоткамосо (паузасо), сёрмадомсто — эрявикс лотксема тешксэ.

11 §. ГРАММАТИКАНЬ КОРЯС ВАЛРИСЬМЕНТЬ ПЕЛЬКСЭНЗЭ ВЕЙСЭНДЯМОСЬ

Валрисьмень меельце прявт ёнксо — *пельксэнзэ грамматикань коряс вейсэндямось*.

Валрисьмень пельксэнтэ смустезэ, сонзэ синтаксисэнь тевезэ неяви лия пелькстнэнь марто вейсэндямсто. Неть сюлмавоматне невтевить истямо грамматикань ёнкс вельде кода валонть формазо, валмельгаксось, валтнэнь молема лувось, вайгельксэсь.

Валрисьмень пелькстнэ явовить кода прявт пелькст (подлежащей ды сказуемой) ды аволь прявт пелькст (определения, дополнения, обстоятельства).

Прявт пелькстнэ (кавонест или вейкесь эйстэст) тейсызь валрисьмень лувонзо, сонзэ предикативень юронзо. Сынст вельде невтевить предикативностень категорияне — объективной модальнойчись, темпоральностесь (синтаксисэнь шкась) ды персональностесь (синтаксисэнь лицась).

Прявт пелькстнэненъ кандовить аволь прявтонсетне. Сынст вельде валрисьмесэнтэ максозь потмосмустесь (содержаниясь) келейгавтови. Эрс истяк, зярдэ смустень коряс аволь прявт пелькстнэ кармить седе эрявця. Саемга: *Оренбургов сась цирк* (М. Втулкин). Тесэ *Оренбургов* обстоятельство — эрявикс аволь прявт пелькс, вейсэ предикативень центранть марто сон сови валрисьмень номинативень минимунтень.

ВАЛРИСЬМЕНЬ КУЖОТНЕ

12 §. МОДАЛЬНОЙЧИНЬ КОРЯС ВАЛРИСЬМЕНЬ КУЖОТНЕ. УЛИКСЧИНЬ ДЫ АРАСЬЧИНЬ ВАЛРИСЬМЕТНЕ

Модальнойчинь коряс валрисьметне явовить кода уликсчинь ды арасьчинь. Те явовомась моли сень лангс ванозь, кода валрисьмесэнтэ ёвтазь арсемась сюлмазь эрямонть марто.

Уликсчинь валрисьмесь невти: се, мезде моли кортамось, алкукскак, эрямосонть ули, ульнесь, паряк, карми улеме. *Арасьчинь* валрисьмесь невти: се, мезде моли кортамось, эрямосонть арась, а тееви, паряк, сон лия, аволь истямо, кодамокс невтеви ёвтавксонть. Истя, *Нусманя читне полавтневсть чопода ветнесэ* (А. Доронин) валрисьмесэнтэ невтеви: *читне* кортамонь предметэсь сюлмазь сень марто, мезе эйстэнзэ ёвтави — *полавтневсть*; *Омбоце недля Эхрем паро ёжо а соды* (Ф. Чесноков) валрисьмесэнтэ а невтеви сюлмавома кортамонь предметэнь ды сонзэ ёнксонзо марто, лиякс меремс, подлежащее а ули ёвтазь ёнксонть азорокс.

Грамматикань арасьчись невтеви *а, аволь, апак, иля, эзь* частицанень вельде. Уликсчинь валрисьметнесэ истят валт а сайневить.

А, аволь путовить весе съкамочинь кортамо пелькстнэнь икелев, *апак, иля, эзь* — ансяк глаголонть ды сонзэ форманзо.

Арасьчинь невтемась эрси пешксе ды аволь пешксе. Сон кеместэ сюлмазь сказуемостень категориянь марто.

Арасьчинь пешксе валрисьмекс карми истямось, конасонть арасьчинь невтиця валось путови сказуемоентэ икелев *ёвтавксось целанек тееви арасьчинь арсемань невтицякс*. Саемга: *Тундонь цецясь седейть а эжди* (А. Шаронов); *Равось паро ладсо эзь солаяк* (А. Доронин); *Мон пек вечкан вилев якамо пекшень цветямо шкасто. Сельметь аволить сая те чувтонть лангсто* (А. Мартынов).

Арасьчинь аволь пешксе валрисьмекс карми истямось, конасонть арасьчинь невтиця валось путови аволь сказуемоентэ, а валрисьмень лия пелькс икелев — подлежащее, определения, дополнения, обстоятельство. Ёвтавксось целанек невти уликсчи, ансяк те уликсчись теиньгавтозь, киртязь кодамо-бути ёнксонь коряс. Саемга: *Аволь пельтнень томбале те ёвксонь кондымо сюнав ды мазый масторось* (Н. Видяз). Валрисьмесэнтэ арасьчись кандови ансяк *пельтнень томбале* обстоятельство. Лиякс меремс, видеяк: *те масторось ёвксонь кондымо сюнав ды мазый*, но сон аволь *пельтнень томбале*, паряк, косо-бути лиясо. *Аволь сэрей* лашминентэ потмакса таргавсь кумболдыця теине кикске (Т. Разгуляева). Арасьчись кандови ансяк *сэрей* определения. Тагаяк виде: *кумболдыця теине кикске таргавсь лашминентэ потмакса*, но тешкстави: *лашминесь аволь сэрей, но алкине. Арсемс ды*

учнемс а мезть (Е. Пятаев). Арасьчись кандови ансяк мезть дополне-
ниянтень.

Валрисьмесэ арасьчинь невтемась виевгавтови арасьчинь местоимени-
янь ды наречиянь тевс нолдамосо. Саемга: *Алашатнеде башка, кияк
якамодеяк паксясонть а неяви* (Ф. Чесноков); *Нужань Антонь эйс
вередемсь пештешка тюжа кискине. Кодаяк а яви* (А. Куторкин); *А
эряви мезеньгак* кис ней ризнэмс (Ф. Чесноков).

Арасьчись эрси невтезь *арась* валсонть, кона валрисьмесэ топавты
сказуемоемь тев ды секскак сайневи неенъ или ютазь шкань сказуемостень
суффикс марто. Саемга: *Кие тынк эйстэ а пели толдо? Истят мо-
данть лангсо арасть* (Ч. Журавлёв); *Январесь эль прядовиль, ансяк
якшамот, ловт, арасельтькак* (Т. Разгуляева).

Арасьчинь нейтиця валтнэ аволь свал улитъ ансяк арасьчинь валрись-
мень ёнксокс. Валрисьмесэ ёмавтсы арасьчинь смустензэ, бути неть валтнэ
кармить лия (аволь арасьчинь) смустень кандышакс. Саемга, вейсэндявто-
мань: *Видеяк, кода а кецнемс эсь зйдесть коряс* (Т. Разгуляева); икелепе-
лев арсемань: *А арсят тонавтнеме туеме?*; кавтолдомань: *Аволь тее-
ве мезеяк берянь*; ацирьгадомань: *Кода ансяк эзь раксе лангсонзо* (Ка-
маевень) *Чаиркин!* (Г. Потекаев); *Эли минь а ломантяно* (Ф. Чесно-
ков); кемемачинь: *Кода а вакодемс истямо паро таркасо!*; мелявто-
мань: *Эзить томбаво?* (Л. Седойкин); *Мезе мартот, Марфа?* — кев-
кстизе Миколь. — *А сзредят?* (И. Карпов).

Арасьчинь смустесь валрисьмесэ эрси ёвтазь арасьчинь валонь апак
сайнеяк. Сон невтеви вайгельксэнтъ эйсэ, валтнэнь молема лувонть вель-
де, тевс нолдавкшныть эрва кодат ёжомарямонь нейтиця частицат. Ис-
тят валрисьметне седе сеедьстэ вастневить кортамонь стильсэнтъ, косо
невтитъ модальнойчинь смусть. Саемга: *Арази цёрынентъ кирдьсак
кудосо сэтъместэ кувать аштеме* (К. Абрамов); *Ярмактомомень урь-
вактома?* (А. Доронин); *Учок! Карман мон чатьмонеме!*

13 §. КОРТАМОНЬ ЦЕЛЕНЬ КОРЯС ВАЛРИСЬМЕНЬ КУЖОТНЕ. ЁВТНЕМАНЬ, КЕВКСТЕМАНЬ ДЫ КАРМАВТОМАНЬ ВАЛРИСЬМЕТНЕ

Кортамонть целензэ коряс валрисьметне явовить колмо кужова:
1) ёвтнемань; 2) кевкстемань; 3) кармавтомань.

Ёвтнемань лововить сеть валрисьметне, конатнесэ пачтяви ко-
дамо-бути арсема, невтевить эрямонь кодат-бути чарькодемат. Истят вал-
рисьметне кельсэнтъ сех сайневицят. Сынст башка ёнксокс карми ёвтне-
мань вайгельксэсь. Сёрмадомсто сон невтеви точкань путомасо. Саемга:
*Кизэнь тютнэ кармасть оламо. Чувотне зярс пижеть. Ансяк сеедь-
стэ пиженъ ютксто ожо или якстере тешкс кивчкади. Ламо цецят-
не правтызь мазый каштазост ды ней кенерстить видъметъ* (Т. Разгу-
ляева).

Сюлмазь текстсэ малав свал улитъ валт, конатнесэ пачтяви мезе-бути
од. Сынъ ёвтавить виевгавтозь вайгельсэ, лангзост путови валвачкодъкс.
Нетъ валтнэ седе сеедьстэ аштить ёвтнемань валрисьментъ песэ. Бути кар-

мить ёвтавомо седе покш ёжомарямо марто, путовить валрисьментъ ушод-
ксоос или куншкас. Кортамонть целезэ тень пингстэ овсе а полавтови.
Саемга: 1. *Течи лембе.* — *Лембе течи.* 2. *Тонеть сакинось Лияна.* —
Лияна тонеть сакинось. — *Сакинось тонеть Лияна.*

Кевкстемань лововить сеть валрисьметне, конатнесэ максови кевк-
стема. Кевкстеманть вельде кортыцясь кармавты кодамо-бути арсемань
ёвтамо, эрявикс содамочинь пачтямо.

Смустень ды кевкстеманть ёнксонзо лангс ванозь, те кужонь валрись-
метне явовить кода кевкстемань-ёвтнемань, кевкстемань-кармавтомань,
кевкстемань-риторикань.

Кевкстемань-ёвтнемань валрисьметне кельсэнтъ сех сайневицят. Сынст
эйсэ невтеви кевкстема, кона веши свалшкань отвечамо. Саемга:

— **Яла тонават?** — пшкадсь Окся баба.

— Тонавантам стамбаро.

— **Кунсолить эйсэть эйкакшитне?**.. (Л. Седойкин).

Кевкстемань-кармавтомань валрисьметнесэ ули тевтеемань тееме
кармавтома, кона невтеви кевкстеманть вельде. Саемга: *Тонь ули од
цёрат, монь — од тейтерем. Эрва, сынст а вейсэндясынек?*
(В. Радин); *Нудейсэяк вадрясто сядят. Ней тенек ёрокчить а не-
втьсак?*.. (А. Доронин).

Кевкстемань-риторикань валрисьметне а вешить эсест лангс каршо
вал, секс мекс сон совавтозь кевкстеманть потс. Риторикань кевкстематне
седе сеедьстэ вастневить художественной литературасо, косо сынъ улитъ
кортамонть мазылгавтыця стилистикань ёнксокс. Саемга: *Варштынъ ёлга-
ня салмуks лопи чувотнень лангс ды лотказевинь. Неезденъ ютась
пачкан, теке вечкевикс тейтерень паламо, лембе. Те мезень тама-
ша? Пецек-пецек касыця чувотнень прят сиякс кувтолдсть мене-
лень сэнъяжасонть. Човине, мелемь касовкс таракетнень вельтинзе
ашназа сув. Лехие? Ужо, ужо... Те кода истя? Виртнева, теке
азорава, талай уш яки-наки панжиковось ды ... лехие? Арась, те
мезе-бути а истя!* (Н. Видяз).

Кевкстемань валрисьметнень пес путови кевкстемань тешкс. Бути жо
те валрисьмесэ ёвтави седе покш ёжомарямо марто, ве шкасто путовить
кевкстемань ды серьедемань тешкст, пек чуросто — точка.

Кевкстемань валрисьментъ лувонь нейтицякс ашти кевкстемань вай-
гельксэсь. Сонзэ марто эрва ёвтнемань валрисьмесэ шождасто тееви кев-
кстемансекс. Саемга: *Якась вирев. Якась вирев? (аволь лей лангов).*
Якась вирев? (Паряк, эзь яка?).

Валрисьмесэ кевкстемась эрси невтезь кевкстемань вал марто ды кев-
кстемань валтомо.

Валрисьметне, конатнесэ кевкстемань валт арасть, теевемань коряс
ёвтнемансетнень кондят. Явовить сынъ ансяк вайгельксэнь коряс. Теке
шкастонть валось, конань марто сюлмазь кевкстемась, сеедьстэ путови
валрисьментъ ушодксоос. Саемга: *Одирьвине мельга сырмить?* (В. Сидо-
ров); *Паряк, те ансяк цюдавсь тензэ?* (Н. Зиновьев); *Потмот а
кинень панжомс? Ченярды седеетъ? Ават мельсэть? Тиринь ёнкс?..
Секс чудить сельведетъ?* (Сятко).

Ламо валрисьмесэ кевкстемань вайгельксэсь виевгавтови кевксте-

мань валонь саемасо. Кевкстемань валокс эрсить кие, мезе, кона, кодамо ды лия кевкстемань местоимениятне; *кода, косо, косто, козо, козонь, кува, зярдо* ды лия кевкстемань наречиятне; *арази, каня* кевкстемань частицатне. Теке жо шкастонть кевкстемань местоимениятне ды наречиятне топавить валрисьмень пельксэнь тевгак. Саемга: *Мезе теемс? Ков ней туемс? Козонь кекшемс — тарка муемс?* (П. Любаев); *Мекс теям-авам а марить, кода мон сынстемест майсян? Мекс ризкстнэ эйсэнь тапарить? Мекс эсь сельведезнь вайсян?* (Сятко).

Частицатне, кевкстеманть теемстэ, невтить эрва кодат ёжомарямонь тюст (кемекстамо, кавтолдома, талнома ды лият). Саемга: *Арази варшават кеззрень пингень потмаксос?* (К. Абрамов); *Каня вирень азорсь невтнзе тень сюнавчинзэ?* (Т. Разгуляева).

Кармавтомань лововить сеть валрисьметне, конат невтить кармавтомасо муспен эрва кодат ёнкст. Саемга, истят: а) мезеньгак тееме тердема: *Моронь кунсолосо, оям, монень садо* (А. Мартынов); *Пухляня ловне, састыне прак, шумбрачинь кандомо миненек сак* (И. Кривошеев); б) тонавтома: *Чопода кудыкельксэнтэ потсто, панжадо кенкишканть, мельганзо каятотсь Федай сырькаензэ вайгелезэ: — Ва, нуцкинем, ванок... Кувать илядо экишеля — ормалгадат! Ды илядо чопавтне кува а эряви. Прянк ванстодо!..* (Э. Вежай); в) энялдома: — *Аштека, аштека* вакссон куш аламнешкас, *витик* мелем, — *кирдизе сырькаес цёрыненть кедте. — Иля капиша*, кенерят экишелямо (Э. Вежай); *Ней кудов, видьстэ авань вальмалов тынь ардодо, ардодо, чарыть* (И. Шумилкин); г) кеме, кежей кармавтома: — *Лоткак!..* — казякадсь *Серьгунь вайгелезэ* (Э. Вежай); д) оймавтома: *Ды ансяк зярды минутань ютазь, тейтересь пшкадсь: — Иля ризнэ, авай, ней уш таштось а велявты* (В. Радин); е) паро мелень арсема: — *Уледе шумбрат*, оят, — *кокныця вайгельсэ шумбрактнесь совицясь* (Ч. Журавлёв); *Эряк сюнавсто, тиринь ёнксом* (А. Мартынов).

Кармавтомань валрисьметне ёвтавить кармавтомань вайгелькс марто, конань пингстэ ёвтнеманьгак, кевкстеманьгак валрисьметне шождасто теевить кармавтомансекс. Чарькодеви, кармавтомань вайгельксэсь ули те кужонь валрисьметнень лувонь невтицякс. Сондензэ башка, тевс нолдавить грамматикань лия ёнксткак. Истя, сказуемоесь кармавтомань валрисьмесэ эрси невтезь:

1. Глаголонь императивень форматнесэ. Саемга: *Ардт, ардт, чары лангсо кудыне, капишак* теине кияванть... *Тов, ков седеесь терди, оймесь вешезь веши. Панть* арсематнень зйкакш пингень теиштесэ эждязь таркатнес, *панть* лембе варминекс. *Панть... Тетянь-авань вальмалов пачтияк* (Л. Дергачёва); *Лажнодо, ки чиресэ пойть. Цветядо, розть, касодо, сурот, гайгеде, вирть, цецяв лугат* (А. Мартынов);

2. Императивень смустьсэ саезь глаголонь лия форматнесэ:

а) инфинитивсэ (зырдо эряви невтемс кеме кармавтома). Саемга: *Кундамс (= кундынк) Кардаень, живстэ ветямс (= ветинк) тей* (В. Радаев); — *Кисканть эйстэ а мезть пелемс (= иля пеле), сон а суски, — пшкадсь Охрем* (К. Абрамов);

б) индикативсэ. Саемга: — *Молят (= мольть) монень, саты*

явномс, шка пурнавомс вейс, — мерсь Татьяна Михайловна (К. Абрамов);

в) конъюнктивсэ (зырдо невтеви энялдома). Саемга: — *Эна аштевлить (= аштек) аламос, кортневлить (= кортнек), — таго энялды Окся баба* (Л. Седойкин); — *Тон, Матря, мездеяк каванявлик (= каваник) Захаронь, — пшкадсь сон* (Стяпан) *нинстэнь* (К. Абрамов);

3. Глаголонь оптативень форматнесэ. Сынст вельде кармавтомась пачтыви кунсолыцянтэ вельде кинень-бути лиянень. Саемга: *Медень кондымо улезэ виенк, цёрат. Цецякс цветязо мазычник, тейтерть* (Ч. Журавлёв); *Од пингесь пейдезэ, од пингесь — тундом, чольнезэ, гайгезэ, налксезэ мором* (А. Зиньков);

4. Кадык частицанть марто оптативень смустьсэ саезь глаголонь индикативень форматнесэ. Саемга: *Сергей Андреевич потмурасто мерсь: — Кадык эрить (= эряст) минстеманек* (К. Абрамов); *Кадык Миша моли (= молезэ) ванстома, — мерсь сон* (Матя) *мирденстэнь* (К. Абрамов).

Кортамосонтэ вастневить кармавтомань истят валрисьметь, конатнесэ арась кармавтомань смусть марто глагол-сказуемой. Кармавтомась сынст эйсэ чарькодеви контекстэнь коряс. Юронть истямо валрисьмесэ тейсы существительноесь, наречиясь, инфинитивесь, междометиясь (ады, пандя). Саемга: — *Шожда ки теть, ютыця* (Н. Видяз); *Поки эрямонть менельс слава* (М. Трошкин); *Таргозезь турванзо сон* (Кузьма Алексеев) *секе тев нолштнесь, яла вейкеде сон тошксесь, пиштякась: — Симемс! Симемс...* (А. Доронин); *Эрь пандя сельведтнень валомс, — корты бабась* (В. Колomasов).

Чэ, побудер к действию.

14 §. ЁЖОМАРЯМОНЬ НЕВТЕМАНЬ КОРЯС ВАЛРИСЬМЕНЬ КУЖОТНЕ. СЕРЬГЕДЕМАНЬ ВАЛРИСЬМЕТНЕ

Ёжомарямонь невтемань коряс валрисьмень кужонтень кандовить серьгедемань валрисьметне.

Серьгедемань лововить сеть валрисьметне, конат невтить эрва кодат ёжомарямонт.

Кортамонь целензэ коряс валрисьмень кужотнень эйстэ сын явовить башка: кортыцясь, истямо валрисьмесэ эсензэ мелензэ-превензэ лиянень пачтямсто, пек чуросто арси мезе-бути «серьгедемс».

Серьгедемань валрисьментэ лувонь невтицякс ашти *серьгедемань вайгельксэсь*, конань башка ёнксокс кармить вайгелень виевчись, эрявикс валвачкодкьксэнь путомась.

Серьгедемань вайгелькс марто ёвтави кортамонть целензэ коряс валрисьмень эрва кужось, бути сонзэ эйсэ пачтямс кодамо-бути кенярдома, талнома, энялдома, ацирьгадамо ды лия ёжомарямонь тюст. Истямо ладсо, теевить ёвтнемань-серьгедемань, кевкстемань-серьгедемань ды кармавтомань-серьгедемань валрисьметне. Сынст невтицякс ули пезэст серьгедемань теишксэнь путомась. Саемга: 1. *Сась сёксесь. Сась сёксесь!* 2. *Вечкик сонзэ. Вечкик сонзэ!* 3. *Кода тон тезэнь понгить? Кода тон тезэнь понгить?!*

Эрва кодамо ёжомарямотнень пачтямсто, серьгедемань вайгельксэнтень «лездыцякс» улить грамматикань истят ёнкстнэ:

1) междометиятне. Саемга: **Ой, ардодо, ардодо, чарытне!** (И. Шумилкин); **И-и, пейсэ чикордтнн!** (А. Доронин); **Гигахстнит галат! Гигахстнит галат! Вай, кода рангит! Вай, Верепаз!** (А. Арапов); **Эх, вечктян, Шура** (Г. Агейкин);

2) частицатне ды местоимениянь валтнэ (зярдо соавтыть ёвтамонтень ёжомарямонь смусть). Саемга: **Вана косо ды зярдо панжови мазычнт алкуксонь виезэ! Вана кинь мель эряви ваном!** (Н. Видяз); **Кодат читне! Теке кизэнь!** (Л. Седойкин); — **Вай, Коля, кодамо мазый! Кодато якстере!** — умарентень бабинесь кецнесь теке вишка эйкакш (А. Захаров); **Кодат мазыйть весе ломатне, эйкакштне, цецятне, менельсэ тештетне! Кодато эрямось!** (Т. Баргова).

15 §. СМУСТЕНЬ ДЫ ТЕЕВЕМАНЬ КОРЯС ВАЛРИСЬМЕНЬ КУЖОТНЕ. А ЯВНОВИЦА ДЫ ЯВНОВИЦА ВАЛРИСЬМЕТНЕ

Смустень ды теевемань коряс апак стакалгавто валрисьметне явовать кавто кужова: 1) а явновия валрисьметь; 2) явновия валрисьметь.

А явновиякс лововить валрисьметне, конат аштит вейке валсто или кемекставозь валонь сюлмавкссто. Сынт эйсэ а явовать валрисьмень пелькст, седе товгак кодамояк пельксэ сынь а келейгавтовить. Саемга: 1. *Тон ловныть Артур Моронь стихензэ?* — *Эно. Нама!* 2. *Варштыка те артовксонть.* — *Вай! Кодато!*

Явновиякс кармить валрисьметне, конатнесэ улить прят ды смустень коряс эрявикс аволь прят пелькст. Эрявиндеряй, сынь келейгавтовить лия пельксэяк.

Явновия валрисьметнень ванномсто, мельсэ кирдевить истят ёнкстнэ:

а) зяро пелькстэ ашти валрисьменть грамматикань лувозо. Те ёнксонть коряс явовать кавто прят пельксэнь ды вейке прят пельксэнь валрисьметне;

б) улить-арасть валрисьмесэнт аволь прят пелькст. Те ёнксонть коряс явовать апак келейгавто ды келейгавтозь валрисьметне;

в) невтевить-арась валрисьмесэнт смустень ды теевемань коряс весе эрявикс пелькстнэ. Те ёнксонть коряс явовать пешксе ды аволь пешксе валрисьметне.

16 §. КАВТО ПРЯВТ ПЕЛЬКСЭНЬ ДЫ ВЕЙКЕ ПРЯВТ ПЕЛЬКСЭНЬ ВАЛРИСЬМЕТНЕ

Эрзянь кельсэ седе сайневицякс кармить сеть апак стакалгавто валрисьметне, конатнень грамматикань (предикативень) лувост ашти кавто прят пелькстэ — подлежащейстэ ды сказуемойстэ. Сыненст кандовить эрявикс аволь прят пелькстнэ.

Подлежащее (сыкамонзо или сонензэ кандовия аволь прят пелькстнэнь марто) тейсы *подлежащее*нь *куронт*. Сказуемое (сыкамонзо

или сонензэ кандовия аволь прят пелькстнэнь марто) тейсы *сказуемое*нь *куронт*.

Валрисьментень, конасонть явовать прят пельксэнь кавонест куротне, мерить **кавто прят пельксэнь**. Саемга: **Валкесь / ульнесь маней. Чись / кепедевкшнесь чувотнень сэрсьсэ. Сонзэ чевензэ / чевтестэ валовсть виренть лангс. Кстыень кувтэлтнэ / седеяк кирвазть якстере толсо** (Л. Седойкин).

Кавто прят пельксэнь валрисьмесэ эрси истаяк, зярдо прят пелькстнэнь эйстэ вейкесь валсо а ёвтави, грамматикань ёндо а невтеви. Сон полдазь кодамо-бути тувталонь коряс, но теке марто шождато явови контекстэ — седе икеле молиция валрисьместэнт. Секскак валрисьменть лувонзо теция функциянт сон а ёмавтсы. Саемга: *Те лей чиресэнт налксемскак пек паро. Улить вишкинетнень туртов пулькамо таркаткак, покштненень — сэрй чирестэ чопавтнема таркатка* (Э. Вежай). Омбоце валрисьмесэ стакалгавтозь, ашти кавто пелькстэ. Омбоце пельксэнтэ сказуемое полдазь, грамматикань коряс сон апак певте, но теке марто ули сказуемое куро. Те куронтень сови *покштненень* дополнениясь, копа кандови валсо апак ёвта сказуемоеонтень.

Валрисьментень, конасонть явови прят пельксэнь ансяк вейке куро, мерить **вейке прят пельксэнь**. Прят пельксэнь омбоце курсэ истямо валрисьмесэ арась, ды смустень коряс сон а эрявияк. Сень лангс вапозь, мезекс ули прят пельксэсь, явовать: 1) подлежащее улеманзо коряс вейке прят пельксэнь валрисьметь. Саемга: *Сёксень ков валдов чокшне. Велень ульця. Сёвонень кардот* (П. Кириллов); 2) сказуемое улеманзо коряс вейке прят пельксэнь валрисьметь. Саемга: *Вечкан, учан, арсян, вешнян...* (Л. Рябова); *Ашолгадсь. Панить стадат* (Ф. Чесноков).

17 §. АПАК КЕЛЕЙГАВТО ДЫ КЕЛЕЙГАВТОЗЬ ВАЛРИСЬМЕТНЕ

Апак келейгавто кармить сеть валрисьметне, конат аштит ансяк прят пелькстэ — подлежащейстэ ды сказуемойстэ. Апак келейгавто эрсить кода кавто прят пельксэнь, истя вейке прят пельксэнь валрисьметнеяк. Саемга: **Пси. Курготкак а автеви. Менельксэсь чевенев** (Ф. Чесноков). **Сундерегадсь** (К. Абрамов).

Валрисьментень, конасонть, прят пелькстэ башка, явовать аволь прят пельксткак, мерить **келейгавтозь**. Келейгавтозь валрисьметнеяк эрсить кода кавто прят пельксэнь, истя вейке прят пельксэньяк. Саемга: *Тундонь весемеде мазый шка. Ламарь чувотне каясть прываст ашо лов паця* (Н. Видяз).

18 §. ПЕШКСЕ ДА АВОЛЬ ПЕШКСЕ ВАЛРИСЬМЕТНЕ

Валрисьментень, конасонть грамматикань ёндо невтевить смустень ды теевемань коряс весе эрявикс пелькстнэ, мерить **пешксе**. Саемга: *Моданть вельксэ новольсэ телень цятякшамо ве. Покштояк покш*

раужо сёлмосонзо сон копачизе весе пертьпельксэнтъ (И. Калинин); Нуема шкась — кизэнь сехте пси шка. Паксянтъ вельксэ сув ладсо нурьги тюжа чемынь (К. Абрамов); Вирь лушмо. Седе тарка (К. Абрамов).

Валрисьментень, конасонть аволь весе смустень ды теевемань коряс эрявикс пелькстнэ невтезь грамматика ёндо (ёвтазь валсо), мерить **аволь пешксе**. Нолдазь эрситъ валрисьмень кода прятв пелькстнэ, истя аволь прятвонсетнеяк. Саемга: *Ашо прячерь, сэнъ сельме, аволь покшке, чуморксов тейтернесь эрзасто чии читайсэ эждазь кинть ланга. Мерят, ливтязь ливти...* (Т. Разгуляева). Омбоце валрисьмесь аволь пешксе: сонзэ эйсэ нолдазь подлежащее (тейтернесь), кона шождасто явови контекстэнтъ коряс — васенце валрисьместэнтъ. Сон (Володя) *тетянзо-аванзо марто туи ошсто велев эрямо. Ризны цёрыненъ седеезэ ялгатненъ кисэ, конатненъ сон кадсынзе. Кадсынзе, ялатеке а стувтсынзе* (Г. Гребенцов). Меельце валрисьмесэнтъ нолдазь подлежащее (сон) ды дополнения (ялгатненъ). Пешксе валрисьмесь улелель истямо: Сон сынст кадсынзе, ялатеке а стувтсынзе.

19 §. ПРЕДИКАТИВЕНЬ ЮРОСЬ, СОНЗЭ ПЕЛЬКСЭНЗЭ

Кавто прятв пельксэнь валрисьметнесэ **предикативень юрось** — подлежащее ды сказуемое. Сынст вельде содавови валрисьмесэнтъ 1) модальнойчись, 2) шкась ды 3) лицаь. Саемга: *Нетъ колмо раськетне эрьва Инечистэ тезэнь вастневить озксонь ютавтомо* (К. Абрамов). Те валрисьмесэнтъ *колмо раськетне вастневить* пельксэнтъ невтеви алкуксонь тевтееманть модальнойчись, конась ёвтави глаголонь индикативень ютазь шкань 3-це лицаь формасонть. Валрисьмень прятв пелькстнэ грамматика ёндо лововить юронсекс. Аволь прятв пелькстнэ сюлмазь или ансяк вейке прятв пельксэнтъ марто ды чарькодевить сонзэ (*вастневить озксонь ютавтомо, нетъ колмо раськетне*), или чарькодевить предикативень юронть (*Эрьва Инечистэ тезэнь вастневить нетъ колмо раськетне*).

Валрисьмень прятв пелькстнэ эрситъ ёвтазь ансяк вейке съкамочинь валсо или а явовиця валонь сюлмавкссо, саемга: *Лотказевсть эрзят* (Я. Кулдуркаев); *Мейле сын колмонест тусть* лисьманть ваксс, *якасть омбоце паксяв* (К. Абрамов); *Мон те приставонть канжамонзо-киртясынъ* (А. Щеголов).

Подлежащее кода валрисьмень прятв пелькс эрси ёвтазь предметностень кандыця грамматикань смусть марто эрьва кодамо валсо. Сонзэ вельде невтеви: ломань, эрикс или аэрикс предмет, перьканок эрямонь кодамояк ёнкс, отвлеченной чарькодема ды лия мезе. Саемга: *Ярасомдо мейле Обран сяворсь эземс рунгонзо оймавтомо* (К. Абрамов); *Вирь отъманъ пизэстэнзэ кепедевезь, кавалось азорокс велась-чарась менельсэнтъ* (А. Доронин); *Вармась чувотнень нурси, чирькекс эйсэст мэнди* (Ч. Журавлев); *Якиамось седеяк виемсь* (Ф. Чесноков).

Сказуемое, кона аравтови кода чарькодевитиця (определяющей) вал подлежащееентень, невтекшны:

а) тевтеема: *Цёратне ваднизь-човсизь рунгост ды ух-вах марто совасть веденень, ушодсть кундсемапельтнень аравтнеме* (А. Доронин); *Кедяровонь эзть кирдеве кежензэ ды сеске ледизе тувонть* (А. Мартынов);

б) аштема-улемачи: *Обран атя кадовсь аштеме таркасонзо* (К. Абрамов); *Мартонъ бурятнеле мейле чинне сеске манейгадсть* (А. Мартынов);

в) башка ёнкс: *Инечись, Пазонь покш чись, седей кенярдомаосюнав* (А. Доронин);

г) ламочи: *Андямо цёрась вейкине* (Эрзянь фольклор);

д) азорксчи: — Аволь ансяк арсян, кемангак тенень — те те-
весь — **Николай Кузьмичень** (А. Щеглов);

е) вейсэнъ чарькодема: Кавалось — **виевде виев нармунъ** (А. Доро-
нин).

20 §. ПОДЛЕЖАЩЕЕСЬ

Подлежащее — валрисьмень прявт пелькс, конасонть невтеви, содавтови преметэнтъ коряс кортамось, арсемась. Истямокс эрси лемде-
манъ смустьсэ эрва кодамо вал. Саемга: **Ялатеке тонъ те цёрась весе-
меде ульнесь виев** (В. Радаев); **Алга уиця тусто пельтне** мартонъ
чокшнентъ седеяк стакалгавтызь (А. Доронин).

Подлежащее ёвтавшны: 1) вейке валсо или 2) валонъ сюлмав-
кссо.

Сехте сеедытэ подлежащеек вастневи номинативень формасо су-
ществительноесь, секс мекс кода кортамо пельксэнтъ, существительно-
ентъ ули предметностень вейсэндявозь смустезэ, а номинативентъ, кода
ушодксонъ формантъ вельде, сехте парсте невтеви арсеманъ предме-
тэсь.

Номинативень форманъ существительноесь подлежащеек вастневи:

а) аволь невтемачинъ полавтнемасо. Саемга: **Тикшентъ юткова вал-
до сяткинекс цитнить васень ожо панжовкст** (К. Абрамов); **Кача-
монъ вецана кикст** кепетевсть монастырентъ вельксстэяк (А. Доро-
нин); **Шканъ-шканъ моли лов** (Ф. Чесноков);

б) невтемачинъ полавтнемасо. Саемга: **Лиясто варшты пель экштэ
чисъ** (Ф. Чесноков); **Кадык сёксень вармась** кизэнь мазынтъ пети
(Ч. Журавлев); **Виресь** састыне увнось, теке ведьпрамо; **Цёратне**
керсестъ куз тарадт ды чувто алов тейстъ удома тарка (К. Абра-
мов); **Латалксось** тыц пештязель пинеме марто кснав тикшеде
(А. Доронин);

в) азорксчинъ полавтнемасо. Саемга: **Кижеватонъ оймеёжозо** вельтъ
апаро ды аволь ансяк чаво пистетнеде (К. Абрамов); **Никононь** кснав
сельведензэ, келей чамавантъ уцорязь, неверсть раужо сакалтинъ
потс (А. Доронин).

Теде башка подлежащеек существительноесь эрси:

а) аволь невтемачинъ полавтнеманъ генитивсэ. Саемга: **Самынка-
путсть сруб; Обранынка- сыргастъ вирев;**

а) невтемачинъ полавтнемасо аблативсэ. Саемга: **Цецятнеде** тесэ
ульнестъ паксянъ коряс ков седе ламо; **Сонзэ** (Ордатонъ) кудосо вельтъ
аламо **аватнеде** (К. Абрамов); — **Истяг умартнеде**, Иван Григорь-
евич, ков те яла седе ламо кармасть улеме (А. Щеглов);

б) омбоцеде полавтнемасо зярыя падежсэ: **Кудадеенсетне** тан-
дадсть, лоткасть (В. Радаев).

Существительнойде башка подлежащеек эрситъ:

1) местоимениятне-существительнойтне:

а) лицянъ невтицятне. Саемга: **Мекс** пек кувать **тон** кирдитъ, кек-
шезь седеень толотъ (Ч. Журавлев); **Промкссто сон** лисъ уш аволь

икелень горбунгадозъ Хомакс (Ф. Чесноков); **Минь** ведъ лисьмантъ
теинокъ тенъ, пандошкат кевтъ велявтынек (В. Радаев);

б) виегавтома-личнойтне. Саемга: **Моисъ** ней полавтса тынк пряв-
тонк (В. Радаев); **Сонсъ** (Обран) кадовсь ошонть веженсь нить
марто (К. Абрамов); **Сонсъ** (Никон) веньперть сельметъ зы коня
(А. Доронин);

в) ловома-личноесь. Саемга: **Полазояк те шкас арасъ. Съкамонзо**
свал ши-палы (В. Радаев);

г) невтицятне. Саемга: **Эсь арсематнеде** Надя сёрмадсь Петяненъ.
Нама, те ульнесь а шождыне (К. Абрамов); **Тона** (нумолнэсь) прась
кутьмерензэ лангс ды, теке ловонъ покольне, кеверсь минек икелесъ
(Ч. Журавлев); — **Мяу, — мяу, —** каясь вайгель Васька. **Те, натъ,**
овсе эзизе тагдавто Гамуронъ (А. Петайкин);

д) кевкстемансетне-относительнойтне. Саемга: **Кие** сы истямо пизе-
мене, **рудазонъ** пачк?; **Кие** тонъ ойментъ кисэ карми озномо? (К. Абра-
мов); **Меze** истя моли тесэ? (В. Радаев); **Сонъ (цёрась)** таго **маризе**
истямо вечкевикс, пилень дёлиця вайгелетъ, **кона** зярдо-бути ульнесь
тензэ сехте паро сеद्याмокс (М. Брыжинский); **Сюжонъ** кал

е) определительнойтне. Саемга: **Весе** вайкснезевсть, шалозевсть,
кармасть Пургазонъ ды нинзэ кутморямо (К. Абрамов);

ж) аволь определеннойтне. Саемга: **Кортаволь бу кияк**, ансяк аволь
тон... (В. Коломасов); **Кияк** течи сы монень? (К. Абрамов); **Конат-
конат** сонзэ (Степан Иваныч) ладсо сырелгадсть (Ф. Чесноков);

з) отрицательнойтне. Саемга: **Сондензэ** башка ёвксонъ ёвтнеме **кияк**
а машты масторонть лангсо (Я. Културкаев); **Улавтнесэ кияк** а чать-
мони (К. Абрамов).

Подлежащеек эрситъ существительноеень смустьсэ аштиця лия корта-
мо пелькстнэ:

а) прилагательнойтне. Саемга: **Превеесь** а эсензэ тевс а кунды
(Валмеревкс);

б) числительнойтне. Саемга: **Сыре** сеясь содась, кодамо зыянс понгсь
стадась ды секс снартнесъ туеме валдо таркастонть чопода вирен-
тень. Ансяк сонзэ мельга **вейкеськак** зы эскельдя (Ч. Журавлев); **Лавсь**
пикскентъ марто палкси **колмоцесь** (А. Куторкин); **Астай** покштянтъ
сестэ ульнестъ вете цёранзо пек вадрят, **нилетне** уш урвакстозельтъ
(В. Радаев); **Омбонстнэ** арситъ ды мелявтыть овсе лиядо (А. Марты-
нов);

в) местоимениятне. Саемга: **Весемесь** кадовсь секе ды эсь тар-
касонзо; **Рав** чиресэ Степан лемесь вечкевикс, артельсэ сехте виевт-
ненень истя мерильтъ. Вант, **минекеськак** поладсы Нефёдовонъ бие-
нек (К. Абрамов); **Эрвась** бажась седе ламо поцковтомс лиянь пельде
(В. Радаев); **Истягнэ** зярдоак а совить грехс (А. Щеглов); **Тона-
тась**, неяви, аволь чаволаль (А. Доронин); **Эрвась** икельга пацянзо
ало кандсь вакансо почткетъ или сюкоризтъ, кши копшине или ямкс-
кетъ, пачалксинетъ или еще мезеяк (А. Мартынов);

г) причастиятне. Саемга: **Ванстыцясь** ульнесь од ломанъ (К. Абра-
мов);

д) наречиятне. Саемга: **Ламот** зярдоак а несызь минек ёнкстнэнь

Шмонь Ламо-зеро? *гиситъ* эо
молмо мететъ.

Кудосонь — Кудосонь онъ
(А. Щеглов); **Ластетне** секе тев кедь лапушасост нардтнесть ко-
нятнестэ чичавшка лисезь байгетнень (А. Доронин);

е) междометиятне. Саемга: Ардан, лисни, те идемевсь лашмованть —
кись эзганзо содасынк кодамо — тикшесь, чарытне ваязь ваить. **Тп-р-
р-у-у!** — каятотсь апак учо (А. Доронин); — **Тпру-у!** — каятотсь
косто-бути улавтнень прясно (Ф. Чесноков).

Подлежащееэ ёвтавшны валмельгакс марто теевксэ ды прономина-
лизированной валмельгакссо: **Нама, а удыть ошонь пирявтонть пря-
сотняк** (К. Абрамов); **Куроксто кармасть неявома князень ломант-
нень толпандяст. Эйстэст** вельть ламо (К. Абрамов). *местоимения*

Подлежащееэ эрсит валсюлмавксткак, конатне эсест пельксэст кор-
яс аволь вейкетъ. Подлежащееэ-валсюлмавксось явови подлежащееэ-
валонть эйстэ аволь ансяк пельксэнь (теевемань), но смустень коряскак.

Подлежащееэ тевенть топавтыця валсюлмавкстнэ эсест смустест ды
пельксэст коряс явовить зярыя кужова:

1) вейсэндявтомань смусть марто валсюлмавкст, конатнесэ прятв вал-
лось — лицань невтиця местоимения, чарькодевитицясь — вейсэндявто-
мань числительной. Саемга: **Сынъ кавонест** (нумолтнэ) лоткасть минек
шалаганть икелев (Ч. Журавлев);

2) вейсэндявтомань смустень валсюлмавкст, конатнесэ прятв валось
субстантивированной причастия. Саемга: **Нетъ кузтематнева ошонь
ванстыцятне** кузнить пирявтонть прятв (К. Абрамов); **Чоподава
стицясь** чинтькак икельдясы (Ч. Журавлев); **Субутаство базаров
ютыцятне** кармакшность появамо велесэнтъ обедтэ мейле (А. Щег-
лов);

3) вейсэндявтомань смустень валсюлмавкст, конатнесэ ули марто
валмельгаксось. Саемга: **Истямо ладсо весе марто сон** (Пургаз) ва-
жодсь сёксес; **Сонсь** (Пургаз) эсь ломантнень марто лиссь покш
ортаванть; **Кардазонть** пельде сеске чийсь Онекеень нись эйкакшон-
зо марто (К. Абрамов); **Минь тонь марто** аволь уш истят назо-
лат... (В. Коломасов);

4) «кие-бути, мезе-бути эйстэст, сынст эйстэ» смусть марто валсюл-
мавкст. Саемга: **Сы конаськак эйстэст ... Эйкакшон — вете!** (Ч. Жу-
равлев).

Подлежащееэ эрси инфинитивеськак, конанть арась предметнестень,
но ванстови тевтемань смустезэ, ды сон а юты существительноеэ кужос.
Подлежащееэ улемстэ инфинитивень а эрси определениязо. Истямо вал-
рисьмесэ покш смусть канды валонь молема лувось: кода свал, инфинити-
весь ашти существительнойсэ или лицань а невтиця предикативень валсо
ёвтась сказуемоеэ икеле. Саемга: **Эсь пазтнэнь кемемс** — те оштё
а явома (А. Доронин); **Модемс** вирьга сёксня пек паро (К. Абрамов).

21 §. СКАЗУЕМОЕСЬ

Сказуемоеэ (лат. *praedicatum*) — валрисьмень прятв пелькс; кона
невти предметэнь тевтеманзо, аштема-улемачинзэ, ёнксчинзэ.

Сказуемоеэ кавто прятв пельксэнь валрисьмесэ эрси ёвтась глаго-

лонь эрва кодамо наклонениянь формасо. Саемга: **Менельганть уить**
вещана пельть (К. Абрамов) — индикативсэ; **Вай, авакай, ды тон васня**
эсь прядот мельятт ... (Ф. Чесноков) — императивсэ; **Ней бу мон**
симевлинъ мезеяк лияяк (К. Абрамов) — конъюнктивсэ.

Грамматика ёндо сказуемоеэ сюлмави подлежащееэ марто числань
ды лицань коряс: **Ломанесь моли** — **Ломантне** молить. **Цёрынесь пре-
вей** — **Цёрынетне** превейть. Сказуемоеэ форматнесэ невтевить преди-
кативностень истят ёнкст, кода модальностесь, темпоральностесь, персо-
нальностесь.

Сказуемоеэ сюлмави подлежащееэ марто смустень коряскак. Сон-
зэ вельде невтеви подлежащейсэ невтезь предметэнь уликсчизэ (призна-
козо), конась ловови предикативенсекс. Предикативностень уликсчизь яво-
ви се уликсчинть эйстэ, кона невтеви атрибутивной валсюлмавкстнэсэ:
кудонь тев, вавос молема, эрязисто туюма.

Предикативностень уликсчинть сказуемойсэ невтемазо сюлмазь лек-
сикань ды грамматикань смусттнень уликсчист марто. Лексикансесь — те
уликсчинть лемезэ, конась кандови подлежащееэ. Секскак сказуемо-
есь свал невтеви ськамочинь (знаменательной) валсо или валсюлмавкссо.
Сказуемоеэ грамматикань смустезэ — те уликсчинть кандовомазо пред-
метэнтень ды сонзэ эйсэ модальностень ды темпоральностень (шкань сму-
стень) невтемаст.

Грамматикань смустень невтемапелекс эрситъ:

а) полавтневиця глаголось или сонзэ арасьчизэ: **Лишмесь моли** са-
то. **Верде пры сэтьме** лов. **Ловось лоткась. Вармась энгамсь. Ловов**
паксясь чаво. Тундонь виресь сэтьме. Меельце кавто валрисьметнесэ
грамматикань смустесь невтезь лездыця глаголонть арасьчизэ;

б) предикативень (сказуемоеэ) суффикс марто лия кортамо пель-
кстнэ: **Паксясь чаволь. Сестэ тон одолить. Ней мон васолаи. Тун-
донь виресь сэтьмелъ.**

Ламо шкань перть келенть касомасонзо-теевемасонзо тевс нолдавсть
кавто кужонь сказуемойть: глаголонь ды аволь глаголонь. Аволь глаго-
лонсесь истямо, конась ёвтави существительнойсэ, прилагательнойсэ, мес-
тоимениясо, числительнойсэ, наречиясо, причастиясо, деепричастиясо,
валмельгакс марто теевксэ. Теевемань коряс истятнэ эрситъ: 1) апак ста-
калгавто ды 2) стакалгавтозь. Саемга: **Ванькс кошлось истямо шож-
далъ ды тантеель ...** (А. Доронин); **Чизэ куш псиль, ведесь кель-
мель, рунго соракавтсь; Икеле ульнесь** (Галина Ивановна) **райгазе-
танъ машинисткакс** (А. Доронин). *дополнение*

Глаголонь сказуемоеэ се, кона ёвтась эрва кодамо лексикань смусть
марто глаголсо ды лездыця глагол марто инфинитивсэ.

Глаголонь сказуемоеэ истя жо явови кавто кужова: 1) апак стакал-
гавто ды 2) стакалгавтозь.

Глаголонь апак стакалгавто сказуемоеэ карми улеме вейке глаголсо
ёвтась сказуемоеэ. Саемга: **Чирькест эйсэ баягатне коштонть пеш-
тизь** жойнемасо (В. Радаев); **Фермань кудынесэнтъ палсь тол;** **Олазь**
чиньжарамо прятк валгизя ковось меельцеде **кивчкадсь** сизезь вари-
тавксонзо ды конинзе сельметнень (А. Доронин); **Апак капша**
ютавтсть пингест **Петрань** покштянзо-бабанзо (Ф. Чесноков).

Стакалгавтозь сказуемоеь ашти лездыця ды прявт пельксетэ: *Ней сонзэ (Олдань) кельме эрямозо кармаь соламо* (Ф. Чесноков); *Ольга урьвасэ знялдэь теемс книгань лався* (А. Доронин). Эрва пельксэь топавты эсензэ тебензэ: прявт пельксэь невти лексикань смустенть, лездыцясь — ансяк грамматикансенть. Лездыця пельксэь — глаголонь полавтневиця форма.

Сказуемоеь куротне невтевить истямо схема вельде:



22 §. ГЛАГОЛОНЬ АПАК СТАКАЛГАВТО СКАЗУЕМОЕЬ

Глаголонь апак стакалгавто сказуемоеь ёвтавкшны весе наклонениянь форматнесэ:

1) индикативень:

а) неень шкань. Саемга: *Прок сувтемень пачк поцерди пиземе* (Ф. Чесноков); *Обран ошонть прявтозо Обран атя. Сонзэ раськесь эри ошонть ды перька виртнева* (К. Абрамов); *Кинь лангсо тон истя нарьгат?* (В. Радаев);

б) васенце ютазь шкань. Саемга: *Вирьстэнт каятотсь куконь вайгель* (К. Абрамов); *Те шкане тейтертне-одирьватне кодасть каштазт* (А. Доронин); *Эсест кудов Валдаж пачкодсь* (В. Радаев);

в) омбоце ютазь шкань. Саемга: *Сон (виресь) максыль, чувтумартнеде башка, медь, пештеть, пангот, инзейть, мастумарть* (К. Абрамов); *Тумо велень эрзятне вечкилизь сонзэ (Степан Ивановичень); Ламо иеть сакшныльть минек велев почтонь яжамомбо велень ломанть* (Ч. Журавлев);

г) сыця шкань. Саемга: *Весемедь пек кенярдыть эйкакштне. Кизэнь перть сын кармить эрямо вирень кужонь олясо, пакся тикшень ютксо, лей чирень мазысэ* (К. Абрамов); *Тюреме мон мартонк карман, видьстэ мерьса, ойдем лисемс!* (В. Радаев);

2) императивень формасо. Саемга: *Минь тонеть макстано васень кши. Тон миненек макст шумбрачи* (Я. Кулдуркаев); *Седе курок симть васня тонсь, — мерсь Ушмай* (К. Абрамов);

3) оптативсэ. Саемга: *Илязо тееве тосо кодамояк зыян* (К. Абрамов); — *Ну, Макар Мастясто сазо, — сельметь икеле сёвноса ды ютконк-ёжонк ловноса* (А. Куторкин); *Зярдояк рунгонь виесь илязо уле превень вийденить покш* (Ч. Журавлев);

4) конъюнктивсэ. Саемга: *Пургаз туевель ялгояк* (К. Абрамов); *Мон ялгакс тонеть улевлинь, вирев-укишторов молевлинь...* (А. Куторкин); *Оно бу пенгинеть керявлитъ валскенень...* (В. Радаев);

5) кондиционалсэ. Саемга: *Касындеряй покишто сонгак, Степаяк карми яксеми Охон бодянтъ марто* (К. Абрамов); *Лука кулындеряй — кинень ули-паронть весе кадсь* (А. Куторкин);

6) кондиционал-конъюнктивсэ. Саемга: *Улема, лавотизе (букантъ), кудосто акия марто а лисиндеряволь Кечас, Мазяргонь тетязо* (А. Доронин);

7) дезидеративсэ. Саемга: *Миша кайсесь ды кирнявтыксэль берёконть лангсто* (К. Абрамов); *Наста лисиксэль столенть экиштэ* (В. Коломасов); *Туиксэлинъ мон се пиштемандонть письмар масторов, чипайде васов* (А. Куторкин); *Икелевгак салыксэлизь Киушань сынъ вейке чистэ* (В. Радаев).

Кондиционалонь ды кондиционал-конъюнктивень форматне вастневить пек чуросто ды ансяк стакалгавтозь валрисьмесэ.

Седе сеедьстэ глаголонь апак стакалгавто сказуемоеь ашти вейке валсто. Саемга: *Пельтне чамдызь менель лангонть, чевте варманть мельга оргодсть* (В. Радаев); *Леентъ томбале кувсестъ якстере пи-четь; Пелевень ужинамодотъ мейле кудазортнэ мадсть* (А. Доронин).

Кавто валсо глаголонь апак стакалгавто сказуемоеь эрси ёвтазь, улиндеряй сон глаголонь сыця шкань формакс. Саемга: *Сынъ свал кармитъ валскень валдот вастомо* (И. Калинин).

Теде башка, истямо сказуемоекс лововить сетне, конатне аштить:

1) кавто вейкетъ мельга-мельцек молиця глаголонь формасто: *Велитъ ды велитъ* пряванзо (Иван Фёдоровичень) сумбора арсематне (А. Доронин);

2) кавонзазь валсто: *Озастъ-ундыастъ* лия кудотнеяк; *Цёрась аштеть-тейсь ды сырғась Сура ёнов валгизя проулкаванть* (А. Доронин); *Сыре патясь чекась-покась* (В. Радаев);

3) валсюлмавкссто, конась теезь финитной глаголсто ды истямо жо юронь инфинитивстэ. Саемга: *Кирдемс кирди сон ракшат, ды а пек вечки мельгаст якамо* (А. Доронин);

4) валсюлмавкссто, конась теезь финитной глаголсто ды истямо жо юронь деепричастиясто. Саемга: *Пись калязь кали. Некак весе моданть костясы* (А. Доронин); *Музгордезь музгорди* вармась (Ф. Чесноков);

5) арасьчинь формасто. Саемга: *Чувтотне экетъ, кавто кедьсэ а кутмордавить* (А. Доронин); *Сон (Шакай) эзь тонадо козяйкань истя кортнематненень* (А. Щеглов).

Апак стакалгавто сказуемоеь эрси ёвтазь кавто или седе ламо валсто теезь кемекставозь валсюлмавкссо (фразеологизмасо). Саемга: *Ташто Баёвасо телентъ печямодо мейле Нефёдкань Митрей саузе мелензэ туемс эрямо Од велев, Бездна леентъ чирев; Сась тензэ (Сашанень) мель неемс валдо менелентъ, вирентъ, моданть* (К. Абрамов); *Чикорк мерсь кенкшесь, атянь карязт прок* (Я. Кулдуркаев); — *Тесэ, милок, а мезть чарькодемскак. Пинемесь эсенек а ков теемс, суро жо — азе вешинок* (А. Мартынов); *Кияк эзь пра валост каршо; А уш тосо ули-парось — сисем улав а вачкави* (В. Радаев); *Нишкентъ лангс тон, аля, иля кирде кежть* (А. Доронин).

23 §. ГЛАГОЛОНЬ СТАКАЛГАВТОЗЬ СКАЗУЕМОЕСЬ

Глаголонь стакалгавтозь сказуемоесь тееви финитной глаголсто ды **-мс, -мо, -ме, -мадо, -меде / -модо** суффикс марто инфинитивста: *Ке-жендеень марто сёвнозъ **кортамо** тон иля **снартне**; Вай а **капиш** пек мокиш Пурейша валонь **ёвтамо** (В. Радаев); Сон (экшесь) **уш кармась чополгавтомо** ниже лопатнень; Неть палкатне **эрявить** нешкенъ **кандтнемс** (К. Абрамов); Куштай Митя, тетянзо апак учо, **лоткась сокамодо** (А. Мартынов); Васянь низъ **лоткась ризнэме-деах**; *Кие-бути **маряви каиштордомадо** кудыкелькс удало* (Ф. Чесноков).*

Лездыця глаголокс эрсить *ушодомс, кармамс, кундамс, бажамс, снартомс* ды лиятне.

Глаголонь стакалгавтозь сказуемойсэнтъ лездыцянтъ эрсить кавто смустензэ — фазисной ды модальной.

Фазисной смустесь сюлмазь тевтееманть молеманзо марто. Эйсэнзэ невтеви тевтееманть ушодомазо, зярыя шкас молемазо ды прядовомазо. Саемга: *Тетязо **снартокинось урвакстомонзо**, варчась тензэ **тейтерь** (К. Абрамов); Кавалось ванкинось ды кодаяк **эзь лотксе дивсе-меде** (А. Доронин).*

Модальностесь невтевкшны аволь ансяк глаголсо, а истя жо глагол марто фразеологизмасо ды аналитической конструкциясо. Лездыця пельксэсэ невти истят модальной смусть:

1) тееви-а тееви тевтеемась. Саемга: ***Кармавить** чауланъ **превть** тон **ванскавтомо** (Н. Ишуткин); **Вечканов снартыксэль веляв-томс** кортамонть пейдемакс (А. Доронин);*

2) тевтееманть эрявиксчизэ. Саемга: *Тейтересь **эрявсь варчамс** Обранонъ раськенъ; Цёрыненень течи **эряви молемс** покиштанстэнь, Ашо лисьмав (К. Абрамов);*

3) мелень ёвтамо. Саемга: *Надя ней молись тетянзо вакссо ды **эзь бажа кадовомс** (К. Абрамов); — Муик! Пек сон монень эряви. Мон **вастовомс** мартонзо **бажан** (А. Щеглов);*

4) мельс сазь тевтеема. Саемга: *Эрвась **арси лисемс** кудонъ азравакс (А. Куторкин); Обран тердинзе кавто раськенъ прявттиэнь талныця ломантинень эйстэ ве пелев ды **ушодыксэль кортнемс** (К. Абрамов);*

5) ёжомарямонь ёвтамо: *Сон (Пургаз) **а вечки кортамо** чаво валт (К. Абрамов); Михал икеле ладсо вечксы виренть, **вечксы** эзган-зо **ютнемс** ружиянзо марто (Н. Эркай).*

Глаголонь стакалгавтозь сказуемоентъ потс совавтовить смустень коряс глаголт, конатне невтитъ тевтееманъ башка ёнкс (признак) сказуемойсэнтъ. Тезэнь кандовить:

1) глаголт, конатне невтитъ тевтееманть молеманзо (кармась, лоткась ды лият). Саемга: *Эзть **цидырдо эрзятне, кармасть яксеме** Равлангов баржанъ **уксеме** (А. Доронин); Сон (Таня) ютавтывзе **церанть икельце комнатав, кармась лездамо кайсеме** начко оршамотнень (К. Абрамов);*

2) модальной глаголтна: *эряви, сави, лети* Саемга: *Кудов **савсь сон** (Лияна) чокишне **ветямс** (В. Радаев);*

3) глаголт, конатнесэ невтевить мельть-арсемат: *арсемс, бажамс*. Саемга: *Андрей Петрович **тердсь сынст эстензэ инжекс, арсесь молемс ильтямост** ... (Н. Эркай); Инязорокс **кочкамонзо** покиштанть сынъ весе **бажить** (В. Радаев); Тон **бажат улемс** тень сехте покиш апаронъ арсицякс (А. Щеглов).*

24 §. АВОЛЬ ГЛАГОЛОНЬ АПАК СТАКАЛГАВТО СКАЗУЕМОЕСЬ

Аволь глаголонь сказуемоекс лововить:

а) сказуемоесь, конась невтезь аволь глаголсо предикативень (сказуемостень) суффикс марто ды сынстемест. Саемга: *Чись **лембель** ды **вал-доль**; Сюनावоль **велесь** сюрсосяк (А. Доронин); Валдаж, **ветецесь, од цёраль** (В. Радаев); **Чопода** ансяк **виресь** (К. Абрамов); **Ризксэнек а ёвтавишка; Мелявксонек **седеяк** покиш** (В. Радаев);*

б) сказуемоесь, конась невтезь лездыця глагол марто лия кортамо пельксэсэ. Саемга: *Вандынъ чись **карми улеме маней**; Марязентъ **кувалма сыре Вечкановось кадовсь мельспаросо** (А. Доронин); **Виев истямо сон** (олгось) **ульнесь** (В. Радаев).*

Аволь глаголонь сказуемоесь эрси апак стакалгавто ды стакалгавтозь. Аволь глаголонь апак стакалгавто сказуемоесь ёвтавкшны предикативень (сказуемостень) суффикс марто ды сынстемест эрва кодамо кортамо пельксэсэ — существительнойсэ, прилагательнойсэ, числительнойсэ, местоимениясо, причастиясо, наречиясо, валмельгакс марто теевксэсэ. Саемга: — *Ней омбоце **Государян**. Весе те — **Верепазонтъ** пельде, — шнась прянзо Никон; — Те кода валот чарькодемс? — **пейдезевсь Федосья Прокофьевна**. — Чарькодть, кода мелеть. Мон — **уре**, тон — **боярва** (А. Доронин).*

Неень шкань предикативень (сказуемостень) суффиксэкс лововить глаголонь лицянь суффиксна: 1-це л. -ан / -ян; 2-це л. -ат / -ят; 3-це л. -0. Колмоце лицянь форманть неень шкань предикативень суффиксэзэ арась: *Куяр **велесь покиш** (Ф. Чесноков); Жниваськак **лангсонзо ту-сто**... (А. Щеглов).*

Ютазь шкань предикативень суффиксэкс карми улеме -л- омбоце ютазь шкань суффиксэсэ.

Сказуемоесь — существительной

Аволь глаголонь апак стакалгавто сказуемоесь ёвтавкшны существительнойсэ зярыя падежень формасо.

1. Номинативсэ. Саемга: *Мон **эрзян**. Прясто **пильгс эрзян** (А. Моро); Егор Кирилловичень эрявсь ней кода-бути оймавтомс **шабранть**. — Алкукс, тон **чудак**, — мерсь сон (В. Коломасов); Тон ней монень **а козыйкат** (Ф. Чесноков).*

Неень шкань предикативень (сказуемостень) суффикс марто существительнойсэ номинативень формасо ёвтазь сказуемоесь содавтыв:

а) субъектэнтъ свалшкань ёнксонзо — лемензэ, фамилиянзо, профессианзо, национальностензэ, эрямо лувсонть тарканзо: — *Кода вак-созонк а лоткат: сак-сак-сак! — терди молотканк. Ну, шумбратыдо. — Сак. Совак. — Ростиславан мон... Тайнован* (А. Куторкин); — *Мон аваломанян, — шикадсь Олда; Зярдо цёрась лоткась мора-модо, сон шикадсь тензэ: — Тон аволь мокшо? — Манявить, аля, пейдзевсь ус марто морыцясь. — Мон черемисан.* Мариец, лиякс ёвтамс; — *Тыньгак эрзятадо? Судонь-чамань коряс содымик? — чов-сизе (атясь) мездявозь кутмерензэ* (Сятко);

б) субъектэнтъ истямо ёнксонзо, кона ули эйсэнзэ аволь ансяк кортамо шкастонть, но кортамо шкадонть икеле ды карми улеме кортамо шкадонть мейлеяк. Саемга: *Кавонест лиссть «Уаикстэнтъ», озасть лишменть лангс. — Кечказс понгинь. Ярь, пунтть тенъ прествь, парторг. — Мертяно, мон умок а парторган* (А. Доронин).

Предикативень (сказуемостень) суффикснэ полалевить кода нарицательной, истя собственной существительнойтнененьгак.

Неень шкань предикативень суффикс марто кона-кона существительнойтне или существительное смустьса сазь лия кортамо пелькстнэ сказуемоем теветь топавтомсто невтекшныть субъектэнтъ истямо ёнксонзо лангс, кона ули сонзэ ансяк кортамо шкастонть: — *Тон ардыцят или ильтицят? — кевкстимим монь проводницясь* (Сятко).

Ютазь шкань предикативень суффикс марто номинативень формань существительнойсэ ёвтазь сказуемоем содавы ютазь шкань субъектэнтъ эрва кодамо ёнксонзо — чачома, эрямо, важдома тарканзо, раськекс-чинзэ (национальностензэ), рунгонь-чамань ёнксонзо. Саемга: *Управляющеесь Взорос мазы тея чаматюсоль, пазе коморкс карксазь пекель* (А. Куторкин); *Прок аволь умок сонсь (Маша) одирьваль...; Шкась сёксель.* Кумажава рудаз (В. Арапов); *Ней сон (Илья) таго монастырень прятюль* (А. Доронин).

2. Генитивсэ. Саемга: — *Эх! Тонсеть понаськак аволь ломанень; — Тон Кишуманянь? — шикадсь тензэ Панкратов* (Ф. Чесноков); *Ваксонзо (Онекеень) таркась Пургазонь* (К. Абрамов). Генитивень форматне предикативень суффикс марто а вастневить.

3. Инессивсэ. Саемга: *Тон, Жорж, дивсят, мекс мон кудосан? — кода свал капшазь кортасть Варя* (А. Щеглов). Неень шкань предикативень суффикс марто инессивень формасо ёвтазь сказуемоем невти, мейсэ оршазь субъектэсь, сонзэ тарканзо ды аштема-улемачинзэ. Саемга: *Биларонь ломантне кувака епанчасот* (К. Абрамов); *Эрь, шабра, каня тон кудосат?* (В. Колосов); *Л а в р о в. Те ульнесь умок. Ней жо, Надюша, мон тонь мельга сын. Аволь ансяк мон, тонкак олясам! Н а д е ж д а П е т р о в н а* (документэнтъ ваннозь). *Минь олясотано? Л а в р о в. Да. Овсе олясотано!* (П. Кириллов).

Ютазь шкань предикативень суффикс марто инессивень формасо ёвтазь сказуемоем невти субъектэнтъ тарканзо или аштема-улемачинзэ ютазь шкасто. Саемга: *Сон нурыка шубасоль, прысонзо нумолокедень шапка; Алжукскак, пицталакстнэ ломань сэрсьсэльть, дягелест сэнде сэнельть, прок чинь валдось тенст эзь сатно* (А. Доронин).

4. Элативсэ. Истямо формасо ёвтазь сказуемоем а вастневи неень

Цескань суктиссь сурькесталь савонесталь

шкань предикативень суффикс марто, сон сайневи ансяк ютазь шкансенть марто ды невти субъектэнтъ чачома ёнксонзо, эрямо тарканзо. Саемга: *Федосья Прокофьевна Соковникова инязораванть раськесталь...* (А. Доронин); *Сон (цёрась) шабра районстоль* (А. Брыжинский).

5. Компаративсэ. Саемга: *Бомба латкотне кудонь кирьксэш-кальт* (А. Щеглов); *Игумензэ... а покшке атинь, цёрынень сэр-шкка; Читне пеште товшкат: а кенерят сыргоземе — уш чопоти* (А. Доронин).

Неень шкань предикативень суффикс марто существительноем компаративень форматне а вастневить, сын сайневить сынстемест ды сода-тыть субъектэнтъ свалшкань эрва кодамо ёнксонзо. Саемга: *Кулозет-неньгак Ламзурь пеедсти, пеште лукиешка сонзэ кургозо, прок лембе валонь виев лисьмапря* (А. Куторкин); *Вайгельде келей веденть келезэ, ниже усия сонзэ кунишкaso. Бабань пештешка тосо кудыне* (В. Радаев). Ютазь шкань предикативень суффиксэнтъ марто компаративень формасо ёвтазь сказуемоем невти субъектэнтъ ёнксонзо лангс: *Нупалесь ва-ракань пизэшкаль...; Икельце венченть вармаштензэ ведькевень сёлмошкальт* (А. Доронин); *Цёрась копнашкаль, ансяк леззэз ара-сель* (М. Брыжинский).

6. Абессивсэ. Саемга: *Куш ямось сывельтемель, сон вельть тусь Сергеем мельс* (Ф. Чесноков); *Коштось ванькс, сувомо...* (К. Абрамов); *Мелень кизэсь пиземвтемель* (А. Доронин).

Неень шкань предикативень суффикс марто существительноем абессивень формасо ёвтазь сказуемоем невтекшны:

а) субъектэнтъ свалшкань ёнксонзо или аштема-улемачинзэ (состоя-ниянзо): — *Визькстэман мон, владыка. Куш апаро виесь сэви эйсэнь, ялатеке пазонь панжовкст учан. Ойдем четемады келес — потмо лембесэ весе озныцятнень эждясынъ...* (А. Доронин);

б) кортамо шкастонть субъектэнтъ уликс ёнксонзо (свойстванзо) или аштема-улемачинзэ (состояниянзо): — *Содат, Петя...монгак эдь мир-девтеман* (В. Арапов).

Ютазь шкань предикативень суффикс марто существительноем абессивень формасо ёвтазь сказуемоем невтекшны субъектэнтъ ютазь шкань ёнксонзо лангс. Саемга: *Ды вана сась крепостенть саема валкессь. Вармавтомоль сон, чипалынь сяткинетне либордсть вирьсаразокс, менелесь сэнде сэнель; Кадозь пристанесь ломантемель; Теке тесэнь эрийтне сельмевтемельть: зняро стрелецт кончексэ састь налксеме* (А. Доронин).

Аволь глаголонь апак стакалгавто сказуемоем ёвтавшны азорк-чинь суффикс марто существительнойсэяк. Саемга: *Вансь, вансь (Матвей Иванович) кудазоронть лангс ды натой киштезевсь поровтонть лангсо: — Те тон, Иван, Малецэнь церазо?* (А. Доронин); *Се аволь туво — ведун кочкаря...Сон эсь мирдензэ веньперть повизе, эсь эйкак-шонзо валскес сэвизе. Мон ялаксозан. Монь Дыдай лемем* (В. Радаев).

Неень шкань предикативень суффикс марто азоркчинь существительнойсэ ёвтазь сказуемоем невти субъектэнтъ свалшкань ёнксонзо лангс: — *Тон козяйкама. Тонет ёвтаса, — салава кортасть Колуш* (В. Арапов).

Ютазь шкань предикативень суффикс марто азорксчинь полавтне-мань существительнойс ёвтазь сказуемоесь вастневи колмоце лицянь номинативень, инессивень формасо ды невти субъектэнтъ свалшкань ёнксонзо ды тарканзо: *Тетям яла таркасонзоль* (Ф. Чесноков); *Митрополи-тэнтъ кудонзо вальмало аштеть сонзэ шкавань жарья монахт. Вей-кесь, Арсений, ялгазоль* (А. Доронин).

Сказуемоесь — прилагательной

Сказуемоекс эрсить эрва кодамо кужонь прилагательнойтне — ка-чественнойтне ды относителнойтне, кода предикативень суффикс марто, истя сынстеместкак. Саемга: *Епанчаст эрва кодамо туюсонь — якс-тереть, сэнтъ, пижеть...*; *Куяр велесь покш* (Ф. Чесноков); *Малав весе сонзэ (монастырентъ) кудотне — эчке кевень* (А. Доронин); *Ви-зэ (Захаронь) букань* (Ф. Чесноков); *Прясонзо (Митянь) шапкась мерлушкань* (А. Мартынов).

Качественной прилагательнойтне сказуемоекс вастневить:

а) ушодксонь формасо. Саемга: *Шумбрат, парт* минек тейтер-тне (А. Куторкин); *Вежавась вельть раужо* (К. Абрамов);

б) компаративень формасо. Саемга: *Сонзэ (тейтерентъ) рунгозо килейде видель* (Я. Кулдукраев); *Мондень сон (Сайгин) аламодо седе од* (В. Коломасов); *Баягатнень вакссо вармась седеяк виевель* (А. Доронин);

в) суперлативень формасо. Саемга: *Но сех мазыйть Устят, Ку-лят; Сехте сюнав* сон сюродо (А. Куторкин); *Тесэнь усиятнеде кото. Соловкась — сехте покшось* (А. Доронин).

Неень шкань предикативень суффикс марто прилагательнойс ёвтазь сказуемоесь содавты субъектэнтъ свалшкань ёнксонзо. Саемга: *Урядни-кесь. Мекс тынь истя арсетадо, батюшка? Попошь. Тон аволь глу-поят?* (П. Кириллов); — *Тон тейтересь сэреят, мазыят*, превень коряскак пазось эзинзить обидя (Ф. Чесноков); — *Чумоян мон, Рам-ко... Седе пек чумо сон* (А. Куторкин); *Зярдо Никон* прядынзе кевк-стинеманзо ды кедь ахолдамосо тейсь тешкс, Балабан ушодсь: — *Те-тяй, — мерть тень истя, владыка, лемдямот, эдь монень тон тиринь тетядо малавиксат...* (А. Доронин).

Неень шкань предикативень суффикс марто прилагательнойс ёвтазь сказуемоесь невтекшны субъектэнтъ истямо ёнксонзо или аштема-улема-чинзэ лангс, конатне улить сонзэ ансяк кортамо шкастонть. Те смустесь панжови васняк кевкстемань валрисьметнесэ ды контекстэнтъ вельде. Саемга: *Ласте ардыятнень вельтась вень чопода. Тикшай киньгак эзь нее, сон ве седейсэинзэ марясь: Матвей Иванович Стрешнев косо-бути маласо. Ды, алжукскак, шкань ютазь тона серъгедизе: — Живат? — Живан, — састо, прок келезэ коськс, пшкадсь Инжеватов* (А. До-ронин).

Вейке ды секе жо прилагательнойсэнтъ ёвтазь сказуемоесь невтекш-ны кода свалшкань, истя жо аволь свалшкань ёнксткак. Саемга: *Пала-ша чочинзе сынт (повтнень), перьканзо тапардась эчке карькс ды мельспародонтъ таго киштезь киштезевсь: — Мазыйде мазыят,*

боярава! (А. Доронин); *Мон сюнаван, мазыян, эрямо таркам ули, книгат ловнан, тарган — мезе оштё эряви?* (А. Брыжинский). Васенце валрисьмесэнтъ *мазыят* прилагательнойс ёвтазь сказуемоесь максы ха-рактеристика субъектэнтъ кортамо шкастонть, омбоцесэнтъ — содавты субъектэнтъ свалшкань ёнксонзо.

Ютазь шкань предикативень суффикс марто прилагательнойс ёвтазь сказуемоесь невти:

1) а содавкс ютазь шкасто субъектэнтъ, пертьпельксэнтъ ёнксост лангс: *Менелесь валдоль. Аволь васолдо кайсететсь од ломанень вайгельть* (А. Щеглов); *Сельмензэ якстерельть...; Потмурадо пот-муральть* ломантнень ёжост (А. Доронин);

2) содавкс ютазь шкасто субъектэнтъ ёнксонзо лангс: *А пек вад-ряль сеть читнестэ Михеень оймеёжось* (Ф. Чесноков); *Грозноень пингстэ уш покштянок сюнавдо сюнавольть; Коськеде коськель тедедень кизэсь — розесь алкине; Одсто мон чийнеманть коряс пек эрязалинь* (А. Доронин);

3) субъектэнтъ свалшкань ёнксонзо лангс: — *Пароль цёрась, цар-ства небесной тензэ* (В. Коломасов).

Сказуемоесь — числительной

Сказуемоекс эрсить кода ловомань, истя лувонь числительнойтнеяк: *Пулагаензэ (Палаксень) мик кото* (В. Радаев); *Алмаз Иванов дяко-нось, мартонзо озадо аштицясь, ёвтнесь тензэ: «Московсо ломантне-де, тонсь неят, тежань тежат»* (А. Доронин); *Билет мельга мон котоцелинь* (А. Брыжинский).

Сёрмадовкстнэсэ седе сеедьстэ вастневи аволь неень, а ютазь шкань предикативень суффикс марто ловомань числительнойс ёвтазь сказуемо-есь ды невти ютазь шкасто субъектнэнь ламочист, иест: *Лездыцяноз кавтольть: кедензэ ды мазычинь вечкемазо* (А. Брыжинский); *Ми-кань иензэ кемелеть* (А. Куторкин).

Сказуемоесь — местоимения

Сказуемоекс эрсить предикативень суффикс марто ды сынстемест эрва кодамо кужонь местоимениятне:

1) лицянь невтиятне. Саемга: *Некак те аволь сонгак; Ды те мон, Олда* (Ф. Чесноков); *Те теवेशь тонь, владыка, — теке а мезть тейнемадо мерсь монахось* (А. Доронин);

2) виегавтома-личнойтне. Саемга: *Те оршамопелесь монсень; Кни-гась тонсетъ;*

3) ловома-личноесь. Саемга: *Троицянтъ ютамодо мейле вейке маней валскестэ Варакин ловнома кудосонтъ ансяк съкамонзоль* (А. Куторкин); *Валске марто кудосонтъ Лиза съкамонзоль, авазо уль-несь церьковасо* (А. Брыжинский). Ютазь шкань предикативень суффикс марто съкамон ловома-личной местоимениясь невти субъектэнтъ вейкекс-чинзэ или ламочинть киртямонзо лангс;

Зяро — мотренине!
Амо — марене?

4) кевкстемань-относительнойтне. Саемга: — Тон **кинъ** урьсь? — Алексей Михайлович дивазевсь пря идемантень ды теке шкастонть сонськак мекс-бути визделгадсь (А. Доронин); Варштак, **кодаман** мон шумбрай (В. Радаев); **Кодамо**, каня, сонзэ шумбрачизэ (А. Мартынов); **Кодама**т эряжат, — мизолдозь мерсь кортыцянтень Обран (К. Абрамов); Эка, **зяро** сюнавчить неть таркатнесэ! — сывельсэ каванязь каткак сон (Никон) ноштынзе турванзо; **Тевесь вана мейсаль**: Втулкинзэ пильгсэ ней ульнесть аволь чинь цивтёрдыця котатне — деготьсэ ваднезь сэрей яловой кемть; — Тон **кия**т? — тарск тейсь Никон (А. Доронин); Васня тандаlestь, мейле промсть перькан. — **Кия**н? **Костонян**? — кевкстнить ломантне (А. Куторкин); Борзов пейдезевсь ды мерсь лавтовонь кепедезь: — **Кодама**т тон... Ну мекс монь марто кортнемстэ петлят кайсят, прок нумоло, охотникстэ оргодемстэ? (А. Щеглов);

5) невитицтне. Саемга: ...Сэтъмесь **текель**. Но шекшатакс чувтос чавсь кеняркось керш ёно мештесэнь (А. Куторкин);

6) определительнойтне. Саемга: Сон (выставкасэ) **истямо жо** те кизэстэнтъкак (В. Коломасов); Кочкаренъ **лиялать** арсеманзо; **Истямоль** од пингень уцяскам... (А. Доронин). Ютазь шкань предикативень суффикс марто **теке**, **секе**, невица ды **истямо** определительной местоимениятне невить субъектэнтъ или пертьпельксэнтъ ёнксонзо лангс ютазь шкасто.

7) возвратное. Саемга: **Те** книгась **эсеть**.

Сказуемое — причастия

Сказуемое эрсекшнить:

1) неень шкань действительной причастиятне, молиндеряйт сынь существительное таркас. Саемга: — **Кодамо тон а чарькодицят**, Киря! — кецясь Ёга (А. Щеглов); — Минь мезе, инязор, минь ансяк **чувицят**, — прысонзо ахозяевсь секе цёрась; Ней сынь храмось **служицят** (А. Доронин);

2) неень шкань страдательнойтне. Саемга: — Эка, брат, тон **кодамо... а кирдевицят**. Весемедэ бажат содамо, — окойники пейдезевсь Стрешневгак (А. Доронин);

3) ютазь шкань страдательнойтне. Саемга: **Манить** уш Трокс **порядканти** куншкас **теезь** ды **панжозь** аволь вишкине ловнома кудо (А. Куторкин); **Вана тон нуезят**, розь, пултс **сюлмсеязт** (А. Доронин).

Неень шкань предикативень суффикснэ вастневить кода неень, истя ютазь шкань действительной ды страдательной причастиятне марто. Неень шкань предикативень суффикс марто причастиясо ёвтазь сказуемое содавты или субъектэнтъ свалшкань ёнксонзо, или истямо ёнксонзо, конатне кемекставить эйзэнзэ кортамо шкантень. Саемга: Од бояравакс мон **оршазян**, покш азоравакс мон **карязян** (А. Куторкин).

Ютазь шкань предикативень суффикс марто причастиясо ёвтазь сказуемое содавты:

1) эрикс субъектэнтъ свалшкань ёнксонзо: Ювеналий **старець**, ко-

нань марто зрясь келияс, **ламонь содыцяль** ды теңс бажась тонав-томо цёрантькак; **Потамонь а содыцяль**т сынь ды **икелев не-ицяль**т (А. Доронин);

2) невити тевтееманть прок ёнксонть а содави́ке ютазь шкасто: Ёвтнесь сон, мезе **теезель** сынст епархиясонть пазонь уретнень оймест ванс-кавтомга, **кодат од храмт стявтозель**т меельце иетнестэ; Митрополитэнтъ пельде ушмодеекс **кемекстазель** Матвей Иванович Стрешнев (А. Доронин); Сынь (понань цюлканзо ды пракстанзо) исяк чокшине печуркантень костямо **тонгозель**т начксто... (А. Мартынов); Кудыненить **вальманзо** исяк уш **порксазель**т (Л. Седойкин).

Сказуемое — деепричастия

Сказуемое эрситъ **-до**, **-де** суффикс марто деепричастиятне. Сынь невить субъектэнтъ аштема-улемачинзэ или тарканзо лангс. Саемга: Цёрась **стядоль**. Вейке кедьсэнтъ кирдсь сачок, омбоцесэнтъ — ульма, кона мендязель лишмень чирькекс; Тикишай **озадоль** Киуш Чавкинэнь вакссо (А. Доронин).

Сказуемое — наречия

Сказуемое вастневить смустень коряс эрва кодамо кужонь наречиятне:

1) определительнойтне. Сынст ютксо:

а) уликсчинсетне. Саемга: Ёга Паванень **карксамга** (Ф. Чесноков); **Леметь кода?** — кевкстнесь Муза Львовна (А. Куторкин);

б) ламочинсетне. Саемга: — Эка, **кода ламо** авидечить моданть лангсо! — **кувсезевсь** монахось (А. Доронин); Пенгетнеде **аламо** (В. Арапов);

в) тевтеемань ладонсетне. Саемга: ...Модаськак эсь куявчидензэ **мельспаросоль** (А. Доронин);

2) неветексэнь-марьявксонсетне. Саемга: Вана нейгак ве сакаловось **цётмаршка** мокинасонзо — **хрон!** — ялганть курго ланга; Венс **уше** сон (Тишай) прынзо **вальма** варяванть, тетясь — **калик!** — пенчсэ теңзэ касмо ланга. Таго кавто партъ панжстъ. **Уль-уль-уль** — сёвонь чакштнес (А. Доронин);

3) обстоятельствомсетне. Сынст ютксо:

а) таркансетне: **Поза латкось** тесэ **маласо** (Ф. Чесноков); — **Косот** лиятне? — шумбрактнемадо мейле кевкстсь Евгений Сергеевич (А. Щеглов); **Костонят** тонсь, **паро** лومانь? (А. Брыжинский); Матвей Иванович кепедизе ружиянзо, **серьгедь** теңзэ: — Эй-вай, тон **костонь** ломанесь?! (А. Доронин); — Умок **тесат**, Фёдор Михайлович? — шумбрактнемадо мейле сон (патриархось) кевкстизе тонань (Ртищевень);

б) шкансетне. Саемга: **Ушось** уш **чопотема маласоль** (А. Доронин).

Неень шкань предикативень суффикснэ вастневить седе пек таркань наречиясо ёвтазь сказуемое марто. Саемга: Тон монь **зистэ васолат**,

сокссо тов а пачкодят (В. Арапов); — Клавдя! — таго пижакадсь. Мон — **тесан, тесан**, — каятотсь кудостонт котныця вайгель (А. Доронин);

Ютазь шкань предикативень суффикс марто наречиясо ёвтазь сказуемое содавты ютазь шкасто субъектэнь тарканзо, ёжомарьямонзо-эрямочинзэ, пертьпельксэнтэ ёнксонзо. Саемга: **Эсесткак розь пултнэ сескельть, ансяк теэмс кемень эскедькст** (А. Куторкин); **На де ж да Петровна. Тон косольт, Луша, чинь перть? Луша.** Попаванть кудонзо урядын... (П. Кириллов); **Саразонь цопадицятне уш васолольт** (А. Доронин).

Наречиятнень ютксо улитъ валт, конат панжитъ ломанентъ, ракшатнень ёжомарьямост, пертьпельксэнтэ улеманзо-аштеманзо ды свал эритъ лицян а невтиця валрисъметнесэ предикатокс. Саемга: **Вирьсэнть сатьме, экше...** (К. Абрамов).

Сказуемое — валмельгакс марто теевкс

Сказуемоекс эрситъ эрва кодамо сؤلмавомань (таркань, каршо аравтомань (сравнениянь), азорксчинь, вейсэндявомань (комитативень) ды полавтомань (замещениянь) невтиця ды лия валмельгакстнэ. Саемга: — **Вай, Сергей, мекс чамат верь потсо?** — **кевкстизе Костя** (А. Мартынов); **Глеб Иванович Морозовонь «верев» куземазо ней целанек лелянзо кедьсэлъ; Эряви Инжеват урьвакстомс, ававтомо кудось — утомонь кондямо; Луша вакссольт Каргай Макарь; Цёраськак сонзэ кондямо** (А. Куторкин); ...**«Инжетне» уш столь экисэльт** (А. Доронин).

Неень шкань предикативень суффикс марто валмельгакссо ёвтазь сказуемое содавты:

1) кортамо шкастонть субъектэнь тарканзо или ёжомарьямонзо. Саемга: **Тон столь экисат, каванить эйсэть эрва мезде** (А. Брыжинский);

2) субъектэнь свалшкань ёнксонзо. Саемга: — **Лисни, ней уш тон аволь колхозникат — икелень бояртнэнь кондымат...** (А. Доронин); — **Оно кода! — дивазевсь Ёга. — Учителесь лови тонь эсенк школань славакс? — Мекс школань... Хоть школасяк мон аволь мельцетнень ютксан** (А. Щеглов).

Ютазь шкань предикативень суффикс марто валмельгакссо ёвтазь сказуемое содавты ютазь шкасто субъектэнь тарканзо, кие-бути марто улеманзо или лия ёнксонзо: **Мика Зоянок икелель** (А. Куторкин); **Аштесь празь сон (Григорий) видьстэ попонть кудонтъ каршо ды верь потсолъ** (А. Щеглов); **Сень (Матвей Иванович Стрешневень) кудось панжоме экисэльт** (А. Доронин).

Сказуемоекс истя жо эрситъ:

— азорксчинь суффикс марто валмельгакстнэ. Саемга: **Тон те шкастонть мартонзолить** (Сятко);

— междометиятне. Саемга: **Э-э, брат, тесэ уш тон цю, — аволдась атясь Кази ёнов** (А. Щеглов).

25 §. АВОЛЬ ГЛАГОЛОНЬ СТАКАЛГАВТОЗЬ СКАЗУЕМОЕСЬ

Аволь глаголонь стакалгавтозь сказуемое ашти сؤلмиця валсто, кодамокс карми улеме финитной глаголось, ды лия кортамо пельксэнь валсто. Сؤلмиця валтнэ эрситъ колмо кужонь.

1. Васенцентень кандови шкань ды наклонениянь эрва кодамо формасо аштиця **улемс** глаголось, кона канды ансяк грамматикань смусть. Саемга: **Семиязо (Яков атянь) ульнесь аволь покш** (Ф. Чесноков); **Сонзэ лемезэ ульнесь Котова** (Я. Кулдыркаев); **Ине кужосо покш прятокс ульнесь кочказь Астай покштысь; Истямо сон ульнесь сестэ, овтотне тандадсть эйтэнзэ мик!** (В. Радаев); **Весе ноябрьсь ульнесь тарькс тиземе** (К. Абрамов);

2. Омбоцентень кандови лексикань лавшомтозь смусть марто куш кодамо глагол, конась седе пек невти аволь лексикань, а грамматикань смусть (шка, наклонения): **Ломантне аштестъ теке канкстомозь** (А. Доронин); **Вансы — Пурейша ашти озадо** (В. Радаев);

3. Колмоцентень кандови истят сؤلмиця глагол, конатнесэ кеместэ ванстови лексикань смустесь: **арамс, ловомс, теевемс, неявомс, савомс, велявомс** ды лия глаголтицяк: **Розь паксясь теевсь солаветозь итакс; Веть виресь марьявсь чавокс** (К. Абрамов).

Аволь глаголонь стакалгавтозь сказуемойсэнтэ аволь сؤلмиця пельксэсь невтевкшны:

1) существительнойсэ или существительноемь смустьсэ саезь лия кортамо пельксэсэ:

— номинативсэ: **Сывелень пициятне ульнестъ весе сыре атят** (К. Абрамов);

— транслативсэ: — **Тон, Тумай, ней улят раськенъ прятокс, — кортасть Пургаз; Пургаз ней сынст туртов ульнесь идицякс, весемеде малавикс ялгакс** (К. Абрамов); **Умок Хоманень охоталь улемс председателекс** (Ф. Чесноков);

— аблативсэ: **Аволь нузякстнэде ульнесь Яков атя** (Ф. Чесноков);

2) прилагательнойсэ: **Пургаз кундызе кедензэ, сон ульнесь цють лембе; — Сыредевсь, — уктазь мерсь Инюш атя ды поладсь: — Обран покштыть шкасто ульнинь од, виев** (К. Абрамов);

3) местоимениясо: **Ульнестъ истяткак кемкстемат: — Мейс максовтынк виренек Инюшенъ раськентень?** (К. Абрамов);

4) числительнойсэ: **Ильтицянзо ульнестъ котонест** (А. Доронин);

5) наречиясо: **Кудозо ульнесь маласо; Виресь ульнесь эйтэст васоло** (В. Арапов);

6) причастиясо: **Сынст лишмест ульнестъ андозь — цитъ мерильть** (Я. Кулдыркаев);

7) валмельгакс марто теевксэсэ: **Тень кондыт ульнестъ лия оштнеяк; Миянзэ ульнесь лиянь кедьсэ; Кода якасть Теньгушенъ, сон ульнесь паро ладсонзо** (К. Абрамов); **Сон (горнициясь) ульнесь пазава потсо; Сонгак (Елена) кедьсэть ульнесь** (А. Доронин).

Истямо сказуемойтнень ютксо явовать зярря кужот:

1) глаголонь (кона ашти финитной глаголсто ды инфинитивстэ). Са-емга: *Леция врачось кармавтсь саемензэ оймсеке ковгак иневедь чирев; Чинь ютазь сон (Кошай) пурнась молеке Изяронь тейтерен-зэ чиямо* (К. Абрамов);

2) аволь глаголонь (кона ашти лездыця глаголсто ды валсюлмавок-сто ды моли аволь глаголонь стакалгавтозь сказуемоемь ёнов). Саемга: *Уцяскат — улемс истямо эрикс, ломантне кемезь молить кона мельга, тевень янонзо ловить эсест кикс* (И. Калинин);

3) човорязь (кона ашти глаголсто, лемстэ ды моли глаголонь ды аволь глаголонь стакалгавтозь сказуемоемь ёнов). Саемга: *Те шкас ловинь эйсэнзэ сехте превеекс; Тейтересь аштесь теке абунгадозь* (Сятко).

коралюкс?

кода?

Валрисьмень прявт пелькстнде башка, весе лиятне кармить лезды-цякс или аволь прявтоск. Истямокс сынь лововить секс, мекс пурнавить ансяк прявт пелькстнэнь перька ды невтить сынст эрва кодат ёнксост. Прявт пелькстнэнь ды сынст чарьковедтиця валост пингстэ невтевить ат-рибутивень (определятельной), объектэнь ды обстоятельствовань эрва ко-дат сюлмавомат-кандовомат. Весе неть сюлмавоматнень-кандовоматнень невтицякс саевить аволь прявт пелькстнэ. Сынст вельде невтеви, кода тевтеемась аравтови кодамояк объект лангс; кода, мезекс, кодамо тувта-локс невтеви тевтеемась.

Атрибутивень сюлмавоматнень-кандовоматнень невтемга саевить определенияне, объектэнсетнень — дополненияне, обстоятельствовань эрва кодамо сюлмавоматнень-кандовоматнень невтемга саевить обстоя-тельствоватне.

Аволь прявт пелькстнэ неявить-содавить сыненст путозь кевкстемат-нень коряс. Саемга: *Кизэнь валске валдо росась пильгтнень экшелгав-ты*. Те валрисьмесэнтэ росась экшелгавты прявт пелькстнде башка улить лездыцяк: *экшелгавты мезтнень?* — *пильгтнень* (дополне-ния); *росась кодамо?* — *валдо* (определения); *экшелгавты зярдо?* — *валске* (обстоятельства); *валскезь кодамо?* — *кизэнь* (определения).

27 §. ОПРЕДЕЛЕНИЯСЬ

Определениясь — валрисьмень аволь прявт пелькс, конасонтэ не-втеви предметэнтэ уликсизэ (признакозо). Сон аравтови валрисьмень эрва кодамо пельксэнтэнь, улиндеряй се невтезь существительнойсэ или субстантивированной валсо. Определениясь малав свал путови определяе-мой валонтэ икелев. Сон а полавтневи числава, падежга, а сайни азорк-чинь ды невтемачинь суффикст. Саемга: *покиш кудо* — *покиш кудот, покиш кудотне, покиш кудосо, покиш кудосто*, *покиш кудозонок, покиш кудотнеде*... Определениятненень путовить кодамо? кона? костонь? кинь? мезень? зяро? зяроце? кевкстематне. Саемга: *Ещё аволь нек умок те келей паксянтэ лангсо лымбась кенерезь розесь* (В. Коломасов). *Весе кудо потмось пешкедсь вайгельде* (Ф. Чесноков). *Сестэ мекс Аниса эрва сексна лембе масторов ливтицятнень мельга ваны?* (А. Кутор-кин). *Курок панжовить крепостень ортатне, эзгаст стрелецтнэ кар-мить нолдтнеме купецень увавтнень* (А. Доронин).

Полавтындерясы определениясь определяемой валонтэ марто таркан-зо, сестэ сон саи лия смуть. Тень пингстэ полавтови определяемой ва-лонтэ грамматикань смустезяк: *тюжа ал* (тесэ *тюжа* — определения-прилагательной, *ал* — определяемой вал-существительной); *ал тюжа* (тесэ

тюжа — определяемой вал-существительной, *ал* — определения-существительной), *ливти нармунь* (тесэ *ливти* — определения-причастия, *нармунь* — определяемой вал-существительной); *нармунь ливти* (тесэ *нармунь* — подлежащей-существительной, *ливти* — сказуемой-глагол).

Художественной текстнэсэ стилистикань ёнкстнэнь кисэ определени-ясы ашти определяемой валонть мельгаяк. Сестэ сон путневи вейкенъ или ламонъ числасо определяемой валонть числанзо лангс ванозь. Истят вал-сюлмавкстнэсэ сон кадови определениякс ансяк сестэ, зардо явови ёвтам-сто вайгельксэ (интонациясо) ды виевгавтови сонзэ смустезэ. Саемга: *Но вестъ кизэнь шкане лиссь толгелъ пожаронъ велень тона пестэ* (П. Любаев). *Седеезэнь сэтъме читне чачтыть арсемат кувакат, таго тердить васов китне...* (А. Сульдина).

Определениясь определяемой валонть марто теить грамматикань вей-ке сюлмавома, кона лемдеви «субстантивной валсюлмавксокс», косо прявт валосъ карми улема существительной.

Определениясь эрси ёвтазы: 1) прилагательнойсэ, 2) причастиясо, 3) существительнойсэ, 4) числительнойсэ, 5) местоимениясо, 6) наречия-со, 7) инфинитивсэ, 8) валмельгакс марто существительнойсэ ды место-имениясо.

Сехте сеедьстэ определениясь эрси ёвтазы **прилагательнойсэ**, кона-сонть невтеви эривикс уликсчись:

1) тусонь. Саемга: *Тундось — пертьпельксэнтъ одс чачома шказо. А стяко, зардо модась соркстась, озимтне пиже парсеекс сравтовсть* (А. Доронин); *Омбоце чистэнтъ школав туемстэ коцтонъ сумказон путынъ кавто якстере покш умартъ* (В. Арапов); *Венчесь пачкодсь леентъ тона чирев, нерькставсь ашо човарксонть ды оймасъ. Ютынзе Кижеват весе кундсемканзо ды пурнась ансяк вейке тюжа ривезь ды кавто урт. Вельть аламо. Вейке раужо ривезентъ пизэстэнтъ поризе верьгиз эли лия мезе* (К. Абрамов);

2) предметэнь покшолмань. Саемга: *Никононь кснав сельведензэ, келей чаманть уцорязь, неверсть раужо сакалтнэнь потс* (А. Доронин); *Покш леентъ кувалт венствозь сэррей пандось вельтязь тусто вирьсэ* (К. Абрамов);

3) ломанень иень-пингень шкань. Саемга: *Коми чись, од цёракс па-ласы одирьва моданть — ды таго верев, либордыця вирентъ вельксэс* (А. Доронин); *Кизэнь шкава Ветаванть ваксс кадвиить ансяк вишка нуцкатне. Цёратне, урватне ды покш нуцкатне тукишныть паксянь тевс, эрить тоско, кизэнь кудова. Сонсь (Обран) кадовсь ошонть веженсь нинть марто* (К. Абрамов);

4) танстенъ. Саемга: *Эйкаштнень симдсть тантей позадо* (К. Абрамов);

5) пертьпельксэнь ёнксонъ. Саемга: *Сеть цёратнень эйстэ, конат ветизь тей, вейкесь тонгсь каштомонъ пси сяткотнень юткс кувака кшни пе...* *Маряви, стомавсь, сизесь коське псидентъ масторавась, эряви тензэ ормаменькс — паро, сэтъме, лембе пиземе* (К. Абра-мов).

Определениясь эрси невтезь прилагательноень эрва кодамо степе-нень формасо:

а) положительнойсэ. Саемга: *Паро лемесь, ниськак истямо: сэррей, мазый чама, сельмечирькензэ цянавань теине рисьмекс таргавсть конянзо алга* (А. Доронин); *Сыре нитне вельть а вечкилизь вежа-ванть* (К. Абрамов);

б) компаративнойсэ (карадо-каршо аравтомасо). Саемга: *Багдадось — мусульманинэнь мастортнэнь седеезэ. Седэ покш ош мастортнэнь лангсо косояк арась...* (К. Абрамов). *Аволь вайгель казсь тензэ Инеш-кесь — баягадо гайтев морамо...* (А. Доронин); *Мейле владыкась чиремсь кевдеяк калгодо тарканть ды пелевес яла ледстнесь зсь эрямонзо* (А. Доронин);

в) суперлативнойсэ (превосходнойсэ). Саемга: *Салава ладсо кандт-низь Репештяв ды, тулуп потс тапардазь, якасть мартонзо сэррей лов потмова сехте рацяня чувтонть перька...* (А. Моро); *Веть, коське тикше лангсо мадезь, удомаьскак эзь педя — яла кунсолось покшонть ёвтнеманзо Равонь бурлактнеде, заводсо томбавоматнеде, васоло Питерсэ мазыйдеяк мазый дворецтнеде, фонтантнеде, кевстэ ке-рязь ломантнеде-ракшатнеде* (А. Моро); *Виевде виев леесь кизэнь сэтъме шканеяк эль уеви, ялатеке чадыведне пандонть эзь кузевкине* (А. Доронин).

Определениясь эрси невтезь относительной прилагательнойсэяк, ко-нат невтить эрва кодамо ёнксонъ смусть:

1) мейстэ теезь предметэсь. Саемга: *Сёвонень вакантнэс ликшанъ кашанть Анисия кайсесь сонсь...* *Миша ярась ловажанъ пенчсэ, кап-шазь, мерят, лишмесэ пансть мельганзо* (А. Доронин); *Калонъ чинентъ марто лопанъ сюкороськак седе нилеви* (В. Арапов);

2) тарканъ. Саемга: *Ошонъ ортатне чинек-венек аштестъ сёлгозь, тулодозь* (К. Абрамов); *Вирень мазый кужос пурнавь эрзят куцяс, сювить тумонъ сялгот ды човить узереть* (Я. Кулдуркаев);

3) шканъ. Саемга: *А уш косо цительдиця манеесь ды чипаень нурьги-ця чевгетне, тосо тундонъ кеняркстнэяк* (А. Доронин); *Вень пиземе-дентъ мейле валкесь истямо сэтъмель, мик марявь од туминетнень салаванъ кашторксост* (В. Внард);

4) азоркчинь-раськечинь. Саемга: *А эрзянь тейтерть, мазыйчинъ цецят, якильть чоледезь, ваньильть пеедезь, цёра юткова уильть яксяр-гокс* (Я. Кулдуркаев).

Определениякс эрсить качественноень смустьсэ саезь относительной прилагательнойтнеяк. Саемга: *Сырнень толсо палсть Софийской собо-ронть маконзо...* (А. Доронин).

Определениясь эрси ёвтазы эрва кодамо кужонъ причастиясо:

а) неень шканъ действительнойсэ. Саемга: *Ушмай аравтынзе ван-стыця ломанензэ эсь таркаваст, сонсь тусь кудов оймсем...* (К. Абра-мов); *Ока леентъ валгиця пандо чамаванть кужотне вельтявсть пиже тикшесэ. Пургаз вансь весементъ лангс седеень талнозь ды кунсо-лось ломанень а оймавиця шалтонть* (К. Абрамов); *Алтарентъ икеле сон (Никон) аштесъ мейсэяк а сявордовиця тумокс* (А. Доронин); — *Арась, арась, — тандадсь патриархось ды чова кедьсэнзэ кошт-канть истя ахолязевсь, мерят икельдензэ пуниця мекишь пансесь* (А. Доронин);

6) ютазь шкань действительнойсэ. Саемга: *Кудосо учось эйсэнзэ од низэ, конань саузе ютазь сёксня* (К. Абрамов); *Лисезь чись мизолдсь мельгаст кургонь келес...* (А. Доронин); *Монастырентень лекикадозь тумо виреськак эшкесь мейсэяк а савиця кирьпецтнень пунсиця тардсо, повердсь лангзост кольгича эйсюрот* (А. Доронин);

в) неень шкань страдательнойсэ. Саемга: *Ды нинть марто вейсэ совасть содавикс орожиантень* (А. Моро); *Шкась ульнесь вельть аламо, ды сеске максома тейтеренть пурнызь-сэрнись курукке* (К. Абрамов); *Мельстэнзэ а тукины вечкевикс мирдезэ, кона вакссо ульнесь ансяк кавто чить* (К. Абрамов);

г) ютазь шкань страдательнойсэ. Саемга: *Чиязь одирьванть кисэ биляртинэ састь кизэ куншкава. Чапозь чочктнень эзга каднозь вальмань кондят теине юткот...* (К. Абрамов); *Эрзятне ды мокишотне — викинезь кувача ашо панарсо, сэнсь артозь пракстаксонь понксо...* (К. Абрамов); *Кияксось ванькс, сэдьякс лэзтнэ натой туюжат, мерят ёзэз солавтозь штасо* (К. Абрамов); *Никита капшазь тонгинзе лэнгень котанзо, эзем алдо таргизе кекшезь котомкинензэ...* *Озась коцтсо чавозь озамкантень* (А. Доронин).

Определениясь ёвтавшны существительнойсэяк, кона ашти:

1) абсолютной формасо. Саемга: *Ней сон удось таркань трокс рунгонь венстязь, кудо экшенъякак эзь маря...* (А. Доронин); *А содан, мекс мода туюсо сарафансо оршазь ведунавась Никононь валдо келиантень тундонь нимлявокс ливтякшность* (А. Доронин); *Вирь отьмань пизэстэнзэ кепедевезь, кавалось азорокс велясь-чарась менельсэнтнь...* (А. Доронин); *Ойме мельякстнень пансезь, владыкась стясь чевте кресластонтъ, кармась мекев-васов яксеме покойганть...* (А. Доронин); *Никононь пильге чалгавксонзо кайсететсть паникудованть пурьгине зэртекс* (А. Доронин);

2) генитивсэ. Саемга: *Но теемс кадовсь ней мезе? Мезес прыть аванть ноготтнэ* (А. Куторкин); *Апак потомда вальма варяванть пувсесь ушосто варма кошт, марявсть кискань онгома, саразонь котнома ды васолонь сееремат* (К. Абрамов); *Мезе сёпомс, стрелецтнэнь ютксо улить ломанень кардсто саразонь таргсицяткак* (А. Доронин);

3) аблативсэ. Саемга: *Вант — иля аварьгадт, — арси Мика, мокишань свистязь, — мон муян кежде менькс* (А. Куторкин);

3) инессивсэ. Саемга: *Кожанкасо цёранть некиния икелеяк. Васолдо марявсь мазыйстэ баянсо седямо* (К. Абрамов); *Ведьганть усковсь прыця тештень, сырнень калнэ прок, сулеесь. Лавсьсэ эйдекс налкесь леес* (А. Куторкин);

4) элативсэ. Саемга: *Пекишестэ картне цидярдильть ансяк ве недлянь перть* (А. Куторкин); *Кардазсто чинесь марявсь тензэ совась мартонзо икельце кудоскак* (А. Доронин);

5) иллативсэ. Саемга: *Инзейс паргинест анокстылизь чокине ланга* (А. Доронин); *Ялатеке сон вийсэнзэ кирдсь телень ламо якшамот, эйс оршневема, лекшамот, начко шкасто кельме ливезь* (А. Куторкин); — *Сень сонензэ мон казия, зардо сон — а кияк лия — лесопилканок паломстонть монь ливтимим толс куломстонть* (А. Куторкин);

6) компаративсэ. Саемга: *Вере, сэньшкадозь менельсэнтъ, эйкакшокс мизолдсь паргошка чись, теке кияк оев пачалкседе каванизе* (А. Доронин); *Букатне ульнест истят покит ды виевь, усковольть пандошка улав* (К. Абрамов); *Адя тестэ ковгак лияв, а то тетявтомо кадовить...* *шуба повнешка эйкакшкенек, цёрыненок-тейтерненек* (А. Куторкин);

7) абессивсэ. Саемга: *Лишмевтеме ломанесь пильгевтемень кондымо — а модемс ков, а ускомс мезе* (К. Абрамов); *Дмитрий Иванович яла моткодсь: кельме, вайгельтеме эйкакшонть кис васня цела баран кандсь, ней вана сонзэ кувалма низэ пранзо эль кельмевтьсы* (А. Моро);

8) валмельгакс марто существительнойсэ. Саемга: *Моргонть куншкасо аштесть пуре корцягась ды ченькс марто чакшось, конань пачтизь Инязоронь кудосто* (К. Абрамов); *Дмитрий Иванович козкстась, кескавсто таргась ды пунсь столенть лангс лавкасто рамазь ашо вина сулика, ваксозонзо шапшсь кудосто ускозь каваньякс марто юдмине* (А. Моро); *Полоз лангсо кудынетне ды ластетне сыргасть вить кияванть, кона ветясь покш сэдентень...* *Никита эзь фатяяк атянтъ эйтэ явомантень* (А. Доронин);

9) -ма суффикс вельде глаголсто теезь существительнойтнесэ. Саемга: *Весть манить, зардо Анисия пешкесэ арасель, Фёдор Андреевич снартыксэль мекев ускомонзо чачома ёксов...* (А. Доронин); *Сонсь Никон веньперть сельмть эзь коня. Яла топавтсь ознома тевензэ* (А. Доронин); *Кавто лейтнень васодема улосонтъ теезь покш венчень лотксема тарка* (К. Абрамов).

Определениясь вастневить эрва кодамо кужонь числительнойтне:

1) ламочинсетне (количественнойтне): *Кавксо чинь перть мольсть виренть пачк, вейксэцестэнтъ лиссть келейде келей чирес...* *Сонсь эрькесь а неяви — тов сисем вайгельпетъ...* (А. Доронин); *Промза ды Кемай колмо чить мольсть вирьганть* (К. Абрамов); *Вейксэ велень перть паксянзо, вете поймава луганзо. Пест а муевить бирензэ. Колмо покит нешке бирензэ* (А. Куторкин);

2) лувонсетне (порядковойтне): *Кемай тусь омбоце кудонтень...* *Тейтерентень мольсь кеветееце ие* (К. Абрамов); *Сон (Никон) ней — Россиянь омбоце духовник, эдь Юриень монастырень митрополитэсь ловови патриархонь полавтыцякс* (А. Доронин);

3) малавикс ловомансетне: *Ошонть эйтэ пелевёнов, нилешка вайгельпень ютксо Окась пры Рав леентень...* (К. Абрамов); *Пургаз энялдозевсь, кадовлизе кавтошка иес апак урьваксто* (К. Абрамов); *Ломантне лекстямояк эзть кенере, кода сон подлась берёмастонзо сизьгемень ветешия иесэ аatine* (А. Доронин).

Определениясь эрсить эрва кодамо кужонь местоименият:

1) невтицят. Саемга: *Венчесь пачкодсь леентъ тона чирев, нерькставсь ашо човарксонтень ды оймась* (К. Абрамов); *Се виресь, нама, умок коськсь-олась, ламот теде уш а ледстнитъякак...* (А. Доронин); *Домкат ды сэрить неть васолкстнэ ды ялатеке сасавицят* (А. Доронин); *Окойники явовсь (Никон) неть нусманя мельтнеде, серьгедизе Никодимень ды ушодсь кевкстнемензэ* (А. Доронин);

2) определительнойть (содавикст). Саемга: *Вежавась вастынзе сы-*

цятнень кенки икеле, сюконясь **эрьва** инжентень, мейле кандсь чув-
тонь покш вакансо кедень шлямо ведь ды ванькс нармамо паця (А. До-
ронин); **Истямо** апарось канды покш зыян карадо-каршонь микине-
ма-рамсема теветень (К. Абрамов); А Сурасть чудиль витьстэ ютко-
васть, а мурдыль Сура ковгак ве ёнов, ковгак ве ёнов — **лия** масторов
(Я. Кулдуркаев);

3) аволь определённой (аволь содавикст). Саемга: **Кодамо-бути**
шка сон аштесь апак лыка, арсесь чарькодемс: онстонзо те сонензэ
цюдави или алкукс... Валаня ацамотнень таркас кедезэ марясь **ме-
зень-бути** тусто казямо пона (М. Брыжинский); **Суньдерьгадомс** пач-
кодсть **кодамо-бути** велинес (А. Доронин);

4) личной (генитивень формае). Саемга: **Минек** ошось сынест
маряви сельмс сыявксоск... Князесь каршонзо аволдась прясо, мейле
кевкстизе, мекс эрзянь азорось эзинзе нолда **сонзэ** ломантнень ошон-
тень (К. Абрамов); Мезе, **сынст** вересь седе ванькс, ломантне аволь
ве модань ведте симить — менелень эрексиядо? Малав весе **сонзэ**
кудотне кевень, кедьсэ кедьс а онкставить митрополитэнь эрямо пи-
зэнзэ **стенатнеяк** (А. Доронин);

5) возвратно-притяжательной. Азорксчинь смустьсэ саезь **эсь** воз-
вратной местоимениясь канды азорксчинь местоимениянь смусть. Саемга:
Эсь вадря тарканть кувалма монастырьсэ, кода ошоськак, чистэ чис
яла покшолгадсь (А. Доронин); Сынь молить тюреме **эсь** масторост
кисэ. Эрванть эйсэ вети изнямонь покш мель (К. Абрамов).

Определениясь эрекшнни ёвтазь **лия** кортамо пелькссэяк ды вал-
сюлмавкссоаяк:

— **наречиясо**. Седе сеедьстэ вастневить таркань невтицятне. Саемга:
Калмизь сонзэ аволь тескенъ калмазырьс — **васоло** Колычева велес,
васол бабаст ваксс, ды ней теде Хилков пек чуросто ледстни...
(А. Доронин); **Маласо** церьковасонть вачкодизь баягатнень (А. Дор-
онин); **Нетъ** валтнэде Промзань чамазо якстерьгадсь. Ялатеке эзь кадо-
во **каршо** валонь апак ёвта (К. Абрамов); Макарт-Лушат валскес
удомс ульнестъ каязь **башка** кудос (А. Куторкин);

— **инфинитивсэ**. Саемга: -мс суффикс марто: Ды апак учо влады-
кантень сась мель **ютамс** монастырентъ перька (А. Доронин). Ламот
сайтъ мель **экиёлямс** (К. Абрамов). Тов меленек ули **якамс**, косо
пештнемс можна пеке... (А. Куторкин). Ялатеке эрзяви меремс: инфини-
тивесь определениякс эрси пек чуросто. Инфинитив марто определяющей
пельксэнтъ таркасо апак стакалгавто определительной валсюлмавкстнэ
вастневить чуросто, секс мекс инфинитивесь парсте а панжи существитель-
ноентъ, секскак тесэ эряви конкретизация. Явовить истят валрисьметь,
косо прявт валось ёвтазь существительнойсэ, конат невтить процесс или
арсемань прявт мель, а инфинитивесь ёвты тевтееманть кода предмет или
арсеманть лувонзо. Саемга: — **Шка ушодомс!** — таго мериль тетясь,
ды, алашанть ваксс стязь, чевтьстэ вадяшилъ кутьмерензэ... (А. До-
ронин); **Вестъ** Прошка лелязо эзь кирдеве ды мерсь тензэ: — **Шка,**
цёрка, ломанькс теевемс (А. Доронин);

— **валсюлмавкссо**. Саемга: **Кудонтень** пурнавсть тейтерентъ

ялганзо, сон кармась урнеме **ялга марто явомань** урнемат (К. Абра-
мов); — **Цёрат**, мезть илядо бая, мон сонзэ марто согласян, — кор-
тасть **раужосо дубазь, ашо пушавкс марто шуба** (А. Куторкин);

— **имитативсэ** (невтевксэнь-марьявксонь валтнэсэ). Саемга: Вань
сыть ногайтне. Вармась канды пельдест минень-сюнонь чине, минень-
сюнонь шалт: или пижнить ломанть, или цяхить эльдетъ, **тыр-быр**
кортамосост а чарькодят валт (К. Абрамов); **Польдерь-польдерь**
сельведнест, авардить куротне, тувтнить сиянь ведьбайгест чопода
кумбонтень (Д. Надькин).

Определениясь эрси сказуемоентъ пингстэяк, **конасэ** ёвтави аволь
глаголсо, а вербализованной лемсэ (существительнойсэ, прилагательной-
сэ, местоимениясо, наречиясо), лиякс меремс, предикативень (сказуемо-
стень) суффикс марто валсо. Саемга: Икеле ёндо ваномсто — **цветэнь**
панжица пекшиея/мекшень **валгома** таркаян. Удалдо ёндо ваном-
сто — **мазы пайдодо** сэрэян, **чинзэ** **токамо** таркаян. Вить пеле
ёндо ваномсто — **штатолдо** виде пичеян/уронь **налксема** тарка-
ян. Керш пеле ёндо ваномсто — **кудряв, пек вадря** килеян, **куконь**
озамо таркаян (А. Куторкин). **ошамо тарка, надысьма тарка**

Стакалгавтозь (сложной) атрибутивной валсюлмавкстнэсэ кавто ды
седе ламо определениятне путневить определяемой валонть икелев. Ансяк
определениятнень вейкест-вейкест мельга молемасть ашти сень эйстэ, кода-
мо сюлмавкс сынёвтыть. Улиндеряйтъ нетъ сюлмавкстнэ вейкетъ (одно-
роднойть), сестэ определениятнень таркаст полатневкшныть. Валрись-
ментъ смустезэ кадови апак полавто. Сестэ жо, **язардо** **определениятне**
аволь вейкетъ сюлмавкст, сынст потсо эрьва определениянтъ эсензэ тарка-
зо: Эрзянь фольклористикасо ды литературоведениясо изнявкстнэнь
кис сонензэ максозель **Мордовиянь культурань заслуженной ро-
ботникень** лемес (А. Шаронов).

Нетъ саевкстнэсэ эрьва икеле молиция валось ашти определениякс сон-
зэ мельга молициантень, а весе валсюлмавксоь моли определениякс прявт
определяемой валонтень, кона ашти валсюлмавксонть песэ. Улиндеряйтъ
вейке определяемой валонть кавто или седе ламо аволь вейкетъ определе-
ниянзо, сестэ сеедьстэ васенцекс путневи се, кона ёвтазь местоимениясо:
Авейкетъ вайгельтнень пансемстэ сын **истямо** вейсэнъ морос чово-
рятьсть — аволь ансяк ломантне, сэняжа менелеськак **таймаскадсь**
(А. Доронин); **Лия** шанжавонь коцт ацы пильгензэ алов, таштонть
вельтясы одс, карми ламбамось салов... (Ч. Журавлёв).

Определениясь-местоимениясь путневи васенце таркас секс, мекс сон
невтнесы определяемой валонть (предметэнтъ) невтемачинзэ-аволь невте-
мачинзэ икеле аштица определениянтъ марто. Зярдо жо определениясь-
местоимениясь ашти определениянтъ таркасо, кона ёвтазь лия кортамо
пелькссэ, местоимениядо башка, ды путови определяемой валонть ваксс,
то невтеви ансяк определяемой валонть невтемачизэ-аволь невтемачизэ,
посессивностезэ или азорксчизэ.

Сайтяно истямо атрибутивной валсюлмавкс: **те** лембе кизэсь. Тесэ
те невтица местоимениясь невти весе валсюлмавксонть невтемачинзэ, аволь
ансяк кизэсь определяемой валонть. Путындерясынек **те** невтица место-
имениянтъ лембе определениянтъ ды кизэсь определяемой валонть юткс,

сестэ атрибутивной валсюлмавксось келейгады, прилагательноесь ёмавтсьпызе определениянь функциянзо ды карми улеме сказуемоекс, *лембе те кизэсь*.

Лиясто определениясь-местоимениясь ашти прилагательноемь мельга, секс мекс сон, местоимениясь, карми определениякс ансяк мельганзо молиция существительноемь. Саемга: *Стака неть мельтнень Никон ёвтынзе Ворсонофийнень ды истя варшась тонань чамас — мерят тензэ од менель невтсь* (А. Доронин); *Кизэнь истямо* шкане аволь ансяк ломанень — *цёковонь кирьгапарьгак, нать, коськени* (А. Доронин).

Определениясь-числительноесь седе сеедьстэ путови се определенийнть икелев, кона ёвтазь качественной прилагательнойсэ или причастиясо: *Монастыренть удалов, Волхов леемь чирес, Никон стяжтовтсь кавто од ведькевтсь* (А. Доронин); *Васенце кадозь калмазыресь аштесь монастыренть потсо, соборонть удало* (А. Доронин).

Ламочинь числительнойне невтить содавикс предметэнтэ ламочинзэ. Саемга: *Вейсэдинзе пельканть ды кавто покш суртинзэ, ютавтынзе нинть сельме икельга — теке аволь крёстонь тееме аравтынзе — салдырьксэс киши кувонь тонгомо. — Колмо сурсо Никон кармавты чекамо* (А. Доронин).

Лувонь числительнойне ёвтыть определяемой предметэнтэ тарканзо ловомсто. Лувонь числительнойне, кода ламочинсетнеяк, определениякс улемстэ а полавтневить падежга, ансяк арыть определяемой валонть ваксс. Саемга: *Московов Иосиф сыргиксэль колмоце чистэнтъ, ды тесэ апак учо стардызе седей орма* (А. Доронин); *Постось мольсь омбоце тарго, ды Никон ярснесь чизэнзэ вестъ, сестэяк ве капстадо, кансёройсэ рестаъ калдо* (А. Доронин).

Кавто определениянтнень ютксо, конат ёвтазь числительнойсэ ды не-втиця местоимениясо, определениясь-числительноесь седе сеедьстэ путне-ви определяемой валонть ваксс, секс мекс теи мартонзо а явовиця вал-сюлмавкс: *Нетъ колмо либоркайтне, улема, низеме алтнить, ды сын-гак Пазонь нармунть* (А. Доронин); *Оно сетъ кемемень цёратне лавтов-сост кандыть кедьёнкост — капшитъ калонь кундсеме* (А. Доронин).

Качественной прилагательнойне невтить предметэнтэ качестванзо сонзэ лексикань смустензэ марто. Истямо прилагательнойсэ ёвтазь кавто ды седе ламо определениянтнень эйстэ определяемой валонть ваксс путови се, ко-нань лангс аравтови башка мель. Саемга: *Те эрямо таркась мольсь покш нупаль ёнов: керш стенасонть — Византиясто рамазь сляника марто сэрей валдо вальмат, витьсэнтъ — эрва кодамо пежетте идиця крё-сттинзэ* (А. Доронин); *Виевде виев леесь — вадря сэтъме* шканеяк эль уеви, ялатеке чадыведне пандонть эзь кузевкшне (А. Доронин); *Ойме мелявкстинзэ пансезь, владыкась стясь келей, чевте* кресластонть, кармасть мекев-васов яксеме покойганть (А. Доронин).

Зярдо жо аравтови башка мель те или тона предметэнтэ или лицянтэ уликсчинзэ (признаконзо) лангс, сестэ сон путови аволь ансяк определя-емой валонть ваксс, а сеедьстэ ёвтавияк седе гайтевтэ.

Лиясто валсюлмавкссо определениянтнень-качественной прилагатель-нойнтнень молемаст ашти сень эйстэ, кодамо уликсчи (признак) сынъ ёвтыть.

Определениянтне, конат ёвтыть седе а полавтневиця уликсчи, путневить определяемой валонть малас. Истя, прилагательнойне, конат невтить тус, седе сеедьстэ эрсить определяемой валонть вакссо. Саемга: *Кить сынъ, костонь ды кодамо кез пандсть тензэ — Иосиф эзь чарькоде, ансяк несъ: вейке цёрастонть явовсь покш раужо сулей, теевсь сэрей крёстокс ды ёматотсь...* (А. Доронин); *Ийжесь ульнесь раужо рясасо, кирьгасонзо покш пиже* крёст, цюцевне сакалонзо цитнестъ шержесэ (А. Доронин).

Аштиндеряйтть определяемой валонть икеле качественной ды относи-тельной прилагательнойсэ ёвтазь кавто определениянт, сестэ васенце таркас аравтови относительной прилагательнойсэ ёвтазесь: *Эрзянь мазый веле, ансяк аволь мазый эрзянь веле; чувтонь од кудо, ансяк аволь од чув-тонь кудо; лисьмань кельме ведь, ансяк аволь кельме лисьмань ведь*. Саемга: *Качамонь вецана* кикст кепетевсть монастырентъ велькс-стэяк. *Фёдор Андреевич пильге сур лангсо ютась икельць кудонть, косо чувтонь келей таркасо удосъ покшкезэ* (А. Доронин); *Ансяк несак минек ёнксонть, мерят, алкукс мазы онсо сти морамонь шож-да толгат* (А. Куторкин).

Относительной прилагательнойне формасть коряс молить генитивсэ существительнойнтнень ёнов. Сынст явомаст кисэ мельсэ кирдема: относи-тельной прилагательнойне а невтить азорксчи ды зярдояк а теить невто-мачинь ды азорксчинь полавтнемань формат. Секс эряви ваномс аволь ансяк валонть морфологиянь башка ёнксонзо лангс, истя жо сонзэ се-мантиканзо ды синтаксисэнь функциянзо лангскак. Саемга: *Киш! Тон авань кедьстэ* (кинъ кедьстэ? — авань — сущ. ген.п.) *лиснить, теке медьстэ, кандыть кудонь коштанть вирень кстыень* (отн. прилаг.) *тансть...*

Ёвтындерявить кавто определениянтне относительной прилагательной-сэ, сестэ определяемой валонть ваксс седе сеедьстэ путневи се, кона ке-мексты икелензэ аштицянтъ. Саемга: — *Кемемань, цидярдомань* пиль-ге лангсо ашти эрямосъ, теде а эряви стуютнемс, — *тонавтсь Антип атя* (Ч. Журавлёв); *Чипаесь уш кепететь кудо латотнень вельксс, палсесь Михаил архангелэнь церькованть крёстонзо, толкелень сыр-нень сятксо валынзе умань-умань керсезь паксятнень...* (А. Доронин).

Кавто определениянтнень ютксо, конат ёвтазь числительнойсэ ды при-частиясо, меельсесь седе сеедьстэ ашти числительноемь мельга: *Коцт укссть, ривезь кедть, солавтозь шта ды колмо пештезь партъ мед-те* (А. Доронин).

28 §. ПРИЛОЖЕНИЯСЬ

Существительнойсэ ёвтазь определениянтень, кона максы определяе-мой валонть лия лем, мерить приложения. Приложениясь кандови вал-рисьмень эрва кодамо пельксэнтень, конась ёвтазь существительнойсэ, личной местоимениясо, субстантивированной причастиясо, прилагатель-нойсэ ды числительнойсэ. Приложениясь невити сюлмавомаст кавто суще-ствительной ютксо, конат аштитъ вейке падежень формасо, вейкесь чарь-

кодевти омбоцэнь качества, свойства или уликсчи ёндо. Приложениякс эрсить собственной ды нарицательной существительнойтне.

Собственной существительнойс ёвтась приложениясь ашти определяемой валонть икеле: **Кошай велесь яла каднось истямокс, кодамокс ульнесь Пургазонь туемадо мейле** (К. Абрамов). Зярдо приложениясь ды определяемой валось ёвтась нарицательной существительнойс, сынст юткс путови кикске-дефис: **гармония-цёков, буря-богатырь, тейтерь-нимилев**. Пандонть **крута китнень чиресэ, прок сторожат, аштить кедрат-великант** (Н. Эркай). Ломанде кортамсто нарицательной существительноеь эрси приложениякс собственной лементень. Саемга: **Алёша, кода паро азоро, крандазэ эзь оза, сон мольсь алашанть мельга крандазтнень удало** (Н. Эркай).

Приложениякс сайневить профессиянь, национальностень, раськенень невтиця лемтне. Саемга: **Мартонк ниле ластеть молишь — ванстыцят** (А. Доронин); **Ульця юткс, самый шкасто, будто часиязост, вастовсь тенст Анисья-Микань авась... Поттанарсо, киш-сал марто кардаз ушов лиссть вастыцят: Лебо-кол эйденъ кастыця, Окро-поки варьганъ кодыця, Иван-велень скал ваньця, Ёрмо-чувонъ пинкс чавныця, Алдай-мушконь пикс поньця, Павол-од карень колсиця, пенчень-ваканонъ нолсиця** (А. Куторкин).

Микс теез дегте-лебо-кол эйденъ кастыця
Теез эрота прилагательнойс мейле пурбо?
29 §. ДОПОЛНЕНИЯСЬ

Дополнениясь — валрисьмень аволь прявт пелькс, мезенть лангс аравтови сказуемойс-глаголс ёвтась тевтеемась. Сонензэ путовить весе падежень кевкстематне. Эрси ёвтась валмельгаксто или валмельгакс марто существительнойс, истя жо существительноеень смустьсэ молиця эрва кодамо кортамо пельксэ (местоимениясо-существительнойсэ, субстантивированной прилагательнойсэ, числительнойсэ ды причастиясо, глаголсто теезь существительнойсэ, инфинитивсэ). Саемга: **Тынъ Вадим Петровичень кучинк монъ таркас...** Дополнениясь аравтови глаголсо или лия кортамо пельксэ ёвтась сказуемоентень. Саемга: **Пургаз кучсь Кошай велев ломанть чаво кудотнень калавтомо** (кучсь калавтомо кинь? — **ломанть**; кучсь калавтомо мезтнень? — **кудотнень**) (К. Абрамов).

Дополнениясь смустень коряс эрси виде ды аволь виде (косвенной).

Виде дополнениясь *(улич объект)*

Виде дополнениянь пингсэ сказуемоеь аравтови видьстэ объектэнь лангс. Виде дополнениясь эрси:

1) частичнойкс (парциальнойкс), конась невтеви а) аблатив падежень формасо: **ярсинь калдо, ярсан умарде, симинь позадо**; б) элатив падежень формасо: **сэвинь аламошка калстонть, сускинъ умарьстэнтъ, корштынъ позастонть**; в) аналитической конструкциясо: генитив + аблативень или элативень смустьсэ валмельгакс: **сускинъ калонть эйстэ** или **умарентъ эйстэ**, симинь **позанть эйстэ**;

2) пешксэ (тотальной) виде объект, конась невтеви аккумулятивсэ (аккузатив падежень морфология ёндо невтемапелекс эрсить номинатив падежень — **0**, генитивень **-нь** ды инессивень — **-со/-сэ** морфологиянь маркертьнэ);

3) аблатив падежесь ловомань смусть марто (кванторальной) валрисьметнесь, косо «мезенть-бути улеманзо невтить зяро-бути ламочисэ-аламочисэ». Виде объектэсь свал эрси ёвтась аблатив падежесэ истямо глаголтнень марто, кода **ярсамс, симемс, сускомс, поремс** ды седе тов. Саемга: **ярсинь сывельде, ямдо, калдо, модамарде; сускинъ кишде, умарде, прякадо; симинь позадо, ведте, пуреде, ловсодо**.

Виде дополнениянь падежень форманзо аштить кеместэ сюлмазь объектэнь смустензэ марто: содавикс или а содавикс объектэсь. Улиндеряй объектэсь содавикс, сестэ объекттэме полавтнемань глаголонь форматнень марто сон ашти невтемачинь полавтнемасо, зярдо жо объектэсь аволь содавикс, сестэ а содавиксчинь формасо. Зярдо сказуемоеь ёвтась объект марто полавтнемань глаголсо, сестэ виде дополнениясь эрси ансяк невтемачинь или азорксчинь полавтнемасо. Саемга: **Шканъ ютазь Промза ды Ботай прядызь те апаро тевентъ** (К. Абрамов).

Виде дополнениякс эрсить:

1) аккумулятивсэ:

— **существительнойт:**

— аволь невтемачинь полавтнемасо (суффикстэме, зярдо объектэсь а содавикс). Саемга: **Сон (Пургаз) стясь эземстэнтъ ды эскельдясь Помразонь каршо, учизе, зярдо тона ёвтась шумбракстнема вал, кевкстизе, мезе марто сась** (К. Абрамов); **Сынськак князень ломантне вачодо эзть аште, эсь мартост тей пансть ламо скалт, реветь, конатнень сайнизь эрзянь велетнестэ** (К. Абрамов);

— невтемачинь полавтнемасо. Саемга: **Казнетнень ды кевкстематнень марто стувтокишнызь Пургазонь ветязь тейтерентъ...** (К. Абрамов); **Пургазонь ломантне чамдызь кудотнень, сайсть мезе машто-ви ды кирвазтизь** (К. Абрамов);

— азорксчинь полавтнемасо. Саемга: **Те сэтьме шканть перть Пургаз максынзе кавто тейтерензэ мирденень** (К. Абрамов); **Пургаз эзь кенере венстеме ваканс пенчензэ — тетясь кевкстизе, мейс те шкас кадновь ошс** (К. Абрамов);

— **существительноеень смустьсэ саезь лия кортамо пелькст** (невтемачинь ды азорксчинь полавтнемань суффикс марто):

а) прилагательнойт. Саемга: **Васня вейке войнась сайсь одтнень-виевтнень, зярыя иень ютазь — омбоцесь** (Т. Баргова); **Эри семс, зярс кеми эсь виитнес ды а стувтти малавикстнень** (А. Доронин);

б) причастият. Саемга: **Пиравтонть те пеле кудотнестэ ломантне, кодак неизъ сыцятнень, весе тукшность ошонть, пиравтонть томбале** (К. Абрамов); **Оймень ризксэ палсь Сеськинась: меельце кивильтась маштозтнень** (А. Доронин);

в) числительнойт. Саемга: **Лишметъ мон ветинъ Биляронь масторсто, кавотнень кадсынъ эстенъ, колмотнень макссынъ тенк** (К. Абрамов); **Сёко таго пешксесэзь, учось ветецентъ** (Т. Баргова);

г) наречият. Саемга: Икелев нолдыз улаштень, мельгаст — **ял-готтень**, весемеде удалов кадовсть ластетне (К. Абрамов);

д) местоименият: Велень эрицятне а редясызгак, кода маней чись ды лембе кошткесь ливтсынзе **сынст** пирева, паксява ды ломантне чопавтись эсест тевс (В. Сидоров); Лей лангсо, вирь потсо учить **сонзэ** венчтне, жардоаяк а мусызь Раторонь ней кренчтне (Н. Эркай);

2) аблативсэ, жардо кортамось моли:

а) симемпельде-ярсамопельде, жардо саеви весемень эйтэ пелькс. Саемга: Кишт сэвевь весе, кадовсть ансяк коське калт. Порнестъ **калдо** (К. Абрамов); Жардо инжетне сэвизь ямонть ды сывеленть, сынст каванизь **медте**. Мейле таго симст **пуредэ** (К. Абрамов);

б) виздемс, ёвтнемс, кортамс, сёрмадомс, арсемс, пелемс, симемс, ярсамс, менемс глаголтнэнь марто. Саемга: Тейтертне **ваныцятнеде** виздить, велявтнись прят, кекинить чамаст (К. Абрамов); Седе тов Арис сёрмадсь **цёрадонть**, кона ашти вакссонзо ваныцякс (К. Абрамов); Жарс важось якась паксяв ды сась Арис, билярось кортазевсь **питнеде** (К. Абрамов);

Виде дополнениясь невтеви истя жо:

— аналитической конструкциясь, ков совить существительной или местоимения генитивсэ ды эйсэ валмельгаксось. Саемга: — Тон вана **монь эйсэ** чумондат: сюпавчить кекинят (А. Доронин); Улема, **инязоронть эйсэ** манчеств сетне, кинень «ормань менстямотне» эрявкшность (А. Доронин);

— инфинитивсэ: Пургаз эзь кенере **венстеме** ваканс пенчензэ — тетясь кевкстизе, мейс те шкас кадновь ошс (К. Абрамов); Куш а **пидеме-панеме** вечкиль, а инжень вастомо (Т. Баргова);

— валскулмавкссо (невтемачинь ды азорксчинь формасо). Саемга: Пачкодсть чокине. **Ошонь ванноманть** кадызь вандыс (К. Абрамов); **Раужо оршамкань кандтницят** сон эзь вецке ды чатьмонезь сыр-гась Будулмай Зинань ваксс (А. Доронин).

Аволь виде дополнениясь (уш объект)

Аволь виде дополнениясь ашти кеместэ сюлмазь глаголонт марто. Те сюлмавомась невтеви ськамонзо падежсэ или валмельгакссо. Аволь виде дополнениясьо тевтеемась аравтови аволь видьстэ, а кинь-бути вельде.

Аволь виде дополнениясь эрсить:

1) валмельгакс марто существительнойть ды существительноеень смустьсэ саезь лия кортамо пельксэнь валт аволь невтемачинь полавтнемань номинативень формасо. Тесэ саевить валмельгакстнэ:

а) **мельга**: Чийни **тейтерь мельга** (А. Доронин);

б) **марто**: Венчень лотксема тарканть эйтэ вирентень туи ки, кузи пандованть ды кужосто кужос пачкоди ошонтень, сезеви келей ортанть икелев, косо васодеви лия **ки марто** (К. Абрамов); Ломантне сакшность **торо ды сялго марто**, оршазь эчке кедень оршамосо (К. Абрамов);

в) **лангс**: Вана кассь омбоце цёразояк. Тюгай ней вельть кежев **Азар лангс**, натой а кортыак мартонзо (К. Абрамов);

2) аволь невтемачинь или невтемачинь полавтнемань генитивсэ лангс, мельга, марто, кувалт, эйтэ валмельгакстнэнь марто. Саемга: Вельть ламо раштавсть злыдарь ломанть, конат секе тев кайсевить Равганть **уицятнень лангс**, нельгить ули-паро, маштнить ломанть (К. Абрамов); Промза совавтызе войсканзо вирентень, тесэ истя жо апак учо васодевь Ботаень **ломантнень марто**, конат аштеств сязордезь чувтонь пирявтнэнь экишэ (К. Абрамов);

3) дативсэ: Помраз мерсь **од цёратнениень** седе ламо пурнамс васолдонь раськетнестэ, кадык сын седе парсте тонадыть **Од ошонтень** ды ловсызь эсестэкс (К. Абрамов);

4) инессивсэ: Ветьке пандо чамась вельтявьсь ниже **лугинесэ**, конань юткова теке маней тештькесть, цитнезевсть васень цецят (К. Абрамов); Пек ламо Перовнень максозь лесопилканть кис **ярмакс** (А. Куторкин);

5) элативсэ: Неть кавто **китнестэ** вейкесь туи чилисема ёнов (К. Абрамов); Эрзянь каштомтне чавозь **сёвоньстэ**, рузонсетне вачказь **кирьпецьстэ** (К. Абрамов); Теде башка, тесэ ульнесть кавто утомт, чапозь эчке **чочксто**, вельтязь пекшень керьсэ (К. Абрамов);

6) иллативсэ: Кинь перть карман тонавтомомт биляронь **кельс** (К. Абрамов); Улема, энялдь мезеяк раськенъ **тевс**, аволь эстензэ. — Арась, Афросиния, тынк **верас** мон а ютан, арсян пачкодеме кудов (К. Абрамов);

7) пролативсэ: Микшнema **лавцятнева** вачказь шумбра кишть, прякат, пидезь сывель, топо, медь ды лия эрва кодамо ярсамопель (К. Абрамов); Ханось аволдась прясо ды сеске кучсь ломанть ёвтамо **войскаванть**: иляст удо, ваност, монголтнэ снартнить сыргамо (К. Абрамов);

8) транслативсэ: Илхам ханось сеедьстэ тердтнесы **инжекс** эсензэ дворецэв, тосо вастневи Уняша патянтъ **марто** (К. Абрамов);

9) абессивсэ: — Истямо тевсэ **ялгавтом** мезеяк а теят, эрявить кемевикс лездыцят, — мерсь Азар (К. Абрамов); **Лишмевтеме**, цёра, васов а туят, тусть сетне, кинь улить лишмест (К. Абрамов); Мезе теевель те **ававтомонтъ**, ёмаволь сий потс (К. Абрамов);

Аволь виде дополнениясь сеедьстэ саевить местоимениясь ютазь валмельгакстнэяк. Саемга: **Сестэ Помраз тузь виртнень пачк**, арсесь вастовомс **мартост** Теша леенть чирес (К. Абрамов); Пахом Васильевич лоткась кинть кунишас, пеень сускозь варштасть кортыцанть чопода чамас ды велявтсь **эйтэдензэ** (К. Абрамов).

30 §. ОБСТОЯТЕЛЬСТВАСЬ

Обстоятельствась — валрисьмень аволь прят пелькс. Сонзэ вельде невтевить эрва кодамо тевтеемань ёнкст: тарка, шка ды сень, кода тевтеемась тееви (тувталоень, целень, тевтеемань ладонь ды степенень коряс) или максы питне уликсчинтень.

Обстоятельствоатне валрисьмесэ невтить тевтееманть молема тарканзо: Чись **тезэнь** а токи; шканзо: Тишай **сеске** поладызе кортамонтъ; бажамонзо (целензэ): Акай озасть крыльцянь кузтеманть лангс **таргамо**; тувталонзо: **Вачочидентъ** Верань прязо чаракадсь; тевтеемань способонзо: Минь колмо читъ уш молинек **ялго**; онкстамонзо ды степенензэ или ламочинзэ: Митя **кавкстъ** серъгедим.

Валсюлмавкссо обстоятельствоатне сьулмави лия валтнэнь марто нежедема (примыкания) ды аравтома (управления) вельде. Эрсэ ёвтась существительнойсэ (косвенной падежтнесэ, валмельгакс марто), наречиясо, инфинитивсэ, деепричастиясо. Наречиясо ёвтась обстоятельствоатне седе сеедьстэ кандови глаголсо ёвтась сказуемоентень. Саемга: **Пиземесь аламонь-аламонь** яла пизесь. Сон лоткась **чокшентъ малав**, зардо кармась **сундерегадомо...** (К. Абрамов); **Кавксо** иень перть вейсэ эрмсто сын **вестькак** эзть явно куватень шкас (К. Абрамов); Вана латоськак **алов** новольсь, палмантне чиремстъ; пирев лисема ортынесь менсь кочкарясто, лисьмань срубоськак **таштомсь** — весе те эряви одс витемс-теемс (В. Коломасов). Лиясто кандовить целанек валрисьментеньгак. Саемга: **Улкотъ**, нама, текень кувалма совсесь тенст Олдай бабаяк, икелень шабраст (А. Доронин)...

Седе чуросто обстоятельствоатне функциясо наречиятне кандовить определениятненень ды обстоятельствоатненень. Саемга: **Сюпавонтень** сынъ (ярмактне) **певерить** шождынестэ, **арасьчинъ** ломанентень **прить** вейте-вейте, **сеяк** **вельть** чуросто (К. Абрамов).

Деепричастиясо ёвтась обстоятельствоатне кандовить аволь ансяк сказуемоентень, истя жо целанек валрисьментеньгак. Саемга: **Апак кевкстне**, **теске-арась** сонзэ **прятось**, **Вечканов** совась **икельце** кабинетэнть (А. Доронин); **Яхим** пеняцясь, **што** **меельце** **читнестэ** прязо **сэреди** ды **удомсто** кармась нексинеме минень-сюонь **апаро** онт... (В. Коломасов); **Наста** **спартнесь** кортамс **марто**нзо, **но** сон **чатъмонсь** ды истяк **чатъмонезь** **мадсь**, **мик** эзь **ужинак...** (В. Коломасов); **Мейле** кинть **чирестэ** сейсь **шоржав** **лопинеть**, **конатнесь** кармась **пиштяконтъ** **манязь** **каванямо** (В. Коломасов).

Обстоятельствоатне, конат ёвтась инфинитивсэ, кандовить истямо валрисьмень пельксэнтень, конатне невтеть глаголонь полавтневица форматнесэ, причастиясо, деепричастиясо: **Вардась** **чатъмонезевсь**, **улема тусь** **ёвтамо** **воеводантень**... (К. Абрамов); **Эрва** **недлечинъ** каршо, **пецясто** или **субутаство**, **Акай** **ды** **Тишай** **сакшнеть** **кудов** **банясо** **парямо** (К. Абрамов).

Обстоятельствоатне функциясо истя жо эрсить кемекставозь валсюлмавкстнэ: **сельмеде** **сельмс**, **судонь** **нолдазь**, **прянь-полдань** **синдезь** ды седе тов. Саемга: **Кавонест** **арастъ** **карадо-каршо**, **ваныть** **сельмеде** **сельмс**, **сынсь** **ве** **валгак** **а** **ёвтыть** (А. Доронин).

Весе обстоятельствоатне смустест коряс явовать истямо кужос: таркань, шкань, тевтеемань ладонь (действиянь образонь), тувталонь, бажамонь (целень), мерань (онкстамонь) ды степенень или ламочинь обстоятельствоатне.

Таркань обстоятельствоатне невтить тарка, ков ды косто аравтови-сыргавтови тевтеемась. Таркань обстоятельствоатне эрсить:

1) наречият: **И** **вот** **сон**, **Яхим**, **кавась** **сонзэ** **лангс** **удалдо** **ды** **вестъ** **вачкодезь** **правтызе** **пыльге** **лангсто**, **а** **мейле** **ещё** **пыльгэ** **кучкоризе** (В. Коломасов); **Оно** **тонь** **крёстной** **братось** **ков-бути** **сыргась**. **Исяк** **алтакинось** **самс**, **ней** **вана** **юты** **вакса** (В. Коломасов); **Лиси** **чись**, **сэнь** **менелесь** **ёртсынзе** **пициця** **струяно** — **берёктнень** **ютксо** **сэтьме** **ведесь** **таго** **кепедьсынзе** **весе** **виензэ**, **эйтне** **сыргить** **икелев** (А. Доронин);

2) местоимениясто теезь наречият: **«Эрь, значит, тосо** **мон** **важодинь** **эсень** **ялгатнень** **марто»,** — **ёвтнесь** **Яхим** (В. Коломасов); **Мон** **парсте** **содаса**, **што** **тынъ** **тезэнь** **пуромиде** **аволь** **тевень** **аразде** (В. Коломасов); **Улыцяванть** **молемстэ** **сонензэ** (Яхимнень) **вастнествъ** **содавикс** **ломанть** — **то** **алашасо**, **то** **ялго**, — **весе** **сынъ** **ков-бути** **капшастъ**, **весеменень** **буто** **ульнесь** **пек** **аютко** (В. Коломасов); **Ковгак** **иля** **яка**, **мезтькак** **иля** **корта**. **Саты** **сеяк**, **зняро** **кортыть**, **текеля** **стяко** **а** **юты** (К. Абрамов); **Сестэ** **Матрёна** **Логиновна** **кадызе** **Светань** **кузтембес**, **сонсь** **чаво** **ведра** **марто** **сыргась** **маласо** **лисьмапрятнень** **ведсь**. **Велявтсь** **тосто** — **эйкакшось** **костояк** **а** **неяви** (А. Доронин);

3) косвенной падежень формасо существительнойть:

а) инессивсэ: **«Эрямс** **велесэ** **пек** **стака»,** — **арсесь** **эсь** **пачканзо** **Яхим...** (В. Коломасов); **Менельсэнтъ** **те** **шкастонть** **седеяк** **сеедьстэ** **кивчкаесь** **ёндолось**, **истя** **жо** **апак** **лотксе** **зэрнесь** **пургинесь** (В. Коломасов);

б) элативсэ: **Сень** **коряс**, **мекс** **сесрэ** **туинь** **поймасто**, **ёвтнемскак** **бу** **аволь** **эряво...** (В. Коломасов); **Атясь** **моткоди** **а** **чарькодевикс** **валт**, **валговоль** **крандазстонть**, **но** **бабась** **а** **полды** **сонзэ** (В. Коломасов);

в) иллативсэ: **Костязь** **тикшентъ** **кармасть** **каям** **стога**с (В. Коломасов); **Кундынзе** **Эрмезь** **парт** **айгоронзо**. **Кильдинзе** **сон** **сынст** **вармань** **крандазос** (Я. Кулдуркаев);

г) лативсэ: **Теке** **жо** **чистэнтъ** **Прокопычень** **нуцькантъ** **марто** **вейсэ** **тусть** **армияв** **еще** **кавто** **од** **цёрат** (В. Коломасов);

д) пролативсэ: **Уить** **сынъ** (пельтне) **менельганть** — **а** **пест**, **а** **келест** **арась...** (А. Доронин); **Сон** **эскелясь** **келей** **улыцяванть**, **арсесь**, **кода** **сови** **кудос**, **мезе**, **чумонь** **марязь**, **мери** **тенст** (А. Доронин);

4) валмельгакс марто существительнойсэ: **Пильге** **ало** **чикордстъ** **чейть**, **коське** **тарадт**, **шанжавонь** **коцтнэ** **неявсть** **калонь** **кундсемань** **бреднякс** (А. Доронин); **Пси** **читнеде** **мейле** **ушось** **экшелгадсь**, **чивалгома** **ёндо** **таргавсть** **пондаки** **пельть** (А. Доронин); **Венчентъ** **эйтэ** **а** **васоло** **тарка** **кирнявтсь** **кал**, **ды** **ведентъ** **ланга** **кругсо** **теевсть** **сормсевкст**, **сынъ** **келейгадыть** **ды** **аламо** **шкань** **ютазь** **овсе** **ёматыть** (В. Коломасов);

5) валмельгакс марто местоимениясо: **Микань** **идеме** **терявтнесь**, **мольсь** **полициянь** **поки** **прятнэнь**, **зепстэ** **таргсезь** **ярмак** **пачка** **то-**

пань икелев сон вачкась, пресс-папъенть сынст лангс пугызе, потсо валонзо витыкстызе (А. Куторкин).

Шкань обстоятельствоватне

Шкань обстоятельствоватне невтить тевтеема шканть или предметэнь уликсчинть эрямокинзэ.

Шкань обстоятельствоватне ёвтавить:

1) наречиясо: Истямо ладсо арсезь-кортазь, Яхим **кувать** еще ашти эсензэ таркасонть ды, секень вант, овсе сутямоволь (В. Коломасов); А стяко низэ, Матрёна Логиновна, уш **тельня** кевкстнесь зйсэнзэ, жардо лисить модамарень путомо (А. Доронин); **Лиясто** ушось, течинь ладсо, истят киштемат сыржавтни — лёмзёрксонь цветямо шкастойк ваят лов потс (А. Доронин); Эрва мезе чачсь **тедеде**. Ки ансяк эзь марсе седе, што Глухойсэ пештть пек ламо (А. Куторкин);

2) местоимениясто теезь наречиясо: **Ней** уш а сёпса тонь зйстэ: **сестэ** сон мик авардсь монь икеле. «Чуман, мери, шабра, ды те чумонть кис пульзядо карман знялдомо, штобу сон простявлимим (В. Коломасов); **Зярскак** чиремть, **курок** нуеме тутано... (А. Доронин);

3) косвенной падежень формасо существительнойсэ:

а) элативсэ: Ды ялатеке, те тундонь **меельце читнестэ** коштось четемгадсь, чокишетне а истят чоподат, кода **маньнь иетнестэ** (В. Коломасов); **Эрва валскестэ** эрвась потявтомс скалбсь, мейле панемс сонзэ стадав: теде башка, ней эстензэ савсь уштомс-явастомс, анокстамс ярсамопель (В. Коломасов);

б) иллативсэ: Понговоль истямо зыяис тонь атясь, **те шкас** вradoль (В. Коломасов);

в) пролативсэ: Ламо чить сынь састь **якшамова**, удсесть беряньстэ, кода сави, секс сон **куроксто** матедевсь (К. Абрамов);

4) валмельгакс марто существительнойсэ: **Больницядо мейле** весть Павел Иванович ялго сыргась кадозь аэропортонть вакссо паксянтень, ков, арсеманзо коряс, эрвась видемс коромкс вика (В. Коломасов); — Вай, кувать кирдевинь, — стясь эзембестэнтъ тейтересь. — Авам **зоря ланга** прякань панеме стаятсамам (А. Доронин);

5) валсюлмавкссо: **Хоть ниже тикшень ледемстэ, хоть сэрей розень нуемстэ, хоть ярвой пултонь сюлсемстэ, хоть тинге лангсо пивсэмстэ** тетят-ават од ломаннень, жардо пек уш пси, по маней пшкадит **пек сизема шкасто** (А. Куторкин);

6) деепричастиясо ёвтазь шкань обстоятельствоватне невтить ве шкане или мельга-мельчек кавто тевтеемань молема. Саемга: **Кавксо иень перть вейсэ эрямсто** сынь вестькак эзть явно куватень шкас (К. Абрамов); **Истя арсемстэ** Витя мадстизе толонтъ, зцесь кишинь тарканть лангсо эчке таватксонть алов ды курока матедевсь (А. Доронин);

7) инфинитивсэ: **Микань пурнамс** Яков кенерсь уш лишментъ кильдеме (А. Куторкин).

Шкань обстоятельствоватнесэ содавтови шканть таргавомазо (предделэсь) — шканть ушодксозо ды пезэ: Яхим **тетянзо куломадо мейле**

васенцеде кармась алашань кильдеме ды манявсь ашконть ёвкстамсто — мекевланг ёвкстызе... (В. Коломасов). **Те шкас** сон (Наста) эзизе орише сонзэ, тувалткак ульнестъ тенень, — примеркс, ютазь недлятнестэ савсь улемс тензэ кавто свадыбасо, но сон пельсь нарядамс те платиясонть (В. Коломасов).

Тевтеемань ладонь обстоятельствоватне

Тевтеемань ладонь обстоятельствоватне невтить, кода тееви тевтеемась ды максови тенст **кода?** кевкстемась. Сынъ ёвтавить:

1) наречиясо. Саемга: **Те арсемадонть сон авардезевсь, авардезевсь састо, вайгелень** апак нолда (В. Коломасов); Прокопыч крёстызе коняно, **стакасто** мерсь: — Пароль цёрась, царства небесной тензэ... (В. Коломасов); Эрв, те пек паро, што **шумбрасто** велявтсть (В. Коломасов);

2) местоимениясто теезь наречиясо. Саемга: **Тейтерентъ** валтнэсэ **буто** арасельгак мезеяк истямо покордамонь кондымо, но Настанень **кода-бути** ялатеке марявсь те покордамокс... (В. Коломасов); Чекамсто минь сынст эзинеке некине, — отведи Яхим. — Но ломантне пек вадрят, **кода бу** тосо авольть чека (В. Коломасов); Ветеринаронть хотъ скирдавськак седеезэ нетъ валтнэде, но эсь прянтъ кирди **истя**, кода эрви кирдемс учёной ломаннень, — козкстась казямосто ды покордыцянтъ пелев эзь варштаяк (В. Коломасов);

3) существительнойсэ:

а) транслативсэ. Те падежсэнтъ ёвтазь обстоятельствасонть невтени действиянтъ теевема способозо прок карадо-каршо аравтома, эсензэ кондымокс теевема. Саемга: Ды **тесэ, вишка кувалдакс**, пилезэнзэ вачкодевсь кенки баягинень корсяня вайгелесь... (А. Доронин); Суранть лангс а вановат — конявить сельметъ. Маласто — келей, васолдо — теине, сон таргавсь поймаванть менчевиця **ёзнэкс** (А. Доронин); Мештсьэнзэ ды черьбулосонзо сиянь валовкстнэ чольнезевсть вишка **горниповнекс** (К. Абрамов); Кашкить ломанть **коткудавокс**, тей-тов эвтнэзэ эвнтить... (А. Куторкин).

б) инессивсэ. Саемга: **Мукснить** скалт крандаз удало, парить вазт кардайсэ, морыть атякишт кавалало минень-сюнонь **гайсэ** (А. Куторкин);

4) валмельгакс марто существительнойсэ. Саемга: **Косо-бути а** пек васоло **гармониянь коряс** морыть тейтерть, кайсетить гайгиця вайгельть, ракамот... (В. Коломасов); Атясь тейсь весе ташто **койтнень коряс**: эрва кемень иетнень, конатнень эринзе сон, мештинзе пальця штатолсо (В. Коломасов);

5) валмельгакс марто местоимениясо. Саемга: **Тонь ладсо** коськем монь овсе мелем арась, покштяй (В. Коломасов);

6) деепричастиясо ськамонзо или чарьковедтиця вал марто. Саемга: Чыотконъ сэтъментъ колыть ансяк нармуитне, промотне ды лиясто апак учо эшки лембе вармань ээхель, **тошказь** юты куротнева, сорновтсынзе лопатнень, сюконавтсы тикшентъ ды ёматы келей леентъ томбалев (К. Абрамов); Се сундуккесь панжовсь **цириезь**. Неявст ярмак тосо сырнень (А. Куторкин).

Тевтеемань ладонь обстоятельство тне не втить сеньгак, кода тееви дей- ствиясь, вейсэ или явозь. Саемга: *А ведь мон сонзэ марто вете иеть уш вейсэ роботан бухгалтерэнь тевсэнть...* (В. Коломасов); *Мон истяк думан, што сёксня или, паряк, тосо тельня, минь тестэ семиянек туйтяно тов* (В. Коломасов).

7) имитативсэ: *Мус-мус пейдезеви авам, куволгадыть турван- зо...* (Д. Надькин).

Тувталонь обстоятельство тне

Тувталонь обстоятельство тне не втить действиянь или уликсчинь тее- вема тувталонть. Истят обстоятельство тне ёвтавить:

1) местоимениясто теезь наречиясо. Саемга: *А мекс энэ мият эйсэн- зэ, бути истямо вадра? — кевкстизе авась* (В. Коломасов); *Наста мекс-бути эзизе сяддо, мерсь, што эрямось моли аволь овсе берянь- стэ...* (В. Коломасов).

2) существительнойсэ:

а) аблативсэ. Саемга: *Содазь, мон сонзэ кройсемадонть понксом уш а сорныть, монь тандавтомс а шожда...* (В. Коломасов); *Штюрь- бадонть весе цёратне аштеть мельспаросо, кияк кудов эзь капша...* (В. Коломасов). Эрва тюремадо мейле истят *кортиематнеде* Олёна теевь атаматинэнь икеле *весень содыцякс* ды *весемеде покшокс* (К. Абрамов);

б) валмельгакс марто. Саемга: *Лавгиновонь кувалт весе велесь пурнавсь промксом...* (В. Коломасов); *Сэредьксэнтэ эйтэ* ды пси- дентэ Яхимень курсто каятотсь кодамо-бути а чарькодевикс вай- гель... (В. Коломасов); *Ацирьгадоманть эйтэ* Яхим те вестэнтэ кувать эзь матедеве (В. Коломасов);

3) валмельгакс марто местоимениясо. Саемга: — *Кода жо ней те- емс, Егорей? — корты Прокопыч. — Пелян, кабу аволимизь мурне- тень кис председателесь* (В. Коломасов);

4) деепричастиясо чарькодевица вал марто. Саемга: *Лавгинов неть валтинэнь марязь, таймаскадозь варштасть пертьпельга...* (В. Коло- масов); *Верев ванозь, сельведензэ тусть чинть эйтэ* (В. Коломасов);

5) имитативсэ: *Поцерь-поцерь тусть* Тикшаень сельведензэ, теке- тоначив вечкевикс тейтерензэ туеманть марто эсензэ одксчиськак ёмась (А. Доронин).

Бажамонь обстоятельство тне

Бажамонь (целень) обстоятельство тне не втить цель, конань топав- томга теевить тевтеема целенть или уликсчинть эрямочинзэ. Истят обсто- ятельство тне ёвтавить:

1) существительнойсэ:

а) иллативсэ: *Обедтэ мейле Прокопыч кодаяк уш эзь аштеве кудо- со, шабранть марто паксясо вастомадонть мейле тусть тикшиес...* (В. Коломасов); *Мелят лиснесь мартонзо апаро тамаша... Сестэ Мат- ре́на Логиновна кадызе Светань кузтембес, сонсь чаво ведра марто*

сыргась маласо лисьмапрянтень ведьс (А. Доронин); *Саузе тол, ке- детькак а путови прызонзо. А кунсолы. Паро ладсо эзь пичка, якась тевс* (К. Абрамов);

б) мельга, кис, кисэ валмельгакстнэнь марто существительнойсэ: *Штобу хоть кодаяк менемс апаро мельтнень-арсематнень эйтэ, сон- якась бригадань кардазов узере кечке мельга...* (В. Коломасов). Паз- нэнь кемемаст ды озномаст ланга-привань, теить эйсэнзэ *невтемань кис*. Ванды туян Нижниева *товар мельга*, сайтян мартон... (К. Абра- мов);

2) инфинитивсэ: *Микита, улема, сонзэ чатьмонеманть истя чарь- кодизе, што чокшине можна самс прощениянь вешеме...* (В. Колома- сов); *Вана рыжой ус марто цёра, эсь валонзо коряс — колхозонь зав- хоз, миёмс* ветясь покш пеке мерин (В. Коломасов); Герасим Яковле- вич чоксесь мастумарть ды чевгельть, маласо вирьстэнтэ анокстась *кудонь чапомс чочкит* (А. Доронин); — *Эряволь ваномс вадрасто, — кежень сазь мерсь Павел. — Тынк мейс кучнидизь — ванномо эли мекев-васов яксеме?* (К. Абрамов).

Онкстамонь ды степенень обстоятельство тне

Онкстамонь ды степенень обстоятельство тне не втить тевтеемань или уликсчинь онкстамонть ды степенень. Сынст вельде содавови тевтее- манть а весть теевемазо, шканть улемазо-молемазо. Онкстамонь ды степе- нень обстоятельство тне эрсит:

1) наречият. Саемга: *Весть сон (Яхим) цютэ* эзь понго ветелентэ алов, но кенерсь прамо яминес, ды ветелесь ютась ланганзо истя пар- сте, натой зыянгак эзь тееве (В. Коломасов); *Пек сон (Яхим) лияк- стомсь, кода и сонсь весе эрямось...* (В. Коломасов); *Истямо ладсо аламо шкань арсезь-кортазь, Яхим кувать ещё ашти эсензэ тарка- сонть ды, секень вант, овсе сутямоволь, бути вальманзо алов таго аволь поява Васильевна...* (В. Коломасов); *Пичень коське чувтнэ палсть вельть* вадрасто, палсть цятордозь. Ацамотне *аламодо* летькельть, пиземе ведесь пачколось сынесткак (К. Абрамов);

2) онкстамонь смусть марто кемекставозь валсюлмавкссо. Саемга: *Эрь, те а сонзэ тевесь, лиянь эрямос а мезекс эцнемс, эсензэ мелявкс- нэ кирьга видьс сатыть* (А. Доронин); *Пейдэз ладсо ней спартнесь кортамо ансяк Микита, но сонзэ сеске жо Прокопыч кроизе прямо пильгс...* (В. Коломасов);

3) инфинитив. Саемга: *Вейкентэ голенищазо керязель алов мо- лемс, ды ансяк ней неIZE таргозезь пильгентэ...* (К. Абрамов); — *Саве- львенень эзинь мере симемадо, монсь симевинь сяворемс...* (К. Абра- мов); *Эчкине турвинензэ ладилине тутушкякс ды пувиль чаманзо якстерьгадомс...* Эрмезь велес пачкодемс сон яла ёвтнес, кодамо велень трокс ютыть (К. Абрамов).

31 §. ВАЛОНЬ МОЛЕМА ЛУВОСЬ
ДЫ СОНЗЭ СМУСТЕЗЭ КОРТАМОСОНТЬ

Валонь молема лувось — те валрисьмень пелькстнэнь эрявикс таркава аравтнемась.

Ули арсема: эрзянь кельсэ валтнэнь молема лувось олякстомтозь, лиякс меремс, валрисьмень пелькстнэнь таркаст апак кемекста. Ламова, нама, те виде. Сказуемоеь путови кода подлежащееень икелев, истя мельганзояк, кона-кона кужонь обстоятельстватне ды дополнениятне аштить эрва кодамо таркасо, явовкшныть сеть валтнэнь эйстэ, конатнень марто сынь сюлмазь смустень ды грамматикань коряс; мик определениятне, конат пек кеместэ сюлмазь чарькодеветвиця валонть марто, чуросто, но эрсить путозь те валонть аволь икелев, а мельганзо. Саемга: *Тесэ эрямость лаказь лакась. Пиксэкс таргавсь коткудавонь аволь келей яннэсь. Эзганзо коткудавтнэ эвтсть мекев-васов* (Л. Седойкин). Васенце валрисьмесэнтэ *тесэ* таркань обстоятельствась путозь валрисьмень ушодксос, сон явозь *лаказь лакась* сказуемоеень эйстэ, конанень кандови смустень ды грамматикань коряс, юткозост аравтозь *эрямость* подлежащееь. Омбоце валрисьмесэнтэ подлежащееь ашти сказуемоеень мельга, *пиксэкс* тевтеемань ладонь обстоятельствась аравтозь валрисьмень ушодксос, моли сон сказуемоеень икеле. Колмоце валрисьмесь тагоак ушодови обстоятельство, теке шкастонть *эзганзо* таркань обстоятельствась явозь *эвтсть* сказуемоеень эйстэ ды истя седе тов. Неть валрисьметнесэ валтнэнь молема лувось шождасто лиякстомтови. Саемга: *Эрямость тесэ лаказь лакась. Коткудавонь аволь келей яннэсь пиксэкс таргавсь. Коткудавтнэ эзганзо эвтсть мекев-васов; Лаказь лакась тесэ эрямость. Таргавсь пиксэкс коткудавонь аволь келей яннэсь. Мекев-васов эвтсть эзганзо коткудавтнэ*. Эряви меремс, истят полавтнематне аволь певтеметь, сынь куроксто прядовить. Лисни, сестэ, зярдо минь кортатано валтнэнь молема олякстомтозь лувдонть, мельсэ кирдяно ансяк валонь зярыя башка курот. Истя, валмельгакстнэнь, союзтнэнь, частицатнень таркаст содавикст. Лия валтнэ таркаст полавтнесызь, но неть полавтнематне, кода мерезель, аволь певтеметь. Сынь киртявить кавто тувталонь коряс: 1) валрисьмень пелькстнэ сюлмазь эсь ютковаст теевемань коряс; 2) валрисьмень пелькстнэ вейсэндязь эсь ютковаст смустень коряс. Валтнэнь молема лувось полавтови, эрявиндеряй полавтомс валрисьмень смустензэ или теевеманзо, явомс эйстензэ кодамо-бути вал, путомс сень лангс валвачкодъкс, но теке шкастонть свал эрявить ванстомс валрисьмень кода синтаксисэнь теевксэнь юронь ёнксонзо.

Истямо ладсо, валтнэнь молема лувось ули валрисьмень теицякс:

валонь, валсюлмавксонь вейсэндявкстнэ теить валрисьме ансяк сестэ, зярдо сынь аравтовить эрявикс лувонь коряс.

Теевемань коряс валрисьмесь ашти вейке или зярыя пельксстэ, конатнестэ эрванть ули эсензэ тарказо.

Валрисьмень пелькс лангс явомантень мерить *синтаксисэнь*, или грамматикань, *явома*. Синтаксисэнь явоманть целезэ — муемс валрисьмень юронзо (прявт пелькстнэнь) ды сонзэ келейгавтыця пелькстнэнь (аволь прявт пелькстнэнь). Но теке марто эрва валрисьмесь совавтови кортамос кодамо-бути эрявикс коммуникативностень кармавтома марто, сон тееви превень-арсемань, мелень-бажамонь ёвтамонть кис. Тень эйстэ лиси валрисьмень *актуальной* (латинэнь кельсэ *actualis* «сех эрявикс (те шкастонть, те таркасонть)») явомазо.

32 §. ВАЛРИСЬМЕНТЬ АКТУАЛЬНОСТЕНЬ КОРЯС ЯВОМАЗО

Актуальной явомазь — те смустень коряс валрисьмень явомазо, кортамонь контекстанть или ситуациянь лангс нежедезь. Сон тееви сестэ, зярдо тееви ёвтавксось, секскак *валрисьме* лемвалонть таркас седеьстэ сайневи *валрисьме-ёвтавкс*, или седеяк пурькинеьстэ — *ёвтавкс* лемвалось.

Актуальностень коряс явоманть целезэ — пачтямс сех эрявикс, сех маштовиця, лиякс меремс, актуальной, информациянь, конань кис тееви-як валрисьмесь. Валось, конась канды од, лувонь, содамочи, тейсы ёвтавксонть смустень (коммуникативностень) коряс прявтонзо. Лия валтнэнь эйстэ сон явови вайгельксэ. Истя, *Таго эйсэнь чачома велем васты* (И. Калинин) валрисьмесэнтэ смустень коряс лувонь стакачинть канды *чачома велем* сюлмавксось. Сон явови вайгельксэ, ёвтави валвачкодъкс марто. *Келей кужонть куншкасо рацякали сыре пиче* (Н. Видяз) валрисьмесэнтэ сех эрявикс информациянь максы *рацякали* глаголось-сказуемоеь.

Валрисьмень актуальной явомадо тонавтомась появась Чехословакиясо XX-це пингень 20-це — 30-це иетнестэ. Сон сюлмазь Вилем Матезиус содавикс лингвистэнь лемензэ марто. Но, эряви меремс, смустень коряс валрисьмень явомадо келень литературасонть кортасть сондензэ икелеяк, ансяк сайнезельть лия лемвалт-терминт. Меельце иетнестэ те кевкстемантень явови седеяк покш мель. Сон ваннозь И. И. Распоповонь, И. И. Ковтуновань, К. Г. Крушельницкаянь, Г. А. Золотовань, Н. Д. Арутюновань ды зярыя лия содавикс рузонь учёнойтнень важомасо. Эрзянь ды мокшонь кельтнесэ валрисьмень актуальной явоманть башкачинзэ панжинзе Н. С. Алямки.

Валрисьмень актуальной явомазь бинарной (латинэнь кельсэ *binarius* «кавто ёндонь»): коммуникативностень кармавтоманть коряс ёвтавксось явови кавто пельксэв — тема (грекень кельсэ *thema* «содазь, содавикс») ды рема (грекень кельсэ *rhēma* «вал», «ёвтавкс»). **Тема** мерить се пельксэнтень, кона невти содазэнь, седе икеле ёвтазэнь. Теманть эйстэ ушодови ёвтавксось. **Рема** мерить се пельксэнтень, кона невти одонть, а содавиксэнтэ, сон ули сех эрявикс, лувонь, информациянь кандыцякс.

Ремась — те валрисьменьть коммуникативностень, смустень прявтозо. Сон тешкстави валвачкодкссэ. Саемга: *Чопода-раужо менелесь /новольсь веленть велькс. Азарсь вармась, / пинекс урнозь, разедсь чувотнень* прямо меельце лопатнень (Т. Разгуляева); *Вирь чиресэнь сон (тумось) / аштесь шумбра атыкс* (Л. Седойкин); *Васенцеде / тонь неитинь* (В. Коломасов); *Мейле / ушодовсь вирь, кувака, певтеме* (К. Абрамов).

Седеяк ваньксстэ теманть ды реманть ютксо авейкетъксчись неяви диалогонь кевкстемань-каршо валонь максомань (отвечамонь) формасонть, конасонть кевкстемань валось кармавты муемс а содавиксэнь. Каршо валонь максомань (отвечамонь) се пельксэсь, конасонть пачтяви одось, зярс атак содазесь, улиак ремакс. Саемга, *Косо тон тонавтнят?* кевкстеманть лангс каршо валонь максомань (отвечамонь) валрисьмесь явови мон тонавтнян теманть лангс, кона мекев ёвтасы икельце, кевкстемань, валрисьменьть коряс содазенть, ды университетсэ реманть лангс. Истямо жо ладсо тевесь ашти лияк кевкстемань ды сыпст лангс каршо валонь максомань (отвечамонь) валрисьметнесэ. Саемга: 1. *Кие сась? — Сась сазором.* 2. *Сась сазором? — Сазором сась.* Каршо валонь максомань (отвечамонь) репликатне седейстэ молить кода аволь пешксе валрисьметь. Сыпст эйсэ темась грамматикань ёндо (валсо) а невтеви, невтеви ансяк ремась, конань эйсэ максови од содамочись. Саемга: — *Зяро иеть, ялгинекай? — Кемгавксовоце моли. — Ков арсят молема тонавтнем?* — *Университетэв.*

Валрисьмень актуальной явомась тееви кортыцянтъ мелензэ коряс, сень лангс вапозь, мезенть сон бажи тешкстамс эсензэ ёвтамосонзо, кодамо информациянтъ сон лови сех эрjavиксэкс. Секскак вейке секе валрисьмесь актуальнойчинь коряс явови зярjя ёндо. Саемга: 1. *Кизна / мон молян оймсеме велев* (Кода тон арсят ютавтомс кизэнтъ? кевкстеманть лангс отвечамсто). 2. *Кизна / мон молян оймсеме велев* (Ков молят кизна оймсеме?). 3. *Кизна / мон молян велев оймсеме* (Зярдонь молят велев оймсеме?).

33 §. АКТУАЛЬНОЙЧИНЬ КОРЯС А ЯВНОВИЦЯ ВАЛРИСЬМЕТНЕ

Эрjань кельсэ улиць истят валрисьметь, конатнесэ весе максовиця содамочись вейкетъстэ эрjавикс. Сыпст эйсэ арась валсо певтезь тема, сон моли ансяк «нулень» формасо. Ёвтавоксэ целанек теи ансяк рема. Истят валрисьметненень мерить *актуальнойчинь коряс а явновияцят*.

Актуальнойчинь коряс а явновияця валрисьметне кортыть эрjамонь кодамо-бути тевде, пачтитъ чарькодема предметнэде, сынст уликс ёнкстнэде, ламочидест. Весе сынъ максовить кода вейкине од артовкс, вейкетъстэ эрjавикс содамочи. Валрисьмесь ёвтави кода вейке синтагма. Саемга: *Июлень пси чи* (А. Лукьянов); *Лей чире. Аштить кавто шалашт* (Н. Эрjай); *Морыть письмарт. Лайши кукошь. Вешки цёков-чародей* (А. Моро); *Чопотеть. Кармась экшендеме* (Ф. Чесноков).

Актуальнойчинь коряс а явновияця ёвтавкстнэ малав свал теевить вей-

ке прявт пельксэнь валрисьметненень лувсо. Тень коряс сехте неявиксэкс сыпст ютксо улиць поминативенсетне, секс мекс актуальнойчинь коряс а явомась ули те кужонь валрисьметненень теевемань ёнксокс. Саемга: *Февраль ков. Якшамо маней валске. Сэтьме* (В. Радин); *Телень валске* (Е. Пятаев); *Потмура чи* (А. Сульдина).

Омбоце лисьмапрясъ, конапъстэ саевить актуальнойчинь коряс а явновияця ёвтавкстнэ, — те кавто прявт пельксэнь валрисьметне, конатненень эйсэ глаголосъ-сказуемоесь моли подлежащееиць икеле ды ули тевтеемань, уликсчинь или уликсчинь полавтомань, вейке таркасто омбоцес молемань-ютамонь смустень нейтицякс. Сказуемоеиць подлежащееиць икелев путомазо истямо кужонь валрисьмесэ ули смустень ды грамматикань нормакс, конань коряс тееви валтнэнь молема лувось. Саемга: *Прядови курок кизэсь. Шашты сёксъ* (А. Сульдина); *Оймси паксясь* (И. Калипкин); *Чамсь чавкань пизэсь. Певердсть левкстнэ* (Ф. Чесноков).

34 §. ВАЛРИСЬМЕТНЬ АКТУАЛЬНОЙ ЯВОМАНЬ ЁНКСТНЭ

Актуальной явомань юронь ёнксокс улиць вайгельксэсь ды валрисьмесэ валтнэнь молема лувось. Кавонест петъ ёнкстнэ кеместэ сюлмавозь эсь ютковаст ды свал молить вейке шкасто. Теке марто эрjави тешкстамс, вайгельксэсь ули актуальной явомань юронь ёнксокс. Сон лезды явомс теманть реманть эйтэ, пажомс реманть смустензэ.

Актуальной явоманть теемстэ мельсэ кирдевить вайгельксэнь истят нейтицянзо, кода валвачкодкссэсь, вайгелентъ верев кепедемась, вайгелентъ алов полдамось, паузась ды лият. Эрjавсь эйтэст теи эсензэ тевензэ. Истя, валвачкодкссэ свал явови ремась — ёвтавксонть смустень коряс прявтозо, — сень лангс атак ваню, кодамо таркасо сон ашти валрисьмесэиць. Вайгелень кепедемась сюлмазь теманть марто. Вайгельксэнь петъ нейтицятне явить теманть ды реманть «виев» таркаст ды теке жо шкастонть максыть чарькодема ёвтавксонть, сень лангс вапозь, кодамо сон — нейтральной или артозь ёжомарямонь тюссо. Реманть туртов вайгельксэнь виев таркакс ули валрисьмень ушодксоь или песь, теманть туртов — валрисьмень ушодксоь. Вайгельксэсь эрси нейтральной ды ёжомарямонь тюссо артозь. Нейтральной вайгельксэнь пингстэ вайгелесь кепедеви верев валрисьмень ушодксоь ды полдави алов, пентень молема, валвачкодкксэнь видьсэ. Ёжомарямонь тюссо артозь вайгельксэнь пингстэ ремась явови виев валвачкодкссэ эсензэ ушодкссонзо.

Целанек нейтральной кортамось тееви истямо ёнксонь коряс: «содазентъ эйтэ — а содавиксэнтень». Те кармавты путомс теманть, кона нейти содазентъ, икелепелев ёвтазентъ, реманть икелев, кона нейти одонть, зярс атак содазентъ. Истяня тееви валтнэнь молема *виде* лувось. Сон а ули ёжомарямонь ды стилистикань коряс артозекс.

Валрисьметненень, конатнесэ вастови валтнэнь молема виде лувось, мерить *нейтральнойть*. Сынъ ёвтавить нейтральной вайгелькс марто. Темась, кона моли реманть икеле, ёвтави вайгелень кепедезь, аволь прядозь вайгелькс марто. Мейле тееви пауза. Темась ды ремась явовить башка синтагмава (грекень кельсэ *syntagma* «сюлмавокс, сюлмавома») ды ёвта-

вить кода ськамочинь вайгельксэнь теевкст. Теде башка, реманть куросо ули вал, конань лангс пры валвачкодъкс. Сон ёвтави аламодо кувалгавтозъ. Саемга: *Кальтне / аштеть сэтъместэ* (К. Абрамов); *Кудост свал / ульнесь валдо* (В. Радаев); *Эрзянь гай-моро / вирьганть каятотсь* (В. Радаев).

Истямо ладсо, нейтральной валрисьменьть улить кавто вайгельксэнь невтевксэнзэ: 1) вайгелень кепедемась (теманть ёвтамсто); 2) валвачкодъксэсь (реманть ёвтамсто). Сыненст лездыцякс улить кавто лия ёнкст. Васенцесь — те паузась, кона тееви теманть-синтагманть ды реманть-синтагманть ютксо, омбоцесь — реманть куросо валвачкодъксэсь явозь валонть кувалгавтозъ ёвтамось. Нетъ вайгельксэнь невтицяне вейсэ валтнэнь молема виде лувонть марто тейсызь валрисьменьть *ушодыця теманть* ды сонзэ *прядыця реманть виев таркаст*.

Бажиндеряй кортыцясь седе пек явомс реманть, а теманть, мекевланг, лавшомгавтомс, кекшемс, сестэ сон путсы реманть валрисьменьть ушодксос. Седе покш мель карми явовомо од содамочинь максомантень. Реманть истя молемазо ули *инверсиякс* (латинэнь кельсэ *inversio* «полавтома»). Валтнэнь молема лувось карми *мекевлангонь*. Валрисьметне, конатнесэ ремась путови ушодксос, явовить кода теевемань, истя смустень ды вайгельксэнь коряс. Сынъ улить артозъ ёжомарямонь ды стилистикань ёндо. Ёвтавитькак сынъ башка ёжомарямонь вайгельксэсь. Валрисьметненень, конатнесэ вастови валтнэнь мекевлангонь лувось, лиякс меремс, ремась моли темадонть икеле, мерить *ёжомарямонь тюзсо артозъ*.

Ёжомарямонь тюзсо артозъ валрисьметнесэ валвачкодъкс марто вайгельксэсь полавтсы эсензэ тарканзо: валрисьменьть пестэ сон юты ушодксос. Валрисьменьть ушодксос ремась ёвтави седеяк виевстэ, сон седеяк пек явови вайгелень кепедемасонть. Мельга молиця темась, мекевланг, лавшомгавтови. Виевгавтозъ реманть мельга вайгель лоткамо а тееви. Валрисьмесь ули вайгельксэнь вейкине теевксэкс, конань эйсэ темась ёвтави алкинъгавтозъ вайгельсэ, аламодо эрязкавтозъ. Истямо ладсо, ёжомарямонь тюзсо артозъ валрисьмесь ремась ашти виев таркасо, темась — лавшо. Саемга: *Мазыйде мазый / Валдай ёнксось* (А. Доронин); *Аламонь-аламонь / Маря энгамсь* (К. Абрамов); *Колоньгеменде ламо иеть / ютасть...* (А. Доронин); *Тандадомадонть / Милославский / бояртнэнь пильгалов рестедевсь* (А. Доронин).

Эрзянь кельсэ валрисьмень актуальной явомань юронь ёнкстнэненень — вайгельксэнтень ды валтнэнь молема лувонтень — лездыцякс улить лияткак. Истямокс, васняк, улить невтемачинь-аволь невтемачинь ды азоркчинь полавтнематне.

Невтемачинь ды азоркчинь суффикс марто валрисьмень пелькстнэ (седе сеедытэ подлежащее) малав свал улить темакс или совить темань куронтень. Саемга: *Кудотне путнезь / аволь сэрей пандо чиреванть* (А. Мартынов); *Авазо / поведевсь кирьгазонзо* (А. Куторкин); *Чачома ёнксом / пек весёла* (И. Прончатов).

Теманть явомо лездыть существительной марто молиця невтиця ды определительной местоимениятнеяк. Саемга: *Те таркась / пек мазый* (А. Мартынов); *Кадовсть таргамс ансяк модамартне. Те меляв-*

ксось / апоки (К. Абрамов); *Эрва ломанесь / тевсэ содави* (Валмеревкс).

Невтемачинь ды азоркчинь суффикстэме валрисьмень пелькстнэ малав свал тейсызь ремань куронтъ. Саемга: *А покшке кужосонтъ / сравтовсть эрва кодат цецят* (Л. Седойкин); *Вальматненъ икельга / таргавсь пойма* (А. Мартынов); *Леснть кавто ёнга / касыть лём-зёронъ ды чукикторовонь куракиш, кальть, лепеть* (А. Мартынов).

Теке марто, эряви ёвтамс сеньгак: актуальной истямо явоманть эйстэ улить туематкак. Истя, саемга, сеедытэ эрси, зярдо подлежащее, кона ёвтазь невтемачинь суффикс марто существительнойсэ, валрисьмесь ули аволь темакс, а ремакс: *Ламова чарькодеви / тундонъ самось. Васня штатыть / чинь каршо пандо чаматне* (К. Абрамов).

Реманть явомо лездыть частицатне: виевгавтомань (-гак/-как/-як, -ке), явовтомань (ансяк), арасьчинь (а, аволь, апак), виевгавтома-личной местоимениятне (монсь, тонсь, сонсь, минсь, тынсь, сынсь) ды лият. Саемга: *Ней сон (Наста) / шабрань инжетненъ юткс / сови аволь ськамонзо* (В. Коломасов); *Сынст Сивинька велесэ / кирьпецень вейкеяк кудо арась* (А. Мартынов); *Алякань Ваня оно / ... мик сонсь гармошкаткак тейни...* (А. Мартынов); *Мастор лангсо / кодат ансяк ломанть арась* (П. Ключагин).

35 §. ВАЛРИСЬМЕНЬ АКТУАЛЬНОЙ ДЫ СИНТАКСИСЭНЬ ЯВОМАТНЕНЬ ЮТКСО СЮЛМАВОМАСЬ

Валрисьмень актуальной ды синтаксисэнь явоматненъ эйстэ эрванть тевезэ эсензэ. Темась ды ремась а кемекставить валрисьмень кодамояк пелькс мельга. Темакскак, ремакскак эрсит кода прывтонсетне, истя аволь прывтонсетнеяк. Теке марто мельсэ кирдеви вана мезесь: кавто прывт пельксэнь валрисьмесь подлежащее ды сонзэ куроно седе сеедытэ топавтыть темань тевентъ, сказуемое ды сонзэ куроно — ремань. Вейке прывт пельксэнь валрисьмесь прывт пельксэсь седе сеедытэ эрси ремакс. Детерминантось ды сонзэ куроно, кода подлежащеекак, малав свал улить темакс. Ёвтамсто сынъ тешкставить вайгелень кепедемасо.

Сестэ, зярдо детерминантонъ ды подлежащее кужотне валрисьмесь улить темакс, а сказуемое — ремакс, *актуальной ды синтаксисэнь явоматне вейкетствивить*. Истямо шкастонть актуальной явомась а колы синтаксисэнь явоманть, лиякс меремс, валрисьмень пелькстнэнь молема лувонтъ.

Сестэ, зярдо валрисьмень пелькстнэнь молема лувось мекевлангонь, *актуальной ды синтаксисэнь явоматне а вейкетствивить*.

Ванносынек валонь пелькстнэнь виде молема лувонтъ. Истя, актуальностень коряс явновия предикативень куросонть подлежащее ды сонзэ куроно молить сказуемое ды сонзэ куронзо икеле. Актуальностень коряс кавто прывт пельксэнь а явновия валрисьмесь, кона целанек топавты ремань тев, сказуемое курось ашти подлежащее куродонтъ икеле. Саемга: *Келейстэ сравтовсь эрзянь велесэ; Сэрейстэ путозь кудотне*. Детерминантось ды сонзэ куроно икельдасызь предикативень куронтъ, а

вейке прявт пельксэнь валрисьмесэ — прявт пельксэнь куронть. Саемга: *Кинть кавто ёнга / сравтовсь товсюронь паксясь; Вирсэнтъ / куро-сто чопоти; Ушосонтъ / пизи.*

Валонь пелькстнэнь виде молема лувонть пингстэ синтаксисэнь куротнесэ теvesь ашти истямо ладсо. Определениясь путови чарькодеветица валонть икелев. Аволь детерминантонь глаголонть кандовица дополнениятне молить сказуемоень мельга, тень пингстэ, бути улить виде ды аволь виде дополненият, сеске сказуемоень мельга путови аволь видесь, сонзэ мельга — видесь (*Кучинь аванень казне; Максця ялганень сёрманть; Андыя пенчсэ сэредицянтъ*). Онкстамонь обстоятельствомне молить сказуемоень икеле, лия кужонсетне (шкань, таркань, тевтеемань ладонь, тувталонь, целень) — сказуемоень мельга, таркань ды шкань обстоятельствомне путовить сказуемоень икелевгак.

Схемасо те певтеви истя:



Актуальной явомась а колы валонь пелькстнэнь виде молема лувонть истямо кужонь нейтральной валрисьмесэ-ёвтавкссо:

1) подлежащень кужось — тема, сказуемоень кужось — рема. Саемга: *Эрзятне ды мокшотне / вечкить чувтонь озавтнемне* (К. Абрамов); *Тая / потявты скалт. Тевесь / содавикс. Кедтне / якить бойкасто* (С. Кузьмин); *Тундось / ульнесь кувака* (А. Лукьянов);

2) сказуемоень кужо + подлежащень кужо — рема (валрисьмесэ актуальностень коряс ули а явновиякс). Саемга: *Уды эрзянь велесь* (Ф. Чесноков); *Сась туема чись* (Г. Гребенцов); *Абунгадсь велесь* (Ф. Чесноков);

3) детерминантонь кужось — тема, а явновия предикативень кужось — рема. Саемга: *Вирь куншкава / чудесь апоки лейне* (М. Тарасова); *Менельсэ / нурыгсь тарвазокс сялговозь ков* (Е. Пятаев); *Чихан пандонть прясто / вадрясто неяви* Поки Толкан велесь (Т. Раптанов); *Течи / промкс* (Ф. Чесноков);

4) детерминантонь кужось + подлежащень кужось — тема, сказуемоень кужось — рема. Саемга: *Лейстэнтъ / кись тусь верепандт* (К. Абрамов); *Валскестэнтъ / Лавгинов сыргозсь нек рана* (В. Коломатов);

5) детерминант марто вейке прявт пельксэнь валрисьме: детерминантонь кужось — тема, прявт пельксэнь кужось — рема. Саемга: *Чокшне ёнов / седеяк якшавтсь* (В. Радин); *Ушосонтъ / ульнесь лембе* (А. Захаров); *Найманов / сыргасть лишмесэ* (А. Дорогин); *Те кудынесэнтъ / Васьканень жардоак эзь саво улемс кецявтыця инжекс* (Т. Баргова);

6) детерминанттомо вейке прявт пельксэнь валрисьме: прявт пельксэнь а явновия кужось — рема. Саемга: *Якшамо варма. Кельме, нильтяня низеме* (А. Захаров); *Вечксынъ виртненъ ды лугатненъ, пекшенъ панжовома шканть* (Е. Пятаев).

Нетъ кужонь валрисьметнесэ синтаксисэнь ды актуальной явоматне вейсэидявить. Сышт эйсэ улить апсяк синтаксисэнь курот — подлежащень куро, сказуемоень куро, а явновия предикативень куро, детерминантонь куро. Кандовица валонь форматне актуальной явомань ськамочинь пельксэкс а улить.

Валрисьметнесэ, конатнесэ актуальной явомась колы валтнэнь молема виде лувонть, эрси *грамматиканъ инверсиясь*. Сышт эйсэ актуальной ды синтаксисэнь явоматне а вейкетставить. Полавтозь эрсить: а) целанек синтаксисэнь куротнень таркаст; б) синтаксисэнь куросонтъ башка валрисьмень пелькстнэнь таркаст.

Эсест таркастост (валрисьмень ушодкссо) савить ды путовить пев: 1) детерминантось ды сонзэ куроно; 2) подлежащесь ды сонзэ куроно. Сынь кармить ремань теvesь топавтомо. Саемга: *Ловонь сэнь коцтт новольсть / лекшев потолокстонть* (А. Дорогин) (Виде лувось: *Лекшев потолокстонть / новольсть ловонь сэнь коцтт*); *Сакшнось тень / авам* (В. Радин) (Виде лувось: *Авам / тень сакшнось*).

Сестэ, зардо колави синтаксисэнь куроно вейкетькчись, валрисьмень те или тона аволь прявт пельксэсь туй се валонть эйстэ, копанень сон кандови смустень ды грамматикань коряс, полавтсь эсензэ тарканзо ды ськамонзо карми темань или ремань теvesь топавтомо. Темань теvesь топавтомсто, сон путови валрисьмень ушодксо, реманть — пес.

Истя, валрисьмень пелькстнэнь молема лувост полавтомадо мейле темань теvesь теeme кармить глаголонть кандовица дополнениятне ды обстоятельствомне. Ёвтамсто сынь тешкставить виевгавтозь вайгельсэ. Саемга: *Кудавакс / монсь мартот молян* (А. Дорогин) (Виде лувось: *Монсь / мартот молян кудавакс*); *Эрванть / лавтовонзо ланга каязь коцтонь кильки* (В. Радин) (Виде лувось: *Коцтонь кильки / каязь эрванть лавтовонзо ланга*); *Тейтертнеде / виздиль* (Г. Потекаев) (Виде лувось: *Виздиль / тейтертнеде*).

Истямо ладсо вети эсь пряно вейке прявт пельксэнь валрисьмень прявт пельксэськак. Саемга: *Настань / теке лакиведьсэ валызь* (М. Моторкин) (Виде лувось: *Теке лакиведьсэ / валызь Настань*); *Ули-паротнень / наймансонть зеpe вийсэ онкстнесь* (Виде лувось: *Зеpe вийсэ / онкстнесь наймансонть ули-паротнень*).

Кой-кона валрисьмень пелькстнэ, мекевланг, кармить ремань теvesь теeme. Истя, пелькстнэнь молема лувост полавтомадо мейле ремакс эрсить велявтозь подлежащень ды сказуемоень куроно эрва кодат аволь прявт пелькстнэ. Сынь тешкставить валвачкодкссэ ды нейтральной кужонь ёвтавкссо седе сеедьстэ путовить пес. Тень пингстэ инверсиянт алов поигить валрисьмень лия пелькстняк. Полавтсь эсест таркаст, васняк, онкстамонь обстоятельствомне. Виде лувонть пингстэ сынь молить сказуемоень икеле, инверсиянь шкасто — мейле. Чуросто, по эрси, зардо истя пряно вети определенияськак. Темась истят ёвтавкстнэсэ малав свал ашти зярыя

синтаксисэнь куросто или валрисьмень зярыя пельксэз. Саемга: *Аволь покшке кочомнеть / тетям керсилизе / ветев* (Е. Пятаев) (Виде лувось: *Аволь покшке кочомнеть / тетям / ветев керсилизе*); *Нардамотнес / викинешь лопат / тумонь, сиртень* (П. Любаев) (Виде лувось: *Тумонь, сиртень лопат / викинешь нардамотнес*).

Содазь, валрисьмезь дополнениясь, таркань, шкань, тувталонь, тевте-емань ладоень обстоятельствоане молить глаголонть-сказуемоемь мельга. Ремакс улемстэ, сын а калавтсызь пелькстнэнь молема виде лувост, по теить полавтома синтаксисэнь куросонть. Инверсиясь юты валрисьмень сеть пелькстнэнь ютксо, конат улить темань тевень теицякс. Саемга: *Раужо ломанде, орожиядо пешксе / те велинесь* (В. Сидоров) (Виде лувось: *Те велинесь / пешксе раужо ломанде, орожиядо*); *Оршазь сын (ломантне) / суманьсэ...* (К. Абрамов) (Виде лувось: *Сын (ломантне) оршазь суманьсэ...*); *Одирьвакс / балалайкась урни* (А. Моро) (Виде лувось: *Балалайкась / урни одирьвакс*); *Галеень муия мон кардазсто / веть* (Ф. Чесноков) (Виде лувось: *Мон муия Галеень веть / кардазсто; Веть / мон муия Галеень кардазсто*).

Вастневить истяткак валрисьметь, конатнесэ актуальной явомась кармавты «сеземс» эйсэнэ пелькстнэнь ды аравтомс сынст аволь рядсек. Те эрсекиши сестэ, зярдэ валрисьмень пельксэсь ёвтась валсиолмавкссо. Валсиолмавксонь веенст валтнэ топавтыть темань тев ды путовить валрисьмень ушодксо, омбонст — ремань, секскак путовить пес. Истя, вейкест-вейкест эйтэ башка путовить: а) подлежащее пельксэнэ. Саемга: *Алтыш велень совасть кото цёрат. Котост эйтэ / мекев лиссь ансяк вейке* (К. Абрамов) (Виде лувось: *Котост эйтэ ансяк вейке мекев лиссь*); б) сказуемое пельксэнэ. Саемга: *Икелепельксэнь эрямось тензэ / неявь сёксень венить кондямо чоподакс* (К. Абрамов) (Виде лувось: *Икелепельксэнь эрямось / сёксень венить кондямо чоподакс неявь тензэ*). Темань ды ремань явомась истят ёвтавкстнэсэ колы валрисьмень теевеманзо виде лувонть, юты инверсия сонзэ пелькстнэнь ютксо или целанек синтаксисэнь куросонть. Но теке шкастонть актуальной явомань пелькстнэ — темась ды ремась — эсест таркаст а полавтсызь. Тень веши актуальной явомась, тень веши темань ды ремань молемань виде лувось. Истя тевесь ашти нейтральной кужонь ёвтавкстнэсэ. Сыпст эйсэ актуальной явомась кармавты: певтемс а пек эрявикс информациянь ды, мекевланг, тешкстамс сехте эрявиксэнь ды тень вельде пачтымс, кодамо смустезэ валрисьмень-ёвтавксонть, мезень кис сон теезь.

Грамматикань инверсиясь вастневи ёжомарямонь ды стилистикань коряс артозь валрисьмезяк. Тесэ инверсия юты актуальной явомань пелькстнэнь — темань ды ремань — ютксо як. Ремась путови валрисьмень ушодксо, темась, мекевланг, пес. Саемга: *Пингезэнэ васенцеде Стёпа кунсолось шнамонь валт* (К. Абрамов) (Виде лувось: *Стёпа / пингезэнэ васенцеде кунсолось шнамонь валт*); *Певтеме ломань лувось, а онкставикс* (Д. Надькин) (Виде лувось: *Ломань лувось / певтеме, а онкставикс*); *Кунсолыть чачомань-касмань морот аволь ансяк ломантне* (Н. Видяз) (Виде лувось: *Аволь ансяк ломантне / кунсолыть чачомань-касмань морот*).

ВЕЙКЕ ПРЯВТ ПЕЛЬКСЭНЬ ВАЛРИСЬМЕТНЕ

36 §. ВЕЙКЕ ПРЯВТ ПЕЛЬКСЭНЬ ВАЛРИСЬМЕДЕ ЧАРЬКОДЕМАСЬ

Валрисьметне, предикативень (грамматикань) лувост лангс валозь, явовить кавто кужос — кавто прявт пельксэнь ды вейке прявт пельксэнь валрисьметь.

Кавто прявт пельксэнь валрисьметнесэ предикативень юронть тейсызь вейкест-вейкест марто сиолмавозь кавонест прявт пелькстнэ — подлежащее ды сказуемое. Подлежащее сынст эйсэ грамматикань ёнксонь коряс ловови аволь кандовиця (аволь зависимой) прявт пельксэкс, сказуемое жо — кандовицяк подлежащее грамматикань ёнксонзо эйтэ. *Чопотеманть марто кошлось экишендсь, пелеве ёндо пувазевсь вармине* (К. Абрамов) — подлежащее вейкенъ числанъ формась аравтсы сказуемоемь как теке жо числанъ формас; *Ютаст январень якиамотне... Мартонь васенце читне обед ёндо кандсть сыця тундонь летке кош* (В. Коломасов) — подлежащее ламонъ числанъ формась аравтсы сказуемоемь как ламонъ числанъ формас.

Вейке прявт пельксэнь валрисьметнесэ предикативень юрокс ашти вейке прявт пелькс, конань вельде певтеви аволь ансяк тевтеемась, улемаштемачись, предметэнь или явлениянь улемась, по и кемекстави сонзэ кандовомазо перьканок эрямонть. Вейке секе жо пельксэнь вельде певтевить предикативностень весе ёнкстнэ — модальностесь, шкась, лицясь. Истямо пельксэсь смустень ды грамматикань ёнксонзо коряс ашти прявток, валрисьмень лия валс а кандовицяк. Валрисьмень лия пелькстнэ аравтовить прявтопсентень, чарькодевить сонзэ: *Пурнан росань байгеть, чамам эйсэст шляса, таштан седейс вайгельть, мазычинть мораса* (Н. Ишуткин); *А помняса зярдэ, — те ульнесь пек умк, — минек кудо бокас озавтсть кавто тумот* (П. Любаев); *Чокшине ёнов седеяк якиавтсь* (Ф. Чесноков); *Сёксень ков валдов чокшине. Велень улыця. Сёвонень кардт. Чокт кардтнэнь ёжова* (П. Кириллов).

Лувонь вейке пельксэсь, наклонениянь формасо валось или номинативесь, лия валс кандовицяк аштемстэ, теить кавто прявт пельксэнь аволь пешксе валрисьметь. Омбоце прявт пельксэсь, подлежащее, сынст эйсэ полдави, по сон чарькодеви, арсеви или содави икеле аштиця валрисьмень эйтэ: *Веленть велькс новольсь чокшнень сундэркс. Шаршав ладсо каявь виренть ды веленть ланга* (К. Абрамов) — *сундэрксэсь; Захар важдемадо виев... Нуеме карми — тарвазозо вешкезь вешки. Ёвксонь богатырь* (Ф. Чесноков) — полдазь Захар подлежащее.

Вейке прявт пельксэнь валрисьметнесэ прявт пельксэнь ёвтамонзо вельде топавтовить валрисьмень смустезэ, структурань ёнксонзо ды явовить глаголонь ды номинативень вейке прявт пельксэнь валрисьметь.

Глаголонь валрисьметнесэ прявт пельксэсь ёвтави глаголонь форматнесэ, лиясто сонензэ сюлмави лия кортамо пелькс, кона невти а кандовиця улема-аштемаши (состояния), кодамоаяк ёнкс: **Капиан** уцяскан мельга, теке зйкакш, кедь вельде, теке карго, менельга **ливтян**, сеерян верде (Ч. Журавлев); **Ковзак а туят** эсеть ойме коенть эйтэ (К. Абрамов); Сонзэ кувалма ёвкссо **ёвтнекишить**, сонзэ паронзо **морсить** моросо (В. Радаев); **Ушосонть таго вармаськадсь** (Ф. Чесноков); **Апак ушто кудосонть ульнесь якишамо** (Ф. Чесноков).

Номинативень валрисьметнесэ прявт пельксэсь ёвтави именительной падежень а кандовиця (аволь зависимой) существительнойсэ или сонзэ полавтыцясо ды невти предметэнь, явлениянь, событиянь — весе сень, мезе невтеви существительноенть вельде, улеманть: **Тундо. Чокшине**. Опаня варма **кошм** (Я. Григошин); **Чаво кудо**. Сыре атянь **козовкс**, бутрав **сундёркст**, каштом лангонь **пси**... Икеленек **модамарть** ды **поза**, сэра марто панезь **киш** (Ч. Журавлев).

37 §. ВЕЙКЕ ПРЯВТ ПЕЛЬКСЭНЬ ГЛАГОЛОНЬ ВАЛРИСЬМЕТНЕ

Вейке прявт пельксэнь глаголонь валрисьметне прявт валонть ёвтамонзо (грамматикань ёнксонзо) ды валрисьменть смустензэ коряс явовить зярыя башка курова. Прявт пельксэнт грамматикуань форманзо вельде сынст эйсэ невтевить: модальнойчись (кортыцянт мелезэ валрисьмесэ ёвтаз-денть), шкась (тевтееманть аравтомазо кортамо шкантень), лицясь (тевтеицанть лицязо). Валрисьмень прявт пельксэсь ~~эйсэ~~ седе сеедысь ёвтави:

а) наклонениянь формасо лицява полавтневиця глаголсо: **Весть кизна валске марто ошто лисинь ды лоткинь вирь чирес. Таймаска-дынь** пертьпельксэнь мазычиденть (Д. Надькин); **Ки чиресэ иля аште** ламо, бути **капиат** курок кудов само (Ч. Журавлев); **Ливтязь лив-тявлинь** росав чувтнэнь велькска валскень сэненть потс. Теке оймазь эрькс **чопавтовлинь** экишес, свежа коштонть эйтэ прок **чачовлинь** одс (А. Арапов); **Понгозан** даволс, **эшкевезан** эйс, — парос бажамонь мельтнеде а яван... (И. Калинин); Ансяк **совиксэлинь** цюланс — икелень ашти тетям... (Л. Седойкин); **Патриархонт туема** чистэнзэ, зорянь лазовома шкане, **Тикшаень тердизь** владыкантень (А. Доро-нин);

б) инфинитив марто лицява полавтневиця глаголсо, конань вельде невтеви инфинитивсэ ёвтазь тевтееманть ушодомазо, молемазо, прядома-зо: **Карминь** Саранскоев сеедысь **ардтнеме**. Те ардтнемасть монень кеняркс максь певтеме (С. Люлякина); **Велесэ** — аволь кода ошсо, цють мезе а истя, **пейдькинеме кармить**... (К. Абрамов); **Снарт-нинь топавтомс** кемемат, ютамс марто цецяв янга, **арсинь ка-земс** теть вечкемам, — ёмавтния лия ланга (Н. Ишуткин);

в) модальной глагол марто инфинитивсэ: **Эрьва ломаненть марто**, кельвалонь апак арто, **эряви кортамс** тенек, бути **улить** превенек (Ч. Журавлев); **Летиндеряй** теть минек ёнов **самс**, иля нузядо эр-

зянь ойме коштто лекстямга вейке поки кудос совамс (Д. Надькин); **Эскелямс савкиносэ** идем вирьга, сарга... (Ч. Журавлев);

г) инфинитивсэ: **Кода ды мейсэ изнямс** те виздеманть, **смелстэ варишамс** теитеренть сельмес ды **ёвтамс** тензэ седей валонть (К. Абрамов); **Косто муемс** истят питней валт ды потмаксос **пан-жомс** седей ойменть (А. Моро);

д) предикативень наречиясо (сыкамонзо или сюлмиця глагол марто): **Тевсэ апак лака, эрьва косо стака** (Ч. Журавлев); — **Кеман**, — **кувал-ман теть а ули визькс** (А. Арапов); **Вейке вийсэ, вейке превсэ стака** **улемс** ламо **тевсэ** (Ч. Журавлев);

е) аволь глаголсо сказуемостень суффикс марто: **Пек каштанан** ней секень **кисэ**, **мекс** монь **ломанькс ловить**... (А. Моро); **Мекс васо-лат** эйтэнь, а эждят монь **мешенть**? (Н. Ишуткин); **Чинек-венек** **пильге лангсат**, яла **капиат**, **теят** **тевт**, **ломань** **икеле** **свал ваньк-сат**, **лездат** **тенек**, **ёвтат** **превт** (Ч. Журавлев);

ж) ютазь шкань пассивень причастиясо: **Сынст эйсэ эрять эрзят**. **Сэрейть, мазыйть**... **Чачомасто-касочамасто максозь** **тенст** **сатышка** **вий** (К. Абрамов).

Вейке прявт пельксэнь глаголонь валрисьметне модальной ёнксост, лицянь формаст ды смустест коряс явовить истямо курова: 1) содавикс лицянь, 2) а содавикс лицянь, 3) весе лицянь ды 4) лицянь а невтиця валрисьметь.

38 §. СОДАВИКС ЛИЦЯНЬ ВАЛРИСЬМЕТНЕ

Содавикс лицянь валрисьметнесэ прявт пельксэсь ёвтави глаголонь 1-це ды 2-це лицянь вейкень ды ламонь **числань** формасо. Сынст смустень ды грамматикань ёнксост ашти сеньсэ, **(мекс) вейке** секе жо прявт пельксэнт вельде ёвтави аволь ансяк тевтеемась (ёнксось), но и содави сонзэ теицанть (ёнксонь кандыцянь) лицязо, кона башка валсо апак невте. Глаголонь 1-це ды 2-це лицянь форматнен пингстэ теветицякс (ёнксонь кандыцякс) аштить: сонсь кортыцясь (мон) или сонзэ кортыця ялгазо (тон), или зярыя лицят, конатнен вейсэндясынзе кортыцясь (минь), или кортыця ялгатне (тынь). Саема: **Учан эйсэть эрьва чистэ, сак** **тень** **кельместэ** ды **псистэ**. **Арсян** **тонет** **шумбрачи**, **ливтян** **каршот** **медь** **ды** **киш**... (Ч. Журавлев); **Аволь сырян** — **одан**, **теде** **парсте** **содан** (Ч. Журавлев) — **арсян**, **ливтян**, **аволь сырян**, **одан**, **содан** глаголонь ды аволь глаголонь форматнесэ содави: теветицякс (ёнксонь кандыцякс) ашти сонсь кортыцясь — мон; **сак**, **кандат**, **кармавтат** — кортыця ялгазь — **тон**; **Озавтынек** **весть** **нарвицька**, **пиззяк** **тензэ** **вадря** **теинек**, **алт** **алонзо** **путынек** **омбоце** **пель** **десятка**... (А. Куторкин) — теветицятне — минь, кортыцянт марто вейсэндязь лицятне; **Илинк** **позоряето** **прянк**, **кодамо** **бу** **стакачи** **марто** **аволиде** **вастово** (А. Мартынов) — теветицятне — тынь, кортыцянт ловныцятне ды кунсолыцятне.

3-це лицянь вейкень числань формась содавикс лицянь валрисьме а теи. 1-2-це ды 3-це лицянь форматне а вейкет сеньсэ, мекс 3-це лицянь форманть вельде, бути пингстэнзэ подлежащее башка валсо апак ёвта

ды кирди кандовиця лув, тевтеицясь содавиксэкс а невтеви, секс мекс а содави, киде или мезде моли кортамось. Тевтеицясь сонзэ пингстэ ашти кодамоаяк эрвявикс лица или предмет, конась ансяк арсеви, чарькодеви или ёвтави икеле аштиця валрисьмесь. Саемга: *Налкси вармась, пувси ловонть, вальмало тарадтнэнь менчи. Кекишзе пель эшкес ковонть, весе китиень теисезь теиси* (А. Моро); *Татю эсензэ тошнанзо-горяизо ютавтылизе кудоютоконь тевсэ. Тевтеме сельгень прамс а ашти: викиши руця-панарт, сюворды пракстат* (Т. Раптанов).

Содавикс лицянь валрисьмень прявт пельксэнь вельде, тевтеицянть лицядонзо башка, невтеви модальнойчись ды шкась. Модальнойчись невтемапелекс аштить глаголонь наклонениянь форматне.

Индикативень глаголтнэ невтить алкуксонь тевтеема, конань топавтыть содавикс лицятне (кортыцясь или сонзэ кортыця ялгазо) неень, ютазь или сыця шкасто:

а) неень шкасто: *Симан домка лисьмапрясто, марян, кода монь седейс паро ёжось юты састо* (И. Калинин); *Свал вастат монь эйсэ кельмстэ, вакскан ванат васов. Мезеяк а невтят сельмсэ, а ёвтат турвасо* (А. Эскин); *Истя эрятано ламо иеть, ламо...* (Н. Ишуткин); *Ломанькс монь ловтадо* — седеем кеци (Ч. Журавлев);

б) ютазь шкасто: *Колоньгемень иеть те таркасонть эринь. Путья тей вием, ламо мужа керинь* (Ч. Журавлев); *Пек тантейстэ удить, ды секс эзитиень стявато* (Н. Эркай); *Ламо ютыть, ламо неить. Ёвтак, кинень паро теить?* (Ч. Журавлев); *Мазый Марянь чиявтомо якинек, стяко картинень сонзэ кисэ ёзынек, кулдор-калдор крандазонок ягинек* (С. Люлякина); *Монень мельспаро, седеем валдомтынк мечи* (Ч. Журавлев); — *Ков истя псистэ уштынк баянть, — машнетесь бабась урванзо лангс* (УПТМН);

в) сыця шкасто: *Мельс истя, цёрам, а тутят, эстетъ ни саемс а муят* (Ч. Журавлев); — *Ва эрятадо аламось минек кедьсэ, ды а карми марявомо тенк качамонть сэпезэ* (К. Абрамов).

Глаголонь императивень форматне содавикс лицянь валрисьметнесэ пачтить кортыцянть кармавтоманзо кодамо-бути тевтеемань тонавтомато. Кармавтомась тень пингстэ аравтови кортыця ялганть (ялгатненень), конат невтевить глаголонь омбоце лицянь вейкенъ ды ламонь числанъ форматнесэ. Саемга: *Ловныка те коёвонть ды эрва валонть ёвтык тень эрзякс* (А. Куторкин); *Эрзянь келесэ эсь койсэнзэ мазый, эрвявикс, питней. Илядо стувато эйсэнзэ, пудоодо тензэ седей* (С. Люлякина).

Императивень форматне содавикс лицянь валрисьметнесэ келейстэ вастневить эрзянь литератураень кортамосонть ды вельдест невтевить кармавтомань смустень зярыя ёнкст:

а) кодамоаяк тевень тееме тердема: *Кепедеветь пандо прянтень оймсезь-теезь, пиравксонть потс теине кенкишканть совак* (Д. Надькин); *Промодо, ялган, промодо, сэрэ лажамо тарказон. Валске рана стя*

мосто ашо пацят сюлмседе, таргань паят оршинеде (М. Евсёвьев);

б) внев, кеме, лиясто мик кежей кармавтома: *Шкасто лездак, шкасто сак, шкасто эсетъ кисэ стяк* (Ч. Журавлев); *Иляк панжо тензэ орпанть, мертв: патям арась* (Ч. Журавлев); *Ванстоодо эйкашит-ненъ часияст, ванстоодо и сыреть и одт* (А. Эскин);

в) энялдома: *Иля капша, вечкевиксэм, тучеме, хоть аламось кадовт чатьмонемэ* (А. Арапов); *Кельме седей пизёлкс, каршон эськелькс теить* (Ч. Журавлев); *Вечкеде аванк, ялгат, вечкеде...* Сынесст свал паро седей теде (П. Любаев);

г) превс путома, тонавтома: *Кастак превейкс тиринь эйдесть, оймэ сынесст пунтэ. Сынесст лангс илить кепсе кедеть, кежей валот стуват* (Ч. Журавлев); *Кить иля учне валаят, келейть — ансяк кундт-кандт, латкит-пандт, манчиця отьмат...* (Д. Надькин);

д) паро мелень арсема: *Эгилт, тякинем, полавтык кинть, сон тетъ а лезды куземе верев. Превей ломанькс эряк ды теить...* Паро улелель, савлитыкак велес (Ч. Журавлев); *Пси седейстэ мерян тетъ: иля сода берянь, стака. Палт валдосто чить ды ветъ, иляк ютавт пингетъ стяко* (А. Моро);

е) оймавтома: *Стяко иля тално, сельведть иля вално а мезень кис* (Ч. Журавлев); *Адя малазон, озак ёжозон, ёвтык апарат, седей ризнемат. Кодат ризнемат кирдят эсь мельсэть* (И. Кривошеев);

ж) ацирьгадома: *Бути эзик чарькоде, мезекс эритъ ней, омбоцеде эрямо иля сакино тей* (Ч. Журавлев); *Пекстазь кирдемадонть парт илядо учне* (УПТМН);

з) кардамо: *Илить ёмавтние ули-парот, иля веля пиженъ ярмак-кекс* (Д. Надькин); *Энялдомам вейке: вакстон тук! Иля вапо мельган — сельметъ конить...* Лия ялга эсетъ туртов мук (Ч. Журавлев);

и) тандавтома: *Сядо ормат эстетъ сёрмадт, — ды сынъ тонеть сыть* (Ч. Журавлев); *Ну, аштек ней, вардо, муса мон тонъ пизэть, учик ансяк шканзо, кельметьса мон кизэть* (Н. Эркай).

Оплативень форматненъ пингстэ содавикс лицянь валрисьметнесэ тевтееманень кармавтомась аравтови эстензэ кортыцянть (кортыцятненень) или сонзэ кортыця ялганть (ялгатненень): *Улезан чувтокс, конань ёндол чачк-пачк лазсы или кол варма уидокснэж таргасы, улезан идем кевекс, конань пандо прясто внев пурьгине эшксы лашмос, масторс...* (Д. Надькин); *Питней инжекс улезат, седеймарикс кадовозат...* (УПТМН); *Ков илязтадо моле, эрва косо зярдояк тенк а стувтови эсь чачома веленк* (А. Моро); *Илязтаномуевть анданень, илязтаномо редяв* ногайненъ (УПТМН).

Глаголонь лия наклонениянь форматне содавикс лицянь валрисьметнесэ невтить аволь алкуксонь тевтеема.

Конъюнктивень глаголтнэнь пингстэ содавикс лицянь валрисьметнесэ невтеви тевтеема, кона топавтови эстензэ кортыцянть или сонзэ кортыця ялганть ансяк эрвявикс вешеманъ улезь: *Содавлия, апаро мельть пряудемсэть, чатьмоневлинъ* (А. Доронин); *Содавлиять бу, цёрам, кода монень стака...* Ансяк седей ладсян: путьк прят а стяко (С. Люлякина); *Улелельгак вейке кинек, седе васов молевлинек, седе верев кузевлинек...* (Ч. Журавлев); *Мезе панси эйсэик якшамованть? Аштевлиде бу лембе таркасо* (УПТМН).

Кондиционалонъ глаголтнэ содавикс лицянь валрисьметнесэ невтитъ сыця шканъ истямо тевтеема, кона арсеви, топавтови эстензэ кортыцянть или сонзэ кортыця ялганть ансяк эрвявикс тувталонъ улезь! Ох,

Глинедереи эрвявикс тувтал.

ёвтак: *кульндерян тондеть икеле, валат а валат мельган чады сельведть?.. Ёртындерясак* зярдоак дован пацянтъ, понгавтык крёст прызон (Д. Надькин); ...*Човоргадындерятадо* мартонзо, парс а панжадо (К. Абрамов).

Дезидеративень глаголти³ содавикс лицянь валрисьметнесэ невтить мельс саезь апак топавто тевтеема, кона кандови эстензэ кортыцянтень или сонзэ кортыця ялгантень: *Лисиксэлинь тусто куротнень эхистэ, пульзиксэлинь мик, авань пильгс прыксэлинь* — пелинь: колави ёжомарямозо, апаконь учовт монь лисемасонтъ (Д. Надькин); Ансяк *сыргиксэлинек* велень советэв, совась сонсь *прявось* (К. Абрамов).

Аволь алкуксонь тевтеема³ невтиця наклонениянь глаголти³ содавикс лицянь валрисьметнесэ неень шкань кортамосонтъ ды литературань сермадовкстнэсэ вастневить седе чуросто.

Содавикс лицянь валрисьметне³ эсест смустест коряс малавикст кавто прявт пельксэнь валрисьметнень марто, косо подлежащее аравтовить 1-це ды 2-це лицянь местоимениятне. Личной местоимениянь соватозь, сыншождасто велявтыть кавто прявт пельксэнь валрисьмекс ды, мекевланг, местоимениятнень нолдазь, кавто прявт пельксэнь валрисьметне ютгыть содавикс лицянь валрисьмекс.

Содавикс лицянь валрисьметне литературань кортамосонтъ седе седесть тевс нолдавить:

1) бути икеле аштиця валрисьмесэ саезь личной местоимения марто кавто составонь валрисьме, сестэ мельга молиця валрисьмесэнтъ местоимениясь а саеви: *Менелесь таго сэнъяжа, сэррей. Мон* норовжорчокс *кепешинь* верев. Таго *эскелян* виев од цёракс. Вечкемась гайги тердиця морокс (Ю. Исланкин); *Пачкодинь мон* вельть васоло Сибирьстэ. Кавто ковт *ульнинь* яла тыненк само ки лангсо (А. Куторкин); *Сыретнень минь тердинек* Садовойде ярасмо, Медовойде симеме. Седе одтиэнь *тердинек* стака канстонь кандомо... (М. Евсёвьев);

2) бути валрисьмесэ саевить вейкетъ (однородной) глаголт или мельга-мельцеке молить зярря вейкетъ содавикс лицянь валрисьметъ (лиясто сынш аштитъ личной местоимения марто кавто прявт пельксэнь валрисьмедалгавтоманзо кисэ ды мельга-мельцеке молиця тевтеематнень куроксто полавтомаст невтемань кисэ: — *Течи сизекининь. Эзинь листъ ульцявгак, прынь тарказон* ды вана матедевинь, — *кувакасто оймензэ таргсезь, ёвтнесь Аганя* (Т. Раптанов); *Седикелень эрямсто, тейтерькс пингень печтямсто, валске рана мон стилинь*, чокшине поздас *аштилинь*, мазы морот *морылинь*, шуткат-баснят *тейнилинь* (М. Евсёвьев); *Минь* душмантнэнь *тапинек, каинек* кежень пис. Ды изнямонть *теинек* тиринь тетянок кис (Ю. Исланкин).

Императивень глаголсо ёвтазь прявт пельксэнтъ пингстэ башка валсо истя жо а ёвтави лицясь, кинень аравтови кортамось. Истят содавикс лицянь валрисьметне седе седесть тевс нолдавить ломантнень ютксо кортамосо (диалогсо), зярдо кортыцясь видьстэ пшкади кортыця ялгантень ды 2-це лицянь местоимениясо сонзэ лемдемась а эрявияк, секс мекс глаголонь формасонтъ истякак ёвтави, кинень аравтови кортамось: — *Листъ*

мельган ульцяв ды *кундак* Митянь эйс. Сон яви минек эйстэ. *Кундак* ды *энялът* икелензэ... (П. Кириллов).

Императивень глаголтиэнь пингстэ лицясь, кинень аравтови кортамось, содавикс лицянь валрисьметнесэ седе седесть ёвтави лемсэ — пшкадемакс. Пшкадеманть пингстэ личной местоимениясь валрисьмес а соватови: *Велявт*, церынем, *лытамс тетъ саты, царькодтъ*, *цецине кудозот сась*. Чаво кудосонтъ пилем каяты. *Арсек*, *тякинем*, — а учишкась (Ч. Журавлев).

Истямо смустень валрисьметне ёвтавить местоимения марто ды арыть кавто прявт пельксэнь валрисьмекс ансяк сестэ, зярдо личной местоимениянь саемась вешеви эрявикс смустень ды стилистикань ёнксонь коряс:

а) карадо-каршо аравтомань невтемань кисэ: *Чатъмонть тои, монгак* а ёвтан вал, кадык кедтне кортыть эсест кельсэ (А. Сульдина); — *Мон* вана прям пурса тонь кис, *тои* тень а стувтсак, кармат кежень пандомо?.. (П. Кириллов);

б) виевстэ ёвтамо вельде (логической вачкодъкс вельде) личной местоимениянтъ явоманзо кисэ: *Мои* ськамон тонадынъ... *Ловонть* ланга соксо киракстнеме, мизолкс марто вастомо эрва чинть (А. Сульдина); *Зярдо-бути (мартот) тия минь чийнинек, гайтев моронь шалтонть пертьпельга ёртнинек* (А. Эскин); *Мон* сонзэ кудос пекстыя, кадык стуки, — мерсь Митя (П. Кириллов); *А кирдян корозост...* мелест ваномо кодаяк седеем а сы, — пшкадсь Аганя. Аздан, кода *тои* кедьсэст цидярдат? (Т. Раптанов).

неонрид. - левтн.

39 §. А СОДАВИКС ЛИЦЯНЬ ВАЛРИСЬМЕТНЕ

Вейке прявт пельксэнь а содавикс лицянь валрисьметнесэ прявт пельксэсь ёвтави 3-це лицянь ламонь числань глаголсо. Сынш невтить тевтеема, тевтециясь сынст эйсэ башка валсо а ёвтави ды прявт пельксэнтъ вельде невтеви прок а содавиця: *Мейле те болотась аламонь-аламонь коськсь, вирентъ керизь* ды *урядасть* пакся (А. Мартынов); *Аволь вестъ* ды *аволь кавксть* раськем пильге лангсто *правтсть*. Сон яла теке моли стядо (Ч. Журавлев).

Тевтециянтъ а содавиксчинзэ невтицякс аштитъ морфологиянь ды синтаксисэнь ёнкстнэ. Морфологиянь ёнксокс ловови глаголонь 3-це лицянь ламонь числань формась. Бути сонзэ пингстэ тевтециясь а ёвтави, сестэ тевтеемась кандови кодамо-бути а содавикс лица лангс: *А содаса зярдо, — те ульнесь пек умок, — минек кудо бокас озавтсть* кавто тумот (П. Любаев); *Сельме удалга Судосевень велесэ лемдизь* човарокс: каня, *пишти* келензэ, каня, *кузницясо сиземань* апак сода важедеманзо кис (А. Доронин) — сынш, кить-бути.

А содавиксчинь синтаксисэнь ёнксокс ловови подлежащее арасчись ды прявт пельксэнтъ лия валс а кандовиця смустесь (аволь зависимой таркасо аштемась): *Кацелаев Вечкановонь тердизь* пожардо *мейлень валскестэнтъ* (А. Доронин); *Максстъ* тень тарка-эзем, *ульнесь, нать, тенст лезэм* (Ч. Журавлев).

А кирдиндерявить неть кавто ёнкстнэ педес-пес, истямо валрисьмесь а ловови вейке прывт пельксэнь а содавикс лицянь валрисьмекс. А содавикс лицянсетнень ёнов молиця валрисьметнесэ прывт пельксэсь истя жо ёстави 3-це лицянь ламонь числань глаголсо, но сонзэ пингстэ тевтеицятне арсевить, чарькодевить, содавить глаголонтэ смустензэ коряс (глаголось невти кодамояк содавица (конкретной) лицянь тевтеема) или ёстави маласо аштиця валрисьмесэнтэ. Истят валрисьметне лововить кавто прывт пельксэнь аволь пешкес валрисьмекс. Саема: **Тусть** пире удалга, лов потмова. **Кекинезь-кекинезь совасть** кудов. **Кузсть** эжнеме каштом лангс (Ф. Чесноков) — 3-це лицянь ламонь числань глаголтиненъ вельде неть валрисьметнесэ кортыцясь (авторось) ёвтни содазь тевтеицятно — уроз эйкакштнеде. Седе икеле валрисьмесэ сынъ ёставить башка валсо ... **Сыргасть** лелят-сазорт...; **Васов** келемьсть нужанть тарадонзо, **пек алов** нолдынзе ундоксонзо. А кедьсэ **синдевить**, а узересэ **керыавить** (Ф. Чесноков) — тарадтнэ, ундокстнэ; А стяко сыре эрзятне кортнекишнесть: **видильть**, **марят**, **покишнянок марч** — розь **кепешиль**. **Ертыльть** паксяс коморо суро — **ямкссо** сисем партъ **пеишнякишнеть** (А. Доронин) — покишнянок.

А содавикс лицянь валрисьметнесэ прывт пельксэсь ёстави, императивень наклонениядо башка, весе лия наклонениянь глаголтиненъ.

Индикативень глаголтиненъ вельде невтеви алкуксонь тевтеема, конанъ **ютавтыть** а содавица лицятне:

а) неень шкасто: **Ульця** ютксто **марятотсть** скалонь ды **ревень** парамот — **панить** стада (К. Абрамов); **Те** чис **церанть** эйсэ **учить**, **чеядавксонть** сюдомат **кучить** (А. Доронин);

б) ютазь шкасто: **Чочконь-чочконь** кудонзо-чинзэ **умок** уш **калавтинизь**... (Д. Надькин); **Недлян** базарсо од пора **микшнесть**, **превте-мечи** **аравтсть** тензэ **придачакс**. **Ниле** питнеть сонзэ **кисэ макснесть**... (И. Прончатов);

в) сыця шкасто: **Стуетсызь** таштонть, **човорасызь** одонть ды од коекс **сайсызь** пейксенть, **содонтэ**. Мейле **сыргить** од эрямов таго... (Ч. Журавлев); **Калмазыресь** — меельце лоткамо **таркат**. **Ускстадызь-кандтадызь** тов мода отьманть свалшкас оймсеме (А. Доронин).

Оптитивень глаголтиненъ вельде пачтяви тевтееманть мелень путома, кармавтома, кона аравтови а содавикс лицятненень **Лиятнеде** икеле минек **тевде кортаст**, **виенть**, **мезесь а минек**, — **стуетост**, **шеишкест**, **ёртост** (Ч. Журавлев); **Промкссо**, **нама**, **кармить** **пелькста-мояк**, **сёвномояк**. **Ансяк** раськенъ **прывтокс** од **ломань иляст** **путо** (К. Абрамов).

Глаголонь конъюнктивень, кондиционалонь, кондиционал-конъюнктивень ды дезидеративень форматне максыть а содавикс лицянь валрисьметненень аволь топавтовия, ансяк арсевиця, мельс саевиця тевтееманъ смусть, секс мекс сонзэ теевеманть арасельть эрявикс вешемат, тувталт: **«Монень максовольтькак** **превть**, **ушодовлинь** **паро тевть»**, — **кор-тась** **ломанентень** **вармась**... (Ч. Журавлев); **Сеськина**со як **пачтяв-ксонзо ловновлизь**. **Тердевлить** Кузьма Алексеев (А. Доронин);

самъ условия/туттал. том.

Максындеряить **тетъ** **ленге**, **тон** **пандт** **кинас**о (Ч. Журавлев); **Коч-киндерясызь** **раськенъ** **прывтокс** **Пургазонь**, **сонензэ а** **улемс** **покишокс** (К. Абрамов); **Тевстэ олякстомтындерятадызь**, ... **отьмаскак** **кир-нявтат** (А. Брыжинский); **Саиндерявольтькак** **районов** **морам** **киньгак** **лиянь**, **аволизь** **сае** **васень** **тарканть** (К. Абрамов); **Кинь** **ней** **председателькс** **аравтызь**? — **Тонь** **таго** **аравтыксэлидизь**. **Зярс** **коч-кизь** **Цинай** **Игань** (П. Глухов).

А содавикс лицянь валрисьметне литературанъ кортамосонть седе сеедьстэ саевить:

а) зярдэ тевтеицятнень а содасызь а сонсь кортыцясь, а сонзэ кортыця ялгазо, ды сынст ёвтамост, паряк, а эрявияк те кортамосонть, секс мекс валрисьментъ вельде пачтяви ансяк ютавтозь тевтеемадонть: **Лепе** **латконь** **пичетнень** **эйтэ** **вейкенъ** **уш керизь** **исяк**, **эрявить** **муемс** **керицятне**, — **арси** **Вираз** **атя** (Я. Григошин); **Тикшентъ** **эйтэ** **уш** **зя-рья** **ледсть** **ды саизь** **пижестэ** (К. Абрамов);

б) зярдэ тевтеицятнень кортыцясь содасынзе, но сынст видьстэ ёвтамост а вешев валрисьментъ смустензэ коряс, секс тевтеемась кандови а содавикс лицятнень лангс: **Обедэнтъ** **малав** ... **розь** **пакся** **пентень** **кузь** **стадась**. **Ревентнень** **нолдызь** **жниватнень** **лангс**, **скалтиненъ** **кирдсть** **скирдатнень** **эйтэ** **ве** **пеле** (К. Абрамов); **Филиптеньгак** **апак** **кевксте** **урьвакстызь**. **Шабра** **велестэ** **тензэ** **тейтерентъ** **чиявтызь**... (А. Доронин); **Кемень** **иесэ** **церынекс** **Яхимень** **кучокишнызь** **тонавтне-ме**... (В. Коломасов);

в) тевтеицясь ёстави а содавицякс сестэяк, зярдэ сондензэ корты тевтееманъ таркась, те шкастонть перьканзо эрямось, ситуациясь, конатнень пингстэ ютавтови сонсь тевтеемась. Истят валрисьметнес сеедьстэ совавтовить валт, конат максыть чарькодема тевень теицятнеде: **Иважонь** **таго** **зэ** **арсеяк** **атясь**. **Арази** **цёрыненъ** **нолдасызь** **кудосто**, **коди** **тетязо а** **якави** (К. Абрамов); **Лангс** **ливтезь** **вечкеманть** **велесэ** **эзть** **инакишно**... (А. Доронин); **Медсанбатсо** **сюлмси**зь-**теи**зь **пильгем**, **путымы**зь **автомашина**с **ды** **илътимизь** **госпиталев** (К. Абрамов);

г) а содавикс лицянь валрисьметне тевс нолдавить сестэяк, зярдэ тевтеицякс ашти сонсь кортыцясь, но ёвтазентъ смустензэ виевгавтоманъ кисэ эсь прынзо сон ёвтасы а содавицякс: **Маря**, **окойники**, **зэ** **кирде** **ды** **серьгедь** **лангозонзо**: **листъ**, **мерить** **тетъ**, **лектяк** **экиш** **коштто**, **прат** **тезэнь** **лазови** **угорстентъ** **эйтэ** (К. Абрамов);

д) тевтеицясь ёстави а содавицякс сестэяк, зярдэ кортамосонть эряви текштамс ансяк тевтееманть, сонзэ теицятномонзо: **Кармасть** **чаво-мо** **баяга**. **Авардезь** **узныть** **баяганъ** **вайгельтне**, **ков-бути** **тердить** (Ф. Чесноков); **Аламо** **шканъ** **ютазь**, **яволявтсть** **поездэнь** **самодо** (К. Абрамов); **Нетъ** **шубатнень** **ды** **кемтнень** **Митрийнень** **ды** **Маря-нень** **ставтокишнызь** **ды** **кеверстекишнызь** **венчамонъ** **васенце** **иес-тэст** (К. Абрамов);

е) а содавикс лицянь валрисьметне нолдавить кода вейке прывт пельксэнь совавтозь валрисьметъ: **Канаевень** **маштомадо** **следствиясь**, **ёвтнестъ** **монень**, **прядовсь**, **чумось** **муевсь** (К. Абрамов); **Кансёро**сь, **кортнить**, **пек** **лезэв**... (А. Доронин).

40 §. ВЕСЕ ЛИЦЯНЬ ВАЛРИСЬМЕТНЕ

Вейке прывт пельксэнь весе лицянь валрисьметне невтить тевтеема (ёнке), кона смустень коряс вейкетьстэ аравтови весе лицятненень. Прывт пельксэсь ёвтави глаголонь 2-це лицянь вейкенъ числанъ, 3-це лицянь ламонъ числанъ ды седе чуросто 1-це лицянь вейкенъ ды ламонъ числанъ формасо. Субъектэкс (тевтеицэкс) сынст эйсэ арсеви эрва лицясь, кона топавты тевтееманть теке жо тувталтнень, эрямонъ явлениятнень, койтнень пингстэ, сень лангс атак вано, кодамо лицянь формасо ёвтави прывт пельксэсь.

Весе лицянь валрисьметненъ модальной ёнксост неatevi глаголонъ наклонениянь форматненъ вельде. Индикативень наклонениянь глаголтнэ невтить алкуксонъ тевтеема, кона кандови весе лицятненень. Глаголосъ седе сеедьстэ ашти неень шканъ формасо, конась тень пингстэ а канды неень шканъ смусть, тевтеемась вейкетьстэ аравтови неень, сыця ды ютазь шкатненень. Саема: *Пингетъ ютамс ламо куюлос пачкодят. Вант, лиясто пурдават, туют а те киявантъ, кува бу эряволь* (Ф. Чесноков); *Пакся китненъ чирева сексия синдтризь весе нартемкстнень. Синдтризь аволь тенстекс, а уштомс. Тенстекс нартемкст синдтризь пижестэ* (К. Абрамов); *Зярдэ марян покордамо, сорнозеван, валон стувтсынъ* (Ч. Журавлев); *Кие аволь минек, сень кунсолосынек, эсенекеить сяддсынъ, ношка валсо сяддсынъ* (Ч. Журавлев).

Тевтееманть эрва лицянтень кандовоманъ ёнксо содеак пек виевгавтови эрзятнень устно-поэтической творчествасо — валмеревкстнэсэ, вальёвтавкстнэсэ ды содамоёвкстнэсэ, конатненъ вельде мазылгавтозь пачтыви весенень вейкетъ арсемадо, мельде, эрямонъ-аштеманъ койде: *Мезенть одсто ёмавтсак, сень сырестэ а велявтсак* (УПТМН) — эрва лицясь (ломанесь) эрва шкасто, бути теи истя; *Сисем тевтъ ве шкасто а тейнитъ* (УПТМН) — киненьгак ды зярдояк сынъ парсте а топавтовить; *Ушов молян — кудов ваны, кудов молян — ушов ваны* (УПТМН) — истямо тувталось эрси эрва ломанень марто; *Содынек, мезень кисэ тюринек, секс изницякс ульинек* (УПТМН) — эрва лицясь, бути икелензэ аравты тевтееманъ топавтоманъ цель, лиси изницякс.

Весе лицянь валрисьметнесэ, индикативень наклонениядо башка, прывт валось келейстэ ёвтави императивень форматнесэ. Императивесь максы весе лицянь валрисьметненень превс путоманъ, паро тевс тонавтоманъ ды кармавтоманъ ёнкст, конат вейкетьстэ алтавить весе лия лицятнененьгак: *Сёксень сопавчинтъ ванстык тундос* (УПТМН); *Тонавтодо эйкакшонк аволь ансяк ламонъ содамо, но и ламодо арсеме* (Ч. Журавлев).

Конъюнктивень глаголтнэ невтить аволь алкуксонъ тевтеема, кона топавтови эрва лицянтень ансяк эрявикс тувталонъ улезь: *Содавлиа, козо пран, олгинетъ ацавлинь* (УПТМН); *Седе ёжов увелиньгак, сестэ лиякс увелиньгак* (Ч. Журавлев); *Лангозонзо ваномсто, зярдояк бу а максовлитъ тензэ зяро иеть, зяро ёвтакинось сонсь* (Н. Эркай); *Арсевлиде седе ламо, сестэ авольтъ сакшно прямо лия ломанть тиришь тяканк* (Ч. Журавлев).

Кондиционалонъ глаголтнэ вейке прывт пельксэнь валрисьметнесэ невтить весе лицятненень кандовиця сыця шканъ тевтеема, кона топавтоволь эрявикс вешеманъ улезь: *Варитындерят* колокольня прямо,

сеск мерят, *Нал велентъ лангс ине шанжав ацась раужо чуро коцт* (А. Куторкин): *Валдо шкане мадиндерят — а прыть прызот сырненъ сэрят* (Ч. Журавлев).

Вейке прывт пельксэнь весе лицянь валрисьметнесэ тевтееманть кандовоманзо эрва лицянтень свал тейсы сонсь кортыцясь, сень лангс атак вано, мекс тевтеемась кандови и сонстензэ кортыцянтень, и кортыця ялгантень, и се лицянтень, конась арась кортамосонть.

Кортыцясь седе сеедьстэ тейсы весе лицятненень кандовицякс истямо тевтееманть, конанъ а вестъ тейнизэ сонсь (кортыцясь). Истямо тевтеемась ёвтави прок весенень кандовиця, кить понгить некеть жо эрямонъ уликситнес-лувтнес. Тевтееманть весе лицятненъ лангс кандовоманъ тувталокс кортыцянтень ашти те тевтееманть ламоксть топавтомазо: *Тунда панят маласо вирентень, меремс, кавто тувот — атыка ды авака, ну, теишкстасыть, кода мелеть. Васень ловось пры — туют вешне-мест, муят уш кемнилеешка рокиця прят ды стаданек паньсыть кудов* (А. Куторкин).

Кортыцясь тейсы весенень кандовицякс и се тевтееманть, конанъ теицякс ашти кортыця ялгась. Сонзэ тевтеемась некеть жо тувталтнень пингстэ кандови и эрва лицянтъ лангскак: *Азёка, тейтернем, лавкав. Мольт базаронтъ пачк. Омбоце пентень ансяк пачкодят, эйзэнзэ и вачкодят* (К. Абрамов).

Тевтееманъ кандовоманъ колмоце ёнксонть пингстэ кортыцясь тейсы весе лицятненень кандовицякс се тевтееманть, кона кандови кортамосонть аразь лицянтень (ломанентень). Тень пингстэ кортыцянтень кандовоманъ смустень эрявиксэкс ашти аволь се, мекс тевтеемась кандови лия лица лангс, а се, мекс некеть жо тувталтнень пингстэ истямо тевтеемась кандови эрва лицянтъ лангс: *Валскестэнтъ кучсь Эмель Дошкенень кулян пачтиця, штобу пандовлизе долконзо. Дошке тей, тов, костояк а муи вете целковойть. Миёмс мезезэяк арась. Ракшанзо — ансяк вейке скалозо. Мисак — хоть пурнамо тук* (П. Кириллов).

3-це лицянь ламонъ числанъ глаголтнень пингстэ весе лицятненень тевтееманъ кандовомантень лездыть:

а) *свал, яла* наречиятне, конатненъ пингстэ ёвтазь тевтеемась аравтови эрва лицянтень: *Ютыть колмошка иеть, скалоткак карми улеме. Парочинтъ яла истя пурнакиныть* (Т. Раптанов); *А стяко кортыть: варя марто эргентъ свал кепедьсызь* (Ф. Чесноков);

б) *а, арази* частицатне, конат кортыть сынст пингстэ ёвтазь тевтееманть киненьгак аэрявиксчидензэ, лиякс меремс, кияк зярдояк истя а тейнекшни: *Лишмеде икеле ашко а рамситъ* (УПТМН); *Миезь кудосто столтъ ды эземтъ а ливтнитъ, истя жо, кода лишмень миёмстэ а сайнитъ прястонзо панст* (К. Абрамов); *Арази покитянь каршо кайситъ валт* (Ф. Чесноков).

Истя вальтнэ (наречиятне) валрисьмес лиясто а совавтовить, тевтееманть эрва лицянтъ лангс кандовоманзо жо невьсы сонсь глаголосъ, сонзэ смустезэ, зярдэ вельдензэ неatevi истямо тевтеема, конанъ теицякс эрси эрва лицясь. Истямо смусть кандыть *меремс, кортамс, ёвнемс* глаголтнэ: *Нать, а стяко меритькак: тарвазось чирь нуицянтъ ёнов* (К. Абрамов); *Лемдизь истя площадентъ оно се покш кудонтъ коряс. Меритькак тензэ Зимний Дворец* (А. Куторкин); *Паро*

тевдензэ **морсить** моросо, ёвкссо **ёвтнекишить** (УПТМН); Те каленть, **ёвтиить**, пумызе сонсь Нефёд атя (К. Абрамов).

3-це лицянь ламонь числань глаголтиэнь пингстэ весе лицятненень тевтеемань кандовомась нурькалгавтови, пиравь валрисьмес совавтозъ чарькодевитиця пельксэ — таркань ды шкань обстоятельствасо. Истят валрисьметнесэ тевтеемась кандови весе лицятненень, конат аштитъ ансяк обстоятельствасо ёвтазъ таркасонть или шкастонть: *Пуромозтне васня морастъ истямо моро, кодат морсить улыясо* (А. Мартынов); *Живстэ а лиснитъ те каськастонть* (В. Радаев); *Икеле кизна толт эзть пувсе* (К. Абрамов); *Телень перть Иваж венствясь кенкшенъ сэрсьэ...* Кезэренъ пингева истятнэнь **урьвакстнесъ** (К. Абрамов).

Весе лицятненень тевтеемань кандовомась, теде башка, нурькалгавтови прявт пельксэнтъ, 3-це лицянь ламонь числань глаголонь шкань невтемапельтненъ вельдеаяк, зярдэ тевтеемась кандови весе лицятненень ансяк глаголсо ёвтазъ шкастонть. Нетъ глаголтиэнь пингстэ шкань кемекстыцякс валрисьмес лиясто совавтовить шкань обстоятельстват:

а) ютазъ шкань форматне: *Истят вере вальмат тейнильть икеле, зярдэ каштомтне ульнестъ трубавтомо. Уштомо те вальмантъ панжилить, эзганзо лисиль качамо. Уштомадо мейле потомдылизъ олго или левш сюворкссо* (К. Абрамов);

б) неень-сыця шкань форматне: *Истямо ладсо ардтнекишитъ эрьва Крещениянь празникстэ* (К. Абрамов); *Праздникень каршо чокшнестэнтъ, нама, аштеме а кармить* (А. Куторкин); *Сокамо, улема, те нестэнтъ лисить рана* (В. Коломасов).

лицевтомо (белгий)

41 §. ЛИЦЯНЬ А НЕВТИЦЯ ВАЛРИСЬМЕТНЕ

Вейке прявт пельксэнь лицянь а невтиця валрисьметне невтитъ тевтеема, пертьпельксэнь или ломанень улема-аштемачи, сонзэ тециянзо ды кандыциянзо атак невте. Прявт пельксэнтъ смустензэ ды морфологиянь форманзо вельде тевтеиясь а невтеви, лиясто мик а арсевияк.

Лицянь а невтиця валрисьметнесэ прявт пельксэнтъ морфологиянь невтемапелекс ловови, васняк, глаголонь 3-це лицянь вейкенъ числань формась, кона ашти валрисьмесэ прявтокс ды смустень коряс а кандови кодамояк лия валс, валрисьмень лия пелькстэ жо чарькодевитъ сонзэ: *Эйсюронъ читнеде мейле алкуксак лембендсь...* (А. Доронин); *Зярошка кизэнь венъ кувалмозо, а кенери чопотеме, вант уш — ашолгады* (К. Абрамов); *Тонъ марто важдезъ, кодаяк а савтови...* (В. Коломасов); *Ансяк теъ а чарькодеви, мекс тондетъ арсезъ зрямовантъ яксян* (А. Арапов).

Глаголонь 3-це лицянь вейкенъ числань формась, кандовиндеряй лия валс, ашти чарькодевицякс, теи кавто прявт пельксэнь аволь пешксе валрисьме. Тевтеиясь истят валрисьметнесэ нолдави, но сон чарькодеви, арсеви, содави валрисьмень смустензэ коряс, седе сеедьстэ ёвтави икеле аштиця валрисьметнесэ. Прявт пелькстэ нетъ валрисьметнесэ смустень коряс а вейкетъ: кавто прявт пельксэнь аволь пешксе валрисьметнесэ кортави содазъ лицянь (предметэнь) тевтеемадо, лицянь а невтиця валрись-

метнесэ жо — сонсь теевиця тевтеемадо, пертьпельксэнь или лицянь улема-аштемачиде. Саема:

а) аволь пешксе валрисьметъ: *Якшаматясь, шержей атясь кавто кедьсэ аволдась ды ливтямо ашо мацейтъ ожа потстонзо нолдась. Весе паксятненъ ютнинзе, эрьва козо токавтсь кедть: китненъ прок кишнисэ вельтинзе, лейтненъ трокска каясь сэдть* (И. Прончатов) — тевтеиясь — якшаматясь; *Ламо арсемат ютасть Митриенъ прява те вестэнтъ. А вестъ ледстнинзе покштянзо-бабанзо, тетянзо-аванзо, вешсь пельдест лезкс* (К. Абрамов) — тевтеиясь — Митрий;

б) лицянь а невтиця валрисьметъ: *Чувоттненъ таго оришинзе лекшсэ, ломантненъ казинзе ливчаня ёжомарямосо, седеень ливчакадомасо* (К. Абрамов); *Читъ пиземе, ветъ кевкс масторонтъ кельмевтьсы* (Ф. Чесноков) — кортави пертьпельксэнь, ломанень улема-аштемачиде.

Лицянь а невтиця валрисьметнесэ прявт пельксэсь ёвтави:

1. Лицянь а невтиця глаголсо.

Истят глаголтиэнь арась 1-це ды 2-це лицянь формаст, сынъ саевить ансяк 3-це лицянь вейкенъ числань формасо. Сынст вельде валрисьметнесэ весемеде виевстэ ёвтави лицянь а невтиця смустесь.

Лицянь а невтиця глагол марто вейке прявт пельксэнь валрисьметненъ вельде невтеви пертьпельксэнь улема-аштемачи, кода:

а) вейке улема-аштемачистэ, шкасто омбоцес ютамо. Прявт пельксэнтъ морфологиянь ёнксонзо вельде невтеви улема-аштемачинтъ кандовомазо кортамо шкантень: *Телентъ чинзэ нурькинеть, а фатяткак, кода чопоти* (К. Абрамов); *Чопотетсь, чизэ кекшсь пандо экиш...* (Ф. Чесноков); *Кармась ашолгадомо. Вальмава парсте кармась неявомо кудо конятне* (Ф. Чесноков); *Ушосо сундерьгадыль. Виресь качадсь пиче сэпштсьсэ ды килей цюцёвсо* (А. Доронин); *Ашолгадсь. Панить стадат* (П. Кириллов); *Чополгадсь...* А марявить вайгельтъ (Я. Григошин);

б) погоданъ полавтоманъ ёнкстэ: *Ушосо лембендсь* (Ф. Чесноков); *Ветъ аламодо якшамгалесъ, ловонтъ лангозо калгодкстомсь* (К. Абрамов); *Шканъ-шканъ солавтыль, зйсюротнестэ сиянь човалякс неверильтъ ведьпайгеть...* (К. Абрамов); *Валске ёнов ушосонтъ седеяк вармаськадсь* (Я. Григошин).

Пертьпельксэнь ёнксонъ невтиця глаголосъ сеедьстэ стакалгавтови кармась, ушодомс глаголтиэнь вельде, конат невтьсызъ пертьпельксэнь улема-аштемачинтъ, погоданъ полавтоманъ кандовоманзо кортамо шкантень. Сонсь лицянь а невтиця глаголосъ аравтови инфинитивень -мо, -ме суффикс марто формас: *Ансяк карми ашолгадомо, миненек уш сыргама* (Сятко); *Аламонъ-аламонъ ушоды солавтомо* (Н. Эркай); *Чокшнень ёнов кармась экишендеме* (Ф. Чесноков); *Якшавтомо кармась, пиземеть тусть* (К. Абрамов); *Кельмевтеме кармакиносъ, а ней уш таго тусть пиземеть* (А. Куторкин).

Пертьпельксэнтъ улеманзо-аштеманзо ды погоданъ полавтоматне, лицянь а невтиця валрисьметнеде башка, лиясто ёвтавить кавто прявт пельксэнь валрисьметнесэ, косо тевтеиякс ды улема-аштемачинъ кандыцякс саевить чисъ, менелесъ, ушосъ, пиземесъ ды лия существительнойте: *Зярдэ чопотетсь чисъ, Нал велень зяряя кудова сёрмас маштыця ломантне ловностъ васенце листовкат* (А. Куторкин); *Апак учо мене-*

лесь друк **чополгадсь** (Ф. Чесноков); **Чизэ лембендсь. Ушось таго валдо** (Ч. Журавлев); **Ушолксось кармась сундерьгадомо** (К. Абрамов); **Зярдэ ушось якшавты, кинь сон васня кашавты?** — Нама, сень, ки яки кепе, мейле сень, ки чаво зепе (Ч. Журавлев).

2. Лицянь а нейтиця смусться полавтневиця глаголсо.

Улить глаголт, конат саевить кода лица, истя жо лица а нейтиця смусться. Санндерявить истят глаголтнэ 1-це ды 2-це лица формасо, сестэ сынт вельде неветви лица или предметнэ тевтеема или аштема-улемачи. Лица а нейтиця смусться — пертьпельксэнь улема-аштемачи, ломанень эрва кодат физической ды психической ёжомарямот. Истят глаголтнэнь лица ды лица а нейтиця форматне кандовить вейкест-вейкест туртов: **Пувазевсь** якшамэ ёндо. — **Вень перть пувась тарькс варма**; — **Ушосонтэ таго, натэ, пизи?** Варшата. — **Аламодо суводи...** Валскэнь перть **суводсь пиземе**.

Полавтневиця глаголтнэнь лица а нейтиця валрисьметнесэ лиясто максови кандовозь смусть: — **Кинь истя позда кандызе**, — **абунгадозь мерсь Маря** (К. Абрамов); **Обедтэ мейле псинть аламодо синдизе** (Ф. Чесноков); **Валске марто чувтнэнь таго оршинзе** лексэ, ломантнэнь **казинзе** ливчаны ёжомарямосо, седеень ливчакадомасо (К. Абрамов).

Полавтневиця глагол марто лица а нейтиця валрисьметнэнь вельде неветвить:

1) природань ды пертьпельксэнь улема-аштемачить: **Кие соды, зярс истя карми пувамо** (А. Куторкин); **Бути а лотки валомодо, сестэ, секенэ вант, мишельникс сави чувомс яма** (П. Кириллов); **Кармась экиендямо**, Суранть ёндо лексезевсь экие кошт (Н. Эркай); **Лекстясэ тосто, косо кашить касомо, косо пильгинесэть васенцеде то-кик чачома моданть...** (Ч. Журавлев).

2) пертьпельксэнь явления, неветкст, конатнэнь ютавить кодат-бути а содавикс, лиясто мик стихийной, вийть: **Лоткавтызе** варман-зо, **оймавтызе** бурянзо (УПТМН); **Сыргозевти** лисьмапринень сиянь жойтентэ. Зорянь кумацьсэ **тапар**и калтнэнь, пойтнэнь (А. Сульдина);

3) ломанень психической ды физической ёжомарямот: **Кулан...** Весе эйсэнь **яжи** (Л. Седойкин); — **Эрв вана аламнеде лоск тейсь**, — мерсь бабинесь (В. Коломасов); **Менё седей кирдэзэ саумим!** Менё седей ой-мазэ **муимим!** (М. Евсеев);

4) ломанень эрва кодат ёжомарямот перьканзо аштиця предметнэ-де, явлениятнеде:

а) чинень марямо: **Те оно умартнестэ истя тантейстэ качады** (Н. Эркай); **Качадсь** ладансо. Ломантне аштестэ таймазкадозь (А. Доронин); **Превень веляськадомс качадсь** идем чурькасо ды нар-темксэ (А. Доронин);

б) гайтень, кортамонь, потмоёжонь марямо: **Баягинекс пилесэнь кая-ты: Миненек аламось саты!** (Ч. Журавлев); **Залсонть друк опит тейсь**, весе велятэсть Егор Кирилловичень пелев (В. Коломасов); **Зярдэ менелесь сэнэ, сестэ маряви** тень: апаронь арсицян арасть (Ч. Журавлев);

в) пертьпельксэнь ёнкстнэнь неема: **Те ансяк ве ёндо истя неяви** (А. Доронин); **Васов пертьпелев неяви** (П. Кириллов); ... **Косто тетэ цетави-редяви**, ков ды зярдэ пачкодят (А. Доронин);

5) кодамо-бути эрямонь явлениянтэ, тевтееманть улемазо-арасьчизэ. Истямо смустень кандыця лица а нейтиця валрисьметнесэ прявт пельксэс саевить **лисемс, улемс, эрсемс** ды лия улемачинь невтемань глаголтнэ, конат аравтовить кортамо шкантень: **Мекс истя лисий?** **Пракино-та-но прок...** **ормань стака онс** (Ч. Журавлев); **Истя лиссь уш — кундазэ кедте** кедьс минь эзинеке туге (А. Арапов); **Но кода бу тосо аволь уле**, **Настанень ялатеке тень эйстэ а шождыне** (В. Коломасов); **Ды а свал истя эрсекины, а свал...** (А. Доронин); **Улемс пандо прясо ды кадовомс вармань вачкодьксэ атак тока — истя а эрси** (Ч. Журавлев);

6) тевтеема, улема-аштемачи, кона аравтови эсензэ кортыцанть или действиянь теицанть лангс. Истямо смустесь лица а нейтиця валрисьметнесэ топавтови рефлексивень глаголтнэнь вельде: **Сыредевсь**, **ней веенст ледстнемат** пряудемсэ чемердитэ (А. Доронин); **Истя саевсь эйкакш пингстэ: кува молян, кува чиян...** (Ч. Журавлев); **Мекс-бути тень ледствявсь: кизэнь кушккане аштетяно марто Чихан пандо** прясо — удалонек **вирь лекси, вельксанок вадов чары** (Ч. Журавлев).

3. Инфинитивсэ (-мс суффикс марто).

Инфинитив марто лица а нейтиця валрисьметнесэ неветви теицан-тень а кандовиця тевтеема. Сынт эйсэ тевтеемасэ ансяк лемдеви, но а ёвтави кода ютавтовия ды а кандови кортамо шкантень: **Кепе модемс зорянтэ каршо роса потмова, марямс** модань ды илевень чине, **корш-тамс** рацяня калень таймазкадомодо, **чатэмонемс, кунсолемс...** (А. Арапов); **Пингень-пингетэ марсемс** ды **а стувтомс** тонь од мо-рот, **моксонь-эрзянь край** (С. Люлякина).

Инфинитив марто лица а нейтиця валрисьметнесэ тевтеемань лем-демантень максовить ламо лия ёнкст:

а) ёвтазь тевтеемантень кемекстамо: **Умонь се шкастонть саезь, превсэн кирдя эрямо коень мельть: лиснемс** изницякс стака тевсэ, **модемс** икелев пингень перть (Н. Ишуткин); **Неемс** эсь сельмсэ, свал **токамс** эсь кедьсэ, **пес симемс** сэпентэ, **пес пачкодемс** свал (Д. Надькин);

б) превс путомань смустэ марто мелень ёвтамо: **Саты ульне-кинемс** вешицякс, **урекс, саты** мёндявозь **аштемс**, прок калэ (Ч. Журавлев); **Покинтнэнь пелькстамос а мезть эциемс** (А. Доронин);

в) ёвтазь тевтеемантень кармавтома. Кармавтомась аравтови: эстензэ кортыцантень: **Ансяк кенеремс — вешнемс, муемс, таргамс, мазычинь** зэментэ **ве таркас пурнамс** (Д. Надькин); истя жо кунсолыцантень: — **Кундамс** Кардаень, **живстэ ветямс** тей (В. Радаев); **Тельня ... керямс** весе калькуротнэнь, **тунда сокамс** луганть ды **видемс** вадра тикшесэ (Н. Эркай);

г) мелень-арсемань, кавтолдомань ёвтамо: **Кода сатстомс** олгонь сюватнэнь **ракишатнэнь стадав панемазост** (А. Доронин); — **Ужо, са-зор, кабу тесэ а манявомс...** (В. Коломасов);

д) ацирьгадомань невтема: — **Нинть панемс** роботастро монь кис. — **те уш ковгак а моли** (В. Коломасов);

е) мезе лангскак апак вано теевица действииань ёвтамо: *Истя майсесть покишнянок. Миненекак сынст киява молема* (Сятко); ...*Улема, дунай, озама сэрэ ёмамо тарканть...* (М. Евсеев);

ж) ёвтазь тевтееманть покш мелень путома. Те смустенть невтеманзо пингстэ инфинитивентень седе сеедьстэ сюлмави **бу** частицась: — *Те кулядонть кекшемс бу*. Ды ансяк а ков (А. Арапов); *Те шкастонть Яхимень бажамозо вейкель — менемс бу седе курок те ломаненть згилямозо эйтэ* (В. Коломасов). Те смустенть виевгавтоманзо ды келейгавтоманзо кисэ **бу** частицанть сюлмавить **кода, кодаяк, хоть, ансяк** частицатне, конат лездыть невтемс кортыцанть эрва кодат мелензэ-арсеманзо ёвтазь меленть топавтоманзо кисэ: ... *Кода бу просеканть эйтэ бокав а пурдамс* (Я. Григошин); *Кодаяк бу ансяк тундос эрямс тесэ, а мейле тынь Лавгиновонь таго а нейсын* (В. Коломасов); *Улевельгак кись аволь истямо потаня, сон бу тувель ялго. Ансяк а улемс бу те ломаненть марто вейсэ* (В. Коломасов); *Хоть бу весть самс Найманов истямо валаня карьсэ...* (В. Коломасов);

з) ёвтазь тевтеемадонть кевкстемань аравтома: *А милетнень аламось кадомс или саемс мартонок?* (А. Куторкин); *Кодамо лезэв тевс тень кундамс? Молема паксав, суро кастомс? Паряк, од кудо теемс тунда?* (Ю. Исланкин). Кевкстемань инфинитивень лицян а невтиця валрисьмес седе сеедьстэ совавтовить кевкстемань местоименият ды наречият, конат топавтсызь кевкстемань валрисьменть эрявикс смусть: — *Мезть ней тейнемс, ков молема, косто оршамка муемс?* (С. Люлякина); — *Ков алтамс вийтнень — коневс, севоньс, кевс?.. Мейсэ невтемс мазычинть?* (Д. Надькин); *Китнеде ламо, конань лангс чалгамс? Ды конань кочкамс эрямонь ялгакс?* (Ю. Исланкин).

Кевкстемань инфинитивень валрисьметнень вельде, теде башка, топавтовить риторической кевкстемань ёнкстнэ:

а) инфинитивсэ ёвтазь тевтееманть а кемекстамось (отрицаниясь): — *Стуетомс тонь? Седейстэ ёртомс, панемс?* (А. Арапов); *Мезекс сонензэ учомс те ломаненть?..* (В. Коломасов); *Мезекс янксемс? Янксемась — сяконь тев* (Д. Надькин);

б) ёвтазь арсеманть кемекстамось: *Кода малавикстнень а вастомс, а андомс-каванямс?* (А. Доронин); *Кода а ризнэмс, виде пиче, тень? Кода а лайшемс ды а мелявтомс?* (С. Люлякина).

Инфинитив марто лицян а невтиця валрисьметнесэ прявт пельксэнтень лиясто сюлмавить эряви, сави, лети лицян а невтиця глаголтнэ, конатнень вельде топавтовить инфинитивсэ ёвтазь тевтееманть модальной ёнксонзо: сонзэ эрявиксчизэ или вешевикс тувталонь улезь сонзэ топавтомазо ды лия ёнксонзо: *Азоркс эстенек эряви улемс, кие соки ды солавты сталь* (Ч. Журавлев); *Монень истя эрявсэ марто кортамс, стака канстонть хоть аламось ёртомс* (А. Арапов); *Эряволь бу кортазевемс* мартонозо, монень жо тувтал кодамояк а муеви (В. Коломасов); ...*Тонет овсе аволь эряво ацирьгалемс сестэ* (В. Коломасов); *Олгтнень сави рамамс Козловонь кедьстэ...* (А. Доронин); *Совси тензэ сонсэ приставось, зярдэ лети самс или ютамс Баеванть трокс* (К. Абрамов); *Летиндеряй теть минек ёнов самс, иля нузядло эрзянь ойме кошitto лекстямга вейке покш кудос совамс* (Д. Надькин).

4. Предикативень наречиясо.

Предикативень наречия марто лицян а невтиця валрисьметне невтити ломанень ёжомарямот ды пертьпельксэнь улема-аштемачить. Неть валрисьметнесэ предикативень наречиятнень пингстэ савить **улемс, арамс, теевемс, эрсемс** сюлмиця глаголтнэ, конатнень вельде невтеви ёжомарямонть ды улема-аштемачинть кандовоманзо кортамо шканть: *Паро ломанекс превееитеньгак стака улемс вельть* (Ч. Журавлев); *«Превейкс» сенень улемс аволь стака, кие тевенть малава эзэ яка* (Ч. Журавлев).

Неень шкань смустенть невтемстэ или зярдэ ёвтамось а кирди шкань смусть, сюлмиця глаголсь а сави, предикативень наречиясь путовни нулевой формас: — *Натой ломанденть визькс тонь амазый валтнэде* (А. Куторкин); *Кудовтомонтень кизнаяк якиамо* (Ч. Журавлев); *Ушосо пси. Латалож аволь седе экише* (А. Куторкин); *Тунда те шкава ещё валдо, ней жо, августонь меельце читнестэ, сыре чокине* (К. Абрамов).

Сыця ды ютазь шканть пингстэ сюлмиця глаголсь аравтови кортамо шканть:

— сыця шканть: — *Кеман, кувалман теть а ули визькс...* (К. Абрамов); *Вана копордак ведне, седе шожда теть ары* (А. Куторкин); *Течинь коряс ванды ули седе паро, эрва таркась, эрва мезесь ули. А ёвтави, часиянок зяро...* (А. Мартынов);

— ютазь шканть: *Ялатеке мелезэнзэ ульнесь пек вадря, ды берянь ёжосояк улемс а кодадь, мекс моли паронь тееме сеть ломантнень, кить лездасть тензэ сехте стака шкасто* (А. Доронин); *Ушосонть ульнесь сэттьме, лембе* (К. Абрамов); *Обедтэ мейле теевсь седеяк пси* (Ф. Чесноков).

Ютазь шкань невтемапелекс лицян а невтиця валрисьметнесэ лиясто сави **-ль** суффиксэсь, кона поладови предикативень наречиятнень: *Апак ушто кудосонть якиамо* (Ф. Чесноков); *Стациясо веть экишель* (К. Абрамов); *Ушосо чоподадь, маласо сёлтстонть пувась экише варма* (А. Доронин).

Ёжомарямонь невтиця предикативень наречия марто лицян а невтиця валрисьметнесэ сеедьстэ совавтовить дополненият, конат ёвтавить дативень, иллативень ды инессивень формасо существительнойсэ или местоимениясо, конат пачтит ёжомарямонь ды улема-аштемачинь кирдицядонть: *Моньгак ней натой мелезэнзэ паро* (Ф. Чесноков); *Кунсолыцявтомосе весенень стака* (Ч. Журавлев); *Гаранень седе шожда — апак урьваксто, теке вармань крандас* (А. Доронин).

Предикативень наречиясь лицян а невтиця валрисьметнесэ лиясто стакалгавтови инфинитивсэ, конань вельде невтеви лицянть ёжомарямозо инфинитивсэ ёвтазь тевтееманть пингстэ: — *Эх, визькс молема тень икелень важоме тарказон* (А. Куторкин); *Вана монень ськамон аштемс стака, вальманть — келес, кадык сови коштьсэ* (А. Моро).

Предикативень наречия марто лицян а невтиця валрисьметнесэ, теде башка, совавтовить: таркань обстоятельством, конат невтьсызь пертьпельксэнь улема-аштемачинть кандовоманзо те или тона тарканть: *Неень вирьсэнть куш якиамо*, *ялатеке сон тундосо качадсь* (А. Доронин);

ёнксчинь онкстамонь обстоятельство, конатнень вельде ёвтазь ёжомарямонть или улема-аштемачинть невтеви виезэ, покшолмазо: *Ушосонтъ ульнесь пек пси, опаня* (Ф. Чесноков); *Мекс ризны седеесь? Натъ, пек стака тензэ: сормавсь Сура леесь, а налкси ведьсэнзэ* (Н. Ишуткин).

5. Ютазь шкань пассивень причастиясо.

Пассивень причастиятне, прявт пельксэкс аштемстэ, максыть лицянь а невтиця валрисьметненень улема-аштемачинь ёнкс, кона тееви кортамо-до икеле тевтеемань топавтозь. Истят лицянь а невтиця валрисьметне невтить прядозь тевтеема, кона ютазь улема-аштемачикс.

Пассивень причастиясь лицянь а невтиця валрисьметнес совавтови:

а) **ульнесь** сյолмиця глаголонть вельде, кона кемекстасы тевтееманть ютавтоманзо кортамо шкадонть икеле: *Теде сонзэ марто кортазь ульнесь уш а вестъ* (А. Куторкин);

б) сյолмиця глаголтомо, пассивень причастиясь саеви нулевой форма-со: *Тейтерентень мерезь ялаксонзо мельга ваномо* (УПТМН);

в) сյолмиця глаголось нолдави, причастиятнень жо поладови ютазь шкань невтиця **-ль** суффиксэсь: *Те койдентъ мик газетасо сёрмадозель* (Сятко); *Лизань марто чияк кортазель кудов вейсэ туемадо* (В. Коломасов).

Ютазь шкань пассивень причастиятнень сеедьстэ сյолмави чарькоде-втиця инфинитив, кона келейгавтсы прядозь тевтееманть смустензэ: *Ней-ке жо арсезель пекстамс икельце кудов кенкшенъ* (В. Коломасов); *Корреспондентэнтень ульнесь мерезь туемс велев ды сёрмадомс тосонь эрямодонтъ* (Сятко).

Инфинитивде башка, истят лицянь а невтиця валрисьметнес совавто-вить объектэнь ды обстоятельствань смустьсэ чарькоде-втиця валт; конат ёвтавить косвенной падежень существительнойсэ, седе чуросто местоиме-ниясо: *Неть читнестэ ламо кортазель сонзэ апак учонь туемадонть* (В. Коломасов); *Китнеде-янтнеде невтезель тенек пек ламо, ансяк кадынек сынст апак нев...* (Сятко); *Промкссо кортазель бригаданть Сурань поймав туемадо* (В. Коломасов).

Вейке прявт пельксэнь глаголонь валрисьметне

Предикативень юрокс эйсэст ашти лия валс а кандовиця прявт пелькс, кона ёвтави:			
Содавикс лицянь	А содавикс лицянь	Лицянь а невтиця	Весе лицянь
1-це ды 2-це лицянь вейкснь ды ламонь числань весе накло- нениянь глаголтиэсэ ды сказуемостень невтемапель марто аволь глаголсо	3-це лицянь ламонь числань, кармавто- мань наклонениядо башка, лия накло- нениянь глаголтиэ- сэ	Лицянь а невтиця глаголсо, 3-це ли- цянь вейкснь чис- лань глаголсо, ин- финитивсэ, предик- ативень наречия- со, пассивень при- частиясо	2-це лицянь вейкенъ чис- лань, 3-це лицянь ла- монь числань, 1-це ли- цянь вейкснь ды ламонь числань глаголтиэсэ

42 §. ЛЕМДЕМАНЬ ВАЛРИСЬМЕТНЕ

Лемдемань (номинативень) валрисьмесь — вейке прявт пельксэнь валрисьме, кона канды улемань (экзистенциональной) смусть, вейкине прявт валозо ёвтави номинативень формасо существительнойсэ или (седе чуро-сто) местоимениясо, кона смустень ды грамматикань ёнксонь коряс ашти прявтокс, валрисьмень лия пельксэс а кандовицякс: *Келей пакся, лей ды пуре, чокшнень тантей кошт* (Ч. Журавлев); *Певтеме пакся, ловонь сув. Тракторонь кикстнэ таргавсть велев* (А. Доронин).

Номинативсэ существительноесь лемдемань валрисьме а тен, бути пингстэнзэ а ёвтавить лемдемань валрисьмень ёнкстнэ — улемань невте-мань смустесь ды валрисьмень лия валс а кандовомась (аволь зависимой позициясо аштемась): *Вирентъ крайсэ сэрей тумо — эрзянь ёнксонь богатырь* (А. Доронин); *Тесэ эрзянь, Васянь ды Миколень ульнесь еще вейке ялгаст. Лемезэ Савелий. А пек сэрей берякике ломань* (К. Абрамов). Явозь валрисьметнесэ номинативсэ существительнойтне а кирдить улемань смусть, аштить зависимой таркасо икеле ёвтазь валрись-мень юронь (подлежащее) эйстэ, невтить сонзэ ёнксонзо ды кандовить икеле ёвтазь валрисьмень юронь пельксэнтень (подлежащее), аштить кавто прявт пельксэнь аволь пешксе валрисьмень сказуемоекс (*Тумось — эрзянь ёнксонь богатырь*).

Прявт пельксэнтъ, номинативсэ существительноеэнь вельде, невтеви валрисьмень грамматикань смустезэ, предикативень ёнксонзо теевмазо ды сонзэ структурань келейгавтомасо.

Лемдемань валрисьмень вейкине грамматикань смустекс ловови пред-метэнь улема-аштемачинь, тевтеемань — весе сень, мезе ёвтави существи-тельнойсэнтъ, улемазо (бытийностезэ): *Сёксень ков валдо чокшине. Ве-лень улыця. Севонень кардт* (П. Кириллов); *Сёксъ. Тунь чопода ве. Ине ведесь келей. келей. А неяви не* (Я. Григошин).

Лемдемань валрисьметнесэ предикативень ёнкстнэ невтевить кеме-кстамонь вайгельксэс. Истят валрисьметнесэ арсеви неень шкань смустесь. Саемга: *Валскень экише. Таштамковонь лембе, сэтьме сундерьгадама шка* (Н. Видяз).

Эрзянь кельсэ башка тарка сайт истят вейке прявт пельксэнь вал-рисьметь, конатнесэ прявт валонтень — существительноеэнтень поладовить сказуемостень суффикст. Саемга: неень шкасо — *Ломанян*. Эрзянь *ло-манян* (Сятко); ютазь шкасо — *Валскель. Нилеце часоль. Пизесь якшам пиземе* (Ф. Чесноков). Истят валрисьметнесэ прявт валонтъ эря-ви ловомс сказуемоекс.

Лемдемань валрисьметне структурань коряс эрсить апак келейгавто ды келейгавтозь. Апак келейгавтозтне аштить ансяк прявт пельксстэ: *Ве. Чуросто варшты алга уиця пельтнень экиштэ ковось ды валдомтсынзе чаво паксятнень, виртнень* (П. Кириллов); *Тундо. Чокшине. Варма коштось опаня* (Я. Григошин).

Келейгавтозь лемдемань валрисьметне теевить прявт пельксэнтъ — существительноеэнтъ валонь сյолмавомань ёнксонзо коряс, зярдо предика-тивень юронть марто теевить апак стакалгавто (кавто пельксэнь) ды ста-калгавтозь (зярыя пельксэнь) субстантивень валсյолмавкст. Истямю ке-

лейгавтомась топавты лемдемань валрисьменть эрва кодамо эрявикс смустьсэ: **Кизэ куншка. Июль ков.** Тансть качады пекшень (П. Кириллов); **Кизэнь пси чи.** Кись таргавсь стенакс, стясь сонзэ трокска Мурза пандось (И. Калинин); **Пильге лапава сиянь леезэ,** карькс тапардамга каштор **чеезэ.** Кенерьпакарьга парсей **тикшезэ** (Я. Григошин).

Чарькодевитиця валтнэ, конат совавтовить лемдемань валрисьмес существительноемть марто валонь сюлмавоманть вельде (определениятне), аштить существительноемть валсюлмавоксонь кандовиця пельксэкс.

Лемдемань валрисьметне а келейгавтовить дополнениясо ды обстоятельство, секс мекс сынст улемась тейсы истямо валрисьменть кавто прявт пельксэнь аволь пешксе валрисьмекс. **Ванды колхозсо сюронь ча-чомань праздник** (Ф. Чесноков); **Течи Ваньканень кото иеть.** Сонзэ лангсо ней од **понкст-панарт** ды, теде башка, сонзэ лемс течи авазо пидесь каша чакш (В. Коломасов).

Смустень топавтовия функциянь коряс лемдемань валрисьметне явовать истямо куроа:

- улемань (бытийной) лемдемань валрисьметь;
- невтемань (указательной) лемдемань валрисьметь;
- онкстамонь максомань (оценкань) лемдемань валрисьметне.

Улемань лемдемань валрисьметне

Улемань (бытийной) валрисьметне — секте сеедьстэ вастневиця лемдемань валрисьметь. Сынст вельде кемекстави предметэс кода пертьпельксэнь улемачи.

Улемань валрисьметнень башка ёнксокс ашти смустень коряс сынст кеместэ сюлмавомаст мельга молия или икеле аштиця валрисьметнень марто. Вельдест сеедьстэ ушодови или поладови кортамось (повествованиясь), косо невтеви шкась, таркась, улемачинь тевтеемась или перьканок эрямонь улема-аштемачись. Описаниянь максомсто (пертьпельксэнь, ломанень — сонзэ чамалицяно, оршамопелензэ, обуцяно ды лия) улемань лемдемань валрисьметне сеедьстэ аравтовить мельга-мельцек ды теить лемдемань валрисьмень покш куро. Сынст вельде весеме ёндо невтевить пертьпельксэнь предметнэ, улемачитне, ломанень эрва кодат ёнкстнэ: **Сэтьме сундерькст, селтонь пе, ашо индерькст, ашо ве, ашо кирьга, ашо кедь.** Мольтяно вирьга ... Коштось — медь (Ч. Журавлев).

Прявт пельксэнтэ — номинативсэ существительноемть смустензэ лангс ванозь, явовать истят улемань валрисьмень вейсэндявкст:

1) валрисьметь, конатнесэ невтеви кодамояк шкань улемась кода пертьпельксэнь явления:

— иень пельксэнь улемась: **Сексь. Тунь чопода ве.** Ине ведесь келей, келей, а неяви пе (Я. Григошин); **Теле.** Цят якшамось цяторды. Пильге ало, нурдо ало ашо ловось чикорды (Я. Григошин); **Тундо.** Ушось опаня. Латко прятне пандтнезэ ашо панкссо (Ф. Чесноков);

— суткань пельксэнь улемась: **Валске.** Мольсь лов. Вармась энгамсь. Кальтне аштеть сэтьместэ (Я. Григошин); **Обед.** Пси. Маря-

ви норовжорчонь моро (Ф. Чесноков); **Обед куншка.** Скалтнэнь ды реветнень таго панизэ **Перьгалей** латконть. Иваж сась тетянзо-аванзо вакс (К. Абрамов); **Недлячи. Оймсемань чи.** Кода сонзэ тень ютавтомс? (А. Моро); **Недлячинь чокине.** Клубс пурнавсь велень промкс (Ф. Чесноков);

2) улемань лемдемань валрисьметь, конатнесэ невтеви предметнь или лицань улемась: ... **Келей пакся, лей ды пуре,** чокиненъ тантей **кошт** (Ч. Журавлев); **Кудонь мазый крыльця.** Перьканзо сыре кальть; **Сёксень сад. Пирякс** ды вишка **ортыне.** Сонзэ томбальде неяссь велень улыцясь (К. Абрамов);

3) улемань валрисьметь, конат невтить тевтеемань, событиянь теевма тарканть: **Поляна.** Куншкасо толпандя. Паша котелсо пиди ям (К. Петрова); **Горниця.** Стенасо понгавтозэ чапан (П. Кириллов); **Розень пакся.** Крайстэ краев налкиси лангсонзо чипась (П. Кириллов);

4) улемань валрисьметь, конат невтить природань ды пертьпельксэнь улема-аштема: **Пси.** Менеленть куншкасо чись гайги толпаргокс (Ф. Чесноков); **Сёксь. Пиземе.** Чувттнэ ёртызэ лопасть (Ф. Чесноков); **Телень валске. Варма. Лов** (Н. Эркай); **Сэтьме.** Ало улыцястонть кайсететсь свадьбань морот, гармониянь седямо (Т. Раптанов);

5) улемань валрисьметь, конат невтить кодамояк события, явления: **Праздник.** Васень май. Ды, маряви, будто пертьпельксэськак анокстась мартонок праздновамо (Н. Эркай); **Пожар!** — рангстась вайгель улыцянт келес (Ф. Чесноков); **Война!** Абунгадсь Ало велесь, талакадсть эзятне (Ф. Чесноков);

6) улемань валрисьметь, конат невтить ломанень кодаткак ёжомарямот: **Горя. Поки горя.** Леди мелезэнзэ, кода тесэ тол потсо пижнесь цёрынезэ, сювордави седеезэ, апарось а кельги потмозонзо (Ф. Чесноков); **Паша атя** од цёракс арды чувтотнень юткова. **А сиземат, а пелемат.** Чии видьстэ тов, косто маризе чувтонь прамонт (Я. Григошин).

Невтемань лемдемань валрисьметне

Сынст эйсэ улемань смустесь келейгавтови ды сюпалгавтови те или тона предметэнтэ, явлениянтэ или лицанть лангс невтемасо. Те куронь лемдемань валрисьмень структура нь ёнксокс ашти **вана, оно** частицатнень нолдамось, конат аравтовить прявт пельксэнтень — существительноемть или личной местоимениянтень: **Вана сон розь паксясь!** А неяви пезэ. Кода сонзэ нейсак, одс прок чачат тезэнь (А. Эскин); **Вана сандейть, сэтьме лей.** Чись кизна ветькак а уды (А. Мартынов).

Невтемань лемдемань валрисьметнень вельде пачтявить кортыцянт нееманзо-марямонзо перьканзо аштиця предметнэде, явлениятнеде или ломантнеде: **Вана Лепе** латконь **пичетне.** Нать, пачкодинек, — стакасто таргизе оймензэ атаясь (Я. Григошин); **Чикоргадсь** кенкишесь ды **Коськине** чатьмонезь варшась кенкишенть лангс. Совась **Миря.** — **Ды вана сонськак,** — мерсь Коськине (П. Кириллов); **Вана мешо-**

кось, — салава пикадсь Голець. Сынь кувать чарасть перьканзо, кода-
як эзь юксе (Т. Раптанов).

Вана частицась невтемань лемдемань валрисьметнесэ лиясто стака-
лгавтови **ды**, и сюлмиця союзтнень вельде. **Ды вана, вана** и сюлмаво-
матне максить невтемань ёнкс предметэнтень или явлениянтень, кона уш
ваствесь икеле: **Вана и сёксесь**. *Кежейстэ ваны пелеве ёнксось*
(Ф. Чесноков); **Ды вана** Олдань *кудоськак*. *Вася лоткась вальмат-*
нень икелев, арсезевсь, козонь вачкодема: вальмантень или кенкшен-
тень (Ф. Чесноков); **Ды вана** *туема валскесь*. *Оришнй ды лисинь*
ушов (Л. Седойкин).

Вана частицась саеви собственной лемтнень ды фамилиянтень пинг-
стэяк, сестэ невтемань лемдемань валрисьмесэ канды содавиксэкс теэмань
ёнкс: **Вана Кузьма Кузьмич!** *Седе вадра прявт, сондензэ башка,*
илядо вешнеяк! — мерсь кортыцясь (А. Мартынов); **Вана Аношин**
ялгась, газетань корреспондентэсь, — мерсь бригадирэсь (Сятко).

Онкстамонь максомань лемдемань валрисьметне

Сынст пингстэ улемань смустесь виевгавтови онкстамонь максомасо
существительнойсэ ёвтазь предметэнтень, явлениянтень или лицаэнтень, теде
башка, невтеви кортыцянтэ ёжомарямозо ёвтазентэ коряс: *Январень ва-*
сенце чи. Виев якшамо. Кодамо якшамо!

Виев якшамо валрисьмесэнтэ ёвтнемань вайгельксэнтэ вельде не-
втеви виев якшамонть улемазо, а **Кодамо якшамо!** валрисьмесэнтэ покш
мель ды ёжомарямо, кона невтеви серьедемань вайгельксэнтэ вельде,
онкстави якшамонть виезэ.

Онкстамонь максомань лемдемань валрисьменэ структурань ды грам-
матикань башка ёнксокс лововить **кодамо, истямо, мезень / мезень**
а, вана, вана те, эка эмоциянь ды ёжомарямонь невтиця частицатне
ды **эх, ну** междометиятне, конат максить лемдемань валрисьменэнтэ эр-
ва кодамо степенень качествань онкстамо. Сынст вельде истя жо пачтя-
вить ломанень эрва кодат эмоциянь ёнксткак: **Вана тейтерть, ну и**
тейтерть! *Дока темень коряс вейкетъ* (А. Куторкин); **Вана те Кри-**
вошеев, вана те Илья Морыця! — *иешка мейле дивсестъ педучи-*
лищасо (А. Доронин).

Именительной падежень существительноесь, лемдемань валрисьметне-
де башка, ашти юрокс именительной темань теевктнэсэ.

43 §. ИМЕНИТЕЛЬНОЙ ТЕМАНЬ ТЕЕВКСТНЭ

Именительной темань теевктнэсэ номинативесэ, ськамонзо или чарь-
кодевтиця вал марто саезь, а кирди валрисьменэ ёнкс: а канды предика-
тивностень смусть, вайгельксэнь коряс вельдест а невтеви прыдозь арсе-
ма, ды секскак валрисьмекс сынэ а лововить.

Невтемань кнэсэ карадо-каршо аравттано кавто ёвтавктс, конатнень
эйсэ вейкесэнтэ номинативсэ существительноесь теи номинативень вал-
рисьме, омбоцесэнтэ жо ашти именительной темакс: **Тундо**. *Цветить*

лёмзеркстнэ, апак лотксе чоледить нармунть (А. Доронин); **Тундо!**..
Зяро паро мельть ды лембе валт вельмевти ломанень седейсэ те лазый
ишасэ (А. Арапов).

Васенце ёвтамосонть номинативсэ существительноеэнтэ вельде кеме-
кстави иень те пельксэнтэ неень шкасто улемазо кода пертыпельксэнь
алкуксонь явления. Арсемась ёвтамосто невтеви прыдозекс. Ашти ремакс
ды теи номинативень валрисьме.

Омбоце ёвтамонть вельде жо ансяк ледстяви иень те пельксэнь ле-
месь. Вайгельксэнтэ коряс ёвтамось а прыдовн. Ашти темакс. Арсемась
пингстэнзэ ёвтави ансяк мельганзо молиця валрисьменэ марто вейсэ, кона
ашти именительной темантень прявксокс (базовой пельксэкс) — ремакс.
Именительной темань теевктнэ кортамосо ськамост (прявкс пелькстэме)
а саевить ды валрисьмекс а лововить. Номинативень валрисьметне жо
аштитэ существительнойсэ ёвтазь улеманзо невтицякс ды саевить ська-
мосткак, мельгаст аштиця валрисьметневтеме.

Ёвтамосто именительной темась явови прявкс пельксэнтэ эйстэ вайге-
лень лоткамосо, конань вельде невтеви мезень-бути учома существитель-
нойсэ ёвтазь чарькодемадонть, сёрмадомсто — лотксема тешксэсэ: ламо
точкасо, серьедемань, кевкстемань тешкстнэсэ, ламо точка марто серье-
демань ды кевкстемань тешкстнэсэ: **Чачома веле** ... *Тесэ тантей кош-*
тось. Истямо тантей — лекстят, а лексеват (А. Арапов); **Тиринь**
веле ... *Сак хотъ сядоксть тензэ, сядоксть панжсы сон тонеть оймен-*
зэ (И. Калинин); **Киш!** *Зяро те валонть марто стака мельть сюлма-*
вить (А. Эскин); **Тириш веле!** *Мон содан: арасть истят лия велеть,*
косо куломс мон одан весе тонь улыят икеле (А. Мартынов); **Пак-**
сятне?.. *Паксятне кувать кадновсть апак соксе* (А. Доронин).

Именительной падежень существительноеэнтэ ды базовой пельксэнтэ
смустест лангс ванозь, именительной темань теевктнэ литературань кор-
тамос топавтыть зярыя функция:

1. Именительной темась саеви ловныцянтэ совавтоманзо кнэсэ сёрма-
дыцянтэ или сонзэ героензэ мельс-превс, арсемас. Те функциянтэ топав-
томсто саевить отвлеченной чарькодемань лемтне: **Часия**... *Сон истямо*
сюлмо — юксят, юксят эйсэнзэ — пензэ а сеске мусак (В. Арапов);
Вечкема!.. *Кода тердинь сонзэ, зяро тосозо эль-эль палсь. Друк сон*
вачкодинзе селмонзо ды видьстэ кедь кунишказон валгсь (И. Пронча-
тов).

2. Именительной теманть вельде невтевить кортыцянтэ эсензэ зрямо-
со седе икеле ваствезь кодаткак событиятнеде, явлениятнеде, предмет-
тнеде или жо собственной лемтнеде ледстнемат, конат кадсть кортыцянтэ
мельс-превс а стувтовиця ёжомарямот: **Поки войнань стака цетъ** ...
Хотъ умок прыдовсть, но стувтсынзе сынст кие? Эрванть седейс
кадовсть (Ю. Исланкин); **Велень ярмонка**... *пек сон лиякстомсь, кода*
и сонсь весе зрямось (В. Коломасов); **Вишка пинге**... *Самай истямо*
пинге, зярд а соды ломанесь мелявкс, нужна (Т. Раптанов); **Анатолий**
Эскин ... *Мон сонзэ содылия, кода кортнить, прямо пильгс. Ялганзо*
раськензэ содылинь (А. Доронин).

3. Именительной темась топавты виев ёжомарямо марто ёвтазь серь-
едемань функция, зярд невтеви кортыцянтэ пек паро ды виев кенярдо-

мань мелезэ, лиясто ацирьгадомазо существительнойсэ ёвтазенть коряс: **Розень пакся!**... Зяроксть цела иень перть полавтнекшнесы прысонзо пацянтъ — ансяк дивсеме кенерть (А. Мартынов); **Степан Эрзя!**... Те ине лемесь тештекс палы минек пингень менельсэнтъ (Д. Надькин).

Седеяк виев ёжомарямот ёвтавить истят теевкстнэнь вельде, зярд номинативсэ существительноеонтъ марто саевить **вай, эх, ах** междометиятне: **Эх, картъ, эрзянь картъ, семеричка картъ!** Сон мазыйстэ кодынзе, пильгезэнзэ карсинзе, цела ие кандтнинзе (С. Люлякина); **Эх, ават, ават!**... Валонзо апак прядо, Эмель вачкодизе кемсэнзэ кудо кенкшентъ ды лисъ (А. Доронин); **Вай, вирь, мазычинь вирь!**... Кода кошлось тенек эряви. Кирди вармат, прок богатырь (И. Калинин); **Вай, од пора, наянчи!**... Вечкемась — те кекшезь коро, ашо чахрань мазычи, тейтерень нусманя моро (П. Ключагин).

4. Именительной темань теевкстнэ саевить покш ёжомарямо марто ёвтазъ кортамонь ушодомакс. Те функциянтъ топавтыть содавикс ломанень собственной лемтне, конат аштить лиятненень эрямо кинь невтицякс ды паро тевс тонавтыцякс: **Илья Петрович Кривошеев...** Сонзэ лемсь совась эрзянь литературас а лепамиця тештекс (А. Доронин); **Серафима Люлякина**... Васов гайгстась вайгелезэ, пек васов. Арась эрзянь истямо веле, косо а морсевельть Марковнань моронзо (А. Доронин).

Те функциянтъ топавтоманзо кисэ саевить явлениянь лемтнеяк, конат истя жо вельмевтить кортыцянтъ мельсэ виев ёжомарямот, мельть-арсемат ды аравтовить кортамонь ушодомакс: **Оймень мором...** Сонзэ эйсэ вейсэндязь эждиця лембе ды сурневтиця-кельмевтиця гайтть (Т. Разгуляева); **Тундонь тевть...** Тунда Нал велесэ, кода лиясож, аволь ансяк ломантненень — нармунтнененьгак тев ламо (А. Арапов); **Леень сыр-гамо...** Кие а содасы, мезе те истямось, се, мерть, алкуксонь мазычи зы некишняк (А. Доронин).

5. Именительной темась саеви икеле ёвтазъ арсеманть марто сюлмицякс. Сонзэ вельде омбоцедэ ёвтави се чарькодемась, кона ульнесь ледстязь седе икеле. Именительной темась тесэ виевгавты ёвтазенть смустензэ: **Нинзэ куломадо мейле ютась ие. Певтеме ие...** Кодамо кувакакс ды сзеекс сон марязь (Сятко); **Паряк, те кулянтъ марязь, прядовсь сестэ эйкакшпингенок. Эйкакшпинге...** Кода васов кадовсь сон минек эйтэ (А. Арапов).

Именительной темань теевкстнэ, текстэнь (главань, абзационь, стихень) ушодкссо аштезъ, совавтыть ловныцянтъ кортамонь темас. Сынст лезэст ды эрявиксчист аволь ансяк темань ёвтамосо, но ловныцянтъ мельсэ-превсэ эрявикс образонь вельмевтемасо.

44 §. А ЯВНОВИЦЯ ВАЛРИСЬМЕДЕ ЧАРЬКОДЕМАСЬ

А явновия валрисьме мерить истямонтень, конань синтаксисэнь башка ёнксокс ули пелькс лангс а явовомась. Малав свал неть валрисьметне аштить вейке валсто, секскак сыненст лиякс мерить **валт-валрисьметь**. Седе тов кодамояк прят или аволь прят пельксэ сынь а келейгавтовить.

А явновия валрисьметне теить башка кужо. Сынь а кандовить а кавто прят пельксэнь, а вейке прят пельксэнь валрисьметненень юткс, секс мекс мезеяк а лемдить.

А явновия валрисьметненень лувост теицякс улить: а) междометиятне ды междометиянь кондымо валтнэ: **а, вай, ага, ужо, азё, инеськетъ** ды лият; б) частицатне: **эно, арась, аволь** ды лият; в) модальнойчинь невтиця валтнэ: **алкукс(как), виде(як), паряк, нама** ды лият.

Малав свал а явновия валрисьметне вастневить кавто или седе ламо ломанень кортамосо. Вейке ломанень кортамосо сынь сайневить арсеманть кемекстамонзо кис. Контекстэме а явновия валрисьметне мезеяк а невтить, секскак ськамо, башка, а сайневить.

45 §. А ЯВНОВИЦЯ ВАЛРИСЬМЕНЬ КУЖОТНЕ

А явновия валрисьметне явовить зярыя кужова, сень лангс ванозь, кодамо тев сынь топавтыть кортамосонтъ:

1) кемекстамонь. Саемга: **Мольсь (Никита Михайлович) рядсек аштиця тракторонть вакс, невть ёнонзо: — Содатадо, зяро питне-зэ? — Нама** (А. Брыжинский); **Ведесь азаргадсь! Вантая, кода ёртни минек ваканонть! — нижни ялгам. — Ага!** — каршонзо серъгедить. — **Превстэ лисъ** (В. Арапов);

2) арасьчинь. Саемга: — **Тон, Палу?** — **велявтызе прязно атысь. — Аволь. Те мон, бодяй, — састынька тошказевинь** (Л. Седойкин); — **Арась, — мерсь Миколь ялгатненень. — Тынк ладсо а ули** (В. Радаев);

3) кевкстемань. Саемга: — **Алкукс?** — **абунгадомадонть Эва тетъкинзе сельмензэ** (М. Брыжинский); **Паряк, течи мезеяк карми уле-ме? А?** — **лайшезевсь таркасо авась** (В. Сидоров);

4) кармавтомань. Саемга: **Каятотсь серъгедема: — Ли-и-иза, саты лужалемс! Адя-а-а!** (А. Брыжинский); **Пандя, Петра. Илямак кадо тезень ськамон...** (Ф. Чесноков); **Азё эно, цёрынем. Ванан, капшат** (Э. Вежай); — **Ужо, ужо, — лоткавтызе сон** (Дубков) **Пахом Васи-льевичень...** (К. Абрамов);

5) ёжомарямонь невитицянъ. Саемга: *Сон (Евга васол патяст) састыне печтизе лесентъ, ютасъ пакшатненъ малас ды абунгадозъ рукиштядинзе кедензэ: — Вай-вай-вай! Нишкепаз! Верепаз! Те мезе истямось Кията марто (Э. Вежай); Улю-лю-уу! — пижакадсь Гара... (А. Доронин); Молодец! Bravo! Алкуксонь цёра! — цяпастъ инжетне (В. Сидоров);*

6) этикетэнь башка правилань невитицянъ. Саемга: *Шумбрат, Лексеич! Мон вана мезень коряс, — Пелагея Ивановна витизе прясо пачанзо ды нежедсь пиравксонтень. — Палю мейс-бути эйсэть терди (Л. Седойкин); Наташа ильтизе Пётр Ивановичень вокзалов ды поездс озавтомстонзо уш пижадсь: — Энялксом ули, Петя... Иля капша ... оймень кенкишетъ пекстамо. Инеськетъ (А. Брыжинский).*

АВОЛЬ ПЕШКСЕ ДЫ ЭЛЛИПСИСЭНЬ ВАЛРИСЬМЕТНЕ

46 §. АВОЛЬ ПЕШКСЕ ВАЛРИСЬМЕДЕ ЧАРЬКОДЕМАСЬ

Аволь пешксе валрисьме мерить истямонтень, конасонть аволь весе смустень ды теевемань коряс эрявики пелькстнэ невтезь грамматикань ёндо, лиякс меремс, ёвтась валсо. Валрисьмень пельксэсь *нолдазь* кодамо-бути тувталонь коряс, но теке шкасонть сон чарькодеви, содави, шождасто муевн контекстэнь или кортамонь ситуациянтъ коряс.

Смустень ды теевемань коряс а пешкесчись а ули валрисьмень асатыксэкс. Аволь пешксе валрисьметне лездыть ёвтамс арсеманть, превентъ-бажамонть седе нурькинестэ, явомс мель седе эривиксэнтень.

Аволь пешксе валрисьметне сеedyтэ застневить кортамонь стильсэнтъ, сайневить художественной литературасояк.

47 §. АВОЛЬ ПЕШКСЕ ВАЛРИСЬМЕНЬ КУЖОТНЕ

Аволь пешксе валрисьметне явовить зярря кужова.

1. *Контекстэнь* (латинэнь кельсэ *contextus* «кеме сюлмавома»). Контекстэнь аволь пешксе валрисьме мерить истямонтень, конасонть *нолдазь* пелькстнэ шождасто муевить контекстэнь коряс (икеле молиця валрисьметненъ эйстэ или секе валрисьместэнтъ (бути сон стакалгавтозь).

Контекстэнь аволь пешксе валрисьметненъ ютксо явовить:

а) апак стакалгавто валрисьметь, конатнесэ *нолдазь* прявт или аволь прявт пелькст (сёрмадыцянтъ мелензэ коряс, эрси *нолдазь* вейке кодамо-як пелькс или валрисьмень пельксэнь цела куро).

Нолдазь эрсекинить валрисьмень весе пелькстнэ. Саемга:

— подлежащее: *Алексей Андреевич мольсь стогантень, совась стоганть алов. Ушов лисема варятненъ сон потлинзе, ацась тикшетъ ды мадсь лангозост. Эзь фатаяк, кода сутямсь. Валскес истяк тосо удоськак. Валске туемстэ кадынзе тоско весе снастензэ, калтнэнь эйстэ сайсь мартонзо ансяк штюрьбанъ пидемс. Пекстызе парьнестэ лисема тарканть, валлизе ловсо ды тусь кудов (Н. Эркай). Те текстэнтъ аволь пешксеке улигъ колмоце, нилеце, ветеце ды котоце валрисьметне. Сынст эйсэ *нолдазь* Алексей Андреевич подлежащее (омбоце валрисьмесэнтъ те существительноесь полавтозь сон лицянъ невица местоимениясонть);*

— сказуемое: *Вирьбачанъ кундысь каяось левкстнэнь кундамо. Тонат эцестъ ундонть потс. Кундыцясь — мельгаст (Л. Игнатьева). Колмоце валрисьмесь смустень ды теевемань коряс аволь пешксе: сонзэ эйсэ *нолдазь* эцесь сказуемоесь;*

— подлежащее ды сказуемое: ... лаказевсь тюремась. **Нурькине, по вернишкев** (М. Брыжинский). Омбоце валрисьмесэнтъ нолдазь тюремась подлежащее ды аволь глаголонъ сказуемоень пельксэсь (уль-несь лездыця глаголось);

— дополнениясь: **Петя течи стясь чинзэ лисезь. Кияк эзизе пугта...** (К. Абрамов). Омбоце валрисьмесэнтъ нолдазь **Петянь** дополнениясь;

— обстоятельство: **Цёрынесь ваннось перькаванзо прок азор. Бүто весе паксятне ульнестъ сонзэ** (Н. Эркай). Омбоце валрисьмесэнтъ нолдазь **перькаванзо** тарканъ обстоятельство, **кона** шождасто муеви икельце валрисьменъ коряс.

Эрсекиши истяк, зярдо валрисьмесэнтъ вейке шкасто нолдазь зярдыя пелькст. Саемга: **Содамотне понгсть теизэ а берянтъ — нитненьгак асыкавтыть, ватазонтьнегак лиясто сакшныть лездамо. Вирень правтомсто тосо или сандямсто. Парт содамотне, истят а весенень сатныть** (М. Брыжинский). Омбоце валрисьмесэнтъ вейке шкасто нолдазь подлежащее, сказуемое, аволь виде дополнениясь ды шканъ обстоятельство (пешксе валрисьмесь улевель истямо: **Содамотне ватазонтьнегак лиясто сакшныть лездамо вирень правтомсто тосо или сандямсто**).

Аволь пешксе валрисьметне кандовать секе кужотненень, конатненень кандовать пешксе валрисьметне. Лиякс меремс, сынъ эрситъ кавто прывт пельксэнь ды вейке прывт пельксэнь, келейгавтозъ ды атак келейгавто. Саемга: **Вирьганть моли Истрия. Сон питистэ ваны пертьпельга ды кунды пилесэнзэ эрва кашторксонть. А менстасы пармунень сёлмонъ вешкемантькак, чувто присто коське тарадонъ прамоитькак, мик торьгадозъ чеерень цийнемантькак. Весементъ марясы, весементъ теишкстасы. Сеедъстэ лоткси ды атак лексе куисолы вирень вайгельтнень** (М. Брыжинский). Колмоце, нилеце ды ветеце валрисьметне аволь пешксетъ, нолдазь подлежащей марто. Теевеманъ коряс сынъ улитъ кавто прывт пельксэнь, келейгавтозъ. **Монъ уряжем эрясь Ромкатянь эйтэ кудонъ ютазь. Сынст ульнесь омбоце пель иесэ буласт. Покшоль ды виевельгак** (М. Втулкин). Меельце валрисьмесь аволь пешксе (нолдазь **буласт** подлежащее), кавто прывт пельксэнь, атак келейгавто. **Пекстазь кирдемадонть паро иля учне, сечень вант, мезеяк теить мартонзо (Пичаень). Эряви оргодемс. Ансяк кода?** (А. Тикшайкин). Меельце валрисьмесь аволь пешксе (нолдазь **оргодемс** сказуемое ды **Пичайнень** дополнениясь). Теевеманъ коряс сон вейке прывт пельксэнь, лицянъ а невтиця;

б) **стакалгавтозъ** (кандовоманъ-аравтоманъ) валрисьметъ, конатнесэ нолдазь прывт или кандовиця пельксэсь. Саемга: **Банясо «инжесь» ды мирдесъ парясть кавонест. Александр Георгиевич ветешкаксть кузнесъ полк лангс. Ленанъ мирдесъ ... содавольгак кинъ пари, аволь тенстьсэ — баня угодсто савелизе коцькерьягонть ды чулговлизе шержей прязо. Паро, эзь сода седе** (Т. Баргова). Меельце валрисьмесь — те кандовоманъ-аравтоманъ **стакалгавтозъ** валрисьменъ прывт пелькс. Теде корты **седе** невтиця валось, **кона** ули **кинъ** союзонъ валонъ поладыякс (**Паро эзь сода, кинъ пари**). **Васоло таркав а мезть уксемс варяв**

кедть, конанъ ваткизь кодаткак цёлакт, или ёндолонъ колавт, наксадо пештетъ. Бути уш модемс, то модемс паро ладсо. Штобу тостояк самс аволь чавонъ кедть (М. Брыжинский). Меельце валрисьмесь — аволь пешксе кандовоманъ-аравтоманъ **стакалгавтозъ** валрисьме: ули кандовиця пелькс (теде корты **штобу** подчинениянь союзосъ), прывт пельксэсь нолдазь (... **модемс паро ладсо, штобу тостояк...**);

в) **стакалгавтозъ** валрисьметъ, конатнесэ вейке предикативень пельксэнтъ нолдазь кодаткак валрисьменъ пелькст, аштиця лиясонть. Саемга: **Мон се шкастонть аштинъ татар пакшатненъ марто... Мон сынст келест тонавтнинъ, сынъ — монъ** (А. Мартынов). Союзтомо **стакалгавтозъ** валрисьменъ омбоце пельксэнтъ нолдазь **тонавтнестъ** сказуемое ды **келентъ** дополнениясь, **конат** чарькодевить васенце пельксэнтъ коряс. **Мурзай ёвтнестъ Лёмзёнанень седе, мезе несъ** (М. Тарасова). **Мезе несъ** кандовиця пельксэнтъ атак невте подлежащее, **кона** вейке прывт пельксэсь подлежащее марто.

2. **Ситуациянь** (французонъ кельсэ *situation* «тарка»). Ситуациянь аволь пешксе валрисьме мерить истямонтень, конасонть нолдазь валрисьменъ пелькстнэ содавить ситуациянтъ коряс. Сынст муемест лездыть **кортамонтъ** коряс учовиця тевтеематне, эрямонъ койтне-кирдатне; кортыятненъ вейсэнь тевест; **кортамонъ** темась; кортыятненъ мимикаст, **молеманъ** аштеманъ лувост ды лият. Саемга: — **Максытька, — невтьс Палю атя нежедезь кемтнень лангс** (Л. Седойкин); **Яша лелям кильдинзе жнейкас кавто карей алашатненъ. Озак, Миша, — мерсь сон...** (Сятко).

48 §. АВОЛЬ ПЕШКСЕ ВАЛРИСЬМЕТНЕ ДИАЛОГОНЪ КОРТАМОСОНТЬ

Аволь пешксе валрисьметне седе сеедъстэ вастневить диалогонъ кортамосонть.

Диалогонъ валрисьметнесэ ёвтневить ансяк сеть валтнэ, конатневтеме арсемась а ули чарькодевиксэкс. Контекстэнь, ситуациянь коряс содавиця валтнэ нолдавить.

Диалогонъ аволь пешксе валрисьметне явовить кода валрисьметъ-репликат ды валрисьметъ-кевкстеманъ лангс ответт.

Валрисьметне-репликатне — неть диалогонъ рисьмесэнтъ вейке омбоцень полавтыця репликат. Диалогонъ репликасонть малав свал сайневить ансяк сеть валрисьменъ пелькстнэ, конат совавтыть кортамонтень мезе-бути од. Секе валтнэ мекев-васов а ёвтавить. Репликантне, конат ушодыть диалогонть, теевеманъ коряс седе пешксетъ, седе келейть. Саемга: **Ларька атя невтьс пилензэ лангс.**

— **А марить.**

— **Ды тон ней ансяк кортыть ломанькс, пилетькак марясть.**

— **Шканъ-шканъ потомить** (К. Абрамов).

Валрисьметне-ответтнэ явовить зярдыя кужова, сень лангс ванозъ, кодамо ёнксозо **кевкстеманть**, **конанъ** лангс эряви максомс ответэсь. **Васняк**, сынъ эрситъ ответэкс истямо **кевкстема** лангс, **конанъ** коряс муеви валрисьменъ кодамо-бути пельксэсь. Саемга:

- *Кинь тон цёрынесь?* — *зэркстась Мика.*
- *Тетянь ды авань,* — *яволявтынь мон* (Ч. Журавлёв);
- *Умок тесэ аштят?* — *кевкстизе Захар.*
- *Талай* (К. Абрамов).

Кевкстемасонть эрси максозь ответэнь вариант. Саемга:
 — *Школадо арсеядо, мондень?* — *апак учо Юра кевкстимим.*
 — *Тондетькак!* — *апак сёно меринь.*
 — *Парсте арсеядо или беряньстэ?*
 — *Кода меремс...* — *кавтолдозевинь* (Л. Седойкин).

Ответэкс эрсить кемекстамонь смусть марто кевкстемат. Саемга:
 — *Ней истя ков мольтяно?* — *никадсь Цётркин.*
 — *Бути Пиляй Гостянен!* — *мерсь Ёга атя.*
 — *Сон, паряк, нешке пиресэ?*
 — *Мезе теи чаво вирьсэить?*.. (К. Абрамов).

49 §. ЭЛЛИПСИСЭНЬ ВАЛРИСЬМЕТНЕ

Аволь пешксе валрисьметненень малавиксэкс улить эллипсисэнсетне. **Эллипсисэнь** (грекень кельсэ *ellipse* «прямо, нолдамо») валрисьметне — неть истят валрисьметь, конатнесэ нолдазь пельксэсь а явови а контекстэнь, а ситуациянь коряс. Смусть коряс сын улить пешксе, секс мекс нолдазесь а меши чарькодемс ёвтась арсеманть. А пешксекс улить ансяк теевемань коряс.

Эллипсисэнь валрисьмесэ нолдазекс эрси ансяк сказуемоесь. Сонзэ таркас арсеви вал, кона лади теевемань коряс. Те валонть смустезэ чарькодеви валрисьмесэнь уликс пелькстнэнь смустест коряс. Мельсэ кирдеви сеяк: эллипсисэнь валрисьмесэ сказуемоесь а эряви, но теке жо шкастонтэ те «а эрявицясь» теи валрисьменть, секскак сонзэ эйсэ улить аволь прявт пелькст, конат кандовить те «а эрявикс» сказуемоентень. Саемга: *Чокшине сась Макара Симбирскойстэ. Лангсонзо чова сукнань, ма-ней менель бутто, сэнь ды ванькс — пушавкс марто — сибирка, сёрмав бархатонь жилетка, якстере панар — эйтэнзэ мерить астраханка. Прясонзо кругловой иляна...* (А. Куторкин). Явозь валрисьметне эллипсисэнь. Сынст эйсэ нолдазь сказуемойтне, конат шождасто чарькодевить смустень коряс (васенце валрисьмесэньт сехте лади оршазь валось, омбоцесэньт — *путозь*). Эрва арсевиця сказуемоенть ули эсензэ курозояк.

ВАЛРИСЬМЕНЬ ВЕЙКЕТЬ ПЕЛЬКСТНЭ

50 §. ВАЛРИСЬМЕНЬ ВЕЙКЕТЬ ПЕЛЬКСТЭ ЧАРЬКОДЕМАСЬ

Валрисьмесь, кода келейгавтозесь, истя аволь келейгавтозеськак, эрси стакалгавтозь вейкеть (однородной) пельксэс, конат синтаксисэнь тевест (функцияст) коряс кармить улеме вейкеть карадо-каршо путомсто ды кандовить валрисьмень вейке кодамояк пельксэнтень. Саемга: *Кой-кона мазыйкатне мик мартонзо вастовомадо энялдсть, кевкстнесть, улить арассть вечкемадо стихензэ, веишт кучомс тенст...* (В. Дёмин); *Каштмоли певтеме поймась, нувсит пичеть ды килейть* (А. Щеглов); *Ловось вельтинзе виртнень, кудотнень, китнень* (Е. Сапунова).

Валрисьмень пелькстнэ лововить вейкетькс (однороднойкс), зярдо сын эсь ютковаст сюлмавить аволь кандовомань-аравтомань (сочинени-янь) сюлмавомасо, топавтыть-чарькодевить валрисьмесэ вейке теке жо валонть ды сынест путови вейке секе жо кевкстемась. Вейкест-вейкест марто сын сюлмавить мельга-мельчек молемань вайгельксэс (перечисле-ниянь интонациясо) ды союзсо. Саемга: *Комась Елисей, кепедизе ницзэ, каподизе, прок овто, кандозь кандызе кудов* (А. Куторкин); *Васов кадынзе (Ульяна) пизэ-ашконзо, сыре аванзо, сыре тетян-зо* (С. Люлякина); *Кие мерсь, чачома пельксэм ансяк Мокшась ды Сурасть?* (И. Прончатов); *Митрий ды Маря мольсть икеле, Стёпа ды Илья аламодо кадовсть* (К. Абрамов).

Валрисьмесэ вейкеть пелькстнэ эрсить ськамост — апак келейгавто до келейгавтозь. Апак келейгавтозтне аштить ськамост, келейгавтозтне то-павтовить мартост молиця чарькодевиця валсо. Саемга: *Числав совась каштом икелев, калдордозь тулкадизе заслонканть* (А. Доронин); *Мазыйтнень весе вечксызь — бояртнэяк, поптнэяк* (К. Абрамов); *Тагояк сехте пек кецнесть ды кирнявтнесть кенярдомадонть цё-рынетне ды тейтерькатне. Велень од ломантнень ютксо сон* (Митя) *пряно марясь васень одцёркак, сехте виевекс, сюпавокс ды мазы-екс...* (А. Мартынов); *Стить икелень, оршазь сэнь качамос, эрзянь-мокшонь ёнксонь паксят, вирть* (И. Калинин).

Вейкеть пелькстнэ ёвтавить эрва кодамо кортамо пельксэнь вейке или зярыя валсо, конантень путови вейке кевкстема. Саемга: *Ярсамодо мейле Иван ды Фима тусть улыцяв кирякстнеме. Стёпа нолдызе грабянт, арсезевсь* (К. Абрамов); *Олазь чиньжарамо прякс валгиця ковось меельцеде кивчкадсь сизезь варштавксонзо ды конинзе сель-мтнень* (А. Доронин); *Бути ули мелеть самс тей, приматан, сиянь кудо, сырнень байгеть теть казан* (С. Люлякина).

Валрисьмесэ вастовкишы вейкеть пелькстнэнь зярыя кирдань саемаст. Истятнэ лиясто лововить ютыця (переходной) типекс апак стакалгавто

валрисьместэ стакалгавтозекс. Саемга: *Весе пингень поэтнэ ды ху-дожниктне морызь ды невтизь вечкеманть превей валсо, мазый краскасо* (К. Абрамов); *Рамко кардаз ёно кузтемпря песэ ташио тен-стьсэ нардтиинзе пильгензэ, куземстэ вачкодинзе, чукадинзе ка-рензэ ды совась* Платонень (А. Куторкин); *Эрятано, теке оят: эр-зят, мокишот, рузт, татарт. Весень — эсест мелест, коест, лисни, эрвваитень кенярдт* (Л. Кантеева).

Вейкетъкс эрситъ валрисьмень весе пелькстнэ, кода пряттнэ — под-лежащеесь ды сказуемоесь, истя аволь пряттнэяк — дополнениясь, опре-делениясь, обстоятельствось.

51 §. ВЕЙКЕТЬ ПРЯВТ ПЕЛЬКСТНЭ

Вейкетъ подлежащейкс лововить сетне, конатне смустень коряс аравтовить вейке теке жо сказуемоентень ды невтить вейке малавикс чарь-кодема: *Бездна чирень сыре тумотне ды пекшетне копачавсть чок-инень сундьерксэ* (К. Абрамов). Эсь ютковаст сюлмазь аволь кандово-мань-аравтомань сюлмавомасо: союз, частица вельде, мельга-мельцек мо-лемань вайгельксэ. Саемга: *Седейсэнь ульнесь валдо кецема, а сода-викс талнома, мень-бути учома, лембе зыйть...* (В. Дёмин); *Нюш-ка баба ды Окся баба эрясть съкамнест-съкамнест* (А. Громыхин). Вейкетъ подлежащейтне сеедьстэ кандыть морфологиянь вейкетъ ёнкст: аштитъ вейке ды теке жо полавтнемасонть, падежсэнтъ ды числасонть: *Сэрэй ничетне ды тумотне шкань-шкань полавтневств килейпуло-со, мейле кись чалгиль чаво паксяс ды таго ёмилъ чувто потс* (А. До-ронин).

Вейкетъ сказуемойтне кандовить вейке подлежащеентень, син-таксисэнь эсь тевест ды сюлмавомаст коряс кармить улема вейкетъ: *Атясь коритась, никстась киш сускомне, теке басом табактояк никстась* (В. Коломасов); *Ютыця сеель кундызе (пештентъ), вишка тякан-стэнь кандызе* (И. Прончатов); *Кармасть сын алсо налксем, чий-неме ды куколькошине* (С. Люлякина). Вейкетъ сказуемойтне ётва-вить мельга-мельцек молемань вайгельксэ — ёвтамонь вайгелень вач-кодъксэ вейкентъ эйстэ омбоцентень седе кепедеви, эрвась вейкетъ ска-зуемойтнень эйстэ тешкстави логической вачкодъксэ (ударениясо): *Со-васть кудозост кудат-ягудат, симсть-ярсасть — ды весе венча-монь тевензэ якавтызь* (А. Доронин); *Кунсолозевсь, нусмакадсь пек-шесь, сэттьмельгадсь, мик а марят кашторкс* (А. Арапов); *Сакшнан чачома велезэм, кортнян сыре ломантнень марто, ловнан минек сёр-мадейтнень книгаст, вечкан сокарямс кельвалкстнэсэ* (Н. Видяз). Вейкест-вейкест марто сын сюлмавить мельга-мельцек молемань вайгель-ксэ ды *и, ды, а, но, кода истя, аволь ансяк, но и истя* аволь кандовомань-аравтомань союзтнэнь вельде: *Шакшай лиссь велень околь-ця ушов, озась тусто пизёлонь куро удалов покш кев лангс ды пишти-стэ кармасть ваномо кинть ёнов* (А. Щеглов). Вейкетъ сказуемойтне саевить кода глаголонь финитной формасо (лицась ды числась аравтови-

сюлмави подлежащеентъ марто), истя инфинитивень формасояк: *Дарья Павловна ёртызе пенчентъ, совась каштом икелев* (А. Доронин); *Прявтось те шкастонть эсь эйсэнзэ ловсь ды марясь армиянь коман-дующейкс* (А. Мартынов).

52 §. ВЕЙКЕТЬ АВОЛЬ ПРЯВТ ПЕЛЬКСТНЭ

Вейкетъ аволь прятв пелькстнэ кандовить валрисьмень вейке кодамо-як пельксэнтень, ёвтамсто вейкест-вейкест марто сюлмавить мельга-мель-цек молемань вайгельксэ, валрисьмесэ явовить эрявикс вайгелень вач-кодъксэ. Сынъ ответить вейке кевкстема лангс ды топавтыть синтакси-сэнь вейке тев. Саемга: *Сэрэй, ёлганя цёрась састынька эскелясь ки-лейтнень алга* (Е. Сапунова); *А сон, вант, кежень таркас коцтонъ келей мешокстонзо казнеть весенень таргась, кинень кемть, орша-мот сэрьга, сокст* кинень валаят, *парт* (И. Прончатов); *Чукалнэнь эзть сатно валтнэ, сон ахолясь шержей, сурсемень а содыця* пря-сонзо ды таго аварьгадсь... (А. Доронин).

Вайгелькстэ башка вейкетъ аволь прятв пелькстнэ сюлмавшныть *ды, и, или, да, а, но, то-то* аволь кандовомань-аравтомань (сочинитель-ной) союзтнэнь вельде. *Ды, и* сюлмиця союзтнэ саевить седе сеедьстэ, карадо-каршонсетне *а, но, ды (но)* смустьсэ) невтить вейке пельксэнтъ омбоцентень карадо-каршо аравтома; *или* союзось невти мезе-бути вейке лангс; *то-то* союзось невти сень, зярдэ тевесь полавтови омбоцесэнтъ. Сёрмадомсто юткостоз путови запятоесь. Саемга: *Кизна мольтяно экс-курсияв: Московов или Петербургов; Ды сонзэ кунсолозь и то-неть, и монень, кадык паро ломанть ютамсто сюконить* (И. Прон-чатов).

Вейкетъ дополнениятне валрисьмесэ кандовить вейке валон-тень, седе сеедьстэ прятв пельксэнтень — сказуемоентень: *Уля наряжась чахракс-тейтерекс, велень сюнав бояравинекс* (С. Люлякина); *...Скал макссь, панарт-руцят, кавто покипартъ ды колмо цел-ковойтъ — омбоце скал, ловт, рамат* (А. Доронин). Апак стакалгавто валрисьмесэ вейкетъ дополнениятне невтить-топавтыть зярыя смусть:

— виде объект, конань лангс аравтови тевтеемась: *Вечксынъ пак-сят, вечксынъ виреть, келей лугат ды лей чиреть* (И. Пронча-тов);

— аволь виде объект, конантень истя жо аравтозь тевтеема: *Сон (модась) вельтязь певерезь коське салмукссо ды пиче умарьсэ* (К. Абрамов); *Эрзянь келесь сюнав мазый валсо, горниповокс чоль-дердиця гайтсьэ* (Н. Видяз).

Вейкетъ обстоятельстватне истя жо кандовить валрисьмень вейке пельксэнтень, кода свал, невтить вейке малавикс смусть ды сыненст путеви вейке теке жо кевстемась: *Чиемадонть кавонест (Надя ды Таня) лексест стакасто, начко черест пондашкадсть, срадсть чамаваст ды лавтовгаст, росасо пургсезевезь платияст пулиясть*. Пидилизь сынст (модамартнень) *эрва кодамо ладсо — апак ватксе, ватк-сезь, целасто, керсезь, човазь* (К. Абрамов).

53 §. ВЕЙКЕТЬ ДЫ АВОЛЬ ВЕЙКЕТЬ ОПРЕДЕЛЕНИЯТНЕ

Вейкетъ определениятне кандовить вейке определяемой валонть, невтитъ предметъ эрва кодат уликсчить (признакт): **Пиже, мазы кизэськак сась** (А. Куторкин); — **Ванодояк, кодамо паро, келей мода-нок! Зяро мазычить лангсонзо, а?** (А. Доронин). Сынъ тешкстыть предметъ ансяк кодамо-бути вейке башка ёнксонзо — тусонзо, покшолманзо, танстензэ, мазычинзэ ды лият. Саемаст-путомаст вневгавты валонть невтезь ёнксонть. Истят определениятне а кармитъ вейкесь омбоцедентъ аштицякс (зависимойкс), эйтэст эрвась башка сюлмави определяемой валонть марто. Саемга: **Истямо уш Вармазейканть обуцязо — седей-мариця, весень вечкиця, лиянь кис мелявтыця** (А. Доронин).

Вейкетъ определениякс лововить ансяк сеть, конат сюлмазь вейкест-вейкест марто мельга-мельцек молиця вайгелькессэ, аштитъ вейке сюлма-вомасо вейке секе жо валонть марто.

Смустень коряс вейкетъ определениятне ёвтыть:

1) уликсчить (признакт), конанъ коряс явовить вейкетъ предметнэ ды явить сынст лия истямо жо предметнэнь эйтэ, конатнень апак ёвта уликсчит; 2) вейке предметъ эрва кодамо уликсчить ды явить те предметъ секе жо лемень лия предметнэнь эйтэ, конатнень апак ёвта уликсчит. Саемга: **Алкине, чова рунго авинесь нежедсь чевте эзе-менень, кармась пацинесэ чама и кедьга ахолямо. Тетясь ульнесь сэ-рей, санов. Коське рунгозо налксезь налксылъ. Келей, покш судонзо лангс новолезь тусто сельмечирьктне рауждсть реве левксэнь пилекс. Икелест пажовсь келей, алкине куракисо карксазь лайме...** (А. Доронин).

Вейкетъ определениятнень эряви явомс аволь вейкетнень эйтэ, конатне явить предметсэнь улиця эрва кодат зярыя ёнкст: тусонъ ды покшолманъ, шканъ ды тарканъ ды лият: **Венстясь (Петя) тень мазый кевне марто сырненъ суркс ды комсомолонъ билет** (А. Громыхин); **Сэтьмечисэ лексця вейке вирь аштесь икелензэ...** (А. Тикшайкин).

Аволь вейкетъ определениятненень кандовить сетне, конат смустень коряс аволь вейкетъ эсест ютксо. Сынъ а полавтнить таркаст, секс мекс тень эйтэ полавтови ёвтазентъ васенце смустезэ. Аволь вейкетъ определения марто валсюлмавкснэ теить сюлмавозь смустень ды структуранъ коряс вейке синтаксисэнь единица. Саемга: **Фёдор Андреевич пильге сур лангсо ютась икельць кудонть, косо чувтонъ келей таркасо удось покшкезэ, Мишутка...** (А. Доронин); **Паро лемесь, писькак истямо: сэрей, мазый чама, сельмечирькензэ цяनावонъ теине рисьмекс таргавсть коняно алга...** (А. Доронин); **Лисни, ятонъ покш отрядтнэ косо-бути маласот, пельчинъ перть васов эзть туеве** (А. Доронин).

Аволь вейкетъ определениятнесэ ули аравтоманъ кеме лув: тарканъ, шканъ, материалонъ невтицятне аштитъ седе васоло определяемой валонть эйтэ. Сынъ кандовить аволь башка саезь существительнойнень, а целанек валсюлмавксонть. Саемга: **Панжинъ тензэ — кудозом совась а сода-викс нулав-валав** тяка (С. Люлякина); **Инзей ведь чувтонъ покш кечес каян** (М. Кемаль). Аволь вейкетъ определениятнень лия таркас аравтомаст ветн смустень полавтоманть-калавтоманть. Сынст ёвта-

мсто а тееви лоткамо, юткозост а путови тешкс, а саевн сюлмиця союз: **Устянь Татюнь максызь шабра руз велень цёра экиш мирденень** (А. Ганчки).

54 §. ВЭЙСЭНДИЦЯ ВАЛОСЬ ВЕЙКЕТЬ ПЕЛЬКСТНЭНЬ ПИНГСТЭ

Вейкетъ пелькстнэнь пингстэ сеедьстэ вастневить-сайневить вейсэндиця валт ды валсюлмавкст: **Кептерьсэнтъ ульнестъ идемкат: кавто вирь саразт ды яксярго**. Сынъ невтитъ седе келей чарькодема вейкетъ пелькстнэсэ максозентъ коряс. Вейсэндиця валокс эрсить невтиця ды определительной местоимениятне (**весе, весемесь, сетне, истят**): **Ямось сатотсь весенень: цёратнененьгак, аватнененьгак, эйкакштинененьгак** (К. Абрамов). Те смустьсэнтъ сайневить лия кортамо пельксэнъ валтнэяк, сеедьстэ истямокс эрси лемесь (существительное). Са-емга: **Лейтне — Сурась, Мокиась, Раторось — икеле ульнестъ ванькст ды пейксельть калдо** (Т. Кирдяшкин).

Вейсэндиця валось аштекинн:

— вейкетъ пелькстнэнь икеле: **А сон пурны Милошанень казнензэ: сырненъ суркскеть, сиянь пилекст, мишарат...** (С. Люлякина);
— вейкетъ пелькстнэнь мельга: **Весемесь эйсэнизэ Дёлянъ — кува-ка панароськак, черьпулоськак, кене пильгтнеяк** (К. Абрамов).

55 §. ВАЛРИСЬМЕНЬ ЯВОВИКС ПЕЛЬКСТЭ ЧАРЬКОДЕМАСЬ

Валрисьмесь эрси стакалгавтоз явовикс пельксэяк. Явовомась (обосблениясь) — синтаксисэнь категория, конась невти, тешксты ды топавты валрисьмесь ёвтаксонть башка келейгавтоз тешксэ. Явовомась — ськамочинь ёнксонь максомань кис валрисьмень аволь прывт пельксэнзэ вайгельксэнь ды смустень коряс тешкстамо-явома. Саемга: *Кизаев, колхозонь икелень инженерэсь, тусь эрямо эсензэ Кацелаев, тосо роботаяк уш мусь* (А. Доронин); *Алтарьсэ, масторо, стенантень жедезь стявтозельть ниле ташто пазават* (К. Абрамов). Кортамосо явовоманть ёвтамсто вайгелесь кепедеви верев, тееви аволь покш лоткамо, сёрмадомсто те невтеви запятойсэ. Саемга: *Ансяк ве ёно, килейне ало, айтесь вейкинекс ялганзо калмось* (С. Люлякина); *Ямт-кашат пицесь Варакань Лена, Казань Зинань уряжезэ* (А. Доронин).

Явовиксэкс седе сеедьстэ эрсекишнить валрисьмень аволь прывт пелькстнэ — определениягье, приложениягье, дополнениягье, обстоятельствогье, конат савить ёвтазь арсеманть смустензэ вневгавтомань кис: ...*Ды те разонт механикенть натой кияк эзизе покордаяк; мекевланг, ней сонзэ, те од цёранть, шнызь мик* (В. Коломасов); *Эсенекемть, эрзян-сенть, вечкеманзо ды кисэнзэ мелявтоманзо Нуянь Видяз невтизе умонь валонь пурнамосоак..* (В. Дёмин). Явовикс пелькстнэ седе сеедьстэ тевс полдавить художественной стильсэ. Прывт тувталокс явовикс пелькстнэнь саемстэ карми улеме сёрмадыцянтъ/кортыцянтъ бажамозо келейгавтомс валрисьмень смустень сюпавчинть. Кортамосо явовомась сави-тееви сестэ, зярдо эряви максомс валрисьмень башка пелькстнэненъ вайгельксэнь ды смустень тешкстамо: *Тона войнастонть, Германской-стэнтъ, теке ладсо, аволь истя ульнесь* (В. Коломасов); *Эрзян мастором, чачи модам, вечктян мон тонь, аздангак кода* (И. Прончатов). Явовикс пелькстнэ вастовить ансяк истямо валрисьмесь, косо сынъ лововить омбоце стакалгавтыця эскедьксэкс, секскак явовиця пелькс марто валрисьметне кармить улеме малавиксэкс стакалгавтоз валрисьметненъ. Саемга: *Баяганть, ярмукасто кона рамамс тетъ вастовсь, часовнянтъ пряс поводик...* (А. Куторкин); *Кудос мекев совамсто икелензэ кузтема алдо лиссь кискаст — лаужа кель Дружокось* (А. Доронин).

Валрисьмень эрва пельксэнтъ явовицякс тевс полдамозо сави эсензэ тувталонзо коряс. Сыненст кандовить: 1) валонь молема лувось, 2) валрисьмень пельксэнтъ келейгавтомась, 3) поладксонь смустень пачтямось, 4) явовиця валонь улемась, 5) валрисьмень аволь прывт пелькстнэнь таркаст. Явовоманть пингстэ покш эрявикс тарка саить вайгельксэсь (интона-

циясь), валрисьмесь валтнэнь вейкест-вейкест мельга молемась-ютамось, толковиця валтнэнь улемась ды сынст смустест. Саемга: *Зярдо эрицягье чийсь пожаронтень, Эмель атя, конохось, лишметненъ кенерсь полдамось; Мейле вал сайсь Павел Иванович Комзолов, колхозонь агрономось* (А. Доронин). Явовикс пелькстнэ лездыть ламолгавтомс-келейгавтомс ёвтыцянтъ-сёрмадыцянтъ арсеманзо, максомс башка тешкс, невтемс аволь сеске невяицянтъ, содаватомс кунсолыцянтъ-ловныцянтъ эрявикс кулянтъ марто, аравтомс вановтонзо сельмс а каявиця тешксэнтъ лангс, топавтомс арсезь ёвтамонтъ. Саемга: *А се лёмзиесь, Трофим, лей лангсто яла а лисни* (А. Доронин); *Онстон неия, тень... кода лемезэ, од цёранть, кона ней эри минек кедьсэ...* (К. Абрамов); *Но сон (Лавгинов) ялатеке варишась...* *Пертьпельга, Прокопычте башка, весе кармасть ракамо* (В. Коломасов).

Явовомань пингстэ-теемстэ тевс полдавить истят келень ёнкст:

1. Лоткамось (паузасть) — невтемс смустень явозь ёнксонть, валрисьмень те или тона пельксэнь тешкстамо, вневгавтомань кисэ. Лоткамось невтьсы башка касыця учозь ёжомарямонтъ, кармавты кунсолыцянтъ кепедемс мелень ёвтазентень: *Виртеме келей лаимонтъ — Барыш лееп пойманть — ютамодонзо мейле таго вирьга молемась ульнесь уш седе весёла* (А. Щеглов); *Сторожось, Эмель атя, пидиксэль теист селянка — ялгатне аволязевсь кедьсэст..* (А. Доронин);

2. Вайгельксэсь (интонациясь). Сонзэ кепедемась или валгомась лезды валрисьмесэнтъ тешкстама явовикс пелькстнэнь: *Тонь обедтэнтъ башка, мусынек, мейсэ сынст каванямс* (Н. Эркай); *Атясь, весемень чарькодезь, клавицадизе кенкишентъ ды пошкстась ушов; Ансяк кода монень, предэнтень, улемс?..* (А. Доронин);

3. Инверсиясь — валрисьмень пелькстнэнь таркаст полавтомась — мекевланг пustomась: *Вармась, аэра ды виев, валскеитень энгамс* (А. Доронин).

56 §. ЯВОВИКС ОПРЕДЕЛЕНИЯГЬЕ

Явовикс определениягье невтевить прилагательнойсэ, конат аравтовить определяемой валонть мельга. Саемга: *Тесэ вастызе од ава, алкине, прысонзо мезе-бути кокошникень кондямо ды сэнъ паця* (К. Абрамов); *Вестъ венчексэ тува цёрабай уйнесь, валдо седей, чевте мель, прок читайнесь* (С. Люлякина). Явовикс определениягье вастовить ськамост или келейгавтовить лия, сынненст кандовиця, валтнэсэ: *Полгара сельме, алкине, эчке, сон лексесь стакасто, мерят ансяк сал кескавт кандтнесь* (А. Доронин); *Эри вирьсэ Сюсине, комолядо шождыне, олгинеде човине, пелькинеде вишкине...* *Нестъ покш кужо-сто кудыне, чапозь, пичень, пек мазыйне...* (С. Люлякина).

Явовикс определениягье сеедьстэ эрсить ёвтазь:

а) прилагательнойсэ, конась ашти определяемой валонть мельга ськамонзо или чарькодевитиця вал марто: *Кавксоцесь ульнесь тейтерие — пейтень курго, сэнъ кев сельме* (С. Люлякина);

б) причастиясо, седе сеedyтэ сон саеви чарькодевитица вал марто: *Пеедькинция ды валонь муция, Вера лиясто апак учо тееви нусма-някс ды мелятыцякс* (С. Платонов);

в) чуросто, явовикс определения таркас сайневи глаголось инфинитивень формасо ёвтазь, кона келейгавтовн лия валсо: *Юты верьгиз — полдазь пуло, сыре, ансяк тензэ куломс* (С. Люлякина).

57 §. ЯВОВИКС ПРИЛОЖЕНИЯТНЕ

Явовикс определениятнеде башка аштить приложениятне. Приложениятне лововить явовицякс, зярдо сын чарькодевитиць местоименият ды лемть (существительнойть) — собственнойть, липянь, предметень, пертьпельксэнь невитицят. Саемга: *Роза, Трофимень нись, аштесь икельць кудосонть* (А. Доронин). Явовикс приложениятне, истя жо, кода весе лия валрисьмень явовикс пелькстнэ, аштить вейке валсто или саевить чарькодевитица вал марто: *Колмотне сонсензэ пельде, покшось, Коля, лия тетянь: Иван саузе нинть пакша марто; Промксонь ветцясь, эчке пеке цёрась, кода ушодсь а мазый валсо ледстнеме лемть-фамиллят...* (А. Доронин).

Явовикс приложениятне ёвтавить-невтевить существительнойсэ — собственнойсэ или нарицательнойсэ, конат сайневить сыкамость или чарькодевитица вал марто: *Мазы Зоя, сынст сазорось, конань весе кирдить коронть, субутасто сась банясто* (А. Куторкин); *Домка мелътнеде явовозь, Миколь кепедизе прызо — таго тамашат: икелензэ аштесь колхозонь прятоитть ды Розань тетясь, Дмитрий Макарович* (А. Доронин); *Сон Ковонть — ашо пря эйдензэ — Менелень лавсесэ люкакстни* (И. Прончатов). Явовикс приложениятне марто сайневить сюлмиця валтнэ: *кода, теке, прок, мик, теке мерят ды лият: Мерян теть, кода ялгам туртов: мирденень тесэяк лисеват* (С. Люлякина); *Мельгаст, прок сиянь подковнест, ёртовсь, кадовсь валдо ковнесь* (А. Куторкин).

58 §. ЯВОВИКС ДОПОЛНЕНИЯТНЕ

Дополнениятне лововить явовиксэкс, зярдо лемесь (существительнойсэ) или сонзэ полавтыцязо саеви *башка* ды *таркас* валмельгакстнэнь марто: *Минь, келя, ошонь эрицятне, курок вачодо кулселяно: лавкат-несэ, кснавдо башка, мезеяк а неят* (А. Доронин).

Валрисьметне, косо вастови явовикс дополнения *башка* валмельгаксонть марто, явовить кавто кужова:

— дополнениясь канды *ансяк* (те), *ансяк* (сон) смустенть: *Истямо келевикс ломань, Васильевнадо башка, Яхимнень кияк арасель* (В. Коломасов);

— дополнениясь канды *те* ды лияткак смусть: *Эйкакшитнеде башка, улема, кудынесэнтъ кияк арась* (К. Абрамов).

59 §. ЯВОВИКС ОБСТОЯТЕЛЬСТВАТНЕ

Явовикс обстоятельствоатне ёвтавить деепричастиясо сыкамость или сыненст кандовница вал марто: *Тесэ, сынст Вармазейкасо, ловоськак эзь солакино* (А. Доронин). Валрисьмесэ сын чарькодевитиць обстоятельствоанть, секскак кандовить сонензэ, тен чисэ панжить ды пачтить см., с-тен челейгавтозь од ёнкст, саемга, таркань или шкань: *Банясь аштесь пуре песэ, овсе Сура лееить чиресэ* (А. Доронин); *Тельня, январь-стэ, Саранскоень вейке промкссо Вечканов сонсь тен неuze* (К. Абрамов). Явовикс обстоятельствоатнесэ пачтяви смустень од ёнкс, тен чисэ сын саевить кода сыкамость, истя жо чарькодевитица вал мартояк: *Баня вальмалов пачкодезь, кискась лоткась цийнемеде, озась удалце пильгензэ лангс ды, ожо пилензэ верев кепедезь, кунсолозевсь* (А. Доронин). Явовикс обстоятельствоатне лиясто кандовить сказуемоентень ды чарькодевитиць сонзэ: *Вейке улыцясо, поки кудосо, эрьсь...* Кортамосо сынст пингстэ вайгелесь кепедеви ды аламось лотки, сёрмадомсто те невтеви запятойсэ: *Эритъ ней (тетям-авам) велесэ, Поиндерь пандо песэ* (А. Куторкин); *Зярдо Эмель, стакасто лексезь, совась кудос...* (А. Доронин).

Седе сеedyтэ явовиксэкс эрситъ шкань ды таркань обстоятельствоатне. Истямокс улемстэ сын ёвтавить наречиясо, косвенной падежень формасо существительнойсэ, деепричастиясо. Саемга: *Вестъ, чокине, сон лиссь вальмалов ды неuze Кирилл Петровичень...*; *Сын венститъ човине рунгост верев, сэн менелеитень, чинь валдонть каршо* (К. Абрамов). Валрисьмесэ сынст таркаст эрси эрьва косо — ушодкссо, куншкасо ды песэ: *Каршо вастомсто, кедень венстязь, мон пишкалягак тензэ истя...* (В. Дёмин); *Тусь Алашась, тупор-тапор, тонол вирев, седе васов* (С. Люлякина).

ВАЛРИСЬМЕНЬ СОВАВТОЗЬ ДЫ ПУТОЗЬ ТЕЕВКСТНЭ

60 §. ВАЛРИСЬМЕНЬ СОВАВТОЗЬ ДЫ ПУТОЗЬ ТЕЕВКСТЭ ЧАРЬКОДЕМАСЬ

Совавтозекс лемдевить валт, валсюлмавкст ды валрисьметь, конат а кандовить валрисьмень лия пелькстнэненъ а смустень, а грамматиканъ ёнксонъ коряс, мартост а теевить чарькодевитиця смустень невтемат, ды сынъ а лововить валрисьмень пельксэкс. Валрисьмесэ истят теевкстнэ аштит аламодо ве ёно. Ёвтамсто явовить валрисьмень лия пелькстнэстэ вайгельксэ, конанъ пингстэ вайгелесъ аламодо нолдави алов, ды совавтозь теевксэс, валрисьмень лия пелькстнэнь коряс, ёвтави седе эрязасто, вайгелень вачкодксэнъ апак тее. Сёрмадомсто — лотксема тешксэ (седе сеедьстэ запятойсэ).

Совавтозь теевкстнэ лездыть пачтамс кортыцянтэ эсензэ мелензэ-арсеманзо, ёжомарямонзо валрисьмесэ ёвтазентъ коряс.

Смустень коряс совавтозь теевкстнэ аравтовить или весе валрисьмен-тень, сестэ сынъ аштит валрисьмень ушодкссо, седе чуросто песэ, или валрисьмень кодамояк пельксэс, сестэ совавтовить валрисьмень потс: **Алкукскак**, **Яхимень** эйсэ кой-мезе ламо полавтовсь... (В. Коломасов); **Мекс** тонъ эзидизь васто? **Паряк**, сыть а эсь шкасто? **Паряк**, сыть аволь тей? (Ч. Журавлев); **Ратор** ошось, **келя**, ковгак а туи, **учосы**. **Нуемась** жо а учи (К. Абрамов); **Совситъ** сонензэ, **кортамонзо** **коряс**, **ошов** **ютамсто** **весе** (Ф. Чесноков); **Стака** обуцянь чама, **тон** **сех** **кежеват**, **нама** (Ч. Журавлев).

Теевеманъ коряс совавтозь теевкстнэ тенъ комо вейсэндявкст: совавтозь валт, совавтозь валсюлмавкст ды совавтозь валрисьметь.

Путозь теевкстнэ топавтыть валрисьмень од пачтамосо, седе виде-стэ ды келейстэ ёвтамосо, витевксэнь невтемасо, ёвтазентъ пингстэ мельс ледстнемасо ды ламо лия мейсэ: **Сась** **войнасто** **тетям**, **сацмим** **стада** **ваномсто** (**малав** **колмо** **цетъ**, **туидосто** **саезъ** **ловонъ** **прамс**, **скал** **мельга** **яксинъ**) **ды** **ветимим** **школав** (Ч. Журавлев).

Валрисьмес путозь теевкстнэ а совавтовить прят валрисьмень структурас, синтаксисэнь ёнксонъ коряс а сюлмавить валрисьмень лия пелькстнэнь марто ды а тенъ мартост чарькодевитиця сюлмавомат-кандовомат (отношения). Теньсэ сынъ малавгавтовить совавтозь теевкстнэнь марто.

61 §. СОВАВТОЗЬ ВАЛТНЭ

Седе сеедьстэ истямо валокс саевить:

1) модальной валт: **нама**, **паряк**, **келя**, **натъ**, **каня**, **тенья**, **бульчом** **ды** **лият**. Нетъ валтнэ, **паряк**, **лавшомгавтызь** **ды** **косто-косто** **мик** **ёмав-**

тызь эсест виде смустест ды кандовомаст кортамо пельксэнь валтнэненъ. Сынст вельде невтевить ансяк кортыцянтэ кодаткак мелензэ ёвтазь арсе-мантъ коряс: **Весе** **те**, **нама**, **тонъ** **кувалт** **монень** **истямо** **уцяскась...** (В. Коломасов); **Ёмси-арси**, **келя**, **кеденек**. **Эрзянь** **уш** **лемтькак** **мик** **арастъ...** (Д. Надькин); **А** **стяко**, **натъ**, **кортнитъ**, **ормась** **а** **кази** **мазы-**
чи (А. Доронин); **Мелявксось**, **бульчом**, **а** **поки** — **Луша** **мартояк** **а** **ёми** (А. Доронин); **Монень**, **тенья**, **ютамсто** **ялгантень** **эряви** **совамс** (Сят-ко);

2) наречият: **алкукс**, **алкукскак**, **окойники**, **мекевланг**, **васняк**, **свал**: **Алкукскак**, **пек** **мазый** **се** **таркась** **Сапта** **леентъ** **чирева** (Д. Надькин); **Се** **калесь** ..., **алкукскак**, **свал** **сыкамнензэ** (А. Доронин); **Ансяк** **од** **ицеде** **мейле**, **окойники**, **сась** **Яхимень** **пельде** **сёрма** (В. Коломасов); **Истя-**
мо **летьке** **сёксесь**, **васняк**, **алтась** **сы** **иенить** **ламо** **сюронъ** **чачома** (В. Коломасов); **Тимофей**, **мекевланг**, **чатъмопицяль**, **кургстонзо** **ве** **берянь** **вал** **кяк** **эзь** **марсе** (А. Доронин).

Свал наречиясь совавтови валрисьмес **кода** союзонтъ вельде. Со-
юзосъ тенъ пингстэ а сюлми совавтозь валонтъ валрисьмень лия пелькст-
нэнь марто ды а тенъ чарькодевитиця ёнкс: **Ломантнень** **эйтэ**, **кода** **свал**,
киньгак **арасель** **мелезэ** **кортамс** **васенцекс** (В. Коломасов);

3) прилагательнойстэ, числительнойстэ ды существительнойстэ тее-
везь наречиятне: **виде**, **видеяк**, **васенцекс**, **омбоцекс**, **примеркс** **ды** **лият**:
Ней **мон**, **виде**, **сёлмовтомо** **карга** **ды** **прок** **стядо** **кулозь** **тумонъ** **сан**
(Ч. Журавлев); **Ликшась**, **видеяк**, **ярс** **алкине**, **ды** **сёксень** **самс** **сонгак**
кенери **касомо** (А. Доронин); **Тесэ** **уш** **зритъ** **кадык** **сетне**, **конатнень**
трявксост **ламо**, **примеркс**, **оно** **минек** **шабрась...** (В. Коломасов);
Васенцекс, **велень** **советс** **кочкамсто** **а** **максомс** **оля** **Салдинэнь** **кон-**
датынэненъ (К. Абрамов);

4) валмельгакс марто ёвтазь:

а) существительнойтэ: **тетянь** **койсэ**, **паро** **койсэ**, **валонзо** **коряс**,
ёвтиеманзо **коряс**, **аванъ** **ладсо** **ды** **лият**: **Тетянь** **койсэ**, **те** — **шканъ**
стяко **ютаавтома** (А. Брыжинский); **Валонзо** **коряс**, **сынст** **велесэ...**
эрьва **семиясь** **кирдъ** **ниле-вете** **алашат** (А. Доронин); **Ёвтиеманзо**
коряс, **зыянось** **теевсь** **апак** **учо...** (В. Коломасов); **Паро** **койсэ**, **ведъ-**
гемень **ниле** **иесэ** **кодамо** **урьвакстома...** (К. Абрамов).

Валмельгаксось сеедьстэ аравтови собственной лемень кандыця суще-
ствительнойтнэненъ, конат невтьсызь лемсэ ёвтазь ломанентъ мелензэ-ар-
семанзо, ёжомарямонзо валрисьмень смустензэ коряс: **Истямо** **кемевикс**
ломанъ, **Яхимень** **койсэ**, **куринкасонтъ** **кяк** **арасель...** (В. Коломасов);
Кузьматянь **койсэ**, **нетъ** **валтнэ** **те** **шкас** **эзть** **таштомомо** (Сятко);

б) местоименият: **монъ** (**тонъ**, **сонзэ**, **минек**, **тынк**, **сынст**) **койсэ**,
койсэнъ, **койсэть**, **койсэнзэ**, **теке** **ладсо**, **истямо** **ладсо**, **лия** **ёндо** **ды**
лият: — **Монъ** **койсэ**, **нетъ** **тевтнеде** **аволь** **тонъ** **превтнесэ** **арсемс**, —
ацирьгадозъ **мерсь** **Яхим** (В. Коломасов); **Эсь** **койсэ**, **сон** **бажась** **тееме**
паро **урьвантень...** (К. Абрамов); **Сон** **а** **яксини**: **лия** **тев** **канды** **лавто-**
вонзо **лангсо**, **ков** **седе** **эрявикс**, **койсэнзэ**, **поки** **ды** **стака** (А. Доронин);

в) числительнойтэ: **вейке** / **ве** **ёндо**, **омбоце** **ёндо**: **Вейке** **ёндо**, **тей-**
тересъ **учось** **вечкевиксэнзэ** **велявтомантъ**, **омбоце** **ёндо**, **те** **мелесъ**
кандъ **сонензэ** **а** **содавикс** **седейризкс** (Сятко). **Ве** **ёндо**, **те**, **паряк**, **а**
беряньгак, **лия** **ёндо**, — **седейс** **пиштикс** (Т. Разгуляева).

62 §. СОВАВТОЗЬ ВАЛСЮЛМАВКСТНЭ

Совавтозь валтнэде баншка, кельсэнть келейстэ вастневить совавтозь глаголонь ды субстантивень валсюрмавкстнэ. Сынст эйсэ кортамонь-меремань, неемань-ваномань смустень кандыця глаголтиненень ды существительнойтненень сюлмавить чарькодевитиця валт. Глаголонь валсюрмавкстнэзэ чарькодевитицяк саевить: наречият, местоименият, существительнойть: *видьстэ меремс, видьстэ ёвтамс, алкукс меремс, лиякс меремс, ве валсо меремс; лангс ваномс, секень вант* ды лият: *Видьстэ ёвтамс, сон вельть налкстась те ломанденть...* (К. Абрамов); *Видьстэ меремс, тенень тувталгак кодамож арасель...* (В. Коломасов); *Локишонь ды цётмаронь азоронтень, лангс ваномс, максат ниленьгеменьшка цеть...* (К. Абрамов); *Кемготово иесэ содылизе эрва кудонь скалонь ловсонть ды вельксэнтэ таистензэ, лиякс меремс, ушодсь совсеме ломанень мацткка* (Сятко); *Те кудось, секень вант, зярд-бути уштневсь трубавтомо каштомс* (К. Абрамов); *Валдаень Кандра анокстась эрва цёранстэнь, лиякс меремс, урвакстозь Гурьянзнь ды од цёракс якиця Антишнень, аволь покш казнеть* (А. Куторкин).

Субстантивень валсюрмавкстнэзэ чарькодевитицяк аравтовить существительнойть, местоименият, конат невтьсызь, кинень кандовить неть валтнэ, мельтне, ёвтамотне, лиясто вельдест ёвтави сонзэ лемезяк: *ялганть ёвтниеманзо / мереманзо / коряс, сонзэ мелензэ коряс, минек арсеманок / меленек / коряс, сонзэ валонзо коряс* ды лият: *Пашат-Ванят ардсть больницянтень, ков, ялганть ёвтниеманзо коряс, ускизь сазоронзо* (А. Доронин); *Прокопычень валонзо коряс, те ульнесь нек паро: истямо летьке сёксесь, васняк, алтась сы центень ламо сюронь чачома...* (В. Коломасов); *Покиштятнень мелест коряс, кеззэрень пингтнестэ венелькскань сярдось пильге кенжтнесэ венист часият верьгелесь* (А. Доронин); *Секе жо вестэнтэ, бабинентэ мереманзо коряс, Петрайнень савсь туюмс кумонь вешнеме* (В. Коломасов).

63 §. СОВАВТОЗЬ ВАЛРИСЬМЕТНЕ

Совавтозь валрисьметне, предикативень юрост лангс ванозь, кандовить кавто прят пельксэнь ды вейке прят пельксэнь валрисьметненень. Совавтозь валрисьметнесэ прят пелькстнэ седе сеедьстэ саевить ськамож, чарькодевитиця валтомо, лиясто совавтовить зяря чарькодевитиця валткак. Чарькодевитиця валтомо кортыцянтэ субъективной мелензэ-арсемаanzo валрисьмесэ ёвтазэнтэ коряс невтевить седе виевстэ.

Совавтозь валрисьметнестэ литературань кортамосонть седе сеедьстэ саевить:

1) кавто прят пельксэнь валрисьметне, конатнесэ подлежащеек ашти местоимения, сказуемоек — полавтневиця глагол, конанень лиясто аравтови чарькодевитиця вал: *Мон арсян, теке лангс эзь прядово сынст кечкеремаст...* (В. Коломасов); *Тон вант, ялаксем, валон илить стуюто...* (В. Коломасов); *...Тесэ, оят, тынсь чарькодъядо, визьксчамас прынь...* (А. Доронин); *Кие соды, паряк, самай сонензэ улемальгак*

Розанень часиякс (А. Доронин); *Кода тон уш содат, мон янксян, мекс туинь сестэ мартонзо* (К. Абрамов);

2) вейке прят пельксэнь глаголонь валрисьметне:

а) содавикс лицянь, конатнесэ прят пельксэсь ёвтави 1-це ды 2-це лицянь вейкенъ ды ламонь числанъ глаголсо: *Ды, арсян, умок уш чарькодевь...* *певтеме вана минек модась* (Д. Надькин); *Ульнестэ, марят, нек умонь шкат, зярд Вармазейканть таркасо аштестэ тушто вирть* (А. Доронин); *Наукась, видьстэ мертяно, нувси...* (Д. Надькин);

б) а содавикс лицянь. Прят пельксэсь эйсэст ёвтави 3-це лицянь ламонь числанъ глаголсо: *Чарькодизе, ёвтнитэ, сон тесэ, мезть кевтне-ундокстнэ кекшинть...* (Д. Надькин); *Арась, кортыть, вейкеяк эрзянь веле, козонь Серафима Люлякина аволь пачколе эсь моронзо марто* (Р. Шанкина).

Совавтозь а содавикс лицянь валрисьметне седе сеедьстэ келейгавтовить чарькодевитиця валсо — существительнойсэ, местоимениясэ ды наречиясэ. Сынст вельде невтеви ёвтазь тевтеманть кандовомазо объектэнтэ ды обстоятельствоанть лангс: *Се атясь, ёвтнестэ сондензэ, ульнесь шумбра ды виевдеяк виев* (Ф. Чесноков); *Следствиясь, кортасть велесэ, прядовсь, чумось муевсь* (К. Абрамов); *Наста пельсь наряджамс од платиясонть, кода мерить, ломанень кортавтомадо* (В. Коломасов);

в) лицянь а невтиця валрисьметне. Прят пельксэкс седе сеедьстэ саевить:

1) 3-це лицянь вейкенъ числанъ глаголт, конат кандыть арсемань, марямонь, неемань, улемань ёнкс ды ёвтавить лицянь а невтиця смустьсэ: *Кода кандовсь зяронь тарка те толнэсь — кияк, арсеви, эзь сода* (А. Доронин); *Сезевсь, маряви, та-кодамо рисьме...* (Д. Надькин); *Прокопыч, неяви, налкстась Егорей шабранть згилямотнеде* (В. Коломасов); *Ардан, лисни, те лашмованть, кись эзганзо, содасынк кодамо...* (А. Доронин). Истят совавтозь лицянь а невтиця валрисьметнес саевить чарькодевитиця валткак. Саемга: *Зина, чевте тарканть лангс мадезь, арсесь, кода тензэ марявьсь, эсь пайстомо эрямодонть* (А. Доронин); *Проходор Андреевич, кода неяви, эсь кортамонзо прядызе истямо ладсо ансяк секень кис, штобу кемевтемс Настань* (В. Коломасов);

2) инфинитивесь, ськамонзо или чарькодевитиця вал марто: *Алкукскак, Яхим кода-бути друк эсь прязно кармась ветямо паро мирдекс или, меремс, истямокс бажась ансяк неавомс* (В. Коломасов); *Чамас сон а кежевель, мезть кенгелемс* (А. Доронин); *Идесь сон, седе виде ули меремс, аволь эсь прязно...* (А. Доронин); *Монь тетямгак, бути тетэ эряви содамс, вестькак сурсо эзимим токше* (Сятко);

3) ютазь шкань пассивень причастият. Сынст эйсэ келейстэ саевить содазь причастиянь формась: *Содазь, ильведевкст, асатыкст кой-кодат зяря ульнестэ* (А. Доронин); *Содазь, ней уш сон кода-бути миктонадсь те эрямонть* (В. Коломасов).

Совавтозь валтнэ, валсюрмавкстнэ ды валрисьметне, сень лангс ванозь, кодамо смусть сын максыть валрисьмесэ ёвтазь арсемаанть, теить зяря кужот:

1) кемекстыть кортыцянтъ кемеманзо ёвтазь арсемантъ коряс. Сынст пингстэ валрисьмесэ ёвтазесь невтеви прок алкуксонь эрямонь явления, события. Тезэ совавтовить: *нама, алкукс, алкуксак, содазь, виде, арсян* ды лият: **Нама**, *умок кулось уш се пинесь* (Д. Надькин); **Алкуксак**, *раужо-сэнъ пелесь ульнесь уш маласо* (К. Абрамов); **Содазь**, *ломань обуцясь аволь лемсэ...* (Д. Надькин); **Виде**, *вечкиця седе-есь ризны-мелявты апак лотксе* (Т. Разгуляева); **Алкуксак**, *кодат ансяк кить эзьт пракшно уцясказонзо* (А. Доронин); **Монень, арсян**, *эрямс ды морамс, киштемс ды тюремс кувать...* (Д. Надькин);

2) пачтить кортыцянтъ мелензэ-арсеманзо, ёжомарямонзо, кавтолдо-манзо валрисьмесэ ёвтазентъ коряс: *натъ, каня, паряк, улема, секень вант, меремс, мерят, неяви, маряви, бульчом*. Саемга: *Пильгесь жо, натъ, пек томбавсь, мик таргозсь* (К. Абрамов); *Кие, каня, истямокс арсизе эрямонть? Мекс вейкенентъ весемесь максови пек шождасто, лиянтень — сельведь марто* (Т. Разгуляева); **Паряк**, *пек казямс келем, пувтни пертьпельксэнтъ вайгелем* (Д. Надькин); *Вечкеманъ ёжомарямом, улема, зседень виев. Секс такаяк тень кандомс истя-мо канстонть* (Т. Разгуляева); *Те кортамось, секень вант, прядо-воль севномасо...* (В. Коломасов); *Аволь веле, мерят, цёканзюрошка ош понгавтовсь Равонть чирезэнзэ* (А. Доронин); *Пакшась, неяви, паро ладсо эзь чарькодеяк, кодамо зыян лиссь* (А. Доронин); *А тонсь, шабра, маряви, косо-бути уш ливчакавтык прят* (В. Коломасов); **Бульчом**, *мелявксонь раужо сулей сумборгавты мазый чамат* (Д. Надькин);

3) невтить кинь-бути мель, арсема, мерама валрисьмесэ ёвтазентъ коряс. Те куронть тейсызь: *келя, монь (тонь, сонзэ, минек, тынк, сынст) койсэ, эсь койсэ, койсэнзэ, мелензэ коряс, валонзо коряс, ёвтнеманзо коряс, кортыть, ёвтнестъ ды лият*. Саемга: *Кенже алдо сардонъ тар-гицядонть, келя, овтоськак а пели* (Ч. Журавлев); **Монь койсэ**, *пак-сясь — сырнень коцт ды ожо курго левксэнь пизэ* (Ч. Журавлев); *Сехте шождыне тевесь, Яхимень койсэ, алашань пансемась, но тезэнь арав-тозельт кавто пакшат* (В. Коломасов); *Тосо, кортасть, улитъ эрьва кодамо тонавтнема таркат* (Ф. Чесноков); *Эсь ёжомарямонь апак невте, кода кортыть, ве ёндо ваноэ, така кортамс ломан-дентъ, кона кассь-кемекстась сельметъ икеле* (Сятко); **Сестэяк, ёвтнисть**, *Вармазейкась нешке пизэкс бизнэсь* (А. Доронин);

4) кортыцянтъ мелезэ ёвтазентъ аравтови кунсолыцянтень (кортыця ялгантень), невтеви сонзэ кармавтомазо, кевкстемазо: *вант, марят, чарь-кодят, несак, неят, содасак, аштек, кемат, кемат ли, простямак, пасиба, инеськетъ ды лият*. Саемга: *Пингетъ ютавтомс ламо куюлос пачкодят. Вант, лиясто пурдават, туят а те кияванть, кува бы эряволь* (Ф. Чесноков); *Сонзэяк, марят, поки мелезэ рамамс велестэ кудо...* (А. Доронин); *Неень тевтнень, тонсь чарькодят, мон а инан...* (Сятко); *Монень, кода содасак, савсь аламс эрямс лия ава марто...* *ледстнемскак бу аволь эряв; Сермадозельт сынъ, кода несак, седей-шкава ды паронь арсезь...* (В. Коломасов); — *Максовлитъ лия орша-мот. Неят, мезть лангсон?* (К. Абрамов); **Аштек**, *молян ютан веле-ва — Ало пева ды Вере пева* (Д. Надькин); — *Ламоксть, кемат ли,*

эстенъ савкинось анокстамс ярсамопель (В. Коломасов); *Ули, про-стямак, ловныцям!* — *вейке седейшкаванъ ялгам* (Д. Надькин);

5) невтить ёвтазь арсемантъ сюлмавоманзо икеле ёвтазь (марязь) арсемантъ марто: *окойники, примеркс, лиякс меремс, ве валсо меремс, истя меремс, ве ёндо, лия ёндо, теке ладсо, истямо ладсо, кода свал ды лият*. Саемга: **Окойники**, *Павел Иванович явовсь така ёжомарямом-неде...* (А. Доронин); **Мелят, примеркс**, *тельня, парсте весе анокста-зель тундонъ видемантень* (В. Коломасов); **Лиякс меремс**, *тонъ лангс ваноэ, монъ эйсэ муци сельмень сявадома* (В. Коломасов); *Кукуруза сынст велесэяк виднестъ, видьстэ меремс, кармавтнестъ виде* (А. Доронин); **Сат, теке ладсо**, *уш аволь чаво зепе марто...* (В. Коломасов); **Ве ёндо**, *сон лаказы лаки, яла тевть капшавты, лия ёндо, топавтозъ тевензэ а неявить* (Сятко); *Кортамось, кода свал, ушо-довсь шумбрачинъ кевкстнемасо* (В. Коломасов);

6) невтить арсемантень молема лувост лангс: *васняяк, мекевланг, васенцекс, омбоцекс* ды седе тов. Саемга: **Васняяк**, *ёвтык миненек, кода понгитъ те тамашантень* (А. Доронин); **Мекевланг**, *Яхим сонсь свал норови седе шождынестэ эрямс нинтъ экисэ* (В. Коломасов); *Азо-рось, кодак сась, васенцекс, апак корта, апак кевкстне, лоткавтызе двигателентъ, омбоцекс, севнызе Петянь ды кармась панеме волость-стэ сыця ломанентъ* (К. Абрамов);

7) лездить максомс онкстамо ёвтазентень, теэмс кувалманзо кемек-стамо. Саемга: **Виде**, *се алянтъ ули башка теишксэзэ: вить чамаумарь-сэнзэ кувака румовкс. Улема, од шкасто локишо алов понгонесь* (А. Доронин); *Ней монень, видеяк, седе шожда* (А. Доронин); *Калошатне, улема, ёкстазельт лангозост ансяк мазынь кис...* (В. Коломасов); **Витьстэ меремс**, *сон те шкас а содасы вечкема ёжонть...* (К. Абра-мов); **Витьстэ ёвтамс**, *тесэ кияк монъ а чарькоди* (В. Коломасов); *Ризксэнтъ марто монськак, мерят, одан* (Д. Надькин).

64 §. ВАЛРИСЬМЕНЬ ПУТОЗЬ ТЕЕВКСТНЭ

Валрисьмесэ путозь теевкстнэ а аштить субъективной модальнойчини невтицякс ды валрисьментъ смустензэ стакалгавтыцякс. Валрисьмень лия пелькстнэстэ сынъ явовить седе покш вайгелень лоткамосо; сынст вельде ансяк келейгавтови прят валрисьментъ смустезэ эрьва кодамо од ёвтамо-со. Аштиндеряйт совавтозъ теевкстнэ прят валрисьмень ушодкссо, пот-со ды песэ, сестэ путозь теевкстнэ аравтовить валрисьментъ потс ды седе чуросто пес. Ёвтамсто валрисьментъ потсо сынъ явовить совавтоманъ вай-гельксэ: вайгелесь аламодо нолдави алов, ды аравтозъ теевксэсь ёвтави седе капшазь, логической вачкодъкс вельде кодамояк пельксэнь апак яво. Сёрмадомсто путозь теевксэсь седе сеедьстэ явови скобкасо, лиясто тире-сэ ды запятойсэ: *Неян ташто лато бокат (сынст вельтямкаст пек-шень керть)*, *эрьянтъ ёжос чувтонъ сока камбраз ладсо стаявтозъ сэрсь* (Д. Надькин).

Путозь теевксэкс эрсить:

а) башка валт: ...*Тарказонзо (теленъ) сась сазорозо — мазыйка*

тундось, конань весе учость паро мельсэ (В. Коломасов); Сынъ (**Зина ды Канаев**) мусть яннэ ды тусть эзганзо (К. Абрамов);

б) кавто ды зярья пелькестэ теезь валсюлмавкст: Сэредицянть марто кортадо сы шкань эрямодо, косо сон (**те ломанесь**) сех эрявикс ды вечкевикс... (Ч. Журавлев);

в) кавто прявт пельксэнь ды вейке прявт пельксэнь валтрисьметь. Юронь пелькстнэ саевить кода чарькодевитиця вал марто, истя и сынстеместкак:

— кавто прявт пельксэнь валтрисьметь: *Од ломантне а явить са- тышка мель сыретненень (шкаст арась)* (Ч. Журавлев); *Лекшес эци виресь якшамодонть (истя сыре чувттинэ ванстыть одонть)* (Ч. Журавлев);

— вейке прявт пельксэнь валтрисьметь: *Ардтинь-пачколинь Суоми масторов (эрямосон васенцеде понгонинь омбо масторов)* (Ч. Журавлев); *Виренть алга сакшныль Рузаевкань депосто слесарь, Фомиш (истя меринек тензэ)* (С. Платонов) — содавикс лицянь валтрись- меть; *Олён бабань кавонест цёранзо — вишка ды покш Кузятне (эр- зянъ покш семиятнесэ эйкакштнэнь натой вейкетьстэ лем- дякшныльть)* — войнасто эзть велявто (Сятко) — а содавикс ли- цянъ; *Авазо эзь карма эйкакшонть мурнеме (кода сеedyстэ эрси ли- якс!)*, мекевлан, сон весемесэ бажась сельведьпотсо цёрынэнзэ оймав- томо (Сятко) — лицянь а невитиця;

г) стакалгавтозь валтрисьметь, косо предикативень пелькстнэ сюлма- вить эсь ютковаст (аволь кандовомань-аравтомань (сочинениянь) ды кан- довомань-аравтомань (подчинениянь) союз вельде ды союзтомо: *Вана, мери, те журналсонть сонзэ ланга цела ёвтнема печатазь (те жур- налось ней монь кедьсэ, ды мон сонзэ тонеть кучса неть сёр- матнень марто)* (В. Коломасов).

Путозь теевктнэ прявт валтрисьментень аравтовить:

1) союзтомо: *Ютась лов чама умарень пачк (лембе валтомо эрямсто кельминь)* (Ч. Журавлев); *Но те шкастонть совась сынст шабрась Каргин атя, Ефрем Прокофьевич (велесэнтэ сонензэ ме- рить тетя лемсэ — Прокопыч)* (В. Коломасов);

2) аволь кандовомань-аравтомань (сочинениянь) союз вельде: *Мон ёвтан уцяскантень сюкпря сень кис (ды аволь ансяк мон, монь шка- ва ламо лиятнеяк)*, мекс эрямосон ульнесь алкуксонь литература (В. Демин);

3) кандовомань-аравтомань (подчинениянь) союз вельде: *Сюкпря тенк! Эзинь ёма (прок чуварс ведь). Моряця валсо седейст седейс мон ветян сэдъ* (Ч. Журавлев); *А стувтови нартемкс чинесь (хоть ютась од порань шкась)*, кизэнь пачк вастомон чиить, ковань подков ко- зонь прась (А. Сульдина); *Комсь иеть теде икеле, те порава, вензэ лангс фронтсто сась (што маштызь лелять) виень саи конёв панкс* (А. Эскин);

4) союзонь вал вельде: *Наста хоть содылизе мирденть (киненъ жо лияненъ содамс!)*, но те разонть кемсь тензэ... (В. Коломасов); *Васенцеде неитинь ульясто (мезть неят, бути чопода весь?)*, ансяк вайгелеть гайгсь чоподастонть (А. Эскин); *Войнантень савсь*

минек од порась (зяро сельведть сестэ валовсть!), зярдэ цёры- ненть ловсть покш цёракс, кудосо азоркс сонзэ ловсть (С. Платонов); *Кизна степстэ кочкан кавал тикшетъ (зярдояк тон истят эзить некине)* (С. Платонов).

Кандовомань-аравтомань союзонть ды союзонь валонть пингстэ пу- тозь теевксэсь малавгавтови кандовомань-аравтомань валтрисьмень кандо- виця пельксэнтэ марто, явови жо сеньсэ, мекс сон а совавтови прявт валтрисьменть структурас ды канды ансяк валтрисьмесэ ёвтазенть коряс од пачтямонь смусть;

5) мелень-арсемань невитиця совавтозь вал вельде: *Те валонть эйстэ (содазь, паряк, ансяк минек кельсэнтэ) теевсть дия валткак* (В. Коломасов); *Паро тейтерь тень сакшны ды лезды: шлясы кияксом, совавты пенгть... ды тонь портреткенть лангс яла ваны (монень марявы, вехктызат сон)* (Ч. Журавлев).

Путозь теевктнэ смустень коряс кандыть эрва кодат од пачтямонь ёнкст:

1) невитить предметэнтэ, лицянть, конадо кортави валтрисьмесэнтэ, кодаткак ёнксонзо: *Ней уш кемияк атясь ансяк тейтерензэ лангс: чияв- тсы Максимненъ (цёрась сэтме, тевень вечкиця, а калавтсы юртонь пизэнтэ)* (С. Платонов); *Течияк тон, покштяй, тенек тун- донь кошт (лембе, ванькс ды валдо)* (Ч. Журавлев); *Александр Шеглов (коцькерган судозо ватказь пильгесерькакс неавсь) верь- га вайгельть мурнесь сёрмадыцянтэ* (А. Доронин);

2) чарькодевитиць валтрисьменть или сонзэ пельксэнь смустенть: *Тедэ башка, эрва бригадантень полдамс кавто центнерт почт (пря- какс — товсюронь, брагакс — розень)* (В. Коломасов); *Меельце шкасто сон кармась сёрмадомо валмеревкст, пурька стихть (кавто, ниле, кото строчкат)*, косо домка философиясь кеместэ сюлмазь психологиянтэ марто (А. Арапов); *Маней чись (пиземеде мейле), потмура чись (пиземеде икеле) зярдояк а налкстыть* (Ч. Журав- лев);

3) пачтить валтрисьмесэ ёвтазенть кодамоаяк од мель, арсема: *Лиянь покордамо мельть зярдояк арасельть Филиппыченъ псеedyкинешатнесэ- як. (Улевельгак лиякс, секень вант, кияк аволь сакшно тензэ эсь мелявксонзо-сэредьксэнзэ марто. Сонензэ сакшность секе тев. Ды зярдэ кулось, калмасть эйсэнзэ аволь веленек — рай- оннэк, истя ламонень малавиксэль)* (В. Демин); *Кепедик прыцянтэ, сыргавтык стицянтэ, ды таго тонь седеесь морамо карми (Тонсь чарь- кодьсак: моряцясь берянтень калми)* (Ч. Журавлев); *Мон верьге- динь тол (паргинесэнтэ толверьгедемадне кадовсть пек ала- мо), кирвазтия сандеень сельгентэ ды ушодынъ вешнеме совамо тар- канть* (Сятко);

4) панжितь тувталонть, конань пингстэ тееви прявт валтрисьмесэ ёв- тазь тевтеемась, улема-аштемачи: *Варманть ало тумось модас коми (Чувтось канды сёксъканть сырненъ канст)*. Ливча рунгось а сиви, а ёми: сон од сэрят канды пандонть лангс (Ч. Журавлев); *Верце чалгамонтень пильгеть а кепедеви (кузтеманть куншкасо каво- нест лазтнэ наксадсть-каладсть)* (Сятко); *Ды течимс Ало пень*

кунишкасонть пичень сэрей кудось вальмавтомо, кенкштите (**сынъ апак керя**) (А. Доронин);

5) савенить витевксэнь невтемань туртов валрисьмесэ ёвтазенить коряс: Теде икеле... сон кенерсь прядомо Свердловскойсэ (**ней — Екатеринбург**) Уралонь госуниверситетэнь журналистикань факультетэнь (В. Демин); Сынст нуцкати неде ульнест кемгавтово, весе сынъ чачозельть мирденень максоэ тейтертненъ пельде (**Прокопычень арасельть цёранзо**) (В. Коломасов);

6) пачтить кортыцянь мелензэ-арсеманзо, ёжомарямонзо прявт валрисьмесэ ёвтазденить:

а) ёвтаз арсеманть кемекстамонзо: Минек велень вейке цёра Маня марто чокиненъ пора (**Мон монськак некишинъ а вестъ**) садонть потмова яксестъ (А. Эскин); Нетъ валтнэ, нама, пек тустъ атянть мельс (**те неявсь чамастонзояк**) (С. Платонов);

б) питненъ максоманзо: Монень мерильть Каргонь сёлмо (**мазыель лемесь!**) (Ч. Журавлев); Ажия ды чаро — ине ули-паро саиль велень атясь кувака ки лангс... (**Ки лангс саезь чарось — сехте питней канст**) (Ч. Журавлев);

в) ацирьгадоманзо: Ды алкуксак, Эрзя ламос кенерсь! Совадоя Сычковонь галереяс (**Мекс аволь Эрзянь?!**). Кодат ансяк ават тосто а неят (Д. Надькин); Авазо эзъ карма эйкакшонть мурнеме (**кода сеедьстэ эрси лиякс!**) ... (Сятко);

г) дивамонзо, абунгадоманзо: Келянь куля марявсь (**кемемс, арась тенень?**), буто Филиянь Даря аноксты мирденень (С. Платонов); Прасонзо чертне артозельть чопода-якстере тюссо (**зярдо кенерсь?!**) (Сятко);

д) превс путоманзо, кармавтоманзо: Содавлитькак, кият монень тон?... (**Пек энялдан, валон илить сялдо**). Тон, монъ койсэ, сехте маней он, ды пиземечирьке ало валдо (Ч. Журавлев); Энгамт, тякинем, полавтык кинть (**Сон тетъ а лезды куземе верев**)... (Ч. Журавлев).

Эсь мелень, ёжомарямонь невтемань смустесь путозъ теевкснэсэ седеяк виевгавтово совавтозъ валонъ ды совавтозъ валсюлмавксонъ саема-со: Мон больницясо ёжос сынъ. Ульнест тапарязъ бинтсэ кедем (**Ки лангсо, натъ, кельмевтинъ сынст...**) (С. Платонов); Книгась эрявикс, лезэв, мазый, ды мечи а берянь улелель нолдамс сонзэ одскак (**нама, витнемадо мейле**) (Сятко); ...Текенъ эряви ёвтамс повестентъ коряскак (**бульчом, седе виде, паряк, улелель лемдямс сонзэ лириканы ледстнемакс**) (Сятко).

ПШКАДЕМАСЬ

65 §. ПШКАДЕМАДО ЧАРЬКОДЕМАСЬ

Пшкадемась — те вал или валсюлмавкс, конасо ёвтави се, кипень/мезпень аравтови кортамось. Сонзэ эрявикс ёпксозо — кармавтомс каршо кортыцянь (собеседникеить) кунсолормс, явомс мель сепень, мезде моли кортамось, ды секс пшкадемакс сеедьстэ эрсить ломапень лемтне, фамилиятне, роднянь-раськенъ лемтне. Литературанъ тексттнэсэ пшкадемакс эрсить ракшапъ ды оймевтеме предметэнь лемтнеяк.

Пшкадемась аштекиши валрисьменъ эйстэ башка или сови эйзэнзэ: аравтови эрва кодамо таркас — ушодксос, куншкас, пес: **Бабай, косот сокстнэ, пандо пряв молян сокссо киякстнеме** (А. Доронин); **Икелев содынъ, атя, банясь мельзэть а туи** (К. Абрамов); — **Тон аволь вирьстэ менить, ведун бабанъ нуцъка?** (А. Доронин); **Курка лисьма! Кадовт пингедэ пингес шумбрачинъ ды мазычинъ казницякс!** (Ч. Журавлев).

Валрисьмес совамсто, пшкадемась а сюлмави валрисьменъ пелькстнэнь марто ды а топавты синтаксисэнь тев.

Кортамосо пшкадемась ёвтави тердема ёнов молиция вайгельксэ (интонациясо) башка ёжомарямо вельде, кона сюлмави пшкадеманть валрисьмесэ аштема тарканзо марто.

Валрисьменъ башка аштиця пшкадемась ёвтави седе виев тердеманъ вайгельксэ: **Эрзянь ломанть! Пурнавтано раськенъ од толпандянтъ перька ды вейсэ серьгедьсынек кезэрень пингень ды од моронок!** (Ч. Журавлев). Истят пшкадема тне ютыть башка валрисьмес, конатненъ ловить вокативнойкс. Саемга: **Ах, лёмзеркайтъ, тынь лёмзеркст! Аволь курот — тундонъ ёвкст** (А. Мартынов); **Тиринь мода! Верем налксеэз налкси виев чудикерьксэкс санган** (Н. Ишуткин). Сыпъ стакалгавтозъ функциянь коряс, сюпавт ёжомарямонъ эрва кодамо тюссо. Вельдест предметэсь или лицясь аволь ансяк лемдеви, но и невтеви сонзэ ёжомарямонъ тюсозояк: кенярдома, тапдадома, энялдома.

Валрисьменъ ушодкссо аштиця пшкадеманть ёвтамсто вайгельксэсь седе лавшо: **Эйкашит, садо монъ ваксс, ванан пекенк вачсть** (Ч. Журавлев); — **Тимофей Иванович, мон тонеть сынъ, — мерсь Яхим** (В. Коломасов).

Валрисьменъ куншкасо пшкадемась ёвтави аволь кувака лоткамо (пауза) марто, мереви кутоксто, лавшомозъ вайгельсэ: **Тон, нуцъкинем, тонавтнек каштомонъ уштомом авать пельде** (К. Абрамов); **Зярдо, ялгай, те залонтень соват, вановтот ёвксонъ ашочитень ойми** (И. Калинин).

Валрисьменъ песэ аштиця пшкадемась ёвтави лавшо тердема вай-

гелькс марто: — *Потмось чаво, Акай. Эряволь пештемс* (К. Абрамов); *А содан, Роза, а содан, кочкодыкем* (А. Доронин).

Аштиндеряй пшкадемань серьгедемань ды кевкстемань валрисьмень песс, сестэ сон ёвтави виевгавтозь вайгелень вачкодема марто. Саемга: — *Те тондеть кортан, Куторкин!* (А. Доронин); *Но весь, цёра! Кодамо весь! Удома ли тесэ!* (А. Щеглов).

Аштиндеряй пшкадемань валрисьмесь мельга-мельцек, сестэ сын ёвтавить ловомань вайгелькс марто, кона малавикс тердемань вайгельксэнтень: — *Эх, уцяска, уцяска, — олгосо сорязь кинть трокс юта-мсто весе седейсэнзэ кувсесь верьгизэсь* (А. Доронин); *Ялакст, сазорт, патят, вейкенк-вейкенк туртов тынь лездедо, тынь!* (Ч. Журавлев); *Ой, вирне, вирне, вирь сельмевтеме, эйдеть зярошка — цётось певтеме* (А. Рогожин).

Валрисьметне, конатнес совавтовить пшкадемань, сеедьстэ эрсить серьгедемань-тердемань ды кевкстемань; те секс, мекс сынст эйсэ улезь пшкадемань невтезь лицась или предметсь кармавтови тевень тееме или кевкстемань лангс каршо валонь максомо. Саемга: *Парсте кунсолодо, покитят!* Сялгик валон удемезэнк, кеме превекс эстенк саинк! (В. Радаев); *Ков тон, Серьга?.. — кепедизе тодовонть лангсто пряно Охима* (П. Кириллов).

66 §. ПШКАДЕМАНТЬ ЁВТАМОЗО

Кортамосо пшкадеманть ёвтамсто тевс нолдавить лексикань ды морфологиянь эрва кодат ёнкст. Сеедьстэ пшкадемань ёвтавить аволь невтемачинь полавтнемань номинативсэ вейкень ды ламонь числань формасо аштиця существительнойсэ — те ломанень — а ломанень, роднянь-раськенень, профессиянь лемть: *Тон, Марфа, иля эцне нереть, зардо кортыть цёра ломанть, — прась валонзо трокс Бурнаев* (К. Абрамов); *Урьва, човак позантень медь, монгак симан, — мерсь Мурзанизэ*. (К. Абрамов); *Витькстак, Сура, эдь тон паксят симдят, тонеть кемить ломантне* (А. Доронин); *Вай, иля пува, варма* (С. Люлякина); *Цёрат, мезть илядо бася, мон сонзэ марто согласян* (А. Куторкин); *Кунсолан, лейтенант ялгай, — мерсь Лукьянов ды кармась сокормо сумкасонзо* (П. Прохоров);

Лиясто вастневить существительной азорксчинь полавтнемань формасояк: *Эрси арсемань пачк, тонь, цёрам, неян* (С. Люлякина); *Вай, мастор, мастором, — родной монь авам* (И. Кривошеев).

Пшкадемань сеедьстэ ёвтави вокативень форматнесэ. Сынст теемстэ тевс нолдавить *-й, -кай* суффикстнэ, конатне эрсить раськенень лемтнесэ: — *Мекс, леляй, истя вастык те кулянт?* (К. Абрамов); *Тон сондензэ, авай, зардоак иля ледстне* (А. Доронин); — *Э - э, оякай, веденть мон кандтян, зардо народсь улы* (А. Доронин); *Листья, патяй, листья, мон ускинь тенть, патякай, раужо палян кациа ломань* (М. Евсеев).

Фольклорсо *-й, -кай* суффикстнэ саевить ракшань лемтнесэяк, конатненень максовить ломанень ёнкст: — *Ривезькайне, мекс авардят? Ме-*

зень кисэ истя тардят? (С. Люлякина); *Вай, Сеелькай, лавшомить. Паряк, вельть уш вачомить* (С. Люлякина).

Пшкадеманть невтеманть туртов тевс нолдавить валсюмавкст, косо прявт валокс ашти существительнойсэ — лемесь или предметсь, кинень аравтови кортамось, а чарькодевшиякс сасвить эрва кодат определений. Истят пшкадемань лововить келейгавтозекс: *Кода тезень понгить, мазый кудряв каль?* (С. Люлякина); *Сестэ, эрзянь ава, пейк эй-какшичизень сыця зыянт?* (И. Калинкин); *Пиже вирне, мазый вирне, мекс нусманят?* (А. Лукьянов).

Келейгавтозь пшкадемань эрсить сезезь вейкест-вейкест эйстэ. Саемга: *Паро ялгинем, сырнень покольнем, пек уш тошнаинь кисеть, седейнем* (С. Люлякина); *Адя, паро ялгинем, каванятан, сяткинем* (С. Люлякина).

Лиясто келейгавтозь пшкадемань эрсить пек келейть ды кармить улеме валрисьмень смустень кандыцякс: *Вечкень ялгинем, мазый ду-гинем, седей мелявксом, салавань ризксэм! Мартот явомсто ка-зян пачине, эсэн ледстнемга чамань нардамне* (Р. Кемайкина).

Келейгавтозь пшкадемань ёвтавшиньгь приложениянь сюлмавкс марто: *Пиже вирне — нармуень мастор, цёковось пей мель тетя а яви* (И. Калинкин); *Прощай, тундыне, иень мазый шка* (А. Рогожин); *Эх, од пора, мазый моро, — тундонь зорякс свал монь эйсэ* (А. Арапов).

Пшкадемакс сайневить существительной смустьсэ сасзь лия кортамо пельксткак: *Ёвтакая, сёрмавие, мекс сельметь мейгенерть?* (С. Люлякина); *Эй, кавто сурсо чекиця, тесэжк тонавтат!* (А. Доронин); — *Сестэ энэ сыркак, сюлавчинь кастыця. Пелян, мейле сюдомо эйсэнь аволить карма, — апаркстомозь пшкадсь каршонзо тей-тересь* (А. Доронин); *Эй, тосо удалцетие!* — *ранги Чигирев, — мезень базар кепедиде* (В. Коломасов).

Пшкадеманть прявт тевезэ — кармавтомс кунсолыцянь или ловныцянь явомо седе покш мель ёвтазентень. Тень кисэ пшкадемань ёвтамсто саевить стилистикань эрва кодат кедьёнкст. Истя, поэтической произведенийсо кортамонтень покш ёжомарямо максы пшкадема а эрикс лемтненень или арсевиця лицятненень. Истямокс сеедьстэ саевить пертьпельксэнь отвлеченной чарькодемань лемть, явления, конатненень максовить ломанень ёнкст. Саемга: *Горниповт, горниповт, мезде арсятадо? Чинек-венек тундонь моронк моратадо* (Н. Эркай). *Тень кисэ простямак, Толканонь вирне, — эрзянь величень певтеме сырне!* (Ч. Журавлев); *Пиже луга, цецяв луга, мекс тон нусманят?* (Н. Эркай). Экспрессия ды ёжомарямо поэтической произведениясь кандыть пшкадемань-метафоратне. Саемга: *Сёксень ривезь, тонь сырнень мазый черет ули мелем токамс пек чевтестэ* (Т. Мокшанова); *Сюкпря тонеть, эрзянь мазый мастор!* (А. Рогожин).

Ёжомарямонь виевгавтомань кисэ пшкадемань ёвтавить зярыяксть или саевить синоним марто. Саемга: — *Килейне, килейне, ютась-арась тия монь лембе седейнем?* (С. Люлякина); *Пиземне, пиземне, сака тон тей! Тейтя латконтень килейне лей* (И. Кривошеев); *Адыдо,*

ялган, адыдо, дуган, адыдо, ялгинень-оинень, остатка вень печтямо (М. Евсеев).

Пшкадеманть вельде кортыцясь невьсы эсь мелензэ сенень, кинень алтави кортамось, максы онкстамо кортамонть, невти кортыцянь ва-новтонзо кунсолыцянтень. Тень кисэ пшкадеманть ёвтамсто саевить лек-сикань ды морфологиянь кедьёнкст. Истя, саемга, келейстэ нолдавить валтнэ-пейоративтне. Сынь эрсить кода паро, истя и берянь ёнксонь не-втицят: *Да, лембе сяткинем, од тейтерькс тонь эзидизь жаля те-тят-ават* (А. Куторкин); *Эх, азарць курго, ве преветь арась, авать* яла жалят, *чаво пря* (А. Доронин); *Эй, бояронь киска, лоткак* (А. Куторкин).

Пшкадеманть вельде кунсолыцянтень онкстамонь максомо лездыть *-не/-нэ, -ка, -ке, -гарь, -гун* валтенця суффикстнэ: *Баславамака, пингень ялгинем, тон ильтямака, чевте седейнем, маримизьга тынь, тиринь тетинем, чи валдынем монь, вечкень авинем!* (С. Люлякина); *Пешкединь, полгарь, тонь леззедеть, чийтая тестэ* (А. Доронин).

Ёжомарямонь виевгавтомань кисэ пшкадеманть икеле сеедьстэ ёвта-вить междометият: *Вай, авакай-корьмакай, кадык уш ськамон тур-тов чави* (А. Доронин); — *Эх, уцяска, уцяска, — олгсо сорязь кинть* трокс ютамсто *весе седейсэнзэ кувсезевсь верьгиззсь* (А. Доронин).

СТАКАЛГАВТОЗЬ ВАЛРИСЬМЕСЬ

67 §. СТАКАЛГАВТОЗЬ ВАЛРИСЬМЕДЕ ЧАРЬКОДЕМАСЬ

Стакалгавтозекс ловови истямо валрисьмесь, козонь сюлмавить кав-то или зярья предикативень лувт, конат теить смустень, теевемань ды вайгельксэнь коряс вейсэндявкс. Стакалгавтозь валрисьмень грамматикань башка ёнксонзо истят: 1) эрьвась сонзэ пельксэнзэ эйстэ тееви апак стакалгавто валрисьмень схеманть коряс ды кирди предикативностень ёнксонзо; 2) стакалгавтозь валрисьметнень пелькстнэнь сюлмавомась теи смустень ды структурань вейкетьксчи.

Стакалгавтозь валрисьметнень предикативень пельксэст ды башка апак стакалгавто валрисьметне явовить вейкест-вейкест эйстэ, сень лангс апак вано, мекс формань коряс молить ве ёнов. Стакалгавтозь валрисьмень пелькстнэсэ арась прядовомань вайгелькс, башка апак стакалгавто валрисьметнесэ ули. Стакалгавтозь валрисьмень пелькстнэ сюлмавить аволь кода понгсь. Сынст теемстэ тевс нолдавить апак стакалгавтозь валрисьмень ёнкстнэнь мельсэ кирдэз. Апак стакалгавто валрисьметнень стакалгавтознень теемстэ предикативностест ванстови. Лисни, структура ёндо стакалгавтозь валрисьмесь явови апак стакалгавтозентэ эйстэ васняк кавто или зярья предикативень лувонь улемасо. Апак стакалгавто валрисьмесэнтэ свал ансяк вейке предикативень лув.

Апак стакалгавто ды стакалгавтозь валрисьметне явовить грамматикань прявтонь смустест коряскак: васенцетнесэ те предикативностесь, омбоцетнесэ пелькстнэнь ютксо смустень ды структурань кандовоматне, конат сюлмавить башка пелькстнэнь модальностень ды шкань ёнкстнэнь вейсэнь тевест марто. Стакалгавтозь валрисьметнень ёнксост невтемга, куро-ва сынст явномга эряви мельсэ кирдемс смустест ды структураст: пелькстнэнь ютксо синтаксисэнь сюлмавомась ды сонзэ невтемапельтне; пелькстнэнь ламочист, секс мекс те невтеви стакалгавтозь валрисьмень смустень ды структурань ёнкссонзо; пелькстнэнь аштемань лувост (свалшкань или полавтневиця); пелькстнэнь лексика ёндо пештемань башка ёнкстнэ.

Стакалгавтозь валрисьмень кода полипредикативной вейсэндявксонть теевемань башка ёнксонзо лангс ванозь полавтови сонзэ башка пельксэнзэ потсо валонь молема лувоськак, пелькстнэнь пештемаськак (пешксе или аволь), омбоце пельксэнтэ толковамонь валонь улемаськак. Саемга: *Паксясь учи сокицят-видицят, виресь керият, сандицят* (К. Абрамов). Омбоце пельксэнтэ сказуемоесь нолдазь. *Комбайнань бункерэсь пешксель зёрнадо, ды секс Гриша комбайнанть лоткавтызе* (К. Абрамов). Валрисьмень омбоце пельксэнтэ ули толковамонь вал. Пелькстнэ смустень коряс кандовить вейке омбоценень. Валонь молема лувоськак валрисьмесэнтэ колазь.

Апак стакалгавто ды стакалгавтозъ валрисъметнень структураст а молить ве ёнов: апак стакалгавто валрисъмесэнтъ вейке предикативень лув, стакалгавтозъ валрисъмесэнтъ — кавто ды седе ламо. Апак стакалгавто валрисъмесь тееви валсто ды валсюлмавокссто, стакалгавтозесъ апак стакалгавто валрисъместъ, конат или а полавтневить, или полавтневить стакалгавтозъ валрисъметнень потс совавтозъ.

68 §. СТАКАЛГАВТОЗЪ ВАЛРИСЪМЕТНЕНЬ КУРОВА ЯВНОМАСЬ

Стакалгавтозъ валрисъметнень пельксэст сюлмавкшныть: 1) союз ды союзонъ вал вельде; 2) союзтомо ды союзонъ валтомо, ансяк вайгельксэнь ды сказуемоень форматнень сюлмавоманть-кандовоманть вельде. Тень лангс ванозъ явовать союз марто ды союзтомо стакалгавтозъ валрисъметъ. Саемга: *Курок Волховонть чирес калонь кундсицятнеяк веръгем-тизь стувтозъ толпандяст, ды алкине, чиньжарамонь видьмексэкс пeverдезь Новгород ошонь кудынетне, мерят, ве шкасто сыргозсть, трубатниестъ удомасо петъкедезь коштонть лыхадевсть телень ойме коштокс качамот* (А. Доронин); *Сы, сы се шкась, зярдо ёртсынзе пургсиця толкунонзо монастырентъ пильге пес, корми шлямост ожочовсо* (А. Доронин); *Атинесь вестъ-кавксть никтясь келей судоварсонзо ды кадовсь мельпаросо: коштось качадсь пичеойсэ ды килей пургондавкссо* (А. Доронин).

Союз ды союзонъ вал мартотне явовать кавтов сень лангс ванозъ, кодат союзт ды союзонъ валт нолдавить тевс пелькстнэнь сюлмамга: 1) аволь кандовомань-аравтомань стакалгавтозъ валрисъметъ, косо пелькстнэ сюлмавить аволь кандовомань-аравтомань союз вельде; 2) кандовомань-аравтомань стакалгавтозъ валрисъметъ, косо пелькстнэ сюлмавить кандовомань-аравтомань союз ды союзонъ вал вельде.

Неть кавто кужонъ валрисъметне явовать васняк аволь кандовомань-аравтомань (сочинениянь) ды кандовомань-аравтомань (подчинениянь) союзтнэнь синтаксисэнь аволь вейкетъ тевест коряс. Теде башка, аволь кандовомань-аравтомань пингстэ валрисъмень пелькстнэ смустень ды синтаксисэнь ёндо эрсить вейкетъ. Кандовомань-аравтомань пингстэ вейке пельксэс смустень ды синтаксисэнь ёндо эрси прявтонъ, а омбоцесь сонензэ кандовиця. Саемга: *Туевель (Яхим) таго ков-бути, кошксензэяк уш анокт ки лангс* (В. Коломасов); *Вовка кармась кедькстнэнь-кумбратнень ваньскавтомо, а Сева ванномо покш сурксонть эйсэ* (А. Щеглов); *Тезень кадовить яланзо ды Мазярго, кона прямо пильгс казнилъ эйсэнзэ виздиця вановтсо* (А. Доронин); *Тикшай церьковань книгат кедьс эзь сайнекине ды эзь сода, мезень кисэ тень владыкась ёвтызе* (А. Доронин).

Васенце ды омбоце валрисъметне аволь кандовомань-аравтомань. Сынст эрва пельксэст эсест тевест ды синтаксис ёндо а кандовить лиянть. Пелькстнэнь аштема таркаст полавтови смустень ды структурань апак кола. Колмоце ды нилеце валрисъметне кандовомань-аравтомань. Сынст омбоце пельксэст кандовиця ды синтаксис ёндо аравтови васенце пельксэнтень.

Ялатеке неть ёвтазъ ёнкстнэ неявить ансяк лангс ванозъ. Сеедьстэ аволь кандовомань-аравтомань стакалгавтозъ валрисъметнесэ пелькстнэ эрсить смустень коряс аволь вейкетъ. Сынст сюлмавомась невтеви пелькстнэнь молемань лувсо, сынст структураст вейкетъксчисэ, вайгелькссэ, глаголтнэнь-сказуемойтнень грамматикань формасо, лексикань невтемапельсэ, омбоце пельксэнтъ аволь пешкесчисэ ды лиясо. Саемга: *Тикше марто ветелесь ней седеяк сеедьстэ кармась кузине стоганть пряс, ды Яхимнень седеяк эрзасто савсь чийнемс-чопавтнемс тикшенъ ланга* (В. Коломасов); *Локшокс понсевлизе бу доманентъ, ансяк виезэ а саты* (А. Куторкин); *Сон (Яхим) ещё бу ёвтаволь кой-мезе истямо ладсо, но те шкастонть кудыкельде каятотсь Ксюшань содавикс вайгелесь: «Можна совамс?»* (В. Коломасов).

Лия ёндо, кандовомань-аравтомань стакалгавтозъ валрисъметнень пелькстнэ аволь ансяк кандовить-аравтовить вейкс омбоценень, сеедьстэ мик сюлмавить вейкест-вейкест марто. Саемга: *Инжеватонь калмизь се тарканть, косо сваликань оймсемасо удость тетянзо-аванзо* (А. Доронин); *Зярдо Чукал лелясь мерсь, мекс мартост Тикшаень саизь, владыканть сельмензэ мизолгадсть* (А. Доронин); *Эрванть мештьсэ палсь се, мезесь тердинзе од кинть покшось ды вишкась вейс путозесь, конанть эрзась икелев сыргавтомс, теэмс церьковань коекс* (А. Доронин).

Неть валрисъметнесэ кандовиця ды прявт пелькстнэ ськамост а савить, сын вешить вейке омбоценъ улеманть. Васенце валрисъмесэнтъ те сюлмавозь лексикань-синтаксисэнь ёнкстнэнь марто, омбоцесэнтъ васенце пельксэнь глаголосъ веши смустень келейгавтома ды домкалгавтома, колмоце валрисъментъ васенце пельксэнзэ ули вал-конкретизатор (невтиця местоимения), конанъ эряви толковамс омбоце пельксэнтъ. Истя жо эрви тешкстамс вайгельксэнтъ лезнзэ, кона сюлми кандовомань-аравтомань валрисъметнень пелькстнэнь эсь юткова.

69 §. СТАКАЛГАВТОЗЪ ВАЛРИСЪМЕНЬ ПЕЛЬКСТНЭНЬ ЮТКСО СИНТАКСИСЭНЬ СЮЛМАВОМАТНЕНЬ-КАНДОВОМАТНЕНЬ НЕВТЕМАПЕЛЬТНЕ

Смустень ды синтаксисэнь сюлмавоматне-кандовоматне стакалгавтозъ валрисъмень пелькстнэнь ютксо пачтявить истямо невтемапельсэ: 1) союзсо; 2) союзонъ валсо; 3) пелькстнэнь молемань лувсо; 4) вайгелькссэ.

Союзтнэнь вельде сюлмавить кода аволь кандовомань-аравтомань валрисъмень пелькстнэ, истя кандовомань-аравтомансетненьгак. Аволь кандовомань-аравтоманть пингстэ союзтнэ аштить пелькстнэнь сюлмавомань прявтонъ невтемапелекс. Истят валрисъметнесэ тевс нолдавить аволь кандовомань-аравтомань союзтнэ. Саемга: *Эсь сельмукишонзо пачк ваннозъ, сон вешнесь крёстной цёранть, но тона уш кенерсь лисеме кудостонть* (В. Коломасов); *Анися хropaдиксэлизе Микулонь уш колмоцеде, ды неть валтнэ керизь кедь виензэ* (А. Куторкин); *Весё бригадась роботы, а бригадирэсь, значит, те шкастонть вансты повариханть* (В. Коломасов).

Союз вельде кандовоманть-аравтоманть пингстэ сюлмавомась юты кандовомань-аравтомань союз вельде. Саемга: *Те превей монахонт сон кучнизе Иерусалимев Христосонь калмолангсто кевень усомо ды ванномо, кода тосо нолдавить церьковань книгатне* (А. Доронин); Ютазь иетне велясть прясонзо мекш велекс, **теке** тонат пунсестэ эйсэнзэ, мезденть сэредькст эзь маря, а вана седеезэ потязь потязевсь (А. Доронин); Татьяна Михайловнаны эйс истя кияк эзь пецекшне, **секс** кеждязь сон ёртсь: «Ютак, ютак вакскап, мон мунямот-манчемат а вечкан» (А. Доронин).

Кандовоманть-аравтоманть пингстэ пелькстнэнь сюлмицякс истя жо кармить улеме **союзной ды кевкстемань-кандовомань местоимениянь валтнэ**, конатне валрисьмесэ топавтыть синтаксисэнь тев. Саемга: Ансяк Афанасий Ордын-Нащокин, **кинь** икелеяк содылизэ, кедензэ сювордызе ды озась «*вить кедь бояронть*» удалов кунсолото (А. Доронин); Домка латксонть, **косо** неяви сэдень макишов палманть, комсешка цёра узерьсэ керясть эй (А. Доронин); Ансяк инязорось парсте содыль, **кодамо** сэрьс сенксесь кузекини ды кодамо *виов сёлмо вачкодкссэзэ* (А. Доронин). Васенце валрисьмесэнтэ союзонь валось ули дополнениякс, омбоцесэнтэ обстоятельствакс, колмоцесэнтэ определениякс.

Вайгельксэсь, васняк, сюлми вейс стакалгавтозь валрисьметнень пельксэст, секс мекс башка пелькстнэнь арась эсест вайгельксэнь прядомаст. Те кандови стакалгавтозь валрисьмень весе куротненень. Саемга: *Сынст вельде те кулясь пачкодсь базарной площадентень, ды тона сеске чамсь* (П. Кириллов); *Ломань келесь ловажавтомо, сон эрва мезде лаборды* (А. Доронин).

Весе неть стакалгавтозь валрисьметнень пельксэст ютксо арась вайгельень валгстома, кона эрси апак стакалгавто ёвнемань валрисьметнесэ.

Вайгельксэсь зардо-зардо яви валрисьметнень смустень коряс ды не-вти сынст смустень курост. Саемга: а) *Прядсак тонавтнеманть, кармат важдоде* вейкеть пелькс марто апак стакалгавто валрисьмесэнтэ вайгельксэсь мельга-мельцек молемань; б) *Прядсак тонавтнеманть, кармат важдоде* союзтомо стакалгавтозь валрисьмесэнтэ шкань кандовоматне невтевить истя жо вайгельксэнтэ вельде.

Пелькстнэнь молемань лувось стакалгавтозь валрисьметнесэ карми улеме сюлмавомань невтемапелекс. Саемга: а) *Яхим венстизе пильгензэ, ды кумажань эзнетне локишадсть* (В. Коломасов); б) *Кумажань эзнетне локишадсть, ды Яхим венстизе пильгензэ*. Неть валрисьметнесэ тувталонь-следствиянь тиос марто шкань сюлмавоматне-кандовоматне невтевить аволь вейкетьстэ пелькстнэнь молемань лувост лангс ванозь: васенце валрисьмень тувталось омбоцесэнтэ карми улеме следствиякс, ды мекевланг.

АВОЛЬ КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

70 §. АВОЛЬ КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕДЕ ЧАРЬКОДЕМАСЬ

Аволь кандовомань-аравтомань (сложносочинённой) стакалгавтозь валрисьметне — неть истят валрисьметь, конатнесэ предикативень пелькстнэ вейсэндявить аволь кандовомань-аравтомань (сочинениянь) сюлмавомасо.

Аволь кандовомань-аравтомань стакалгавтозь валрисьметнесэ вейс сюлмавить апак стакалгавто валрисьметь, конатне кандыть синтаксисэнь вейке тев.

Аволь кандовомань-аравтомань сюлмавоманть пингстэ валрисьмень предикативень пелькстнэнь синтаксис ёндо ванстовить эрванть эсензэ ёнксонзо. Теке марто, пелькстнэ вейкест-вейкест марто сюлмавить кода-мояк вейсэнь валсо. Саемга: *Нама, неть ульнест а тундонь цецят, но сынъ ялатеке мазыельть* (К. Абрамов); *Яхим пугызе эйкакшонть лавсентень, люкштыдизе, и тона сеске жо оймась* (В. Коломасов); *Ещё мелят сонзэ рацякадоз таратнэ нижелдсть, а ней вана, улема, коськсь (чувось), ашти лопавтомо* (В. Коломасов).

Васенце валрисьмесэнтэ пелькстнэнь ютксо сюлмавомась неяви омбоце пельксэнтэ *сынъ* местоимениянь улемасонть. Омбоце валрисьмесэнтэ теке тевенть теи *тона* местоимениясь. Колмоцесэнтэ пелькстнэ сюлмазь мелят — *ней* наречиятнесэ.

Аволь кандовомань-аравтомань стакалгавтозь валрисьмень пелькстнэ эрсить вейке типень (кавто прывт пельксэнь, вейке прывт пельксэнь) или аволь вейке типень (вейке пельксэсь — кавто прывт пельксэнь, омбоцесэ — вейке прывт пельксэнь). Саемга: *Тезде мейле сон (Ксюша) моли мирденть малас, кундасы кавто пиледе, ды кудосонть каяты гайгиця паламо* (В. Коломасов); *Ней Барякань Елеська, потмо орма муесэ, лембе кудосо нолды кирьгапарьганзо тонеть анокстазенть, а тон вана тесэ кельмсек* (А. Куторкин); «*Ковгак а туян, ансяк оймак*», — энялдсь уряжось (А. Щеглов); *Кортнеме карман марто мейле, а ней аштек ды чатьмонежь кунсолок* (А. Мартынов); *Мон бу ялгойк тувелинь, ансяк бу сынст озавтомс вейс* (В. Коломасов); *Ведь тынь те шкас эриде, ды аволь беряньстэяк, и друк явомс!* (В. Коломасов).

Предикативень пелькстнэнь ютксо сюлмавомань невтемапелекс эрсить: 1) аволь кандовомань-аравтомань союзтнэ; 2) пелькстнэнь молемань лувось; 3) вайгельксэсь.

Аволь кандовомань-аравтомань валрисьметнесэ предикативень пелькстнэ сюлмавить **ды, и, но, а, а то, то-то, или (эли), жо, ансяк** союзтнэнь, **-гак, -как, -як** частицатнень, **васня, мейле** предикативень наречиятнень вельде.

Валрисьмень пелькстнэнь сюлмиця союзтнэ а совить вейкентеньгак. Сынст таркаст пелькстнэнь ютксо. Секскак апак стакалгавто валрисьметнень таркаст полавтомсто (тепндеряви те) союзось кадови юткозост: *Церковась уш пешксель, но обеднясь ещѣ эзь ушодово* (К. Абрамов) — *Обеднясь ещѣ эзь ушодово, но церковась уш пешксель; Ансяк вармась увны тошксезь ладсо, ды лажсо кувси пиче виресь* (А. Доронин) — *Лажсо кувси пиче виресь, ды ансяк вармась увны тошксезь ладсо*.

Валрисьмень пелькстнэнь молемань лувонтень кода синтаксисэнь сюлмавомань-кандовомань невтемапелентень максови башка тарка. Улить валрисьметь-теевкст, косо эрва пельксэнтъ эсензэ а полавтовиця тарказо. Саемга, полавтындерясынек *Мизолксоткак а кирдеви, ды сельведетькак лангозонзо ванозь туить* (В. Коломасов) валрисьментъ пелькстнэнь таркаст, смустесь кадови теке: *Сельведетькак лангозонзо ванозь туить, ды мизолксоткак а кирдеви*. А вана те валрисьментъ пелькстнэнь молемань лувонтъ полавтозъ яжави смустесь ды структурась: *Пелеве малав вирентъ ёндо, салава тошказь, пувась экше кошт, ды Прокопычнень савсь кекшемс автомашичань кабинантень* (В. Коломасов) *Прокопычнень савсь кекшемс автомашичань кабинантень, секс мекс пелеве малав вирентъ ёндо, салава тошказь, пувась экше кошт*.

Вайгельксэсь аволь кандовомань-аравтомань стакалгавтозъ валрисьметнесэ — те пелькстнэнь вейс сюлмавомань невтемапелень кедьёнкс. Башка пельксэсь а канды прядовомань вайгелькс, кона ули неть валрисьметнень ансяк меельце пельксэст. Васенце пельксэнтъ песэ вайгелесь кепедеви верев. Сень лангс ванозь, кодат смустень сюлмавомат-кандовомат пелькстнэнь ютксо, тееви весе аволь кандовомань-аравтомань стакалгавтозъ валрисьментъ вайгельксэзэ.

71 §. АВОЛЬ КАНДОВОМАНЬ-АРАВОМАНЬ СТАКАЛГАВТОЗЪ ВАЛРИСЬМЕТНЕСЭ СЮЛМАВОМАТНЕ-КАНДОВОМАТНЕ

Аволь кандовомань-аравтомань стакалгавтозъ валрисьметнесэ седе седесть пачтявить истят смусть: 1) сюлмавомань; 2) карадо-каршо аравтомань; 3) явовтомань. Неть сюлмавоматнень потсо явовить смустень эрва кодат тют: шкань (ве шкань ды мельга-мельцек молемань), тувталонь, условиянь, следствиянь, лоткавтомань, каршо аравтомань, ве ёнов а молемань, потамонь, пачк топавтомань, келейгавтомань, поладксонь, толковомонь.

72 §. СЮЛМАВОМАНЬ СМУСТЕСЬ АВОЛЬ КАНДОВОМАНЬ-АРАВОМАНЬ СТАКАЛГАВТОЗЪ ВАЛРИСЬМЕТНЕСЭ

Сюлмавомань смустесь невтеви **ды, и** союзтнэсэ; **-гак, -как, -як** частицатнесэ; **васня, мейле** предикативень наречиятнесэ.

Шкань сюлмавоматнень невтемантень союзтнэде, частицатнеде ды наречиятнеде башка лездить глаголонь сказуемоень форматне, пелькстнэнь молемань лувось, вайгельксэсь.

Шкань сюлмавоматнень-кандовоматнень пингстэ стакалгавтозъ валрисьмень пелькстнэсэ тевтеематне эрсить ве шкань ды мельга-мельцек ютыцят.

Ве шкасто ютыця тевтеематне невтевить **ды, и** союзтнэсэ. Глаголонь-сказуемоень форматне валрисьметнень пелькстнэсэ вейке шкань. Кой-зардо глаголонь неть форматне аволь вейкетъ. Ве шкань смустесь эрси тешкстазъ вейсэнь аволь прят (второстепенной) пельксэсэ. Седесть сон ашти обстоятельствоакс. Саемга: *Обед шкане чись эждазь лембестэ ды латконтъ чирева появить цитница петнявкст, чоподъ ёнов сынъ кельмилть ды новолить зень пишти сюрюкс* (К. Абрамов); *Мейле Лиза аволдась кедьсэ тештень Кечентень ды мельганзо чикордозъ пекставсь стака кенкишсь* (Т. Тимохина).

Ды, и союзтнэнь, **-гак, -как, -як** частицатнень, **васня, мейле** предикативень наречиятнень вельде невтевить мельга-мельцек молиця тевтеемат: омбоце пельксэсэ невтезь тевтеемась юты васенцентъ тевтееманзо прядовомадо мейле. Саемга: *Разиндэ ды сонзэ «тейтердентъ» кулятне пачкодсть игуменьянтъ пилескак, ды Алёнань прянзо вельксэсэ кармасть пурнавомо раужо пельть* (П. Кириллов); *Часовнясь путозъ Николай угодникень лемс, ды эрва кизень Миколасто тей пуромкшныть озныця ломанть* (К. Абрамов); *Самай пряттошсо улемстэнзэ сынст имениця ланга ютась давол-буря, ды ёндо л сяткодо кирвази покш кудост* (А. Доронин); *Миша ваксс лотксесь «Жигули», и сонзэ озавтызь машинантень* (А. Сульдин); *Оря васня моры съкамонзо, мейле ялгатнеяк вейсэндить мартонзо* (П. Кириллов); *Кармасть морамо васня ве лувсо, мейле морось таргавсь лиякс* (А. Куторкин); *Васня церковав молема, мейле вирев сыргатано* (А. Доронин); *Васня судозо нерьгстневсь икелензэ стуворонтень, мейле сон венемсь озамонтъ кувалт ды корнозевсь* (М. Моторкин).

Истят валрисьметнесэ тевтеематне куроко полавтыть вейкест-вейкест. Неть невтицакс эрсить эрва кодат лексикань ёнкст (местоимениянь наречият, частицат, наречият). Саемга: *Моли сон, ды друк пилезэнзэ каятотсть а содавикс вайгельть* (П. Кириллов); *Калмизь сонзэ, ды сеске жо авась сокоргадсь сонськак* (П. Кириллов).

Ды союзонтъ, **-гак, -как, -як** частицатнень вельде лововить тевтеемат, тевъютамот, теваштемат, конат апак сюлма кортамонь шканть марто. Истят валрисьметнесэ глаголонь форматне эрсить аволь свал вейке шкань, союзось невти сюлмавомань ванькс смусть. Саемга: *Нетъ либоркайтне, улема, пиземе алтнить, ды сыньгак Пазонь нармунть* (А. Доронин); *Нусманьдо нусманялть Никононь мелензэ, ды чикордыця крандаз чаротнеяк пря чаракавтсть* (А. Доронин); *Сынсь пантнэ чинеме мехсэльть, лишместкак наряжазельть сиянь сбруяс* (А. Доронин); *Каршост аштестъ лия ломанть, эйтэдест седеяк ламо, сёрмадовксоткак тунь лият* (М. Моторкин); *Кудыкеле кияк арасель, кардаз-соак кияк эзь неяво* (В. Коломасов).

Ды союзось, **-гак, -как, -як** частицатне невтить тувталонь ды следствиянь сюлмавомат: валрисьмень васенце пельксэнтъ невтеви тувталось, омбоцесэнтъ — следствиясь. Саемга: *Чияк, банядо мейле, сеске жо тей састъ шабратне, ды Яхимнень эзь саво кортамскак сынст пингстэ*

Настань марто (В. Коломасов); Меельць валтнэ Яхимень мельс эзь туе, **ды** сон эзь отвечаю шабранть кевкстеманзо лангс (В. Коломасов); А лецияця орма азгонди Московганть, эстензэяк тестэ оргодема (А. Доронин); Весе те шканть перть тетяно-аванзо пултась а ёвтавикс кажось, чамасткак раужкадсть (А. Сульдин).

Ды союзось, **-гак, -как, -як** частицатне эрсить условиянь ды следствиянь невтоцияккак: васенце пелькссэнт невтови условия, конань то-павтоматонзо мейле тееви омбоце пелькссэ невтозь тевтеемась. Саемга: Юты ещё недля, **ды** ловось кадови ансяк сэрэй латко потмакса (К. Абрамов); Ёртомс кавалалдо рошксенть ведьс, сонськак карми аштеме вачо (А. Куторкин); Нилеце бригадань прятось Аношкин Филя недлянь перть эзь сакшино паксясто, чамазояк цёранть весе сакалыась... (В. Коломасов).

Ды союзось пачти поладксонь сюлмавома: омбоце предикативень пелькссэнт кирдеви поладомань, толковамонь смуть васенценть лувонзо коряс. Саемга: Сынст столь лангсо теяк аволь эрва чине эрси, **ды** тантейстэ сон зярдоак ещё эзь ярсекине (А. Доронин); «Монень а моли эриксэсь, **ды** сын та-кода калонь сардокс пезнасть кирьгапарезнь», — шикадсь Сеель (Т. Раптанов); Зыянось жо сась, **ды** сон а виш-каль (А. Доронин).

73 §. КАРАДО-КАРШОНЬ СЮЛМАВОМАТНЕ АВОЛЬ КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕТНЕСЭ

Аволь кандовомань-аравтомань стакалгавтозь валрисьметнесэ карадо-каршонь сюлмавомактень пингстэ невтовить карадо-каршо аравтозь тевтеемат, теваштемат, тевьютамот. Предикативень пелькстнэнь ютксо вейсэнь карадо-каршонь смустенть марто сэрце пачтявить эрва кодат туст: 1) карадо-каршонь ды киртямонь (ограничениянь); 2) карадо-каршонь ды сэрце пучомань (сопоставительнойть); 3) карадо-каршонь ды потамонь (уступительнойть); 4) карадо-каршонь ды вейке-вейке полавтомань (возместительнойть); 5) карадо-каршонь ды келейгавтомань (распространительнойть); 6) карадо-каршонь ды поладксонь (присоединительнойть); 7) карадо-каршонь ды условиянь.

Неть стакалгавтозь валрисьметнен пелькстнэнь сюлмицякс улить **но**, **ды** (**но** союзонтэ смустьсэ), **а**, **а то**, **жо**, **ансяк** союзтнэ. Саемга: Надя аволясь кедьсэнзэ ды автнесь кургонзо, снартнесь рангстамс, **но** кургонзо совиця ведьс эзь максо нолдамс вайгель (К. Абрамов); Ещё мелят сонзэ рацякадозь тарадтиз нижелдсть, **а** ней вана, улема, коськсь, ашти лопавтомо (В. Коломасов); Поездэсь яла арасель, перронось **жо** пешкедсь ломанде (А. Мартынов); Выр-выр-выр эскели Кичкерень Проса, **ансяк** сарахан пулозо юхаи мельганзо (А. Куторкин); Да, минь макссынек вешезенть, **ансяк** зяро ярмакт кудосонок арасть, чи-кавто сави учомс (А. Сульдин).

Карадо-каршонь ды киртямонь (ограничениянь) смуть марто валрисьметнен предикативень пелькстнэсь невтовить кавто тевтеемат, омбоцесь конатнестэ лоткавты или а нолды теевемс васенценть. Пелькстнэ сюл-

мавить **но**, **ансяк** союзтнэсь. Саемга: «Те виде, гостинеценть эрваволь бу рамамс цёрантень, — мерсь Яхим, **но** монь трёшникемгак арась» (В. Коломасов); Сон (Яхим) ещё бу ёвтаволь кой-мезе истямо ладсо, **но** те шкастонть кудыкельде каятось Ксюшань содавикс вайгелесь: «Можна совамс?» (В. Коломасов); Локшокс понсвал'зе бу ломаненть, **ансяк** виезэ а саты (А. Куторкин); Фроловнень, паряк, кемемальгак Миколень валтнэсь, **ансяк** мезе-бути мелезэнзэ эзь туе (А. Сульдин).

Карадо-каршонь ды сэрце пучомань (сопоставительной) валрисьметнесэ каршо аравтовить тевтеемат, предмет, тевьютамот, теваштемат сынст ве ёнов а молия ёнксост лангс ливтемга. Истят валрисьметнесэ **но** союзось полавтови **а** союзонтэ. Саемга: Эсь сельмушонзо пачк ваннозь, сон вешнесь крёстной цёранть, **но** тона уш кенерсь лисеме кудостонт (В. Коломасов); Вейке видиця ули, **но** омбоце кодаяк а муи (В. Коломасов); Монень вана сизьгемень малав, **но** эдь ледеме вана молян, мелят-как якин (В. Коломасов).

Но союзонтэ башка сюлмицякс улить **а**, **жо** союзтнэ. **А** союзонтэ марто валрисьметнесэ каршо аравтовить башка предметэнь эрва кодат тевтеемат сынст ютксо авейкетьксчинь муемга-невтемга. Саемга: Вовка кармась кедькстнэнь-кумбратнэнь ванськавтомо, **а** Сева ванномо покш сурксонтэ эйсэ (А. Доронин); Виде, шкань ютазь императорось Пётр Пеленэнь кшувавтсь Зимней Дворецтэ, **а** вана Бенингсен ды Уваров генералтнэ теевить тензэ лездыцякс (А. Доронин); Минь, чей, эрзят, вейке верень, **а** тон рузава мельга туить (П. Кириллов).

Истямо авейкетьксчись лиясто эрси пек виевстэ пучозь карадо-каршо. Тенень лезды предикативень пелькстнэнь лексикань смустесткак. Саемга: Тон вана кудов сат, **а** вот минь эрва чистэ цёрантень ильятано тов (войнав) (В. Коломасов); Паксянь стансонть мезеяк апак анокста, **а** тон тесэ вана лужалат! (В. Коломасов); Сонсь мурни эйсэть, **а** турванзо пейдуть (П. Кириллов); Весе бригадась роботы, **а** бригадирэсь, значит, те шкастонть вансты повариханть (В. Коломасов).

Жо союзонтэ смустэнзэ лангс ванозь явтано валрисьметнь, конатнесэ невтовить предикативень пелькстнэсь лицятнень, предметнэнь, тевтеематнень, тевьютамотнень, теваштематнень ве ёнов а молемаст или каршо аравтомат. Саемга: Вана Павул нолдызе радиоланть, клубганть велязевсть васень киштицятне, Вера **жо** яла арасель (К. Абрамов); Чись кармась эждеме сеске жо лисемедензэ мейле, пей **жо** теевсь мик душина (А. Мартынов); Варакась вейке ал салась, тон **жо** эрва чистэ кавто пукиятят! (В. Коломасов).

Карадо-каршонь ды потамонь (уступительной) валрисьметнен предикативень омбоце пелькссэнт ёвтасэсь каршо аравтови васенце пельксэнть учовикс тевтеемантень, теваштемантень, тевьютамотнень. Сюлмавома невтемапелекс кармить **но**, **ды** (**но** смустьсэ), **ансяк**, **а** союзтнэ. Саемга: Чись ещё эзь лисекине, **но** пертьпельга ульнесь уш валдо (В. Коломасов); Неть ледстнематнень сон (князесь) черькстни-пацьки ветеце ие, **ды** кодаяк эрва мезде, **ансяк** туема мелест арасть (А. Куторкин); Велесэ сестэ телевизорт-мезть зярс аламольт, **ансяк** кой-кин вальмасо типельдсть сэняжа валдост (А. Доронин); Истямо якшамо-

донть весе мик тапаризь чамасткак, **ансяк** сельметненъ коряс кад-нозь ваят ды сатькак весе лекшазь (К. Абрамов); Вестькак Васа эзь некине поезд, **а** ней васенцеде эрмонзо перть савсь ардомс поездсэ (К. Абрамов).

Синтаксисенъ сюлмавоманъ кавто ёнксонъ смусть кандыть стакалгавтозь валрисьметне, косо **но** союзонть марто сэрцеке васенце пельксэнтъ ашти **хоть** кандовоманъ-аравтоманъ потамонъ (уступительной) союзось. Истят валрисьметне аштить башка таркасо аволь кандовоманъ-аравтоманъ ды кандовоманъ-аравтомансетненъ ютксо. Саемга: **Хоть** Настанъ вайгельсэнтъ маряви кеж ды пеняцямонъ кондямо, **но** сонензэ кодаяк а кекшеви эсь кенярдомазо, эсь паро ёжозо (В. Коломасов); **Хоть** инязоронъ указонть, Мокий Аристовичте башка, кияк эзизе нее, **но** секе жо чистэнтъ Разиндэ кулясь срастовсь весе ошонть келес (П. Кириллов).

Карадо-каршонъ ды вейке-вейке полавтоманъ (возместительной) валрисьметненъ предикативенъ васенце пельксэнь смустесь невти субъектэнтъ ды сонзэ ауликсчинъ ёнксонъ ютксо сюлмавоматненъ, а омбоце пельксэнесъ субъектэнтъ ды сонзэ уликсчинъ ёнксонъ ютксо. Предикативенъ пелькстнэ сюлмавить **но** союзонть вельде. Саемга: Алкукс, оезэ те скалонть нек аламо, **но** ловозо саты эхшелямкак (А. Куторкин); Нама, неть ульнестъ а тундонъ цецят, **но** сынъ ялатеке мазыельть (К. Абрамов).

Карадо-каршонъ ды келейгавтоманъ (распространительной) валрисьметнесэ каршо аравтоманъ смустесь лавшоми, омбоце пельксэнтъ пачтяви кодамояк од арсема васенце пельксэ ёвтазентъ коряс. Пелькстнэнь сюлмицякс карми улема **но** союзось. Саемга: «Велесэ уш арсинъ каявомс лангозост, яла манчесь Капитанов Гава, **но** съкамот мезе тейт истямом виентъ каршо?» (А. Мартынов); «Партизанокс, годок, араселить, — мерсь Ёга, **но** косто савесь партизанонъ мудростесь?» (А. Щеглов); Меревлинъ бу тенк стямо пальця угодия лангс, **но** кодамо леззэсь тенъ эйтэ монень? (П. Кириллов).

Карадо-каршонъ ды поладксонъ (присоединительной) валрисьметненъ омбоце пельксэст кирдеви ёвтамо, кона лиси васенце пельксэнь лувонть лангс ванозь. Истят валрисьметнесэ карадо-каршо аравтовить кавто тевтеемат, омбоце пельксэнь тевтеемасэ эрси совавтозь или путозь арсемакс. Пелькстнэ сюлмавить **но**, **а** союзтнэсэ. Саемга: Мон а тандавтиян, **но** сон тонеть а мирде (В. Коломасов); Псидентъ киякссонть аштезьяк ойметъ а таргави, **но** Прокопычненъ, нать, те ульнесь самай ладс (В. Коломасов); А мельсэ сиведизе сон кевейкее иесэ цёранть пастухокс, **но** мезеяк а тейт (К. Абрамов); Вай, зяро кеззэрень ничеть сявордозь апак лово, **а** мон эдь лесничествасо эрян! (В. Коломасов); Азоронзо тосо симить, **а** мекс ускиянстэнь а ледстямс вестешкаксть ойментъ (А. Куторкин).

Карадо-каршонъ ды условиянь сюлмавоматненъ пингстэ пелькстнэнь ютксо вастневить **ды** (**но** смустьсэ), **а то** союзтнэ. **Ды** союзонть марто валрисьметнесэ васенце пельксэнь тевесэ тееви омбоцентъ лувсо кирдевиця условиянтъ лангс ванозь. Саемга: Сонгак лембе масторов ливтяволь, **ды** сёлмонзо арасельть (А. Доронин); Анися хropaдиксэлизе Микулонъ уш колмоцеде, **ды** неть валтнэ керизь кедь виензэ (А. Куторкин).

А то союзонть марто валрисьметнесэ омбоце пельксэнтъ невтеви тевтсема, кона лисевель васенце пельксэнь тевентъ теевемадо мейле. Саемга: Лиссь ульцяв оргодеме бабанзо сельмензэ икельдеяк, **а то** таго несынзе конфеткатненъ, мекез аварьягады (А. Куторкин); Но покшось тесэ арась, **а то** мон бу васенцеке ёвтневлинъ тензэ беглой бандиттнэде, сынст ружиятнэде (А. Мартынов); Неяви, ярмакт тетъ нек эривить, **а то** максомаль сынесткак (А. Доронин); Ней чийть азё стичка мельга, **а то** а приматадызь ловномо (А. Мартынов); Тон иля кичкерде нек, **а то** кудат мельгат а кучан (А. Куторкин); Ансяк машт кучомс Костиненъ, **а то** ещё а сы исень чокишенедентъ мейле (П. Кириллов).

Но союзонть марто сэрцеке тевс нолдавкшныть домкалгавтыця валт, конатненъ смустест вейкетить союзонть марто или топавтыть сонзэ. Истямокс сайневить **сеск**, **теке басом**, **ведь**, **эдь**, **ялатеке**, **ансяк** валтнэ.

Сеск, **теке басом** валтнэ невтитъ омбоце пельксэнтъ апак учонъ тевтеема. Саемга: «Ванта, бабай, кодашкат!» — сонсь комасъ ды венстизе кедензэ калтнэненъ, но сынъ **сеске** кекшсть домка таркас (А. Мартынов); Филянъгак кежтне састъ, но **теке басом** ульнесь анок жалямс тейтерентъ (В. Коломасов).

Ансяк валосъ невти лоткавтоманъ, аволь пачк топодеманъ смусть. Саемга: «Праздник, — мерсь Егор Кириллович, но **ансяк** тонъ мазыйкантень» (В. Коломасов); Заводось алтась максомс паёк, но теяк ули **ансяк** валске (Т. Раптанов); Теде мейле Анка венчасъ Гришканенъ, но **ансяк** кувать эзь саво эрямс мартонзо (М. Моторкин).

Ялатеке валосъ пачти карадо-каршонъ ды потамонъ (уступительной) смусть пелькстнэнь ютксо. Саемга: **Хоть** и эсь ломанъ, но **ялатеке** начальникесь поки (В. Коломасов); **Хоть** те чидентъ мейле Настанъ ды Яхименъ ютксо сёвномкат арасельть, но **ялатеке** кенярдомскак уш эзь савкино (В. Коломасов).

Ведь, **эдь** валтнэсэ невтевить предикативенъ пелькстнэсэ аволь вейке лувонъ тевтеемат. Саемга: Содазь, эсь ёвтнемасонк тынь кой-мезе лишнойгак лавгатадо, но **ведь** те весемень истя эрси (В. Коломасов); Содазь, превтне а лишнойть, но **эдь** аванень ламо а эривитькак сынъ (В. Коломасов); Монень вана сизьгемень малав, но **эдь** ледеме вана молян, меляткак якинъ (В. Коломасов).

74 §. ЯВОВТОМАНЪ СЮЛМАВОМАТНЕ АВОЛЬ КАНДОВОМАНЪ-АРАВТОМАНЪ СТАКАЛГАВТОЗЬ ВАЛРИСЬМЕТНЕСЭ

Аволь кандовоманъ-аравтоманъ стакалгавтозь валрисьметнесэ явовтоманъ сюлмавоматненъ пингстэ невтевить мельга-мельчек полавтневица тевтеемат, сынст аволь ве шкасто молемаст, улемаст, ве шкань юткос а кельгемаст, вейке-вейкенъ полавтомаст. Предикативенъ пелькстнэ сюлмавить **или** (**эли**), **то-то** союзтнэсэ. Саемга: Ансяк косто-косто марят эйкакшонъ вайгель, **эли** юты сыре баба (Ф. Чесноков); Олданенъ мезеяк кандыльтъ, **эли** сонсь яксиль тия-тува текенъ мельга (К. Абрамов); **То** конязь сельмензэ икеле аштесь чопода сув, **то** вельксэснэзэ сэтме-

стэ лажнось виресь (К. Абрамов); **То** сын таго чополгадыльть, **то** вельксээзэст поволить шержев чекаръ (К. Абрамов).

То-то союзонтъ марто валрисьметнень предикативень пелькстнэсэ невтевить тевтеемат, конатнень смустест а кельгить шкань вейке юткос, сынъ полавтыть вейкест-вейкест эйсэ. Саемга: **То** сэрей пичетне ды тумотне шкань-шкань полавтневсть килейпулоса, **то** кись чалгиль чаво паксяс ды таго ёматыль чувто потс (А. Доронин); **То** варма-вармине тошказеви, **то** вирентъ ланга туи шожда шалт (А. Доронин); **То** сэредиця атакс кувсезевить кезэрень кузнэ, **то** одирвань пеекс ашолдыть морянь толкунтнэ (А. Доронин).

Или (эли) союзось невти тевтеемат, конат молить аволь вейке шкасто. Пачтязь тевтеематнень эйстэ кочкави ансяк вейкесь. Саемга: «**Те** тонсь теевтик, **эли** Филиппень шкатнестэ кадовсь?» — **налксезевсть** аладыканть сельмензэ (А. Доронин); **Алёна-старицанть** икелень владыкась тень кучнизе, **эли** сонсь лездамо сакшнось? (А. Доронин); **Чумозо** покшоль, **эли** мейсэ-бути лиясо тувталось? (А. Доронин).

Или (эли) союзось вастневи съкамонзо ды эрси зярыяксть ёвтавиця. Саемга: **Значит**, манявсть цёрынетне, **или** жо блоксонть мезеяк теевсь? (В. Коломасов); **Пели**, покшитне чумондсызь, **эли** потмо валось алтазь ансяк съкамнезэнзэ? (А. Доронин); **Или** мон монсь уш сырединь, **или** ломантне лоткасть мазый валс чарькодемадо (П. Кириллов); **Эли** кишинь пиксэнтень сонсь прянзо тонгизе, **эли** кияк «лездась» тень тееме (А. Доронин).

КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

75 §. КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕДЕ ЧАРЬКОДЕМАСЬ

Кандовомань-аравтомань (сложноподчинённой) стакалгавтозь валрисьме мерить истямонтень, конасонтъ вейке пельксэсь кандови омбоцентень ды сюлмави мартонзо кандовомань-аравтомань союзсо или союзонь валсо.

Теевемань коряс кандовомань-аравтомань стакалгавтозь валрисьмесь явови **прявт пелькс** ды **кандовиця пелькс** лангс.

Се пельксэнтень, кона синтаксисэнь коряс аравтови омбоцентень ды чарькодевити эйсэнзэ, мерить **кандовиця пелькс**. Се пельксэнтень, кона полады эстензэ кандовицянтъ, мерить **прявт пелькс**.

Валрисьмесэ кандовиця пельксэсь эрси путозь: 1) **прявт пельксэнтъ икелев**: **Кинь** важомасо юты чизэ, **сень** ули кишзэ (Валмеревкс); **Ки а** соды моронь тансть, **се а** соды тансть эрямонь (С. Вечканов); 2) **прявт пельксэнтъ мельга**: **Ансяк** марявсь, **кода** сядо кельсэ чольнестъ вальмало тополень лопатне (В. Бурнаев); **Паро** ульнекинесь ваномс сырнень паксянтъ лангс, **кона** лымбась пешксе колозтнэсэ (А. Лукьянов); **Венчтне** лавсекс нурсестъ ведентъ ланга, **уйсть** мельгамельцек тов, **косо** берёк юткотне яла теиньгадыльть ды теиньгадыльть (А. Доронин); 3) **прявт пельксэнтъ кушкасо**: **Сеть** лисьмапрятнень вакссо, **конат** велентъ маласольть, **кассть** покш тикше, **певтеме** цецят (Г. Гребенцов); ...**Мейле**, **зардо** озылинек ярсамо, **кишинть** ютксто понгонильть сардынетъ (Е. Пятаев).

76 §. КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕНЬ ПЕЛЬКСТНЭНЬ ЮТКСО СЮЛМАВОМАНЬ ЁНКСТНЭ

Кандовомань-аравтомань стакалгавтозь валрисьмень пелькстнэ вейсэн-дэвить эсь ютковасть эрва кодамо грамматикань ёнкс вельде. Лувонсетне эйстэст — кандовомань-аравтомань союзтнэ, союзонь валтнэ, невтиця валтнэ.

Кандовомань-аравтомань (подчинениянь) союзось — те вал, конань арась лексикань смустезэ.

Союзтнэ аштить кандовиця пельксэнтъ ды сюлмить сонзэ **прявт пельксэнтъ** марто. Седе сеедьстэ тевс полдавить истят союзтнэ, **кода** **кодак**, **кадык**, **мекс**, **секс**, **прок**, **теке**, **рузонь** кельстэ саезтне **будо**, **бути**, **кабу**, **коли**, **хоть/куш**, **што**, **штобу**. Саемга: **Анка** чарькодсь, **мекс** меельце шканть **Ольгань** чамасто ёмась икелень весёлачись (Никул Эркай); **Ви-**

реськак ашолгадсь, **теке**, мерят, верде кияк почодызе сияждыця ловсо (К. Абрамов); *Начко лугась цитнесь, прок* кияк сия коморсо ланганзо ёртсь (К. Абрамов); *Захар ды Татьяна Михайловна, кодак* варштасть совцианть лангс, *сеске* содызь Гостянь Михолень (К. Абрамов); *Ванькс* седеесь а пацъкави рудазов валсо, **бути** тонсь а пацъкасак рудазов тевсэ (К. Абрамов); *Мелезэнзэ (Сеелень) тусь Наташа, секс* вере пев терди седеезэ (Т. Раптанов); *Киненьгак* тон иля ёвтне седе, **кода** минь якинек мартот тия (А. Мартынов).

Кандовомань-аравтомань (подчинениянь) союзтнэ явовить кавто кужова.

Васенцентень совить сеть, конат сюлмить ансяк вейке кодамоак кужонь кандовиця пелькст (*секс мекс* — тувталонь, *секс* — следствиянь, *прок, теке* — сравнениянь). Сыненст мерить *семантикань* союзт, секс мекс сын лездыть чарькодемс кандовиця пельксэнтэ смустензэ (семантиканзо).

Союзтиэнень, конат сюлмить зярря кужонь кандовиця пелькст прявтонсентэ марто, мерить *функциянь*. Сын а лездыть чарькодемс кандовицянтэ смустензэ. Истя, **кода** союзось тевс нолдави истямо кандовиця пельксэнь сюлмамсто: чарькодеветмань: *Володя мизолдозь кунсолось, кода* авазо ды лелазо пелькстазевсть карадо-каршо (К. Абрамов); шкань: *Но ней, кода* Прокопыч полавтызе Яхимень, ванномс ды тошкамс арасельшка (В. Коломасов); тевтемань ладонь: *Кода сась (Никон) Московов, истя* туияк (А. Доронин); тувталонь: *Цёратне, кода* вешть тесэнь койтне, ансяк турват сусконесть (А. Доронин).

Кандовомань-аравтомань союзонь смустьсэ сайневить ансяк, мик, наторой частицатне. Саемга: *Кияксось ульнесь шлязь истя* курук, **натой** Настанень шкаськак эзь маряво (В. Коломасов); **Ансяк** нись лиссь, Егор Пантелеевич стясь (А. Брыжинский).

Союзонь валось, кода союзоськак, сюлми кандовиця пельксэнтэ прявтонсентэ марто.

Союзонь валтнэ истя жо аштить кандовиця пельксэнтэ.

Союзтнэнь ды союзонь валтнэнь ютксо явовомась истямо:

Союзтнэ	Союзонь валтнэ
Союзтнэ — лездыця кортамо пелькст, сынст арась лексикань смустест, секскак сын а улить валрисьмень пельксэкс	Союзонь валтнэ-ськамочиль кортамо пелькст (местоименият, наречият), сынст ули лексикань смустест, секскак сын а улить валрисьмень пельксэкс
Союзось а полавтови смустень кандыця валсо (сон полавтови лия союзсо или овсе нолдави)	Союзонь валось полавтови лия лексикань смусть марто валсо, копа кандови ськамочиль кортамо пелькстнэисп
Союзонтень а путови кевкстема	Союзонь валонтень путови кевкстема
Союзонтень лапгс а путови валвачкодъкс	Союзонь валонтень лапгс путови валвачкодъкс

Союзонь валонь тев топавтыть, васняк, относительной местоимениятне. Седе сайневицякс улить истятнэ: *кие, мезе, кодамо, кона, зяро*. Чарькодеви: секс мекс неть валтнэ топавтыть синтаксисэнь тев, кандови-

ця пельксэнтэ сын эрсить подлежащеекс, сказуемойкс, дополнениякс, определениякс, обстоятельствакс. Сестэ, зяро сын улить подлежащеекс, дополнениякс, обстоятельствакс, полавтневить падежга, числава. Саемга: **Кие** одсто эряза, *се сырестэяк* аволь каназа (Валмеревкс); *Но Вася ней зь арсе седе, мезе* несь (А. Лукьянов); *Ясенева сеске чарькодсь, мезде* мольсь кортамось (К. Абрамов); *Вася покш мельсэ ярсась кудонь капста ямдо, кодамодо* сонзэ эзизь андтне МТС-нь столовойсэ (А. Лукьянов); *Парсте* кармасть неявиомо кудотнеяк, **конатнестэ** монь шалашось а васололь (Н. Эркай). Обстоятельствакс улемстэ, седе-стэ молит вальмельгакс марто: *Вейке кудонт каршо, конань* экикс кекши яннэсь, *Григорий лоткась...* (И. Калинин). Сестэ, зяро топавтыть аволь глаголонь сказуемоень тев, поладыть эстет неень или ютазь шкань предикативень суффикст: **Кодамат** тонсь, *истят ялгат* (Валмеревкс); *Ванька, Настань* цёрась, *овсе а* содыяк, **кодамоль** весь (В. Коломасов). Определениякс улемстэ, нама, а полавтыть эстет форма: *Велень эрицянтнень эйтэ* кияк а помнясы, **кодамо** пингестэ озасть тезэнь эрямо сынст покштиятне-бабатне (К. Абрамов); *Мейле Яков* кармасть кевкстнеме, **кодат** асатыкст улить... (А. Лукьянов).

Относительной местоимениятне башка, союзонь валокс эрсить относительной наречиятне. Седе сайневицякс улить *косо, ков, козо, козонь, косто, кува, зяро, зярс, кода, коданя* ды лият. Кандовиця пельксэнтэ сын улить сюлмиця ёнксокс ды теке марто топавтыть эрва кодамо кужонь обстоятельствань тев. Саемга: **Косо** эрывает валт, *сесэ* каштомлемась — *сех* покш зыян (Валмеревкс); **Ков** седе сэррейстэ сти чись, *тов седе* валдосто ды келейстэ срасты эсензэ сыреждиця чевензэ (И. Калинин); *Сеть таркатнень, козонь а* пачколи тундонь чадыведесь, *Бурнаев* сокавтынзе, *видевть* мушко (К. Абрамов); **Зяро** чинть мельце валдозо токась сэррей каль прятненень, *Марюша* окойники витизе рунгонзо ды мельспаросо варштызе пиренть (К. Абрамов); *Канаев* озась просекань луганть лангс ды кувать вансь туциянт мельга, **зярс** тона эзь ёмат Вишкалей чирень калытнень томбалев (К. Абрамов); *Эйкакш*тне ловность книгасто, **кода** эрять сыре пингень ломантне (Ф. Чесноков).

Истят сюлмиця ёнкстнэ, кода союзтнэ ды союзонь валтнэ, свал аштить кандовомань-аравтомань стакалгавтозь валрисьмень кандовиця пельксэнтэ. Прявтонсэнтэ сынст марто сэрцеке эрсить ёвтазь **невтиця валт**.

Невтиця валось тейсы валрисьмень смустень коряс аволь пешксекс, аволь прядозекс, секскак сонензэ эряви поладама. Кандовиця пельксэсь, кона улиак истямо поладамакс, панжсы невтиця валонтэ смустензэ.

Невтиця валокс эрсить невтиця местоимениятне ды местоимениятне юр марто наречиятне. Седе седе-стэ сын ушодовить С-стэ ды Т-стэ. Т-стэ ушодовицятне эрсить калгодо ды чевте валлув марто. Калгодо валлув мартотне невтиць башка предмет, лица (*тона*) ды васоло тарка (*тосо, тов, тозо, тозонь, тоско, тосто*). Саемга: **Тосо** эрямс *сехте* паро, *косо* минь эрятано тонь марто (А. Моро); *Кува* пиксэсь човине, **тува** сезеви (Валмеревкс). Чевте валлув мартотне невтиць башка предмет, лица (*те*) ды малавикс тарка (*тесэ, теске, тестэ, тей, тия, тезэнь, тезэ*). Саемга: **Тесэ**, *ялгай, косо* чачить, *косо* туить киякска якамо, *сельме*

виетъ кемезъ варчик (С. Вечканов); **Тестэ**, козо чачинек, ушодови минек эрямо кинек; **Теске**, козонь пурнавсть тейтертне, ушодовсь промкось. С-стэ ушодовиця нейтиця валтнэ эрсить ансяк чевте валлув марто. Те куронтень кандовить се нейтиця местоимениясь ды **сестэ**, **сеске**, **сезэ**, **сезэнь**, **сесэ**, **семс** ды лиясонзэ юрсто теезь наречиятне. Саемга: **Петянь муцясь сеяк**, **мекс сон (Надя)** а ёвтни кудонь эрямодонтъ (К. Абрамов); **Кинь важомасо юты чизэ**, **сень ули кишизэ** (Валмеревкс); **Обедэсь яла улынесь сестэ**, **зядо сулеентъ кувалмозо ниле картъ** (Т. Раптанов); **Радовакиность а кувать, семс**, **зярс эзть пачкоде се тарканть**... (К. Абрамов).

С-стэ ды Т-стэ ушодовицятнеде башка, нейтиця валокс эрсить **истямо**, **истят** определенной местоимениятне ды сынст юрсто теезь **истя** наречиясь. Саемга: **Кодамо азорось, истямо кудозо** (Валмеревкс); **Истят ава ломантнеде, кудамо Ксюша, аламо масторонтъ лангсо** (В. Коломасов); **Нинань чамазо палсь истя**, **буто сонсь чипаесь совась кудос** (Р. Дулкина).

Нейтиця валось вейсэ союзонь валонтъ марто теить кавонзавкс, конань вельде кандовомань-аравтомань стакалгавтозь валрисьмень пелькстнэнь ютксо сюлмавомась ули седе кеме. Седе сеedyтэ вастневить истят теевкс: **тосо — косо, тосто — косто, тува — кува, се — кие, истямо — кудамо** ды лият. Чуросто, но теевить кавонзавкс союз мартояк, саемга: **истя — буто**.

Тешкстасынек, нейтиця валтнэнь смустест аволь вейкетъ. Веестнэ эйстаст улить валрисьмень теңцякс, секс кармить пек эрявиксэкс, сынстемест колави ёвтамонтъ лувозо. Омбонстнэ ашить ансяк явовтомань валокс. Саемга: **Захар — цёрась а истямо, кие вечки тевтеме аштеме** (К. Абрамов); **Козонь пупордят, сезэнь комазеват** (Валмеревкс); **Покилась кортнесь мартост чистэ, превей ёвкст теңст яла ёвтнесь седе**, **кода вейсэ эрямс, вейке омбоценень лездамс...** (В. Радаев).

Кавто васень валрисьметнесэ нейтиця валтнэ (**истямо** — васенцесэнтъ, **сезэнь** — омбоцесэнтъ) лездыть панжомо ёвтавксонтъ. Сынъ максыть чарькодема седе, кудамо смустень ды теевемань коряс кандовиця пелькс поладови прявтонсентень. Бути сынст нолдамс, валрисьмень лувозо калады. Колмоце валрисьмесэнтъ **седе** нейтиця валось шождасто нолдави, тең пингстэ ёвтавксонтъ лувозо овсе а колави.

Союзтнэ, союзонь валтнэ, нейтиця валтнэ кандовомань-аравтомань стакалгавтозь валрисьмесэ, пелькстнэнь вейсэндямсто, аштить прявт грамматикань ёнксокс. Эряви меремс, сынст марто сэрцек сайневить лия ёнксткак. Истямокс улить пелькстнэнь молема лувось, вайгельксэсь, сказуемоень форматнень вейкетъксчись ды лият. Сынъ виегавтыть сюлмавомань лувонь ёнкстнэнь ды лездыть теэмс кандовомань-аравтомань стакалгавтозь валрисьмень седе кеме вейсэндявксокс.

Пелькстнэнь молема лувось карми сюлмавомань невтемапелень ёнкстнэстэ вейкесь. Кандовомань-аравтомань стакалгавтозь валрисьмесэ сон эрси кемекставозь ды олякстомтозь.

Кемекставозь пелькстнэнь молема лувось вастневи сеть валрисьметнесэ, конатнесэ кандовицясь свал моли прявт пельксэнтъ мельга. Истямокс, саемга, кармить чарькодевтемань, тувталонь, онкстамонь, сравнени-

янь, следствиянь кандовиця пелькс марто кандовомань-аравтомань стакалгавтозь валрисьметне. Определениянь кандовицяськак, кона аравтови существительнойнень, свал моли се валонтъ мельга, конань ёнксонзо панжи. Кемекставозь пелькстнэнь молема лувось ули карадо-каршонь кандовиця марто валрисьметнесэяк. Сынст эйсэ кандовицясь свал моли прявт пельксэнтъ икеле.

Олякстомтозь пелькстнэнь молема лувось вастневи сеть валрисьметнесэ, конатнесэ кандовиця пельксэсь путови кода прявтонсентъ икелев, истя мельганзояк. Истя, саемга, тевесь ашти таркань, шкань, целень, условиянь ды лия кандовиця пелькс марто кандовомань-аравтомань стакалгавтозь валрисьмесэ.

Сказуемоень форматнень вейкетъксчиськак ашти сюлмавомань невтемапелень ёнксокс. Сонзэ смустезэ вана мейсэ: валрисьмень васенце пельксэсь (**сень** лангс апак вано, те прявт пелькс или кандовиця) малав свал кармавты омбоце пельксэнтъкак саемс сказуемоень истямо шкань формасо, кодамосо сон васенцесэнтъ. Саемга: **Сынъ (килейтне) ванстыть паксянтъ виев варматнеде ды даволдо, кизэнь коське читнеде, ванстыть истя, кода тиринь авась вансты эйкакшонзо** (А. Дорогин). Васенце пельксэнтъ сказуемойтне ёвтэзэ глаголонь неень шкань формасо, истямо формасо сынъ омбоцесэнтъкак. **Зядо лоткасть марявомадо менельстэнтъ вешкиця мотортнэ, Надя шождынестэ таргизе оймензэ, аволдызе чамасто ливезентъ ды цютъ мизолдозь варштакс вакссонзо аванть лангс, кона кирдсь элесэнзэ эсензэ эйденъ ды Гришань** (К. Абрамов). Валрисьмень колмонест пелькстнэсэ сказуемойтне ёвтэзэ глаголонь ютазь шкань формасо.

Кандовомань-аравтомань стакалгавтозь валрисьмень пелькстнэнь ютксо сюлмавомантень лезды се **валонтъ лексикань ды морфологиань ёнксо**зо, конанень аравтови кандовиця пельксэсь. Истя, существительнойтне (ды сынст смустэсь саезь лия кортамо пельксэнь валтнэ) келейгавтовить определениянь кандовицясо, глаголтнэ — чарькодевтемань, таркань, онкстамонь, тевтемань ладонь ды лия кужонь кандовицясо.

Вайгельксэськак ашти сюлмавомань невтемапелекс. Сон вейсэндипелькстнэнь велувс. Тешкстасынек: зяро пелькстэ аволь аште кандовомань-аравтомань стакалгавтозь валрисьмесэ, прыдозь вайгелькс марто ёвтави ансяк меельцесь.

Истямо ладсо, кандовомань-аравтомань стакалгавтозь валрисьмень пелькстнэнь вейсэндямсто тевс нолдавить грамматикань зярыя невтемапельть. Прявтккс кармить союзтнэ, союзонь валтнэ, нейтиця валтнэ. Сынест лездыцякс саевить поладовицятне: пелькстнэнь молема лувось; сказуемоень форматнень вейкетъксчись; валонтъ, конанень аравтови кандовицясь, лексикань ды грамматикань ёнксонзо; вайгельксэсь.

77 §. КАНДОВОМАНЬ-АРАВОМАНЬ СТАКАЛГАВТОЗЬ ВАЛРИСЬМЕНЬ КУЖОТНЕ

Эсест смустест ды теевемаст коряс кандовомань-аравтомань стакалгавтозь валрисьметне явовить кавто кужова:

— вепельксэнь кандовомань-аравтомань стакалгавтозь валрисьметь;

— кавто пельксэнь кандовомань-аравтомань стакалгавтозь валрись-
меть.

Те явовоманть лувсо путозь вана мезе. Кандовомань-аравтомань стакалгавтозь валрисьмень прявт ды кандовиця пелькстнэ вейсэндявить эсь ютковаст кеме ды лавшо сюлмавомасо.

Кеме сюлмавомасо вейсэндявить эсь ютковаст пелькстнэ сестэ, зярдо кандовицясь чарькодевити прявт пелькссэнтэ вейке кодамо-бути вал — валрисьмень вейке пелькс. Саемга: *Мон сеедьстэ некишня, кода Вера эйкакшонь ванькс пейдемасонзо кекшилизе седей сзредьксэнзэ* (В. Радин) (некишня (мезенть?) ... кода Вера ...); *Ашо кругловой чаманть мазылгавтстэ покш сзнь сельметне, конатнень велькссэ подков ладсо мездявстэ чопода сельмечирькетэ* (К. Абрамов) (кодат?) сельметне ... конатнень велькссэ ...). Седеяк кеместэ вейсэндявить пелькстнэ, улиндеряй прявтонсесэнтэ вал (валсюлмавкс), конань смустезэ эряви поладомс, панжомс, чарькодевитемс. Саемга: *Пек вечкса, зярдо ушосо ливтит ловнетэ ковов венть* (А. Моро). Те валрисьмесэнтэ кандовиця пельксэсь келейгавты прявт пелькссэнтэ глаголонть-сказуемоемь. Сонстемэнзэ ёвтазь арсемась а ули прядозекс.

Истят кеме теевкстнэнень, конатнесэ кандовиця пельксэсь чарькодевити прявтонсесэнтэ вейке вал (валсюлмавкс), мерить *вепельксэнь кандовомань-аравтомань стакалгавтозь валрисьметэ*. Пелькстнэнь ютксо сюлмавомась невтеви союз ды союзонь вал вельде. Смустень ды теевемань коряс вепельксэнь кандовомань-аравтомань стакалгавтозь валрисьмекс эрсит чарькодевитемань, определениянь, таркань, онкстамонь, тевтеемань ладонь кандовиця пелькс марто.

Валрисьмесэнтэ сюлмавомась ловови лавшокс, зярдо кандовиця пельксэсь аравтови целанек прявтонсентень. Кандовицясонть свал ули невтема сень лангс, мезде кортави прявт пелькссэнтэ (шка, тувтал, следствия). Саемга: *Од килейнетненень, натэ, пек охоталь неемс Суранть тундонь мазынзэ, секс сын прок вирьстэнтэ чийстэ Суранть малас, совастэ ведентень кумажава, венстизь пряст лажныця леентэ пелев* (Н. Эркай). Прявт пельксэсь невти прядозь арсема, секскак сон а веши седе тов келейгавтома. Теке марто шождасто полады эстензэ лия кужонь кандовиця пелькст. Саемга: *Од килейнетненень, натэ, пек охоталь неемс Суранть тундонь мазынзэ, секс мекс умок те мазычидентэ чоледстэ нармунтне; Од килейнетненень, натэ, пек охоталь неемс Суранть тундонь мазынзэ, зярдо леентэ лангсто ушодови телень вельтявксонь соламось*.

Лисни, *кавто пельксэнь кандовомань-аравтомань стакалгавтозь валрисьметне* — неть сеть, конатнесэ кандовиця пельксэсь аравтови целанек прявт пельксэнтень. Истямокс улить шка, тувталонь, целень, условиянь, уступкань, карадо-каршонь кандовиця пелькс марто кандовомань-аравтомань стакалгавтозь валрисьметне.

Истямом ладсо, кандовомань-аравтомань стакалгавтозь валрисьметне смустень ды теевемань коряс эрсит вепельксэнь ды кавто пельксэнь, сень лангс ванозь, аравтови кандовиця пельксэсь целанек прявтонсентень или чарькодевити сонзэ эйсэ вейке вал (валонь сюлмавкс).

78 §. КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЭ КАНДОВИЦЯ ПЕЛЬКСЭНЬ КУЖОТНЕ

Кандовомань-аравтомань стакалгавтозь валрисьмень кандовиця пелькстнэнь кужова явомсто, мельсэ эряви кирдемс:

1 — кодамо кужонь сонсь кандовомань-аравтомань стакалгавтозь валрисьмесь — вепельксэнь или кавто пельксэнь;

2 — кодамо грамматикань ёнкс вельде сюлмави кандовицясь прявт пельксэнтэ марто;

3 — кодамо смустезэ кандовиця пельксэнтэ.

Тень лангс ванозь, явовить кандовиця пельксэнь зярды кужот: определениянь, чарькодевитемань, таркань, шка, тувталонь, бажамонь (целень), сэрце пудомань, карадо-каршонь, условиянь, уступкань, онкстамонь, тевтеемань ладонь. Теке марто мельсэ кирдема сеяк: кандовиця пелькстнэнь смустест аволь свал эрсит кемекстазь. Сынст ютксо явовить весмустень, кавто смустень ды ламом смустень невтицят. Истя, кандовицятне, конат вепельксэнь кандовомань-аравтомань стакалгавтозь валрисьмесэ келейгавтыть глагол (или предикативень наречия), улить ансяк чарькодевитемань смустень невтицяк эрсит, васняк, сеть, конат аравтовить существительнойнень. Сынст ютксо седе сайневицяк ули определениянь кандовицянь кужось. Неть валрисьмень пелькстнэ кода чарькодевитемань толковавить ансяк сестэ, зярдо аравтовить существительноемь лексикань ды семантикань башка курос. Кавто смустень невтицяк улить ламот обстоятельство кановицятне. Истя, вейке секе кандовицясь толковави, саемга, кода сравнениянь или тевтеемань ладонь, тувталонь или онкстамонь ды седе тов. *Ламом смустень невтицяк улить сеть кандовицятне*, конат аравтовить местоимениянень: вейке секе пельксэсь явови кода определениянь или чарькодевитемань, или кодамо-бути обстоятельство.

79 §. ОПРЕДЕЛЕНИЯНЬ КАНДОВИЦЯ ПЕЛЬКС МАРТО КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЭ

Определениянь кандовиця пельксэсь чарькодевити прявт пельксэ кодамо-бути вал. Сон отечи кодамо? кодат? кона? конат? кинь? кевкстематненень лангс.

Прявт пельксэнтэ чарькодевитиця валось топавты валрисьмень эрва кодамо пельксэнь тев, секс мекс определениясь келейгавтомась сюлмазь сонзэ лексикань ды морфологиянь ёнксонзо марто, но аволь синтаксисэнь тевензэ марто. Саемга: *Леентэ томбале обед пелев васов сравтовсь келейдеяк келей пакся, косто сеедьстэ пуvasь коське, чуваронь кандыця варма* (Е. Суродеева) (определениянь кандовицясь аравтови прявт пельксэнтэ пакся подлежащеемь); *Вечкса моданть — те лейнентэ, те вирентэ, — конань вельмевти-талновты мартось* (Ю. Исланкин) (определениянь кандовицясь аравтови прявт пельксэнтэ моданть дополнениянень); *Паксяванть, весе леентэ кувалт, кува вармась ёртнинзэ укшторонь синдпрезь таратнэнь ды лопатнень, ней кассэ*

укишторонь тусто вирь (Е. Суродеева) (определениянь кандовицясь аравтови прявт пельксэнтъ паксявантъ, леентъ кувалт обстоятельствоватненъ); Одирьвантъ **кочкизе** истямо жо **чатъмоуиця**, кодамоль сонсь (Н. Тремасов) (определениянь кандовицясь аравтови прявт пельксэнтъ кочкизе чатъмоуиця сказуемоентень).

Сень ланге ванозь, мейсэ ёвтазь чарькодевтевиця валось, определениянь кандовицятне явовать кавто куроа: а) определениянь кандовиця пелькст, конат аравтовить существительнойнень (или сонзэ смустьсэ саезь прилагательнойнень, числительнойнень, причастиянень); б) определениянь кандовиця пелькст, конат аравтовить местоимениянень.

Существительноентень (или сонзэ смустьсэ саезь кортамо пельксэнтень) аравтовия определениянь кандовицясь панжи предметэнтъ ёнксонзо. Валрисьмесэ сон свал молн чарькодевтевиця валонтъ мельга. Прявт пельксэнтъ марто седе сеедьстэ сюлмави кодамо, кона, кие, мезе, ков, косо, косто, кува, козо, козонь, зардо союзонь валтнэнь ды *буто, што, штобу* рузонь кельстэ саезь союзтнэнь вельде. Тень пингстэ союзонь валтнэ, нама, сетне, конат улить относительной местоимениякс, тевс нолдавить эрва кодамо падежень формасо. Союзтнэнь ды союзонь валтнэнь, конат аштитъ кандовиця пельксэнтъ, прывтонсесэнтъ лездыцякс сайневить *те, се, истямо, неть, сеть, истят* невтиця валтнэ. Истямо ладсо, тееви кавонзазъ сюлмавомань невтемапель, саемга: *те — кона, се — кона, те — кодамо, се — кодамо, истямо — кодамо, истят — кодат* ды седе тов. Саемга: *Россия, Русь... Косто муемс истят морот, конат сэрсь-келес шнавлидизь?! (А. Доронин); Кода истя тонь мелеть мольсь те мазый таркадонть, косо минь чачинек (Е. Суродеева); Фёдор Ивановичень апак учо ледставсь се телень валскесь, зардо сынъ, тетят-цёрат, понгокишность виев кандыловс (А. Доронин).*

Местоимениянень аравтовия определениянь кандовицясь панжи ды келейгавты чарькодевтевиця валонтъ смустензэ. Истят кандовицятне пувовить чарькодевтевиця валонтъ аволь ансяк мельга, но икелензэяк. Чарькодевтевиця валокс эрсить невтиця ды определительной местоимениятне, конат теке жо шкастонть топавтыть невтиця валонь тевгак. Определительной местоимениятне прывт пельксэнтень седе сеедьстэ поладовить *кие, мезе* союзонь валтнэнь вельде. Саемга: *Весе, кить кузть сценантъ лангс, ульнестъ нарязазъ эрзянь оршамосо (А. Лукьянов); Паряк, секскак сёвность (цёратне) весементъ, мезесь понгонесь келест алов (А. Чакин).*

Невтиця местоимениятне прывт пельксэнтень седе сеедьстэ поладовить *кие, мезе, кодамо, кона* союзонь валтнэнь вельде. *Кие* союзонь валось сеедьстэ молн *се* невтиця валонтъ марто. *Се — кие* кавонзазъ сюлмавксось вастневи фольклоронь текстнэсэ. Саемга: *Аволь се модантъ азорозо, кие ланганзо яки, но се, кие эйсэнзэ соки (Валмеревкс); Кие теи ничень кудо, се мерезэ: кудом ули, кие теи поень кудо, се мерезэ: кудом арась (Моросто).*

Мезе, кона союзонь вал марто кандовиця пелькстнэ, конат аравтовить *истямо, истят* определительной местоимениятненень, максыть предметэнтень качества ёндо невтевкс. Саемга: ... *Улить истяткак,*

конат бажить эрямо овсе башка, малавикс оявтомо, салава ладсо... (С. Платонов).

Кодамо союзонь вал марто кандовиця пелькстнэ, конат панжитъ *истямо, истят* невтиця валтнэнь смустест, кортыть: прывт ды кандовиця пелькстнэсэ предметнэ, конатнеде моли кортамось, овсе вейкетъ. Саемга: *Пахом истямо жо, кодамокс ульнесь Гриша (К. Абрамов); ...Лов алдо лисезь ульцятне, луанартнэ тунь эзть полавтово. Сынъ истятольть, кодамокс оймезэнзэ кадовсть эйкакш шкане (А. Доронин).*

80 §. ЧАРЬКОДЕВТЕМАНЬ КАНДОВИЦЯ ПЕЛЬКС МАРТО КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

Кандовомань-аравтомань стакалгавтозъ валрисьмесэ *чарькодевтемань* кандовиця пельксэсь эсензэ смустензэ эйсэ келейгавты (чарькодевити) прывт пельксэсэ кодамо-бути вал, конась малав свал топавты сказуемоень тев. Прявт пельксэнтъ башка ёнксокс ули сонзэ апешксечизэ, смустень ды теевемань коряс апрадомазо. Те апешксечись вешн поладома, конань тейсыяк чарькодевтемань кандовицясь. Сон эсензэ эйсэ полавты прывт пельксэсэ нолдазь подлежащеентъ или дополнениянтъ. Поладома-панжомавешить сказуемойтне, конат ёвтазь истямо смустень глаголсо: 1) ёжомарямонь невтиця (*кенярдомс, кездямс, талномс, кавтолдомс*); 2) арсемань невтиця (*арсемс, ёвтнемс, чарькодемс*); 3) тевень теемань невтиця (*ловномс, сёрмадомс*); 4) ломантнень ютксо сюлмавомань невтиця (*вечкемс, сюдомс*). Глаголдо-сказуемойде башка, чарькодевтемань кандовицясь эрси аравтозъ предикативень наречиятненень, конат панжитъ ломантнень ёжомарямостъ, пертьпельксэнтъ улеманзо-аштеманзо (*монень, тонеть...*) *паро, берянь, стака*).

Чарькодевтемань кандовиця пельксэсь ответи падежень кевкстематненень лангс. Прявт пельксэнтъ марто сон сюлмави седе сеедьстэ *кие, мезе, кодамо, кона, косо, косто, козо, козонь, ков, кува, зардо, мекс, кода, коданя, зяро* союзонь валтнэнь вельде ды *буто, прок, кода, што, штобу* союзтнэнь вельде. Нетъ сюлмиця ёнкстнэненень лездыцякс улить *те, се* невтиця валтнэ.

Валрисьмесэ чарькодевтемань кандовицясь ашти прывт пельксэнтъ мельга или куншкасонзо, но свал се валонтъ мельга, конантень аравтови, конань смустень уликсчинзэ (содержаниянзо) панжи. Саемга: *Пек вечкса, коданя ловнесь апак катша лыйнесь пры...* (А. Моро); *А ёвтави, кодамо мазый сёксень виресь (Т. Тимохина); Но Вася ней эзь арсе седе, мезе несъ (А. Лукьянов); Анатолий сеске чарькодсь, ков велявтсь кортамонть тейтересь (К. Абрамов); Кортамонь вечкиця Аня ёвтнесь сендеяк, кода ялгатне снартнестъ лездамо Веранень (К. Абрамов); Мезеяк арась седе паро, зардо эйсэть учить (Ю. Пальтин).*

Эрси истяяк, зардо чарькодевтемань кандовицясь путови прывт пельксэнтъ икелев. Саемга: *Зярс аштесь (Пахом Васильевич) истямо ладсо, а соды (К. Абрамов).* Чарькодевтемань кандовиця пельксэнтъ истя молемазо теи инверсия, кона седе сеедьстэ вастневи кортамонь стильсэнтъ.

81 §. ТАРКАНЬ КАНДОВИЦЯ ПЕЛЬКС МАРТО
КАНДОВОМАНЬ-АРАВТОМАНЬ СТАКАЛГАВТОЗЬ
ВАЛРИСЬМЕСЬ

Таркань кандовиця пельксэсь невти прявт пельксэнтъ молиция тевтеемантъ тарканзо ды ответи *косо? ково? косто? кува? кувая? козо? козонь?* кевкстематненъ лангс. Прявт пельксэнтъ марто сон седе сеедыста сюлмави *косо, ково, косо, косто, кува, кувая* союзонъ валтнэнь вельде. Сынь чарькодевить таркань обстоятельствомъ, конат невтевить *тосо, тозо, тозонь, тов, тува, тия, тесэ, тесэ, тезэ, тезэнь, тей* ды лия наречиясо. Нетъ невтиця валокс аштиця местоимениянь наречиятне вейсэ союзонъ валтнэнь марто тентъ кавонзазъ сюлмавома, саемга: *тосо — косо, тосто — косто, тов — ково, тозонь — косо, тува — кува* ды лият. Саемга: *Эрямонь ким монь сайнесь ушодкс тосо, кува тетям яксекшнесь эсь икастонзо* (Ю. Исланкин); *Теде башка, сынест (тейтерькатненень) эряви чиелс тов, ково кучи Прохор Андреевич* (В. Коломасов).

Таркань кандовиця пелькс марто кандовомань-аравтомань стакалгавтозь валрисьметне сеедыста эрситъ валмеревксэкс. Саемга: *Косо берянтэ эритъ, тосо вейке-вейкенень ки пирить; Ков салмуксось, тов суресь; Козонь пупордят, сезень комазеват; Кува пиксэсь човине, тува сезеви.*

Эрси истяк, жардо таркань кандовиця аравтови прявт пельксэсэ сказуемоентень, кона ёвтави глаголсо. Тень пингстэ сон поладови сонензэ невтиця валтомо. Валрисьмень кавто пельксэнь теевомась велявты вепельксэньксекс. Саемга: *Косо ничетне керязельть, шкадо икеле кармасть куземе коське недькстнэнь алдо пиципалакстнэ* (А. Доронин).

82 §. ШКАНЬ КАНДОВИЦЯ ПЕЛЬКС МАРТО
КАНДОВОМАНЬ-АРАВТОМАНЬ СТАКАЛГАВТОЗЬ
ВАЛРИСЬМЕСЬ

Шкань кандовиця пельксэсь невти прявт пельксэнтъ тевтеемантъ молема шканзо ды ответи *жардо? жарс?* кевкстематненъ лангс. Прявт пельксэнтъ марто сон седе сеедыста сюлмави *жардо, жарс, кода* союзонъ валтнэнь ды *кодак* союзонъ вельде. Союзонъ смустьсэ сайневи *ансяк* частицаськак. Прявт пельксэнтъ сынст каршо эрситъ саезь *сестэ, семс* невтиця валтнэ, конат топавтыть шкань обстоятельствомъ тев.

Валрисьмесэ шкань кандовицянтъ тарказо апак кемекста: путови прявт пельксэнтъ икелевгак, мельгаяк, куншкак. Тень эйстэ ёвтаксонть лувоzo овсе а колави.

Прявт ды кандовиця пелькстнэсэ шкань коряс тевтеематне эрситъ эрва кодат. Васняк, сынъ невтитъ вейке шкань смусть. Глаголнэ-сказуемойтне кавонест пелькстнэсэ аштитъ вейке шкань формасо. Саемга: *Жарс Васильевна Наста марто пурнасть столь, Прокопыч лездась Яхимнень сумкань анокстамо* (В. Коломасов); *Чияк, жардо сонзэ (Яхимень) пильгесь чалгась те кинть лангс, сон истя жо цютъ эзэ*

васодеве эсест велень ломань марто (В. Коломасов); *Кода Татюненъ сась ёжо, сон содызе Польшань Андреенъ вайгелентъ* (Т. Раптанов).

Аволь вейке шкань смустне невтевить кавто ёндо: а) прявт пельксэнтъ тевтеемась моли кандовиця пельксэнь тевтеемадонть икеле. Саемга: *Митя семс вансэ лангозонзо* (Иванычень), *жарс сельмензэ икельга эзэ юта весе эйкакшпингезэ* (Л. Седойкин); *Истя (Кандра) якась валскес, жарс эзть сэншкадо вальматне* (К. Абрамов); б) прявт пельксэнтъ тевтеемась моли кандовиця пельксэнь тевтеемадонть мейле. Саемга: *Ко-дак Осипень аравтызъ омбоце бригаданъ прятокс, сон сеске ушодсь тонавтнеме...* (А. Лукьянов); *Седе мейле, кода Карпа ульнесь анок урвань саеме, кармавтьсэ кильдемс алаша* (Т. Раптанов).

83 §. ОНКСТАМОНЬ ДЫ СТЕПЕНЕНЬ КАНДОВИЦЯ
ПЕЛЬКС МАРТО КАНДОВОМАНЬ-АРАВТОМАНЬ
СТАКАЛГАВТОЗЬ ВАЛРИСЬМЕСЬ

Онкстамонь ды степенень кандовиця пельксэсь панжи прявт пельксэсэ тевтеемантъ ёнкшинзэ онкстамонть, сонзэ ламочинзэ. Ответи *жаро?* кевкстемантъ лангс. Прявт пельксэнтень поладови *жаро* союзонъ валонть вельде, конанень лездыцякс малав свал сайневи *жаро* невтиця валось. Саемга: *Алашась чоп жаро а уски, жаро тон кандат сядвикс лангсо...* (В. Коломасов); ... *Симинъ жаро, жаро Гаруз Стяпан пингезэ мо-лемс эзэ некине* (К. Абрамов).

84 §. ТЕВТЕЕМАНЬ ЛАДОНЬ КАНДОВИЦЯ
ПЕЛЬКС МАРТО КАНДОВОМАНЬ-АРАВТОМАНЬ
СТАКАЛГАВТОЗЬ ВАЛРИСЬМЕСЬ

Тевтеемань ладонь кандовиця пельксэсь невти, кода тееви тевтеемась прявт пельксэнтъ. Ответи *кода?* кевкстемантъ лангс. Прявт пельксэнтень седе сеедыста поладови *кода* союзонъ валонть ды *кода, бутто, што, штобу* союзтнэнь вельде. Сюлмнця ёнксокс истя жо сайневитъ *мик, натой* частицатне. Прявт пельксэнтъ сынст каршо моли *истя* невтиця валось, кона веши смустень коряс поладовома ды панжи глаголнэ, прилагательноеень, тевтеемань ладонь наречиянь ёнкс. Саемга: *Виресь кармасть шалномо кода-бути лиякс, аволь истя, кода сон свал шалось пиземедентъ* (К. Абрамов); *Нипанъ чамазо палсь истя, бутто сонсь чипаесь совась кудос* (Р. Дулкина); *Пиземеде мейле весе ушось маней истя, кода эрси лембе кизень шкане* (И. Кривошеев).

Эрси истяк, жардо невтиця вал истямо кужонъ валрисьмесэ арась. Сестэ кандовиця пельксэсь аравтови прявт пельксэсэ сказуемоентень, толкови эйсэнзэ. Невтиця валось шождасто путови превсэ. Саемга: *Одирь вась оршась (истя), кода кармавтызе авазо.* Невтиця валонъ арасьчись тейсы истямо валрисьментъ синкретичнойкс. Сон карми малавиксэкс сравнениянь кандовиця пелькс марто кандовомань-аравтомань стакалгавтозь валрисьментень.

85 §. ТУВТАЛОНЬ КАНДОВИЦЯ ПЕЛЬКС МАРТО
КАНДОВОМАНЬ-АРАВТОМАНЬ СТАКАЛГАВТОЗЬ
ВАЛРИСЬМЕСЬ

Тувталонь кандовиця пельксэсь невти прявт пельксэнтъ тевтееманть тувталонзо ды отведи *мекс*? кевкстеманть лангс. Прявт пельксэнтъ марто сон седе сеедьстэ сюлмави *мекс*, *кода*, *ков* союзонь валтнэнь ды *секс мекс* (*што*), *што*, *штобу* союзтнэнь вельде. Прявт пельксэнтъ вастневи се невтиця валось, кона малав свал моли генитивень формасо *кис*, *коряс* валмельгакстнэнь марто. Саемга: *Миколь вере, горобиянть лангсо, кинть перть музгорди, мекс озавтызь сех берянь тарканть* (К. Абрамов); *Наталь патят пеняцясь, мекс вестькак а соват* (К. Абрамов); *1953-це цестэ молинь Саранскоев, модемстэяк ризный, кода тосо карман кортамо* (А. Мартынова); *Лия винат ... эзь эряв-гак, секс што сынст таркас улынест колмо лагунт пуре* (В. Коломасов).

Секс мекс (*што*) союзось тувталонь кандовиця марто валрисьмэсэнтъ сеедьстэ явови кавто пельксэв. Васенцесь сови прявт пельксэнтень кода невтиця вал, омбоцесь — кадови кандовицясонть. Валрисьмес союзонть истямо ладсо совавтомазо толковави вана мейсэ: седе ламо мель явови се тувталонть лангс, конань коряс тееви тевтеемась; паряк, сон явови лия тувтал юткстояк. Явовтозь союзонть пингстэ сайневить виевгавтыця частица марто валт. Саемга: *Од аванть сельмезэ прась цёранть лангс секс, мекс сонзэ тейтерь эзь сае* (Ёвкссто); *Наста учизе Яхмень секс, што эсензэяк улынесь мелезэ кортнемс мартонзо* (В. Коломасов).

86 §. СЛЕДСТВИЯНЬ КАНДОВИЦЯ ПЕЛЬКС МАРТО
КАНДОВОМАНЬ-АРАВТОМАНЬ СТАКАЛГАВТОЗЬ
ВАЛРИСЬМЕСЬ

Следствиянь кандовиця пельксэсь невти прявт пельксэнь тевтееманть эйстэ лисиця следствиянть лангс. Сон чарькодеви прявт пельксэнтъ целанек, свал путови мельганзо ды сюлмави мартонзо *секс* союзонть вельде.

Следствиянь кандовицянтень кевкстема а путови, сон содави смустень коряс. Прявт пельксэнтъ ды следствиянь кандовицянтъ ютксо сюлмавомась лавшо, секс мекс прявт пельксэсь невти прыдозь арсема ды смустень коряс поладамо эстензэ а вешн. Саемга: *Вирь потмова яннэсь улынесь теинька, секс начко таратнэ секе тев хропаест эйсэнек* (М. Биушкина); *Чувотнень керизь нижестэ, секс кереськак саевсь шождасто* (А. Доронин); *Васень лавсь моронть монень паксясь морась, секс мон куломозон улян сонзэ цёракс* (Ю. Исланкин).

Секс союзось сеедьстэ сайневи *-как* виевгавтыця частицанть марто. Саемга: *Сон (Тиша) арды эсензэ тиринь велев, вастови аванзо, эйкакш пингень ялганзо марто, секскак истямо вадра сонзэ ёжозо* (А. Мартынов).

87 §. СЭРЦЕК ПУТОМАНЬ КАНДОВИЦЯ ПЕЛЬКС МАРТО
КАНДОВОМАНЬ-АРАВТОМАНЬ СТАКАЛГАВТОЗЬ
ВАЛРИСЬМЕСЬ

Сэрцек путомань кандовиця пелькс марто кандовомань-аравтомань стакалгавтозь валрисьмесэ прявт ды кандовиця пелькстнэ аравтовить вейке омбоцэнтъ марто сэрцек кодамо-бути ёнксонь коряс. Сэрцек путомась моли шкань ды ламочинь смусттнэнь коряс. Пелькстнэ сюлмавкшнэнь эсь ютковаст *кода*, *кодамо*, *зарс* союзонь валтнэнь ды *кадык* союзонть вельде. Прявт пельксэнтъ сынст каршо сайневи (или арсеви) *ялатеке* валось, кона моли но карадо-каршонь союзонть смустьсэ. Истямо ладсо, тееви стакалгавтозь сюлмавома: *кода* — *ялатеке*, *кодамо* — *ялатеке*, *зарс* — *ялатеке*, *кадык* — *ялатеке*. Валрисьмесэнтъ кандовиця пельксэсь ашти прявт пельксэнтъ икеле. Бути сказуемось эйсэнзэ ёвтазь глаголео, сон саеви арасьчинь формасо. Саемга: *Кода эзь тандавтнэ телесь, кода эзь музгордть, тундось ялатеке пургавтызе* (Ф. Чесноков); *Кодамо ломаненть седе сувтемезэ илязо уле, ялатеке аламонь-аламонь весе виензэ сувтнесы* (Ф. Чесноков); *Зарс иля лыта, ялатеке эряви ковзак совамс* (К. Абрамов); *Кадык иень коряс ламодо улынесь сыре, ялатеке — истяяк эрси — тензэ видьстэ сельмес ёвтылинь а нек парсте теезь тевдензэ* (Н. Зиновьев).

Смустень коряс сэрцек путомань кандовиця пелькс марто кандовомань-аравтомань стакалгавтозь валрисьметне малавикст аволь кандовомань-аравтомансетненень (сложносочинённойтненень), конань пельксэст вейсэндявить эсь ютковаст *а*, *но* карадо-каршонь союзтнэнь вельде. Вейке стакалгавтозь валрисьменъ кужось шождасто полавтови лиясо. Теи пингстэ глаголонь-сказуемонь арасьчинь форманть таркас саеви уликсчинь формась. Чарькодеви: *минь вастовинек теевемань коряс синонимиянть марто*. Саемга: *Телесь тандавтнэсь, музгордсь, но тундось ялатеке пургавтызе; Улезэ ломаненть седе сувтемезэ, но ялатеке аламонь-аламонь весе виензэ сувтнесы; Лытак, но ялатеке эряви ковзак совамс; Иень коряс ламодо улынесь сыре, но ялатеке — истяяк эрси — тензэ видьстэ сельмес ёвтылинь а нек парсте теезь тевдензэ*.

88 §. КАРАДО-КАРШОНЬ КАНДОВИЦЯ ПЕЛЬКС МАРТО
КАНДОВОМАНЬ-АРАВТОМАНЬ СТАКАЛГАВТОЗЬ
ВАЛРИСЬМЕСЬ

Карадо-каршонь кандовиця пельксэсь толкови прявт пельксэнтъ ёвтазэнтъ карадо-каршо путома вельде, панжи, кодамо ёнксонь коряс вейкетъ предметнэ, чарькодематне.

Карадо-каршонь кандовицясь отведи *кода*? кевкстеманть лангс. Прявт пельксэнтъ марто сюлмави седе сеедьстэ *буто*, *прок*, *теке*, *кода* союзтнэнь вельде. Саемга: *Плетентнэ лыкасть, теке, мерят, эйсэст кияк сорновтнн* (К. Абрамов); *Моли эрямось, прок Сура леесь чуди* (Ф. Чесноков); *Алёшка ... нельгизе кедензэ ... ды уставась сорновтнемензэ, буто сон навсевсь пси ведьс* (В. Радин);

Карадо-каршонь кандовицясь теевемань коряс сеедьстэ эрси аволь пешксекс. Сонзэ эйсэ нолдави сказуемоесь, кона теке шкастонть шождас-то муеви контекстэнь коряс (прявт пельксстэнь). Саемга: *Виренть песэ касы кудряв килейне, кода ава вакссо вишка тейтерне* (А. Немкин). Кандовиця пельксэнтэ нолдазэ сказуемоесь муеви прявт пельксэнтэ лангс нежедезь (*касы*). Ули сказуемоем курозояк (*ава вакссо таркань обстоятельство*). Эряви меремс, подлежащеем ды сказуемоем куро свал улит валрисьмень истямо кужосо.

Карадо-каршонь кандовицянтень эряви явомс сравнениянь кис совавтоматнень эйтэ, конат улит атак стакалгавто валрисьмень пельксэкс. Сравнениянь кис совавтоматнень теить существительнойт (пек чуросто — наречият). Существительнойтне малав свал келейгавтозэ определениянь смусть марто валсо. Валрисьмесэ сын топавтыть определения или обстоятельство тев. Сказуемой сравнениянь кис совавтомасо арась, контекстэнь коряскак сон а явови. А улит, нама, сказуемоем кандовиця валттак. Саемга: *Прок ашо коцтсо вельязь паксянтэ лангс а вавоваткак* (А. Лукьянов); *Ульнесь мелем вырновтомс те келей, прок кирмалавонь, лопанть* (Н. Видяз); *Розтне кавто иень а чачомадо мейле теке сырнесэ валовсь* (А. Мартынов); *Сёксня, аволь кода тунда, рана а пансиль (стадат)* (К. Абрамов).

89 §. УСЛОВИЯНЬ КАНДОВИЦЯ ПЕЛЬКС МАРТО КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

Условиянь кандовиця пельксэсь невти условия, конань коряс тевсь или теевель прявт пельксэсь тевтеемась. Сон ответи *кодамо условиянь пингстэ?* кевкстеманть лангс. Прявт пельксэнтень поладови *бути, кода, кодак, коли, кабу* союзтнэнь ды *зяро* союзонь валонтэ вельде. Валрисьмесэ кандовиця пельксэсь эрси прявт пельксэнтэ икеле, мельга, путневи куншказонзояк.

Условиянь кандовиця пелькс марто кандовомань-аравтомань стакалгавтозэ валрисьметне явовить кавто куроа. Васень куронсетне невтит истямо тевтеема, кона тееви эрявикс вешемань улэзь. Сказуемойтне кавонест пелькстнэс малав свал саевить индикативень полавтнемань формасо. Саемга: *Бути мезеяк теят цёранть марто, ялганзо маштсамизь* (Ю. Пальтин).

Омбоце куронтень кандовить валрисьметне, конат невтит истямо условия, конань пингстэ тевтеемась арсеви, бажави, кармавтови теемс, но кортамо шкастонть сон а ули тонавтозекс. Сказуемойтне прявт ды кандовиця пелькстнэс аштит аволь свал вейке полавтнемань формасо. Истя, ве пельксэнтэ сказуемоесь ёвтави индикативень формасо, омбоцэ-сэнтэ — императивень, ве пельксэнтэ сон инфинитив или лицянь а невти-ця глагол, омбоцэсэнтэ ашти конъюнктивень формасо ды седе тов. Саемга: *Бути, ялгай, тия ютат кода, бути кить пурды те велент пелев, лоткак тезэнь ды сюконяк модас славной цёранть калмонзо икеле* (И. Кривошеев); *Коли сон тонь истямо, токамс а маштови, эстет*

ванстомаль (В. Коломасов); ...*Мекс миненек эрямс тесэ, зярдо можна эрямс истямо масторсо, косо телеяк а эрси* (В. Коломасов); *Кабу а кискась, ваявлинек кавонек* (К. Абрамов).

Валрисьмесэ условиянь смустесь эрси невтезь союзтомояк, кондицио-налонь ды сонзэ смустьстэ саезь инфинитивень ды индикативень форматне-сэ. Чарькодеви: минь тагояк вастовинек теевемань коряс синонимиянтэ марто. Саемга: *Минь мейсэяк а лездатано тенст, кадовиндерятано (= бути кадовтано) теск* (К. Абрамов); *Ёмават (= бути ёмават) — иля тандадо, муят (= бути муят) — иля кенярдо* (Валмеревкс).

90 §. УСТУПКАНЬ КАНДОВИЦЯ ПЕЛЬКС МАРТО КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

Уступкань кандовиця пельксэсь невти: прявт пельксэсь тевтеемась моли се тувталонтэ лангс атак вано, конась путови сонзэ каршо кандови-цясонть.

Валрисьмесэ те кужонь кандовицясь аравтови целанек прявт пель-ксэнтень, путови кода икелензэ, истя мельганзояк. Ёвтавксонтэ лувозо-тень эйтэ овсе а колави. Эсь ютковаст пелькстнэ сюлмавить *кадык, коли, бути, хоть/куш* союзтнэнь вельде. Саемга: *А мекс энэ мият эйсэнзэ (сеянтэ), бути истямо вадря* (В. Коломасов); *Мейсэ жо сон (Рая) саизе икельце пельксэнтэ, коли эрва мезень тевсэ цёлак* (К. Абрамов); *Весемень кис отвечась Немойкин, кадык тонавтнесь сон аволь ветеце классо* (И. Брыжинский); *Инязоронь валось бояронь приказдонть виевель, куш чевте ойме ломань сон, Алексей Михайлович* (А. Доронин).

Уступкань кандовиця пелькс марто кандовомань-аравтомань стакал-гавтозэ валрисьметне, конат тешкстэзэ карадо-каршонь туссо, малавикст аволь кандовомань-аравтомансетненень (сложносочинённойтненень). Сек-скак сынст шожда велявтомс сложносочинённойкс, конань пелькстнэ вей-сэндязь карадо-каршонь сочинениянь союзсо. Саемга: *Чевте ойме сон, Алексей Михайлович, но инязоронь валось бояронь приказдонть виев; Весемень кис отвечась Немойкин, но тонавтнесь сон аволь ветеце классо.*

91 §. БАЖАМОНЬ КАНДОВИЦЯ ПЕЛЬКС МАРТО КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

Бажамонь (целень) кандовиця пельксэсь невти, мезень кис тееви прявт пельксэсь тевтеемась. Сон ответи *мейс? мезень кис?* кевкстематнень лангс. Прявт пельксэнтэ марто сюлмави *мезе* союзонь валонтэ, *кадык, штобу* союзтнэнь вельде.

Валрисьмесэ бажамонь кандовицясь путови прявт пельксэнтэ икелев, мельга ды куншказонзояк. Сказуемоесь кандовицясонть малав свал ашти инфинитивсэ, лек седе чуросто ёвтави индикативень полавтнемань форма-

со. Саемга: (Стёпа) кепеди пильгенз алдо тарад не, ванносы, **мезе** бу эйтэнзэ теемс, ды ушоды лаксеме (К. Абрамов); ...**Ветькак** нусть, **штобу** ванстомс зёрнанть (А. Михайлова); ...**Вийсэ** тулкадемс аванть, **кадык** ёртови тарантасстонть (К. Абрамов).

92 §. ЗЯРЫЯ КАНДОВИЦЯ ПЕЛЬКС МАРТО КАНДОВОМАНЬ-АРАВТОМАНЬ СТАКАЛГАВТОЗЬ ВАЛРИСЬМЕСЬ

Кандовомань-аравтомань стакалгавтозь валрисьментень, кона ашти зярыя кандовиця пельксстэ, мерить **ламо** пельксэнь кандовомань-аравтомань стакалгавтозь валрисьме.

Ламо пельксэнь кандовомань-аравтомань стакалгавтозь валрисьмесэ вастневить сюлмавомань кавто кужот. Зярыя кандовиця пелькстнэ аравтовить прявт пельксэнтень, чарькодевить эйсэнзэ башка вал или целанек прявт пельксэнтэ. Те кужонь валрисьметне вейсэндявить **ве ёндонь кандовомасо-аравтомасо** ды зярыя ёндонь кандовомасо-аравтомасо.


Ве ёндонь кандовицяк-аравтовицякс ули пелькстнэ, конат смустень коряс вейкетъ, чарькодевить прявт пельксэз вейке вал ды отвечить вейке кевкстема лангс.

Ве ёндонь кандовиця-аравтовиця пелькстнэ прявт пельксэнтэ марто эрсить сюлмазъ вейкетъ союзсо или союзонь валсо. Саемга: **Ко**дамо сэт-мель ды пароль эрямось, **зярдо** сон (Надя) а содылизе Петянь, **зярдо** эзъ вейке (К. Абрамов).

Схемасо (теевемань (структура) ды линиянь) те невтеви истямо ладсо:



Теке марто, ве ёндонь кандовиця-аравтовиця пелькстнэ вейсэндявить аволь вейкетъ сюлмиця валсо. Саемга: **А** содат, **мезе** лангс ваномс, **козонь** лоткамс, **кодамо** дивамодо тетъксемс кургот (А. Куторкин):



Эсь ютковаст кандовиця пелькстнэ эрсить сюлмазъ аволь кандовомань-аравтомань (сочинения) союзсо. Саемга: **Антон Семёнович** васня эзъ чарькоде, **мекс** сын лоткасть **ды** мекс каштмолезевсь ваксонзо ялгась (К. Абрамов):



Зярыя ёндонь кандовиця-аравтовиця пелькстнэ чарькодевить прявт пельксэнтэ аволь вейке, а зярыя валт, ды отвечитькак сын аволь вейке кевкстема лангс. Саемга: **Сон** (Анатолий) вансь **Надянь** алце турванть лангс, **конасонть** ашолдсть пей следтнэ, ды **арсесь**, **кие**, **кая**, **се** уцяскав ломанесь... (К. Абрамов). Кода несышек, валрисьмесэнтэ кавто кандовиця пелькст. Васенцесь определения, аравтови прявт пельксэ существительнойнень (**кона?**) **турванть** лангс, омбоцесь чарькодеветмань, панжи глаголонтэ (**арсесь** (мезде?):




Ваннотано таго. Валрисьме: **Захар** эзъ **кунсоло**, **мезде** кортыть братось ды **Ёга**, молись од ломантнень вакс, **варштынзе**, **китъ** аштитъ (К. Абрамов). Валрисьмесэнтэ кавто кандовиця пелькст, кавонест чарькодеветмань, но аравтовить сын аволь вейке валнэнь (васенцесь чарькодевети эзъ **кунсоло** глаголонтэ, омбоцесь — **варштынзе** глаголонтэ).


Эрсекши истяк, зярд кандовомань-аравтомань стакалгавтозь валрисьмесэ вейке шкасто вастовить ве ёндонь ды зярыя ёндонь кандовиця-аравтовиця валрисьмет. Саемга: **Яхим** кувать аштесь кедьсэнзэ **конёвнентъ** марто, **кона** кандсь кудозост покштояк покш ризкс, ды эзъ **муде**, **мезе** тензэ теемс, **кода** ветямс эсь прятнь истямо тевсэ (Т. Якушкин). Валрисьмесэнтэ колмо кандовиця пелькст. Васенцесь определени-янь, панжи существительнойнэнтэ ёнксонзо (**кона?**) **конёвнентъ** марто). Омбоцесь ды колмоцесь чарькодеветмань кандовиця, кавонест аравтовить глаголонтэ (**эзъ** **муде** (мезентъ?) ... **мезе** тензэ теемс, **кода** ветямс эсь прятнь...):



Зярыя кандовиця пелькстнэ тентъ рисьме: прявт пельксэнтэнь поладови ансяк васенце кандовицясь, лиятне — икеле аштиця кандовицятне-нень (омбоце кандовицясь — васенцентень, колмоцесь — омбоцентень ды истя седе тов). Икеле молиция кандовицясь мельганзо молициянь туртов ули прятокс. Истямо сюлмавомантень мерить **мельга-мельцек** молиция кандовома-аравтома. Саемга: **Сын** аштеть парксо, **секе** жо сками-канть лангсо, **косо** озадолть улкотъ, **зярдо** Петя васенцеде корта-зевсь **Надянь** мелявкстонть (К. Абрамов). Валрисьмесэнтэ кавто кандовиця пелькст. Васенцесь **Косо** озадолть улкотъ определения кандовицясь аравтови прявт пельксэ существительнойнень (**кона?**) сками-канть лангсо) ды теке жо шкастонть полады эстензэ мельганзо молиция **Зярд Петя** васенцеде кортазевсь **Надянь** мелявкстонть шкань кандовицянтэ:



Кандовомань-аравтомань стакалгавтозь валрисьмесэ вейке шкасто эрсить саезь ве- или зярыя ёндонь ды мельга-мельцек кандовиця-аравтовиця валрисьметь. Саемга: *Авась ней мелявты, мекс эзь кирдеве максозь валось, мекс эзь учово се шкась, зярдо Петя туевель тонавтнемеш ошов* (К. Абрамов). Валрисьмесэнт колмо кандовиця пелькст. Васенце кавтотне мекс эзь кирдеве максозь валось ды мекс эзь учово се шкась вейсэндявить эсь ютковаст ве ёндонь кандовомань-аравтомань сюлмаво-масо, кавонест аравтовить мелявты глаголонть. Колмоценть туртов прятокс ули омбоце кандовицясь, сон аравтови существительнойнень (кодамо?) шкась... зярдо Петя туевель тонавтнемеш...). Сюлмавомасть ютковост мельга-мельцек кандовомань-аравтомань:



93 §. ЗЯРЫЯ ПРЯВТ ПЕЛЬКС МАРТО КАНДОВОМАНЬ-АРАВОМАНЬ СТАКАЛГАВТОЗЬ ВАЛРИСЬМЕ

Кандовомань-аравтомань стакалгавтозь валрисьмесэ эрсить зярыя прявт пелькст, конатненсь аравтови вейке секе жо кандовицясь. Прявт пелькстнэ вейсэндявить эсь ютковаст седе сеедьстэ сюлмиця валтомо, ансяк вайгельксэнт вельде. Саемга: *Зярдо сы телесь, кельмевтьсы моданть, пры лов, масторлангось весе ашолгады* (А. Захаров). Те ниле пельксстэ аштиця кандовомань-аравтомань стакалгавтозь валрисьмесэнт колмо прявт пелькст: *кельмевтьсы моданть, пры лов, масторлангось весе ашолгады. Зярдо сы телесь* шкань кандовицясь аравтови эйстэст эрванть.

СОЮЗТОМО СТАКАЛГАВТОЗЬ ВАЛРИСЬМЕСЬ

94 §. СОЮЗТОМО СТАКАЛГАВТОЗЬ ВАЛРИСЬМЕДЕ ЧАРЬКОДЕМАСЬ

Стакалгавтозь валрисьментень, конасонтъ предикативень пелькстнэ сюлмавить эсь ютковаст союзтомо ды союзонь валтомо, ансяк вайгельксэнт (интонациянт) вельде, мерить **союзтомо стакалгавтозь валрисьме**. Вайгельксэсь, нама, вейсэндя аволь кандовомань-аравтомань (сложносочинённой) ды кандовомань-аравтомань (сложноподчинённой) стакалгавтозь валрисьметнень пельксэсткак, но ансяк союзтомо стакалгавтозьсэнт сон ули *сех эрявикс ды теке марто вейкине сюлмавомасть ёнксокс*.

Эряви тешкстамс, финнэнь-угрань келень наукасонть союзтомо стакалгавтозь валрисьмесэ куватень шкас эзь ванново кода башка кужо. Кортасть: те поддазь союз марто валрисьме. Истямо вановт кирдсть Ж. Шимони, А. Клемм, содавикс лингвистэсь М. Н. Колядёнков ды лият. Союзтомо стакалгавтозь валрисьментень сынь кандылизь или аволь кандовомань-аравтомань, или кандовомань-аравтомань стакалгавтозь валрисьметнень юткс (сень лангс ванозь, кодамо сюлмиця вал ладиль смустень коряс пелькстнэнь вейсэндямсто). Истя теvesь аштесь XX-це пшнгень 50-це иетнень прядомс.

Венгрань келень синтаксисэнт ванномсто, союзтомо стакалгавтозь валрисьментень башка кужос кандынзе К. Е. Майтинская («Венгерский язык. Ч. 3. Синтаксис», 1960). Эрзянь ды мокшонь кельтнесэ сынест васенцекс мель явсь И. С. Бузаков («Сложное предложение в мордовских языках», 1973). Союзтомо стакалгавтозь валрисьметнень сон яви колмо кужова:

- 1 — союзтомо стакалгавтозь валрисьметь, конат малавикст аволь кандовомань-аравтомансетненень;
- 2 — союзтомо стакалгавтозь валрисьметь, конат малавикст кандовомань-аравтомансетненень;
- 3 — союзтомо стакалгавтозь валрисьметь, конатненень арасть малавиксчист сюлмиця вал вельде вейсэндязь валрисьмс марто.

Неень шкасто эрзянь ды мокшонь келень литературасонть союзтомо стакалгавтозь валрисьмесэ теевомань ды смустень коряс ваннови кода башка стакалгавтозь валрисьментень кужо. Сон а вейсэндяви аволь кандовомань-аравтомань ды кандовомань-аравтомань стакалгавтозь валрисьментень кужотнень марто ды тонавтневи сынст марто сэрцек аравтозь.

95 §. СОЮЗТОМО СТАКАЛГАВТОЗЬ ВАЛРИСЬМЕНЬ ПЕЛЬКСТНЭНЬ ЮТКСО СЮЛМАВОМАНЬ ЁНКСТНЭ

Кода тешкстазель икеле, союзтомо стакалгавтозь валрисьмень пелькстнэнь ютксо прявтонь сюлмавомань ёнксокс ашти вайгельксэсь.

Сехте сеедьстэ тесэ вастневить вайгельксэнь истят кужот:

1) *мельга-мельцек молемань* (перечисления). Сон невти: пелькстнэнь ютксо сюлмавомась вейкетень (однородной) (эрямонь событиятне, явленияйтне ютыть вейке шкасто или молить мельга-мельцек). Эрьва пельксэнь ёвтамсто вайгелесь нолдави алов, юткост тееви нурькине лоткамо (пауза). Меельце пельксэсь ёвтави прыдозь вайгелькс марто. Саемга: *Анка аволь пек сэрей, лавтовоов, сельмечирькензэ тустот, якстере турвасонзо свал мизолкс* (Н. Эркай); *Чокшине ёнов вармалагдсь, тусь начко лов* (К. Абрамов);

2) *сэрцек путомань* (сопоставления). Сон невти: валрисьмесэнь артозь эрямонь событиятне, явленияйтне аравтовить рядсек вейкест-вейкест марто или путовить карадо-каршо. Васенце пельксэнь прыдомсто вайгелесь кепедеви верев, карадо-каршо аштиця валтнэнь лангс путовить вейкеть валвачкодкест. Саемга: *Кувать эрят — ламо неят* (Валмеревкс); *Кизэсь пурны — телесь сэви* (Валмеревкс); *Чувтонть правтсак — мекев а озавтсак* (Валмеревкс);

3) *эрявиксчинь* (обусловленность). Сон невти: валрисьмень пелькстнэсэ вастневить шкань, условиянь, следствиянь смустть. Васенце пельксэнь ёвтамсто, вайгелесь кепедеви верев ды нолдави омбоцесэнь, юткост тееви нурькине лоткамо (пауза). Саемга: *Весть сон (Матя) неIZE Феликсэнь проулкасто Тая марто кортнемстэ, омбоцедэ — Феликс якась тейтерь гурьба марто вирев* (К. Абрамов) (омбоце пельксэсь вейсэндязь васенценть марто шкань сюлмавомасо); *(Яхимнень) эрявсь муемс зйкакшонь ваныця — савсь модемс Васильевнанень* (В. Коломасов) (омбоце пельксэсь вейсэндязь васенценть марто следствиянь сюлмавомасо); *Кармат сорномо ды ёжовгалеме — ялагтне отказыть эйстэть* (В. Коломасов) (омбоце пельксэсь вейсэндязь васенценть марто условиянь сюлмавомасо);

4) *толковамонь*. Сон невти: валрисьмень пелькстнэсэ вастневить тувталонь, толковамонь, мезень-бути поладомань смустть. Васенце пельксэнь прыдомсто, вайгелесь пентень нолдави алов, омбоце пельксэсь ёвтави седе эрязасто. Саемга: *Кенярды ломанесь тундонь тевтнес: паро модас сон видизе сюронть* (И. Калинин) (омбоце пельксэсь вейсэндязь васенценть марто тувталонь сюлмавомасо); *Виренть вельксэ менелесь валдомсь — кирвась валскень зорясь* (К. Абрамов) (омбоце пельксэсь вейсэндязь васенценть марто толковамонь сюлмавомасо).

Вайгелькстэнь башка, союзтомо стакалгавтозь валрисьмень пелькстнэнь вейсэндямсто вастневить сюлмавомань лия невтемапельткак. Истямокс, васняк, улить: а) смустень коряс пелькстнэнь сюлмамось; б) валрисьмень пелькстнэсэ глаголтнэнь-сказуемойтнень формаст вейкетьксчись; в) «сюлмиця» («контактонь») валтнэнь улемась; г) пелькстнэнь теевемань башкачитне (вейсэнь валрисьмень аволь прявт пельксэнь улемась; вейке пельксэнь апешксечизэ (смустень коряс а прыдомазо); валрисьмень ко-

даткак пелькстнэнь одов ёвтамост; пелькстнэнь молема лувось) ды седе тов. Сынь виевгавтыть сюлмавомань прявт ёнксонть — вайгельксэнь — ды теить союзтомо стакалгавтозь валрисьмень седе кеме вейсэндявксокс.

Панжсынек нурькинестэ неть сюлмавомань невтемапельтнень смустест.

Союзтомо стакалгавтозь валрисьмень пелькстнэнь ютксо свал ули *смустень коряс сюлмавома*. Саемга: *Тон а сёпсак — иень перть сон а содакшны оймамо: эрьва чистэ яла тевть, свал сонензэ мелявкст ламо* (Е. Пятаев). Те валрисьмесэнь весе ниленест предикативень пелькстнэ сюлмавить эсь ютковаст смустень коряс ды целанек максить ломанень обуцянь артовкс.

Союзтомо стакалгавтозь валрисьметнень пелькстнэсэ глаголтнэнь-сказуемойтнень формаст малав свал вейкеть. Саемга, *Сэрей вальманть томбале вандолдсь тундонь чись, кецязь цильнестэ озязтнэ, неявиствэ васоло паксят* (К. Абрамов) валрисьмесэнь весе колмонест пелькстнэсэ сказуемойтне невтезь индикативсэ ютазь шкань колмоце лицянь вейкеня числань формасо; *Кармат книгань ловномо — кармат ламо содамо* (Валмеревкс) валрисьмесэнь кавонест пелькстнэсэ сказуемойтне стакалгавтозь глаголонь, ёвтась сын кармат «лездыця» глаголсо, кона ашти индикативсэ неень-сыця шкань омбоце лицянь вейкеня числань формасо, ды инфинитивсэ.

«Сюлмиця» («контактонь») валокс союзтомо стакалгавтозь валрисьмесэ сехте сеедьстэ сайневить антонимтне (вейкесь — омбоцесь, тесэ — тосо, икеле — удало (мейле) ды лият). Саемга: *Телесь вечки оймсе — кизэсь важдеме* (Валмеревкс); *Ве пезэ (паксянтэ) нежедевсь овсе менель кирьксэнтень, омбоцесь эйксэ пиче вирентень* (К. Абрамов); *Сыретне кирдить таштонть, одтнэ бажить икелев* (К. Абрамов).

Пелькстнэнь сюлмавомась виевгавтови союзтомо валрисьмень теевемань башкачитнесаяк, конатненень, васняк, кандовить: а) *вейсэнь аволь прявт (второстепенной) пельксэнь улемась (детерминатось): Кардазсонть а мазы вайгельсэ парась скалось, цирнесь тулевксэсь* (К. Абрамов) (*кардазсонть* таркань обстоятельствася вейкетьстэ кандови кавонест пелькстнэненень. Лиси: *Кардазсонть ... парась скалось* ды *Кардазсонть цирнесь тулевксэсь*); б) *васенце пельксэнь прыдоманть эрявиксчись*: Минек, сыре ломантнень, ули вейке покш асатьксинек: *сэредсти эйсэнек натой сехте вишкине зыянов ильведьксэсь* (Сятко); в) *валрисьмень кодамояк пельксэнь одов ёвтамось*: *Кудава пурны куданзо, кудава сэрни анданзо* (М. Евсеев); *Валске рана кукось кукорды, позда чокшине сон кукорды* (УПТМН) ды лият.

96 §. СОЮЗТОМО СТАКАЛГАВТОЗЬ ВАЛРИСЬМЕНЬ КУЖОТНЕ

Сень лангс ванозь, кодат смустть невтить союзтомо стакалгавтозь валрисьмень пелькстнэ, кодамо вайгельксэсь сын вейсэндявить, малавикст или аволь союз марто валрисьметненень, весе сын явовить кода *вейкеть*

кужонь (однородной) пелькс марто ды аволь вейкетъ кужонь (аволь однородной) пелькс марто.

1. Вейкетъ кужонь (однородной) пелькс марто союзтомо стакалгавтозъ валрисьметненъ пельксэст а кандовить векест-вейкест туртов. Сынъ невтитъ мельга-мельцек молемань (перечислениянь) или карадо-каршо аштемань вейсэнъ смустть.

Мельга-мельцек (перечислениянь) союзтомо стакалгавтозъ валрисьметне ёвтавить мельга-мельцек молемань вайгелькс марто. Эсест теевемаст коряс сынъ кармить «панжозъ» теевксэкс (конструкциякс), аште-кшнить кавто, колмо ды седе ламо пельксстэ ды, бути эряви смустень коряс, сынест шождасто поладовкшнить лия пельксткак. Пелькстнэ невтитъ вейке шкань или мельга-мельцек молиция событийт, явленийт. Ёвтамстост юткзост теевить нурькине лоткамот (пауза). Саемга: *Ульнесь уш чопода, лазонь вишка кудынетненъ вальмаст тия-тува валдомтозельть* (К. Абрамов); *Друк кивчкадсь ёндо, зэрькстась пурьгине, кармась валомо пиземе* (В. Бурнаев).

Сэрцек путомань (сопоставлениянь) союзтомо стакалгавтозъ валрисьметне свал аштитъ ансяк кавто пельксстэ. Эсест теевемаст коряс сынъ кармить «пекстазъ» теевксэкс (конструкциякс). Васенце пельксэнтъ ёвтамсто, вайгелесь кепедеви верев, омбоцентъ — нолдави алов, пелькстнэнь ютксо — кувака лоткамо (пауза). Саемга: *Лиясто тетясь ушодыль музгордеме, авась свал пикадиль кисэнзэ* (К. Абрамов); *Сон (Таня) а вестъ ваннось часонь циферблатонтъ лангс — мезеяк эзь неяво* (К. Абрамов).

Вейкетъ кужонь (однородной) пелькс марто союзтомо стакалгавтозъ валрисьметне смустень ды теевемань коряс малавикст аволь кандовомань-аравтомань стакалгавтозтненень, секскак сынст пельксэст юткс шождасто путовить сочинениянь (сюлмиця или карадо-каршонь) сюлмиця валт. Саемга: *Ульнесь уш чопода, ды лазонь вишка кудынетненъ вальмаст тия-тува валдомтозельть; Лиясто тетясь ушодыль музгордеме, но авась свал пикадиль кисэнзэ*. Те чарькодевити: вейкетъ кужонь (однородной) пелькс марто союзтомо стакалгавтозъ ды аволь кандовомань-аравтомань стакалгавтозъ валрисьметне аштитъ синтаксисэнь синонимекс.

2. Аволь вейкетъ кужонь (аволь однородной) пелькс марто валрисьметне — неть истят союзтомо стакалгавтозъ валрисьметъ, конатнесэ вейке пельксэс кандови омбоцентень смустень ды вайгельксэнь коряс. Эсест теевемаст коряс сынъ кармить «пекстазъ» теевксэкс, секскак свал аштитъ ансяк кавто пельксстэ ды седе тов а келейгавтовить. Пелькстнэ седе сеедьстэ вейсэндявить тувталонь, толковамонь, карадо-каршо путомань ды лия смустень коряс сюлмавомасо.

Аволь вейкетъ кужонь (аволь однородной) пелькс марто союзтомо стакалгавтозъ валрисьметне явовать истямо куроа: а) валрисьметъ, конатнесэ сюлмавоматне эрявиксчинь (обусловленностень) смусть марто; б) валрисьметъ, конатнесэ сюлмавоматне тувталонь ды следствиянь смусть марто; в) валрисьметъ, конатнесэ сюлмавоматне толковамонь смусть марто.

Союзтомо стакалгавтозъ валрисьметне, конатнесэ сюлмавомась

эрявиксчинь (обусловленностень) смусть марто, теить кавто седе вишка курынеть:

1) союзтомо стакалгавтозъ валрисьметъ, конатнесэ пелькстнэ вейсэндязь **условиянь ды следствиянь** смусть марто сюлмавомасо. Васенце пельксэнтъ эйсэ невтеви условия. Сон ёвтави вайгелень кепедезь. Омбоцесэнтъ — те условиястонть лисиця следствия. Те пельксэс ёвтави вайгелень нолдазь. Саемга: *Визьксэть ёмавтсак — лия а рамат* (Валмеревкс); *Лембе кизэнтъ удосак — кельме телентъ сюдосак* (Валмеревкс); *Шкасто тунда а видят — сёксня эсь прят сюдат* (Валмеревкс).

Истят союзтомо стакалгавтозъ валрисьметне малавикст кандовомань-аравтомансетненень, конатнесэ кандовиця пелькстнэ невтитъ условиянь ды шкань смустть ды вейсэндявить прявт пельксэнтъ марто **бути, коли, зярдо** сюлмавомань ёнкстнэнь вельде. Саемга: *Бути (коли, зярдо) визьксэть ёмавтсак, (то) лия а рамат*; *Бути (коли, зярдо) лембе кизэнтъ удосак, (то) кельме телентъ сюдосак*; *Бути (коли, зярдо) шкасто тунда а видят, (то) сёксня эсь прят сюдат*;

2) союзтомо стакалгавтозъ валрисьметъ, конатнесэ пелькстнэ вейсэндязь **уступкань ды карадо-каршонь** смусть марто сюлмавомасо. Васенце пельксэнтъ ёвтави кодамо-бути арсема, омбоцесэнтъ те арсеманть каршо мезе-бути путови. Саемга: *Сыргат ве чис ки лангс — киши сайть недля* (Валмеревкс); *Ямоськак уш писъ — ялатеке Алёшка эзь стяво* (Н. Эркай).

Истят союзтомо стакалгавтозъ валрисьметне малавикст кандовомань-аравтомансетненень, конатнесэ кандовиця пелькстнэ невтитъ уступкань, карадо-каршонь смустть ды вейсэндявить прявт пельксэнтъ марто **бути, кадык, коли** сюлмавомань ёнкстнэнь вельде. Саемга: *Бути (коли, кадык) сыргат ве чис ки лангс, (то) киши сайть недля*; *Кадык ямоськак уш писъ, ялатеке Алёшка эзь стяво*.

Союзтомо стакалгавтозъ валрисьметнеяк, конатнесэ сюлмавомась **тувталонь ды следствиянь** смусть марто, теить кавто седе вишка курынеть:

1) союзтомо стакалгавтозъ валрисьметъ, конатнесэ омбоце пельксэнтъ невтеви кодамо-бути **тувтал**, конань коряс молеви или а молеви васенце пельксэнтъ тевтеемась. Ёвтамсто пелькстнэнь юткс путови кувака лоткамо (пауза). Саемга: *Огоньковнень стака ульнесь стямс: томбавозъ бокась сзредсь* (А. Лукьянов); *Ольга Сергеевна учось цёранзо. Самодонзо мейле эзь кенере паро ладсо вапомонзо — саизь Пиче велез свадьбав* (К. Абрамов); *Пек састъ Дошкенъ кежензэ: тиринь тейтерезэ пикади кулаконъ цёранть кис* (П. Кириллов).

Истят союзтомо стакалгавтозъ валрисьметне малавикст кандовомань-аравтомансетненень, конатнесэ кандовиця пелькстнэ невтитъ тувталонь смустть ды вейсэндявить прявт пельксэнтъ марто **секс мекс (што)** сюлмавомань ёнксонть вельде. Саемга: *Огоньковнень стака ульнесь стямс, секс мекс томбавозъ бокась сзредсь; Пек састъ Дошкенъ кежензэ, секс мекс тиринь тейтерезэ пикади кулаконъ цёранть кис*;

2) союзтомо стакалгавтозъ валрисьметъ, конатнесэ омбоце пельксэнтъ невтеви **следствия**. Васенце пельксэнтъ вайгельксэс ёвтнемань, мельганзо тееви лоткамо (пауза), ды омбоце пельксэс ёвтави виегав-

тозь вайгельсэ. Саемга: *Валскень перть моли виев пиземе — ушов а лисеват* (Сятко); *Тикшесь ульнесь росав — савсь юктнемс ды молемс кепе* (К. Абрамов); *Эрва кинень панжозь кудонь кенкишем келес — совак тень эзганзо инжекс апак пеле* (А. Мартынов).

Истят союзтомо стакалгавтозь валрисьметне малавикст кандовомань-аравтомансетненень, конатнесэ кандовиця пелькстнэ невтить следствиянь смустть ды вейсэндявить прявт пельксэнтъ марто **секс(как)** сюлмавомань ёнксонть вельде. Саемга: *Тикшесь ульнесь росав, секс(как) савсь юктнемс ды молемс кепе; Валскень перть моли виев пиземе, секс(как) ушов а лисеват.*

Союзтомо стакалгавтозь валрисьметне, конатнесэ сюлмавомась **толковамонь** смусть марто, явовать истямо седе вишка курынева:

1) союзтомо стакалгавтозь валрисьметне, конатнесэ омбоце пельксэсь панжи, толкови, чарькодекти васенце пельксэ ёвтазентъ. Саемга: *Листь вальмалов, варштак пертьпельга — тундо тенек сасы!* (А. Эскин); *Ялгатъ турвасто сезеви вал — седейвитемакс аразо тонеть* (Л. Дергачёва).

Истят союзтомо стакалгавтозь валрисьметне а эрсить малавиксэкс скулмиця вал марто валрисьметненень, секскак пелькстнэнь юткс кодаткак сюлмавомань ёнкст а путовить;

2) союзтомо стакалгавтозь валрисьметне, конатнесэ омбоце пельксэсь прыды васенце пельксэ ёвтазентъ ды топавты кодамо-бути валрисьмень пельксэнь те. Саемга: *Стёпа содасы: тетясь а вачкодъсы, ансяк тандавтни* (К. Абрамов) (*содасы* (мезенть?) ... (дополнения); *Теевсь ильведевкс: аволь се ломанентень максынь ярмактинэнь* (С. Платонов) (*ильведевкс* (кодамо?) ... (определения); *Сыргозсь сон позда: ульнестъ кемгавтово част* (Сятко) (*сыргозсь* (жардо?) ... (шкань обстоятельства);

3) союзтомо стакалгавтозь валрисьметне, конатнесэ улить мезень-бути поладовомань смустть. Омбоце пельксэсь домкалгавты, келейгавты васенце пельксэ ёвтазентъ. Саемга: *Каштом лангось пси — кедьсэ а токави* (К. Абрамов); *Тельня ваясынзе ловось кудынетненъ — а неявитькак* (К. Абрамов).


97 §. ЛАМО ПЕЛЬКСЭНЬ СОЮЗТОМО СТАКАЛГАВТОЗЬ ВАЛРИСЬМЕТНЕ

Союзтомо стакалгавтозь валрисьметне, кода союз мартосетнеяк, эрсить *ламо пельксэнь*. Лиякс меремс, аштить кавтодо седе ламо предикативень пельксстэ. Эсест теевмаст коряс ды сень лангс ванозь, кодамо сюлмавомасо вейсэндязь пелькстнэ, истят валрисьметне явовать кавто курова: вейкетъ кужонь (однородной) пелькс марто ламо пельксэнь союзтомо стакалгавтозь валрисьметне ды аволь вейкетъ кужонь (аволь однородной) пелькс марто ламо пельксэнь союзтомо стакалгавтозь валрисьметне.

Вейкетъ кужонь (однородной) пелькс марто союзтомо стакалгавтозь валрисьметнесэ максовить вейке шкасто или мельга-мельцек молиция эрямонь артовкст. Пелькстнэ а кандовить вейкест-вейкест туртов, эсь ют-

коваст вейсэндявить мельга-мельцек молемань (перечислениянь) вайгельксэнтъ вельде. Саемга: ¹*Сон (Ваня) аштесь куникасо,* ²*картузозо путозель чирьстэ,* ³*кирьксэнтъ алдо лиссь черь пусмо* (К. Абрамов); *А куш а каш эзь маряво се велесэнтъ.* ¹*Атякшт эзь мора,* ²*кискат эзь онго,* ³*скалт, реветъ эзь пара,* ⁴*ломанть эзь кортне* (А. Куторкин); ¹*Мазый тейтерькс налкси Сурась,* ²*пейди ниже виресь,* ³*лёмзёр курось ашо човокс валовсь леентъ чирес* (Н. Эркай).

Аволь вейкетъ кужонь (аволь однородной) пелькс марто союзтомо стакалгавтозь валрисьметнесэ невтеть аволь вейкетъ смустть, пелькстнэяк вейсэндявить аволь вейкетъ кужонь вайгельксэсэ. Истят валрисьметне седе сеедьстэ аштить колмо (чуросто — седе ламо) пельксстэ. Сынь явовать кавто пелькс-блок лангс: васенцесь ашти вейке пельксстэ, омбоцесь — кавтосто (или седе ламосто), конат кеместэ сюлмавозь эсь ютковаст смустень ды вайгельксэнь коряс. Саемга: ¹*Те колмонзась велентъ эзга,* ²*пирень-пирень трокс, чудить колмо лейнеть а лейнеть — коське-немань жардоак а содыця чудикерькст:* ²*вейкентъ лемезэ Крамилей,* ³*омбоцэнтъ — Куколей,* ⁴*Чиневлей — колмоцэнтъ* (А. Куторкин). Те валрисьмесэнтъ, кона ашти ниле пельксстэ, явовать кавто пелькст-блок. Эсь ютковаст сынь вейсэндязь толковамонь сюлмавомасо. Омбоце пельксэсь-блокось целанек келейгавты васенцесэ ёвтазентъ. Сон ашти колмо пельксстэ, конатненъ ютксо сюлмавомась мельга-мельцек молемань (перечислениянь).



Эрси истяк, жардо меельце пельксэсь кандови васенцетненень, конат тагояк кеместэ вейсэндязь эсь ютковаст смустень ды вайгельксэнь коряс. Саемга:

¹*Жойнить сырнень паксян,* ²*чудить валдо леень,* ³*зорянтъ марто палсян —* ⁴*эрзянь мода лемем* (А. Сульдина).

Те валрисьмесэнтъ, кона истя жо, кода икельцеськак, ашти ниле пельксстэ, явовать кавто пелькст-блок. Васенцесь ашти колмо пельксстэ, конат вейсэндявить эсь ютковаст мельга-мельцек молемань вайгельксэсэ, а омбоцесь — вейкестэ. Пелькстнэнь-блоктненъ ютксо сюлмавомась зрявиксчине (обусловленностень).



98 §. СИНТАКСИСЭНЬ СТАКАЛГАВТОЗЬ ТЕЕВКСТЭ ЧАРЬКОДЕМАСЬ

Эрзянь кельсэ аволь аламо ламо пельксэнь валрисьметь, конат вейсэндязь эрва кодамо кужонь сюлмавомасо (аволь кандовомань-аравтомань ды кандовомань-аравтомань, союзтомонь ды аволь кандовомань-аравтомань, союзтомо ды кандовомань-аравтомань ды седе тов). Истят валрисьметненень мерить **синтаксисэнь стакалгавтозь теевкст** или **човорязь кужонь стакалгавтозь валрисьметь**.

Стакалгавтомась молн аволь ансяк теевемань, но смустень коряскак: ламолгады максовиця информациясь, виевгавтови ёвтавксонть смустезь.

Човорязь кужонь стакалгавтозь валрисьмесь седе сеedyстэ ашти кавто пелькстэ-блоксто, конат явовать теевемань, смустень ды вайгельксэнь коряс. Неть пелькстнэнь эйстэ вейкесь, но ули стакалгавтозь валрисьмекс.

99 §. СИНТАКСИСЭНЬ СТАКАЛГАВТОЗЬ ТЕЕВКСЭНЬ КУЖОТНЕ

Сень лангс ванозь, кодамо сюлмавомасо вейсэндязь эсь ютковаст пелькстнэ, явовать синтаксисэнь стакалгавтозь теевксэнь зярря кужот: 1) аволь кандовомань-аравтомань ды кандовомань-аравтомань сюлмавомасо вейсэндязь пелькс марто; 2) аволь кандовомань-аравтомань ды союзтомо сюлмавомасо вейсэндязь пелькс марто; 3) кандовомань-аравтомань ды союзтомо сюлмавомасо вейсэндязь пелькс марто; 4) аволь кандовомань-аравтомань, кандовомань-аравтомань ды союзтомо сюлмавомасо вейсэндязь пелькс марто.


1. Аволь кандовомань-аравтомань ды кандовомань-аравтомань сюлмавомасо вейсэндязь синтаксисэнь стакалгавтозь теевксэнь явовать кавто или седе ламо пелькст-блок, конат сюлмазь аволь кандовомань-аравтомань союзсо. Неть пелькстнэнь эйстэ вейкентень (а паряк, кавонесткак туртов) аравтовить кандовицят (вейке или зярря). Саемга: *‘Паксятне ульнесть раужот, ²ды ансяк тия-тува сув ладсо редявсть таркат, ³козонь появасть васень лисевкст* (К. Абрамов); *‘Пахом Васильевич исяк тей эзизе уско чемоданонть, ²ды Захар а соды, ³косто вешнем* (К. Абрамов).

Кавонест синтаксисэнь стакалгавтозь теевкстнэ аштить колмонь-колмонь пелькстэ, конат явовать кавто пелькс-блок лангс. Васенцесь эйстэст ашти вейке пелькстэ, омбоцесь — кавтосто. Пелькстнэ-блокне эсь ютковаст вейсэндязь **ды** сочинениянь союзонть вельде. Омбоце пельксэсь-блокось теевемань коряс ули кандовомань-аравтомань стакалгавтозь валрисьмекс, конань эйсэ явовать прявт ды кандовиця пелькст.

Неть валрисьметненень схемаст истят:



Лия валрисьме: *‘Надя сонськак а соды, ²мекс бажи Петяень, бажи, ³но а муеви кодамояк тувтал, ⁴кона малавгавтовлинзе* (К. Абрамов). Те синтаксисэнь теевксэсь шождасто явови кавто пелькс-блок лангс, конат вейсэндязь сочинениянь сюлмавомасо (сюлмавомань ёнксокс ули **но** карадо-каршонь союзось). Тень пингстэ эрва пельксэнь явови прявт пелькс ды сонензэ аравтовиця кандовиця (кандовомань-аравтомань сюлмавома):




2. Аволь кандовомань-аравтомань ды союзтомо сюлмавомасо вейсэндязь синтаксисэнь стакалгавтозь теевкстнэсь веенст пелькстнэ сюлмазь сочинениянь союз вельде, а лият — ансяк вайгелькс вельде (сёрмадомсто те невтеви лотксема тешкссэ). Седе сеedyстэ вастневи истямо сюлмавома: васень кавто пелькстнэ вейсэндязь аволь кандовомань-аравтомань союзсо, а колмоцесь (или седе ламотне) — вайгелькс вельде. Саемга: *‘Валске марто иневедесь ульнесь сэтьме, ²но обед ёнов ушось кольсь, ³кепететсь варма, ⁴менеленть копачизь стака пельть* (И. Пиняев); *‘Сыредеманть ёнов сон* (Елена) *аламодо кармась эчкелгадомо, ²но рунгось ялатеке ульнесь виде, ³мештось сэрей, ⁴чертне тустот* (К. Абрамов):




Вастневить синтаксисэнь стакалгавтозь теевкст, конатнесэ союзтомо, ансяк вайгельксэнь вельде вейсэндязь васенце кавто пелькстнэ, союз вельде — сынст мельга молицятне. Саемга: *‘Ансяк стамбарнэ цятордыть лекшесэ вельтязь кальтне, ²мерят, кияк лыкавты рунгост, ³но сын аштить апак челька* (К. Абрамов):




Кандовомань-аравтомань ды союзтомо сюлмавомасо вейсэндязь синтаксисэнь стакалгавтозь теевкстнэсь веенст пелькстнэ сюлмазь кандовомань-аравтомань (подчинениянь) союз вельде, а лият — вайгелькс вельде. Седе сеedyстэ вастневить синтаксисэнь истят теевкст, конатнесэ прявт сюлмавомакс ули союзтомось. Вейке кодамо-бути пельксэнтень эрси аравтозь кандовиця. Саемга: *‘Моротне, ²конат гайгсть, опамсть, ³кортинематне лоткасть* (П. Кириллов); *‘Качадсь начко модасо; ²наксясь сэрэс ацазель нижниця грацьсэ, ³конат кочкссесть мода потсто лисезь сукстнэнь; ⁴менельсэнть морасть уськеряйтть ды норовжорчт* (А. Доронин):




Эрси истяж, зярдо союзтомо сюлмавомасо вейсэндязь пелькстнэстэ вейкентень аравтовить зярды кандовицят. Саема: ¹Икле Московось покш мель явсь невтеме сюнавчиде пешксе ве Сибирентень, ²ней, ³зярдо Польшанть эйстэ менстязель Киевсь, ⁴Швециядонть — Прибалтикась, эрявсть кеме сюлмот чивалгома ёнксонь мастортнэнь марто, ⁵конат иестэ иес яла виензыльть культурасо, тонавтомань, лецямонь ды рамсемань-микинемань тевтнесэ (А. Доронин):



Эрси истяж, зярдо эрва пельксэнтень, конат вейсэндязь эсь ютковаст союзтомо сюлмавомасо, аравтови кандовиця. Саема: ¹Атянтъ чамасто Миколь мусь содавикс тешкст, ²конатнень некипинзе Зинань чачосто: ³зярдо тона копилнзе сельмензэ, ⁴судонзо перька пурнавильть сормсевкст (А. Доронин):



Аволь кандовомань-аравтомань, кандовомань-аравтомань ды союзтомо сюлмавомасо вейсэндязь синтаксисэнь стакалгавтозь теевкстнэсэ вастовить вейке шкасто весе неть колмонест сюлмавоматне. Чарькодеви: истямо кужонь теевкстнэ аштиць ниле ды седе ламо пелькстэ. Саема: ¹Иван арсесь лоткамс авардемеде, ²но седеезэ пек лавшомсь, ³теевсь тензэ покш сэрдькс, ⁴кона скири, сэвезь сэви (Т. Раптанов).



ЛИЯНЬ КОРТАМОСЬ

100 §. ЛИЯНЬ КОРТАМОНТЬ ЁВТАМОНЬ-НЕВТЕМАНЬ КИТНЕ-ЯНТНЭ

Лиянь кортамось — те лия ломанень мерема, кона совавтозь авторонь кортамонтень. Лиянь кортамось эрси невтезь эрва кодамо ёнкс вельде. Неень шкань эрзянь кельсэ, кода и лиятнесэ, лиянь кортамось невтеви колмо кива-янга:

- 1) виде кортамо;
- 2) а виде (косвенной) кортамо;
- 3) а виде-виде (несобственно-прямой) кортамо.

Виде кортамось — те допрок апак полавто лиянь кортамонтъ невтемазо, косо ванстовить аволь ансяк смустесь, но формаськак.

А виде кортамось — те полавтозь лиянь кортамо, косо ванстови ансяк смустесь.

Виде ды а виде кортамонтне явовить аволь ансяк лиянь кортамонтъ полавтозь или апак полавто невтемасо. Васенце (прямонтъ) явовомась сынст ютксо сеньсэ, кода эрвась эйстэст совавтови авторонь кортамонтень. Виде кортамось прянзо невти кода башка валрисьме (или зярды валрисьметь), а виде кортамось — кода кандовиця пелькс кандовомань-аравтомань стакалгавтозь валрисьмесэ, конасонтъ прявт пельксэнтъ теить авторонь валтнэ. Саема: «Инязоронь солдаттнэ совавольть крепостев, авольть удо лей чиресэ», — мерсь атаманонь валтнэнь каршо Захарьев есаулось (К. Абрамов) — Захарьев есаулось мерсь атаманонь валтнэнь каршо, штобу инязоронь солдаттнэ совавольть крепостев, авольть удо лей чиресэ.

Лиянь кортамонь башка невтемапелекс ашти **а виде-виде** кортамось, зярдо кортыцясь эсензэ валсо домкасто ёвтнн лиянь кортамодо, теке шка-не ванстоць те кортамонтъ стилень ёнкстнэнь. Захаронь сэрезэ палмань-шка, сонензэ мон — лавтов видьга. Мокишанзо — салдырькст. Паряк, секс кидеяк а пели (К. Абрамов).

101 §. ВИДЕ КОРТАМОСЬ

Виде кортамось кода валрисьмень пелькс теи авторонь валтнэнь марто башка пелькстэ аштиця синтаксической конструкция. Виде кортамось невти: 1) лия ломанень ёвтамо; 2) эсензэ авторонтъ валонзо; 3) апак ёвта арсема.

Авторонь кортамосонтъ сюлмиця тешксэкс аштиць виде кортамонтъ совагыця валтнэ (глаголтиэ). Неть васняк кортамонь, арсемань глаголт: меремс, кортамс, кевкстемс, арсемс, тешкстамс, ёвтамс, серье-

демс, тошкамс, лоткавтомс, пшкадемс ды лият. Теде башка, лиясто тевс нолдавить глаголт, конатне невтит мереманть (ёвтамонтъ) марто тевтеемат ды ёжомарямот: *пейдзевемс, нусмакадомс, лекстямс, дивазевемс* ды лият. Истямо таркасо виде кортамосонт ули виев ёжомарямонь артовкс. *Озатясь эскельдясь аватнень ёнов, урнозевсь граж вайгельсэ: «Паряк, тынь мартон пелькстатадо, бути цёранк левшень понкст?»* (М. Брыжинский). *«Алукс, алукс», — мизолдозевсь Шуткин ды кекшизе топонть эсенз юдмас* (Н. Ишуткин).

Совавтыця валокс лиясто саевить существительнойть. Кода совавтыця глаголтнэньгак, сынст смустест — арсемань, ёвтамонь. Тей кандовить серьгедемань, кевкстемань, тошкамонь ды лия валт. *Ды таго, колмо-цеде, секе жо кевкстемась: «Ёвтынк валонк, ине сэрдыт! Кона лемесь седе лади од сыцянтень?»* (М. Брыжинский).

Виде кортамось стакалгавтозь валрисьмесэ аштекинни:

1) авторонь валтнэнь икеле: *«Улема, князесь кучинзе монь ван-стомо», — арсезевсь сон (Никита) седеень оймазь* (К. Абрамов);

2) авторонь валтнэнь мельга: *Тетям верьга вайгельть раказевсь, мейле мерсь: «Сынст эсест келест, тейтернем, рузонь. Тон сонзэ а содасак, секс а царькодевияк...»* (Т. Разгуляева);

3) авторонь валтнэнь куншкасо: *Кода эзть энялдо велень атятне икелень: «Кадовт эсь велезнек эйкакштинэнь тонавтомо», — тенст эзинь кортаво* (М. Втулкин);

4) авторонь валтнэнь кавто ёнга: *«Алукскак, мейсэ сеньсэ берянесь, — эськанзо арсесь Тимофей, — зярдо ломантне кармить кавто тевде мелявтомо: модань соксемадо ды эйкакшонь трямо-модо?»* (А. Доронин).

Сень лангс ванозь, кодамо таркасо ашти виде кортамось, авторонь кортамосонт полавтовить валрисьмень прявт пелькстнэнь молемаст. Истя, виде кортамонт икеле аштиця авторонь валтнэсэ глаголось-сказуемоесь путови подлежащее мельга. Саемга: *Мон вана уш а сёпса, витьстэ мерян: «Наймансонть эрязь, хоть мон вечкса сонзэ, но теке жо шкастонть тошначи эйзэнь пальдась»* (В. Коломасов).

Аштиндеряйт авторонь валтнэ виде кортамонт мельга, сестэ глаголось-сказуемоесь путови подлежащее икелев. Саемга: *«Теде тон мекс монень кортат?» — кевкстизе атясь* (В. Коломасов).

102 §. А ВИДЕ КОРТАМОСЬ

А виде кортамось — те лиянь кортамо, конанть ёвты авторось кандовиця (придаточной) валрисьмень формасо, сонзэ смустенть ванстоць. Виде кортамонт коряс а виде кортамось свал ашти авторонь валтнэде мейле, конат невтезь теке кандовомань-аравтомань стакалгавтозь валрисьмень прявт пелькс.

А виде кортамонт совавтоманть туртов тевс нолдавить эрьва кодат союзт ды союзной валт, конатне саевить лиянь кортамонт целень ёнксонзо лангс ванозь.

Виде кортамонт а видекус теевемстэ эрсить полавтомат формань ды

стилень коряскак. Улиндеряй виде кортамось ёвтемань валрисьме, сонзэ а виде кортамокс полавтомсто тееви **што** союзонт марто объектнэ смустень невтиця кандовиця валрисьме. Саемга: *А стяко мерить: «Ломань лишменть лангсто рудазскак валгат»* (А. Куторкин) — *А стяко мерить, што ломань лишменть лангсто рудазскак валгат*.

Улиндеряй виде кортамось императивень формасо сказуемой марто кармавтомань валрисьме, сестэ сонзэ полавтомсто а виде кортамокс тееви **што, штобу** союзтнэнь марто кандовиця валрисьме. Пшкадемадне нолдавить или теевить валрисьмень пельксэкс. Лиясто сын полавтовить местоимениясо.

Виде кортамосо императивень формасо глаголось а виде кортамосо полавтови конъюнктивень формасо, теевить полавтомат местоимениянень формасояк. Саемга: *«Сайть марто стрелецт ды ветьявтык тей Сидор Федькань, казаконтъ», — кортазевсь приказонь прявтось* (К. Абрамов) — *Приказонь прявтось кортазевсь, штобу саевель марто-нзо стрелецт ды ветьявовлизе тей Сидор Федькань, казаконтъ*.

Улиндеряй виде кортамось кевкстемань валрисьме, сестэ сон полавтови а виде кортамосо, конась невтеви кавто формасо:

а) кандовиця (придаточной) валрисьмесэ — поладови авторонь валтнэненъ теке жо союзной валонт или наречиянть вельде, кона ульнесь виде кортамосонткак;

б) **ли** частицанть марто кандовиця валрисьмесэ, а улиндеряй виде кортамосонт кевкстемань местоимения или наречия.

Виде кортамосонт аштиця междометиянне, частицатне, совавтозь валтнэ, пшкадемадне менставить виде кортамонт а видекус полавтомсто.

103 §. А ВИДЕ-ВИДЕ КОРТАМОСЬ

Ули лиянь кортамонь невтемань башка ки-ян, конась эсенз эйсэ канды кода виде, истя а виде кортамонь ёнксткак. Те **а виде-виде кортамо**. Кода и виде кортамось, сон ванстсынзе кортыцянь ёвтамонт лексикань ды синтаксисэнь башка ёнкстнэнь. Кода а виде кортамосонткак, тесэ ванстовить глаголонь ды местоимениян форматнень полавтомань башкачист. А виде-виде кортамонт синтаксисэнь ёнксо — сонзэ а явовомась авторонь валтнэнь эйстэ. Теевемань коряс сон вети прянзо кода ськамочинь валрисьме. А виде кортамонт коряс седе парсте невти ломаненть кортамонзо, сонзэ ёжомарямонь артовкстнэнь. Келейстэ тевс нолдави художественной литературасо кода авторонь ёвтеманть геройтнэнь кортамост марто малавгавтомань ёнкс. Саемга: *Тишай сеске поладызе кортамонт эсенз эрьва чинь мелявксонтень. Витьстэ меремс, те мелявксось ульнесь кавонест туртов — макссы а макссы Алтыбай тей-терензэ сонзэ экиш, лавшоми эли а лавшоми калгодо седеезэ* (К. Абрамов).

Диалогось (греч. dialogos) — те кавто или седе ламо ломанень ютк-со кортамо.

Диалогической кортамосо эрсить эрва кодат валрисьметь:

1) Вейке прявт пельксэнь. Саемга, глаголонь:

— Мекс **чатъмоня**т, арась мелеть пелькстамс? **Молят** суронь кочкамо?

— Нама, **молян**, мекс **а молян** (К. Абрамов).

— **А матедеват**?

— **Саян мартон книга, а матедеван** (К. Абрамов).

2) Кавто прявт пельксэнь валрисьметь:

— **Тон, Ваня, аште**к энэ ды **ваннок** книга, монень вельть аютко.

— **Мон чарькодтян** (К. Абрамов).

— **Тон мейс сыть**, тейтернем?

— **Ольга сась эйде вано**мо.

— **Кие кучинзить**?

— **Кияк эзимил, монсь сын** (К. Абрамов).

3) Аволь пешксе валрисьметь.

Сынст эйсэ менстязь валрисьмень кодаткак пелькст, конатне содавить эсензэ кортамонть или сёрмадозень коряс. Саемга:

— **Чинь перть мезея**к а теян, аштян тевтеме. **Тесэ весе аватне** аштить тевтеме, весементь теить вардат.

— **Ламо аватнеде**?

— **Кудо потмось пешксе** (К. Абрамов).

— **Василь Василич, тон**?

— **Манявить**, монсь эйсэнзэ вешнян.

— **Вай, простямизь. Течи сонзэ Кацелаев тердизь.**

— **Мезень кувалма тердизь**, а содат? (А. Доронин).

— **Васня эряви прядомс институтонть**, мейле арсемс урьваксто-мадо, — **мизолдозь мерсь Феликс.**

— **Ламо кадовсь**?

— **Колмо иеть** (К. Абрамов).

4) Кандовомань-аравтомань стакалгавтозь валрисьметь. Саемга:

— **Мон, натъ, а церан**?

— **Цератне сеть, конат прастъ ошонть ванстомга** (К. Абрамов).

— **Ломанентень пистолет а кандтнема!**

— **Те истя мекс**?

— **Свал арсян, кода икеле аштицянтъ човоньс а ледемс!**

— **Кадык те службанть, энялдан...**

— **Сави кадомс** (А. Доронин).

5) Союзтомо стакалгавтозь валрисьметь:

— **Тевтне, осподин воевода, молитъ а нек парсте, а меремскак** беряньстэ.

— **Мекс истя**?

— **Сась кизэ, ялаксоить марто кавоненек савкины аш-темс крепостьсэ** (К. Абрамов).

— **Вадря эрямось кармасть, Александр Владимирович.**

— **Исяк мон, Пётр Николаевич «Горячий снег» киноить ванья.**

Ледсть мелезень войнанъ китие-янтнэ, ледить мелезень тон, натой течияк оймеёжом берянь. Эдь, Пётр Николаевич, ванстымик куломадо (А. Петайкин).

Кевкстемань ды каршо валонь диалогонь пелькстнэнь структураст

Валрисьметне, конатне теевить кортамонть вельде, лемдевить репли-какс.

Диалогонь репликась — те башка ёнкс марто синтаксисэнь едини-ца. Репликане эсест тевс нолдамосо эрсить: 1) кортамонь поладомань, 2) кевкстемань, 3) каршо валонь максомань:

— **Бабай, сивевлинь ведте... Сима**?

— **Аште**к, цёрынем, кудыкельде кече ливтян.

— **Бабай, косто истямо кечесъ**?

— **Э-э-э! Те умонь. Ведьгеменьшка иеть тензэ. Кобалесэ теезь.**

— **А кие теицясъ**?

— **Аште**к... **Те..церькованть вакссо эрясь. Андичень некак, кудо-**лемест ульнесь. **А эсензэ кузнецить Петья лемезэль. Виде, Петья...** (Л. Седойкин).

104 §. ДИАЛОГОНТЬ ПЕЛЬКСЭНЗЭ

Диалогонть ули эсензэ синтаксической структуразо. Явовить кевксте-мань-каршо валонь ды ёвтнемань диалогт. Эсензэ коряс кевкстемань-кар-шо валонь диалогось коммуникативной невтевксэнзэ эрсекиши: яволяв-томань диалог (диалог-сообщение), кортавтомань диалог (диалог-обсуж-дение), кортамонь-арсемань диалог (диалог-беседа), пелькстамонь диалог (диалог-спор), сёвномань диалог (диалог-ссора), конфиденциальной тол-ковомань диалог.

Яволявтомань диалог. Яволявтомань диалогось ашти вейке корты-цянтъ кортамосо омбоцентень кулянъ кандомасо. Те диалогонть башка ёнксо-зо — тевтеематнень, потмоёжогнень, кортыцянтнень тевень теемадо, пертьпельксэнь тевтнеде, валтнэде кулянъ ёвтамось. Саемга:

— **Мезе маряви мастороить лангсо**?

— **Ало пельдентъ сыцяние ёвтишь, келя, Астрахан ошс сась Стяпан Разин.**

— **Косто сась**?

— **Таго-косто Персиянь масторсто. Мартонзо, келя,**

вельть ламо Дон чирень казакт. Спартниуть Равганть сырга-мо верев, минек ёнов... (К. Абрамов).

Кортавтомань диалог. Кортавтомань диалогось чарькодевити аволь ансяк кулянть кодамо-бути кортамонь предметтэ, но и бажи панжомс сонзэ башка ёнксонзояк. Тесэ моли кортыцянтень вейкенъ-вейкенъ туртов кулянъ кандомась. Саемга:

— *Монь койсэ, ашти косяк иредьстэ празь. Симевить весе ярмактне ды сы, сестэ карми авардеме — примавлизь одов.*

— *Коли тусь, тонеть сон а сы. Сыяк — монень.*

— *Се ялатеке, ков илязо са.*

— *Евтнлизе эли эзизе омбоце мирденить венчамонзо? Вельть вечкилизе омбоце мирденить. Явомадост мейле кармась симеме.*

— *Теде мон содан.*

— *Евтнян вапа мекс, сон яла вешнесь цера, кона улевель бу тона мирденить кондямо. Венчан, келя, истямос ды стувтса явомань апаронть* (К. Абрамов).

Кортамонь-арссмань диалог. Сеедьстэ ломантнень кортамосо куншка арсемакс карми улеме предметтэ кортамо, эйсэнзэ неяви кортамонь ушодкось ды прядомась. Саемга:

— *Авай, мон козан, кирьгамгак сэреди. Вант...кхе, кхе... Натъ кельме ведте симинь.*

— *Иля симие кельме ведте, жароксть тетъ кортынъ.*

— *Монень маряви: виень арасть школав сыргамс...*

— *Истя улеззяк, кудос лиядт* (О. Сусорева.)

— *Мелявтадо, тейтерть, а озавтыть эйсэнк?*

— *Учотано, жардо озавтсамизь тон.*

— *Мон бу ардтневтевлидизь, улевельгак лишмесь кудосо. Тетям мекс-бути кувать а сы* (К. Абрамов).

Истямо кужонь диалогтнесэ келейстэ вастневить аволь пешксе, сезезь валрисьметь.

Пелькстамонь диалог. Истямо диалогось сеедьстэ пештяви авторонть пельде ёвнемасо, сваликанъ пельксэкс карми улеме диалогонъ кортыцянтестэ вейкенъ сыкамонзо кортамось. Саемга:

— *Кие тосо?*

— *Тыненк телеграмма.*

— *Марят, атя, мезть корты, лемензэ а ёвты, телеграмма, келя, тенк.*

— *Панжсынк — арась?*

— *Арась.*

— *Бодяй, тыненк телеграмма.*

— *Марян, марян. Ансяк а кенгелят?*

— *Мезекс монень кенгелемс?..*

— *Маряви, Куля, цёрась а кенгели.*

— *Сынъ весе истят, машыть кортамо.*

— *Панжса, Куля.*

— *Мезеяк а панжат. Кадык полдасы кенкишень варяванть.*

— *Косто муян истямо варя? Ужодо эно, кенкишень алга ёвкс-таса.*

— *Тынь тосо конёвненить леменк пумынк ды мекев тенъ веляв-тынк* (Г. Гребенцов).

Пелькстамонь диалогонть малавикс сёвномань диалогось, яовтомась сынст ютксо пек лавшо, секскак сонзэ, паряк, эряви совавтомс пелькстамонь диалогтнень юткс. Сёвномань диалогось явови кортамонь эрязачисэ, эйсэнзэ арасть пек кувака ёвтавкст. Истямо диалогось тешкстави вейке диалогонъ кортыцянтэ пельде висв вайгельсэ. Саемга:

— *Келеть, натъ, кундатотсь?!*

— *Стякодо пижият, Микита леляй. Охрем сыкамонзо вансы ста-данть, ды ваномскак ней кадовсь аламо.*

— *Атят-сэрдят! Начко пулай ава ушодсь тонавтомон. Кие тонъ тердинзить цера юткс?! Мейс пезныть ваксозонок? Ворть тестэ!* (К. Абрамов).

Конфиденциальной толковамонь диалог. Истямо диалогось канды лиянтэ валонзо лангс пейдыкшнемань кондят кевкстемат. Малавикс сон сёвномантень, ансяк явови сеньсэ: сёвномасо сеедьстэ эрсить кортамонь сеземат ды сайнемат, а тесэ саевить пейдыкшнемань кевкстемат. Саемга:

— *Содат, кода мерить эрзятне пакся кушкасо сыкамонзо касыця чувтонть?*

— *Репища.*

— *Мейс монень ёвтян пакся кушканъ чувттизде?*

— *Секс ёвтнян, монгак репищан* (К. Абрамов).

— *Татаронъ велестэ эряви саламс тейтерь.*

— *Мезе?*

— *Тейтерь салама, монень никс.*

— *Тон превтемат или превстэ лисить?*

— *Мекс превстэ лисинь? Урьвакстомась, натъ, превстэ лисема?* Мезе эно теема, коли тетязо а максы эйсэнзэ, эряви саламс (К. Абрамов).

— *Кода явсынек те паронть эсь юткова? Сон аволь пряка, кав-тов а синдеви.*

— *Мезде кортат?*

— *Кортан тейтерденть.*

— *Тейтересь монь!*

— *Мекс тонь? Саинек кавоненек.*

— *Аванть кавто мирдензэ а эрсить.*

— *Кадови киненьгак вейкенень, каясынек прясо* (К. Абрамов).

Кармавтомань диалог. Эйсэнзэ допрок арасть кевкстеманъ валрись-меть. Сонзэ башка ёнксокс карми улеме толковамонь диалогось. Саемга:

— *Эрзянь масторсто ускинь мартон колмо цёрынеть ды сыре цёра. Цёрынеть кармить тесэ тонавтиеме биляронъ кельс ды сёрмас. Сыре цёрась — мельгаст вапыця. Саитъ кудозот эрямо. Кармат тенст пидеме-панеме, тоньскак ваксост ярса.*

— *Вай, Пургаз, улема Ине Шкаесь пачтинзить монень. Эрян пельс вачодо. Жардо атясь ульнесь, микшнесь кумыс, тенъсэ тринек прянок. Мон а маштан кумысень тееме, секс аштягак вачодо. Максый лия-сто эрзянь ломантне сускомо, теке ярасвксом* (К. Абрамов).

Лотсема тешкстнэ аравтома таркаст ды смустень пачтямонь эрвикс-чист коряс вейсэндявить колмо курова:

1) валрисьмень пень нейтиця лотксема тешкст: точка, кевстемань тешкс, сьрьгедемань тешкс, ламо точкат;

2) стакалгавтозь валрисьмень пельксэнь явиця лотксема тешкст: запятой, точка марто запятой, тире, кавто точкат;

3) валрисьмень стакалгавтыця пельксэнь явиця ды кавто ёндо путовиця лотсема тешкст: запятой, тире, кавто точкат, скобкат, кавычкат.

Явтано мель лотсема тешксэнь куротнень лангс, ванносынек смустень коряс сынст эрвиксчист ды путома таркаст.

Точкась

Точкась — валрисьмень песэ сехте сеедьстэ вастневиця лотксема тешкс. Сонзэ вельде текстэсь явови башка валрисьмева ды невтеви эрва ёвтнемань валрисьменьтэ пезэ. Ансяк точкась тейсы валрисьмесэ ёвтазь арсеманть прядозекс: *Кеме ломанесь ульнесь Стёпа атя. Сыредемась пресэ-мельсэяк арасель* (Ф. Чесноков).

Точкась путови смустень виевгавтомань кисэ мельга-мельцек молиция нурькине валрисьме мельга, конатнень вельде невтеви пертьпельксэнь улемань-аштемань, событиянть, ломанень эрва кодат ёнксонзо: *Чизэ цяр обед. Пси. Варма коволяк а маряви. Натой опаня* (Ф. Чесноков).

Точканть вельде лиясто вейке грамматикань теевксэсь явови смустень ды вайгельксэнь коряс башка пелькска. Смустень виевгавтомань кисэ грамматикань лувонтэ эйстэ явовить валрисьмень келейгавтыця кой-кона пелькстнэ. Эрва явозь пельксэсь ашти башка ёвтамокс, конань вельде невтевить арсеманть эрвикс ёнксонзо. Ды целанек арсемась содави ансяк весе пельксэнзэ сазь: *Кулось Андрей Дмитриевич 1991-це иестэ. Стака ормадо* (А. Доронин).

Точкась путови **ды, по, а** аволь кандовомань-аравтомань (сочинительной) союзтнэнь икелев, бути сын а сюлмить стакалгавтозь башка валрисьметь ды аштити лия валрисьмень ушодкссо: *Вень перть пувась тарькс варма, шкань-шкань нусманя пельтнень эйстэ, конатнесэ копачавкинось менелесь, тукинось пиземе. Но весе те ульнесь веть...* (В. Коломасов).

Кевкстемань тешксэсь

Те лотксема тешксэсь сави валрисьмесэ аравтозь кевкстеманть невтеманзо кисэ. Сон путови:

— кевкстемань валрисьменьтэ пес: ... *Арази тынь, ават-цёрат, тесэ, велесэ эрязь, монень тряятадо?* (В. Коломасов);

— вейке омбоце мельга молиция эрва кевкстемань валрисьменьтэ пес, бути кевкстемась ёвтави зяря аволь пешксе, седе сеедьстэ вейке прывт пельксэнь валрисьмесэ: — *Петра, тои? Живат? Стявить, нать?* — *лавшо вайгельсэ пшкадсь Максим* (Ф. Чесноков).

Сьрьгедемань тешксэсь

Сьрьгедемань тешксэсь сави валрисьмесэ ёвтазденть кортыцянтэ мелензэ ды ёжомарямонзо невтемань кисэ. Сон путови:

— сьрьгедемань валрисьменьтэ пес: — *Те вана цёков! Моры кода! Ва косо мазысь!* — *нармуненить шнасть* (А. Доронин);

— валрисьмень ушодкссо виев ёжомарямо марто ёвтазь пшкадеманть, междометиятнень, утвердительной ды отрицательной валтнэнь мельга: — *Татю! Татю! Тетятэ маштызь!* (Т. Раптанов). — *А-а! Тои опо кода!* — *рангстась Яхим...* — *Арась! А сан!* — *рангстась Таия, кирнявтсь кудыкелев ды хлопадизе кудыкелькс кеикишенть* (П. Кириллов).

Валрисьмень песэ лотксема тешкстнэнь сюлмавомась ды сынст мельга-мельцек молемась

Валрисьмень песэ лиясто кавонзавить кевкстемань ды сьрьгедемань тешкстнэ. Сынст молемань лувост истямо — ?! (сьрьгедемань тешксэсь путови кевкстемань тешксэнтэ мельга).

Нетэ кавто тешкстнэ путовить сестэ, зярдо валрисьмесэ ёвтазь кевкстемась канды ёжомарямонь кодат-бути ёнкст: дивамо, ацирьгадома, згилямо, мельс а туема, шнамо ды лият: *Те разонить Митрий чатьмонсь седеяк кувать. Микита зы кирдеве ды сьрьгедсь: — Келеть, нать, кундатотсь?! (К. Абрамов). — Мон бу монсь туевлинь тесэ... Но ков маштован сыредезь-маштозь?! (В. Коломасов).*

Кевкстемань или сьрьгедемань тешксэнтэ марто валрисьменьтэ пес сеедьстэ путовить ламо точкат. Сынст пингстэ кевкстемась или сьрьгедемась ёвтавить талакадомань, кавтолдомань, кенярдомань, згилямонь, пейдемань ды лия ёжомарямо марто: — *Те кие ловныцясь?.. — кевкстнить атятне. — Ошсто кучозь... Марясак, кода ловны!.. — Нать, цёра кучомскак арасель, ава кучсть!..* (Ф. Чесноков).

Ламо точкатне

Ламо точкатне — те лотксема тешкс, кона явовтыця ёнксто башка канды ламо лия смустть, конат сюлмавить кортамонть эмоциональной ёнксонзо, лиясто сонзэ смустензэ марто. Ламо точкатне путовить:

— валрисьмень потс, бути эйсэнзэ нолдавить арсемань кодаткак пелькст, кортыцянтэ потмоёжонзо невтемань кисэ: *Безопасностень Комитетэсь кучсь писателентэ уцяскадо сур кенжень кувалмосо конёвне: истя ды истя, военной трибуналонтэ мереманзо коряс... 1938-це иень маень 25-це чистэнтэ... Чесноковонь...* (А. Доронин);

— валрисьменьтэ пес, зярдо арсемась а ёвтави эйсэнзэ педес-пес ды кортамось лоткавтови, авторонтэ мелензэ, ёжомарямонзо лангс ванозь:

— Пек паро, таго пачкодить, — мерсь Прокопыч. — А то эдь минь тесэ натой уш арсинек... (В. Коломасов);

— валрисьмень пес, бути ёвтазь арсемантень эряви максомс седеяк покш смусть ды вий. Истят валрисьметнесэ арасть апак ёвта пелькст, ды те тешксэсь кармавты ловныцянтэ эстенэ келейгавтомс ёвтазенть, арсемс сонзэ эсь мелень-превсень ды содамочинь коряс: *Степень келей-келей... А кудот, а велеть* (П. Любаев);

— валрисьмень ушодксос, абзацинь ушодомсто, вейке мельстэ, арсемасто лияс ютамонь невтеманть кисэ. Ламо точкатне тесэ лездыть ловныцянтень аравтомс сонзэ мелензэ лиянтень, мезде ушодови седе тов кортамось. *Истя кавто ломанть — од ды сыре — эсест кедьс а шождыне тев сайсть. ...Ютыльть иеть. Яла касылъ впресь. Од пичетне пряс венстясть чипайс* (И. Калинин);

— именительной темань теевкстнэнь (конструкциятнень) мельга, конатнень вельде ловныцянь совавты авторонтэ или героентэ мельтнес-арсематнес, икеле ютазентэ ледстнематнес или жо невтеви вельдест ушодомань ёнкс. Ёвтнемань ушодомасо аштезь, сынъ ансяк ледстясызь седе мейле молиция кортамонь теманть ды кодаяк а невтьсызь арсеманть прядозекс: *Велень ярмунка... Пек сон лиякстомсь, кода и сонсь эрямось* (В. Коломасов);

— лиянь кортамосто совавтозь цитатасо. Ламо точкатне тесэ путовить: цитатанть икелев (панжозь кавычкатнень мельга); цитатанть потс ды цитатанть пес (пекстазь кавычкатнень икелев). Цитатасо путозь ламо точкатне кортыть седе: лиянь кортамсто саезентэ эйсэ нолдавить сонзэ кодаткак пельксэнзэ: или ушодкссо, или потсо, или песэ: «*Тетяка левкс*» ёвтнемасонть эрва деталесь-муевксэсь невти цела картина, кона теке сельметь икеле ашти, ды ушонтькак уш, секень вант, марясак, несак истямокс, кодамокс невти сонзэ писателесь: «...Чизэ цяр обед. Пси седе а ков. Варма коволгак а маряви, натой опаня...» (А. Доронин).

Запятоесь

Запятойсэ явовить апак стакалгавто валрисьмень келейгавтыця пелькст ды стакалгавтозь валрисьмень потсо апак стакалгавто валрисьметь.

Запятоесь апак стакалгавто валрисьмесэ

Апак стакалгавто валрисьмесэ запятоесь путови:

Союзтомо сюлмавозь синтаксической ёнксонь коряс вейкетъ валрисьмень пелькстнэнь юткс:

а) вейкетъ подлежащейтнень юткс: *Кудряв виртне, минек лейтне, лисьмапрятне — эрексият* (Н. Эркай);

б) вейкетъ сказуемойтнень юткс: *Паксянтэ ёндо экше вармине токась вирентень, тошказевсь лопатнень марто* (Н. Эркай);

в) вейкетъ определениятнень юткс: *А умок ютазь пиземетнеде мейле таго ушодовсть маней, лембе читъ* (К. Абрамов);

г) вейкетъ дополнениятнень юткс: *Удалась Степа рунгос, сэръс, умарь якстере чамас...* (Ф. Чесноков);

д) вейкетъ обстоятельствомъ юткс: *Стамбаризэ, апак шума, апак капиша канды ведензэ Сура леесь* (П. Кириллов).

Запятоесь путови:

— **но, а, ды** (но союзонь смустьсэ) карадо-каришо аравтыця союзтнэнь вельде сюлмавозь вейкетъ пелькстнэнь юткс: *Васня Алешка авардиксэль, но мейле визделгась а содавикс ломанентэ эйтэ* (Н. Эркай). *Эрямо таркась вадря, ды пек васоло*;

— вейкетъ пелькстнэнь пингетэ **и, эли, то** омбоцедэ ёвтавиця союзтнэнь икелев: *...И покордамо, и поки седей ризкс савсь кирдемс истямо ломанентэ марто* (В. Коломасов). *То лене куро потс кекишеви, то таго чинть ало цитни велеть ёнов капишиця лейнесь* (А. Щеглов);

— **жо, ансяк, -гак, -как, -як** частицатнень вельде сюлмавозь вейкетъ пелькстнэнь юткс: *Пальтось Гаванень вишикине, Еганень жо покиш. (Ф. Чесноков). Пиземсь а рудаз, а полашкс эзь тее, ансяк мадстизе пуленть... Васов келемстэ нужанть тарадоизо... Кедьсэяк а сиңдевить, узерьсэяк а керявить* (Ф. Чесноков).

Кавто ёндо саевить запятойсэ смустень вневгавтомань кисэ явозь валрисьмень аволь прявт пелькстнэ, конат савить сыкамоост или чарькодевитиця вал марто:

а) явовикс приложениятне: *Васильевна, се самый шабрань бабась, ярсамодо икеле каша марто чакшонть колмоксть мекс-бути кепсизе верев* (В. Коломасов);

б) **прок, теке, кода** союзтнэнь ды **сехте пск, лиякс меремс** валонь сюлмавкстнэнь вельде валрисьмес совавтозь явовикс приложениятне: *Леесь, прок тундонь чадыведь, пурдавозь чуди пандонть алга* (Т. Раптанов); *Сон седейшкава вечксынзе весе иень шкатнень, сехте пек сырнень сёксенть...* (С. Платонов);

в) явовикс дополнениятне: *Яхимень койсэ, истямо кемевикс ломань, Васильевнадо башка, куришкасонть кияк арасель...* (В. Коломасов);

г) явовикс обстоятельствомъ: *Сад пирентъ кунишкосо, низёлксонь тусто куро ало, ашти лисьмапря* (А. Щеглов).

Валрисьмесэ ёвтазентень кортыцянтэ мелензэ-арсеманзо, ёжомарьямонзо невтиця валтнэ, валсюлмавкстнэ, валрисьметне, конат грамматикань ёнксост коряс а сюлмавить валрисьмень лия пелькстнэнь марто:

а) **нама, паряк, натъ, капя, келя, улема, окойники, бульчом, содазь, примеркс, алкукскак, васняк, видеяк, мекевланг** ды лия совавтозь валтнэ: *Кортамось, окойники, ушодовсь... васолдо саезь* (К. Абрамов);

б) **паро койсэ, эсь койсэ, монь койсэ, сонзэ койсэ, теке ладсо, валонзо коряс, мереманзо коряс, ёвтнеманзо коряс, кода свал, кода икелеяк, секень вант, видьстэ меремс, лиякс меремс** ды лия совавтозь субстантивной ды глагольной валсюлмавкстнэ: *Яхимень койсэ, сехте шождыне тевекс тесэ ульнесь алашатнень пансемась... Ёвтнеманзо коряс, зыянось теевсь апак учо* (В. Коломасов);

в) вейке прявт пельксэнь ды кавто прявт пельксэнь совавтозь валрисьметне, конат саевить чарькодевитиця вал марто или сынстемест ды

совавтовить апак стакалгавто валрисьментень союзтомо или жо **бути** союзонть, **кода** союзонь валонть вельде: ...*Ламоксть, кемат ли, эстенъ савкшиность апокстамс ярсамопель* (В. Коломасов). *Истямо ярсамопельденть, кода мерить, пекетькак а пешкеди, симематкак а сы* (В. Коломасов).

Запятайсэ явови аволь покш ёжомарямо ды мель марто ёвтазь пшкадемась, конань вельде невтеви кортыця ялганть лемезэ — сонзэ собственной лемезэ или кортыцянь лемезэ раськенъ, теітерьяванъ / цёраломанень, иень (возрастонъ), профессиянь, национальностень коряс, или сонзэ эрва кодат паро ды аволь паро, а вечкевикс ёнксонзо, обуцянзо ды ламо лия свойстванзо коряс. Те лемесъ ёвтави съкамонзо или чарькодевитиця вал марто: — *Содат, Таня, эрямосонть, натъ, а весенень савкшны муемс сень, мезенень бажи седесъ. — Шумбрат, сиянь превне нуцькинем, — мерсь Вирька баба* (А. Куторкин). — *Эрзянь цёра, тон кинь улят?* — *кевкстизе Вирязонь Матвей* (Я. Григошин).

Поэтической произведениясо пшкадемакс сеедьстэ саевить пертьпельксень эрва кодамо предметень, явлениянь, отвлеченной чарькодеманъ лемть, сынъ прок вельмевтевить ды максови тенст ломанень ёнкст: *Вай, чув-тонъ нармунъ, варма ведькев, аштек молян, ведькев, малазот* (Д. Надькин).

Кортыцянь потмоёжонзо невтеманъ кисэ валрисьмес совавтозъ междометиятне истя жо явовить запятайсэ. Междометиянь вельде кортыцясь невтьсынзе мартонзо кортыцянтень эсензэ паро или берянь мелензэ, арсеманзо, ёжомарямонзо ёвтазденть: — *Эх, Кузьма, эрявсь, натъ, эрямот!* — *корты эстензэ чаво кудосо Кузьматя* (Ф. Чесноков).

Междометиясь лиясто а явови запятайсэ мельганзо молиция валонть (седе сеедьстэ местоимениянь) эйстэ. Кортыцянь ёжомарямонзо тесэ невтевить те сюлмавомаи вельде: — *Эй тон, пайстото дова, мекс тонъ скализь пуловтомо?* — *кевкстизе Яхимень стаданъ паницясь* (В. Коломасов).

Валрисьмень лия пелькстнэнь эйстэ явовить запятайсэ **эно, ага, да** кемекстамонь (утвердительной), **арась, эзь** арасьчинь (отрицательной), **мезе, ну мезе, ну и мезе, ну кода** кевкстеманть валтнэ. Сынст эйсэ ёвтазенть смустезэ панжови мельгаст аштиця валтнэнь вельде: — ...*Сави молекс Ольганъ чиямо...* — *кортазевсь Маря. — Эно, натъ, сави, — пшкадсь Митрий* (К. Абрамов). — *Кодамо-бути вирьсэ се тевесъ ульнесъ...* — *Ага, ветякишнымизь тозонъ Егорка Коцькерьган. — Да, сон* (А. Куторкин).

Ёвтазенть кемекстамонзо кисэ **эно** кемекстамонь валонть лиясто сюлмави мезтнемс валось, кона путови или кортыця, или кортавтовиця лицянть формас: — *Вандыс стяват?* — *кевкстизе Митрий нинть. — Эно мезтневан, стяван, — мерсь Маря. Мерть тензэ: одов илязо потявто скалонть, коласы, — пшкадсь Митрий. — Эно мезтнесы, кадызе пельс потявтозъ...* (К. Абрамов).

Арасьчинь валтнэ: — *Мелезэть тустъ Проня лелянь ёвксонзо? Степа аламос аштесть ды мерсь: — Эзть, Охон бодям ёвтни седе вадрят* (К. Абрамов). — *Тон, натъ, а пурнат тикшень ледеме? — кевкстни Филия. — Арась, монень а ютко...* (В. Коломасов).

Кевкстемань валтнэ: — *Ну мезе, Петрович, кудовгак шка тумес? — Ну кода, парсте маряви монъ вайгелесь? — кевкстни пакшат-нень Яхим* (В. Коломасов).

Запятаесь стакалгавтозъ валрисьмесэ

Стакалгавтозъ валрисьмесэ запятаесь путови:

Аволь кандовомань-аравтомань валрисьмень пелькстнэнь юткс, конат сюлмавить вейкест-вейкест марто:

а) **ды, и** сюлмиця союзтнэнь, **-гак, -как, -як** частицатнэнь вельде: *Чопонъ ёнов менелесь ванськады, ды сестэ менелень домка потмаксонть цитниця сяткинекс кирвазить тештне* (К. Абрамов). *Мезе ансяк а сяворды шкась. Кияк а цидярдь каршонзо, кевентькак шлясы песококс* (Ф. Чесноков);

б) **но, а, ды, ансяк, жо** карадо-каршо аравтыця союзтнэнь ды частицатнэнь вельде: — *Кодаяк бу ансяк тундос цидярдомс тесэ, а мейле Лавгиновонъ того а нейсынъ* (В. Коломасов). *Валскень чизэ пейдесъ варшасъ Кузьматянь вальмава, ансяк эзь пейдесеве сонсь атясь* (Ф. Чесноков);

в) **то ... то, эли ... эли** явовтыця союзтнэнь вельде: *Зярдояк розъ паксйить оймамозо арась, то уйни эзганзо волна, велязь-чаразь, то эсь тошкамосонть олгонъ шалт кепели* (П. Любаев). *Чинь перть эли пиземе молись апак лотксе, эли тукиность начко лов* (А. Мартынов).

Кандовомань-аравтомань стакалгавтозъ валрисьмесэ прявт ды кандовиця пелькстнэнь юткс, конат сюлмавить вейкест-вейкест марто кандовомань-аравтомань союз, союзной ды невтиця вал вельде: *Велень эрицянтень эйстэ кияк а помнясы, кодамо пингестэ озастъ тезэнь эрямо сынст покиштатне-бабатне* (К. Абрамов); *Кие лаки чинь-чоп тевсэ, сетнень свал сюконязь вастыть* (Н. Ишуткин); *Зярдэ вельтякс марто колодась чапозель, кепедизь келей крадазонть* (А. Доронин).

Кандовиця валрисьмесъ явови запятайсэ кавто ёндо, бути сон совавтови прявт валрисьмень потс: *Эрва ломанентъ эрямозо, бути сонзэ ёвтнемс чачомастонзо саезь куломазонзо, мазый ёвксонъ кондямо* (К. Абрамов); *Тосо, косо берёктне лапужальть, лажныця чадыведесъ лагордозъ тусъ лов ало кекшезь сёрмав лайметнес ды латкос ваязь вирентень...* (А. Доронин).

Запятай путови мельга-мельцек сюлмавозь зяряя кандовиця валрисьметнэнь юткс: *Тон, оям, корот лиясто, што се яносъ шожда свал, кона моли пандо присто* (И. Калинин).

Запятайсэ явовить ве ёндонъ кандовомань-аравтомань (соподчинения) вельде сюлмавозь зяряя кандовиця валрисьметне, бути сынст ютксо арась аволь кандовомань-аравтомань (сочинительной) союзт: *Иень весе шкатнестэ сонензэ сехте пек вечкеви сёксесъ, зярдэ васенце кельмесъ ожлавтсынзе чувтнэнь лопаст, зярдэ коштанть сияждозъ суволдыть шанжавонъ коцтонъ чова суринетъ* (С. Платонов).

Запятаесь а путови кандовомань-аравтомань валрисьметнес:

а) ве ёндонъ кандовиця пелькстнэнь юткс, бути сынъ сюлмавить аволь кандовомань-аравтомань (сочинениянь) союзсо. Саемга: *Захар сёпомо*

эзь карма, ёвтызе видьстэ, кода арсесь ды мезе содась (К. Абрамов). Тутушканть казизе тензэ одирьвазо, конань сон вечксь ды кона ней мирде экишэль (А. Доронин);

б) ве ёндонь кандовиця-аравтовиця пелькстнэнь юткс, бути омбоце кандовицясонть кандовомань-аравтомань (подчинениянь) союзось или союзонь валось а ёвтави, но арсеви. Саемга: Сон (Нина) маризе, кода кармась якстерьгадомо чамазо ды сеедьстэ кармась чавомо седеезэ (А. Лукьянов); (Кандра) эзь карма учомо, зярдо Ортянь кудосонть мадить толтнэ ды оймить од ломанень вайгельтне (К. Абрамов); Зярдо менелесь вельтязь чопода пельсэ ды сынъ уить алга, сестэ весе масторось маряви тесна кудокс (К. Абрамов); Бути сонзэ (Надянь) кекишсыз лия киштицият или китькак арыть видеээнзэ, Петя шаштни стенанть кувалт ды вешни эйсэнзэ (К. Абрамов);

в) бути кандовиця пельксэсь теевемань коряс ашти вейке союзонь валсто — относительной местоимениясто или наречиясто. Саемга: Захар аламодо кежиявтсь. Сонськак а соды мекс (К. Абрамов); Колмо чинь ютазъ, те покштысь кулось. Кие соды мекс (А. Чакин); Мон лездавлинь тонеть, ансяк а содан **кода** (М. Тарасова);

г) кемекставозь валсюлмавкстнэнь (фразеологизматнень) икелев. Саемга: Сон (тейтересь) нармунь ладсо кепедизе раужо прятть ды пижнесь мезе **моцезэ** (К. Абрамов); Сон (Кандра) эскели **кода понги** (К. Абрамов); Марясы Стёпа нардэнзэ, ули мезе **лангс кемемс** (Ф. Чесноков); Эрямось, иля пеле, мусы, путозь путсы **кинень мезе эряви** (Ф. Чесноков); Видеяк, Лёсань ульнесь **мезе лангс ваномс, мезе лангс кемемс** (Ф. Чесноков); Весемесь мольсь **кода эряви** (А. Доронин).

Запятоесь путови **союзтомо стакалгавтозь валрисьмень** пелькстнэнь юткс, конат смустень коряс аштить малавиксэкс вейкест-вейкест туртов ды вельдест невтеви:

а) смустень коряс малавикс мельга-мельцек ёвтомонь ёнксонь кандыця мельть-арсемат: Ашолгадсь Пахом атянь кудряв пондаки **прязо**, кармасть певереме черензэ, мөндявсь виде килей рунгозо (Ф. Чесноков); Цивтёр-цивтёр толнэ палы, вандол-вандол ведне чуди (М. Евсеев);

б) вейке шкасто теевиця действият, пертьпельксэнь явленият: Обедэнтъ самс весемесь коськсь, модась теевсь калгодо каворькс ды калявсь каштомо кияксокс, кепе пильгсэ а чалгаваткак **лангзонзо** (К. Абрамов);

в) мельга-мельцек молиция тевтесмат, пертьпельксэнь улемат-аштемат (состояния): Ламо ютасть телеть, кизэть теде мейле... Ней коськсь тумось, каравсь покиш ундэ комелезэ (Ф. Чесноков); Сура чирень ловось начксь, алка таркатнева сон теевсь про кивень (Н. Эркай); Сурось ансяк кенерсь лисеме, тикшесь валозь валовсь **ланганзо** (В. Арапов).

Точка марто запятоесь

Точка марто запятоесь яви стакалгавтозь валрисьмень вейкетъ пелькст, конат смустень коряс сюлмавить аволь пек кеместэ ды а чарьковедтитъ вейкест-вейкест.

Точка марто запятоесь путови:

— аволь кандовомань-аравтомань валрисьмень вейкетъ ды явовикс пельксэ, совавтозь валсо келейгавтозь пелькстнэнь юткс, конат сюлмавить:

а) аволь кандовомань-аравтомань союз вельде: Течи уш вана, ярмун-касо вастомсто, сон истя эзь талакадокино, ансяк чамазо цють як-стерьгадокинось; но тень, паряк, эзизе нее тейтересь... (В. Коломасов);

б) частица вельде: Лиссь истя, мекс сеясь апак фатя чалгавсь псаканть пулонзо **лангс**. Покиш сэрдьксэнтъ эйтэ псакась рангстась а мазый вайгельсэ ды кирнявтсь сеянтъ кутьмерьс; сеясь жо, улема, эзь чарькоде, мейсэ теvesь, паразевсь, кирнявтсь эземстэнтъ масторов ды конясонзо эзьркадевсь табуреткантень (В. Коломасов);

Союзтомо стакалгавтозь валрисьмень келейгавтозь пелькстнэнь юткс:

а) зярдо валрисьмень пелькстнэнь ютксо сюлмавомась аволь пек кеме: Весь ульнесь **лембе**, мик опаня; менельсэнтъ **тесэ-тосо** липнестъ **тешт-не**; Сура пандонть экиштэ появась ковось (В. Коломасов); Валскень зорясь кирвазсь; пувась свежа вармине; норовжорчтне кармасть **морамо...** (А. Лукьянов). Сынст юткс путови точкаяк, но сестэ колави валрисьменьтэ смустезэ, секс мекс кортамось карми молема аволь вейке арсемадо, аволь вейке теезь артовксто;

б) зярдо пелькстнэ стакалгавтозь ды секскак сынст эйсэ улить лия лотксема тешксткак. Саемга: Весь ульнесь **лембе**, мик опаня; менельсэнтъ **тесэ-тосо** липнестъ **тештетне** (В. Коломасов); Кудонть икеле аштесь а пек сэрей шержев атя; кавалалонзо кирдсь **мешокке**, кедьсэнзэ — **палка** (К. Абрамов);

в) стакалгавтозь валрисьмень седеяк покш пельксэнзэ явомаст кисэ, зярдо прятъ пелькстнэнь чарьковедтицякс саевить кандовиця валрисьменьтэ: Пиземесь уш лоткакинось, зярдо Яхим эсь кекшема таркастонзо лиссь **кинтъ лангс**; сон кекшинесь **самай се сэдентъ алов**, козонь чияк **снартнесь** кекшеме велень од ломантнеде (В. Коломасов).

Кавто точкатне

Кавто точкатне саевить вейсэндия вал марто вейкетъ пельксэ келейгавтозь апак стакалгавто валрисьмесэ ды союзтомо стакалгавтозь валрисьмесэ.

Кавто точкатне путовить:

— вейсэндия валонть мельга, бути сон ашти вейкетъ пелькстнэнь икеле: Прякатнеде ды панжакайтнеде ульнестъ **эрьва кодат**; и топо марто, и каша марто, и капста марто, мик чевге **мартояк...** (В. Коломасов);

— союзтомо стакалгавтозь валрисьменьтэ пельксэнзэ юткс:

а) бути омбоце пельксэсь панжи васенце пельксэнтъ смустэнзэ: Атаясь тейсь **весе ташто** койтнень коряс: **эрьва** **кемень** **иетнень...** **тештинзе** **палыца** **штатолсо** (В. Коломасов); Но койтне **тосо** ульнестъ **истят**: **кудосо** **тон** **азор...** (А. Куторкин);

б) бути васенце пельксэнтъ саевить валт, валсюлмавкст, конатнень

смустест толковави мельганзо молиця пелькссэнтъ: *Истят уш Наймансо койтне: шабранъ ломанъ — те сех малавикс родня* (В. Коломасов);

в) бути омбоце пелькссэнтъ невтеви тувталось, конадо кортави васенце пелькссэнтъ. Союзтомо валрисьмень истят пелькстнэнь юткс превсэ путови **секс мекс** кандовоманъ-аравтоманъ союзось: *Нал велесэ кудотне чавот вейкенъ пес: ломантне пивсыть розъ* (А. Куторкин); *Миколень сон (Кандра) а вечкилизе: те ломанесь чочко ладсо пракшность ютамо кинзэ лангс* (К. Абрамов);

г) бути васенце пелькссэнтень совавтовить глаголт, конат вешить ёвтазь тевтемантъ седе келейстэ панжоманзо: *Арсян а маняетано, бути мер-тяно: Степан Эрзянь тештезэ цитни минек масторонъ искусстванъ менельсэнтъ нек неявиксстэ* (К. Абрамов); *Пахом Васильевич сеске чарькодсь: кортамось моли Цётркиндэ* (К. Абрамов);

д) бути союзтомо стакалгавтозь валрисьмень омбоце пелькссэ кирди эсензэ эйсэ кевкстема: *Прокопычень ней муцясь истямо арсема: эзь тее ли Яхим мезеяк берянь эсь оймензэ марто?* (В. Коломасов);

— виде кортамо марто валрисьмесэ авторонъ валтнэде мейле: *...Атянтъ покш рунгонзо лангс ванозъ, арсезевсь Яхим эсь пачканзо: «Шайтян тонъ сыредстянзат, истямо тумонтъ. Ладясь тонеть Найманонъ кош-тось...»* (В. Коломасов).

Тиресь

Тиресь эрси апак стакалгавто ды стакалгавтозь валрисьмесэ.

Апак стакалгавто валрисьмесэ сон путови:

— подлежащее ды сказуемое юткс:

а) бути подлежащее-ска, сказуемое-скак ёвтавить номинативсэ существительнойсэ: *Коштось Яхимень пелькссэнтъ истя кольсь, мик ой-метъ а таргави. Кияксось — раужо мода* (В. Коломасов); *Весё ноябрьсь ульнесъ тарькс пиземе. Те ковось — иентъ сех апаро шказо* (К. Абрамов); *Эрзятне — виев раське, — прянь кирдездь мерсь Лексей Кириллыч* (А. Доронин);

б) бути подлежащее ёвтави местоимениясо, сказуемое — номинативсэ существительнойсэ: *Но ней вана монень тон — сехте малавикс ломанъ масторонть лангсо* (В. Коломасов);

в) бути подлежащее ёвтави номинативсэ существительнойсэ, сказуемое — глаголонъ аволь определенной формасо: *...Тонеть а лади эрямс истя, кода тон те шкас зрить. Примеркс, цёранъ ли тевесь — потятвомс сея эли тосо анокстамс ярсамопель ды муськемс?* (В. Коломасов); *Сонзэ тевезэ — свал светямс, ютавольть тия кораблятне* (П. Гайни); *Бажамозо — улемс сюронъ кастыцякс* (И. Калинин);

г) бути подлежащее ёвтави глаголонъ аволь определенной формасо, сказуемое — номинативсэ существительнойсэ: *...Рангомась марявсь Яхимень а така тевекс, но уш чийнемс мекев-васов чевте тикшентъ ланга — сехте берянь тев* (В. Коломасов); *... А тандавтомс — монъ вейке мелем ...* (Д. Надькин);

д) бути номинативсэ существительнойсэ ёвтазь сказуемое сьулмави номинативсэ существительнойсэ или глаголонъ аволь определенной

формасо ёвтазь подлежащее-марто те, вана валтнэнь вельде: *Кни-гась — те сехте а стувтовикс ледстнема сонзэ сёрмадыцядонть...* (А. Доронин);

е) кавонест валрисьмень прявт валтнэ ёвтазь инфинитивсэ. Саема: *Минь, Тиша, мартот, натъ, пакшат? Теевемс никс — аволь картъ карсемс, — мерсь оясъ; Сы Тиша, аванстэнь ёвты: «Книгат ловномс — а шка ютавтомс* (И. Калинин); *Границя лансо аштемс — аволь вирь керямс, куш те тевеськак, нама, аволь шождынестэ...* (А. Доронин);

ж) подлежащее ёвтазь номинативень или аблативень существительнойсэ, сказуемое — кемекставозь валскулмавикссо: *Тейтересь — сурот кургозонзо иляк путо; Приказонъ тевтнеде — селт пиряк* (А. Доронин).

Тире а путови подлежащее ды сказуемое юткс, зярдэ:

а) сказуемое ёвтазь сравнения теевкссэ: *Прячерензэ прок тапазъ моцюдалкст* (А. Куторкин); *Ашо платиясь теке сув* (И. Калинин); *Эсензэ, Никононь, обуцязо теке ёндо* (А. Доронин);

б) номинативень существительнойсэ ёвтазь подлежащее ды аволь глаголонъ сказуемое юткс ули **аволь** арасьчинь валось: *— Тесэнь эрямоськак, шабра, аволь медь. Изуменэсь каявкст пурны...*; *Книганъ анокстамось-сёрмадомась аволь човарсо суронъ томбамо...* (А. Доронин); *Айсылу аволь сэрей, човине, теке лей чирень инзей сеерькс* (К. Абрамов);

в) подлежащее ёвтазь лицянь невтиця местоимениясо: *Ней сон (Никон) митрополит, сядо церковат ды монастыртъ кедь коморсонзо* (А. Доронин); *Мон тонеть аволь сея эли скал! — седеяк апаркстомсь Лиза* (В. Арапов);

г) сказуемое ёвтазь прилагательнойсэ или причастиясо: *Лопатне неверсть. Чувотне ишанот, няевить чурокс* (К. Абрамов); *Исяк козяйкась ды мирдесъ кадовсть кавонест. Кудось чаво* (И. Калинин).

Тире зярдояк а путови, улиндеряй подлежащее ды сказуемое юткс совавтозь вал: *Церась, нама, тевень содыця.*

Тиресь путови союзтомо сьулмавозь апак стакалгавто валрисьмень вейкетъ пелькстнэнь юткс, бути сынст вельде невтевить карадо-каршо аравовиця чарькодемат или апак учонъ полавтомат:

а) вейкетъ подлежащейтень юткс: *Аволь шкась — тевтне лиялгавтсызь ломанентъ. Эрямонтькак тевтне лиялгавтсызь* (А. Куторкин);

б) вейкетъ сказуемойтень юткс: *Лацевлизе бу Петра Олданъ — визди, ды а содыяк, кода пикадемс* (Ф. Чесноков);

в) вейкетъ дополнениятень юткс: *Седикеле ламот шныльть прясъ аволь превсэ — сюнавчисэ ды те сюнавчинть бажильть невтемс эрьва косо* (П. Кириллов);

г) вейкетъ обстоятельствомтень юткс: *Сюронъ урядомо лангаяк а сизевтевить од цёратне ды тейтертне. Чинь чоп роботыть — веньперть улыцясот* (Ф. Чесноков);

— смустень виевгавтоманъ ды ёжомарямонъ невтеманъ кисэ кавтов

явозь апак стакалгавто валрисьмень пелькстнэнь юткс: ... *А уш яксярг-тне — полкс ливтнить! Монь жо оймесь сестэяк ульнесь охотникень* (В. Коломасов);

— нолдазь сказуемоенть таркас кавто прявт пельксэнь аволь пешксе валрисьмесэ: *Раужкавтызь кудонтъ пиземетне ушосто, качамотне — потсто* (Ф. Чесноков);

— эллиптической аволь пешксе валрисьмесэ: *Керш ёно — тумо вирь, эрьке, вить пеле — апак леде луга ланга лёмт, каль курот* (А. Куторкин);

— вейкетъ пельксэ келейгавтозь апак стакалгавто валрисьмесэ вейсэндиця валонтъ икелев, бути сон моли вейкетъ пелькстнэнь мельга: *Мештенз келес сравтозь шержей сакалтнэ, виде рунгось, келей лавтовтне ды аволь сыредиця чамась — весе те кортась сонзэ шумбрачидентъ* (В. Коломасов);

— явовикс приложениянтъ икелев, бути сон ашти валрисьменьтэ песэ: *Кавто недлянь ютазь, Яхимень пельде сась ответ — таго а покш сёрмине* (В. Коломасов).

Чарькодевиця вал марто явовикс приложениясь, кона аравтови определяемой валонтъ мельга ды ашти валрисьменьтэ потсо, смустензэ кемекстамонь ды виевгавтомань кис кавто ёндо саеви тиресэ: *Покш кардазось чаво, ськамонзо яки ансяк гнедой лишмесь, лия скотинатне — ве скал ды кавто реветъ — стадакот* (К. Абрамов).

Тиресъ путови союзтомо стакалгавтозь валрисьмесэ:

а) бути валрисьмень омбоце пельксэнтъ вельде невтеви курок полавтовиця или апак учонъ тевтеема, события, васенце пельксэ ёвтэзентень. Союзтомо валрисьмень истят пелькстнэнь юткс шождынестэ превсэ путови ды сьюлмиця союзось: *Сивить кезэренъ пингень палмантне — лондады пизэсь. Шкась теи, шкась калавтыяк* (Ф. Чесноков); *Вармась ойми — валдомгады эрькеськак* (К. Абрамов); *Терявтыка монь ладсо — теветъ туи лажсо* (В. Коломасов); *Кузинец пандыненъ — сеске ушодовсь алкине виресь* (П. Ключагин);

б) бути валрисьмень омбоце пельксэнтъ эйсэ ули карадо-каршо аравтома васенце пельксэ ёвтэзентень. Нетъ пелькстнэнь юткс превсэ путовить **но**, а аволь кандовомань-аравтомань союзтнэ: *Тусь чиезь авазо паксянь-паксянь трокс кудов ёвтамо. Капиш. Ливтязь ливтяволь — пильгетне сизестъ, а кунсолить* (Ф. Чесноков); *Кельсэнтъ теи иневедъ — кедьсэ а тееви койме недъ* (Валмеревкс); *Иля эря тувталсо — эряк виде валсо* (Валмеревкс);

в) бути валрисьмень омбоце пельксэ ёвтэзесь ловови следствиякс, кемекстамокс (выводомкс) васенце пельксэ ёвтэзентень. Валрисьмень пелькстнэнь юткс превсэ аравтовить **секс**, **секскак**, **секс мекс** союзтнэ: *Чизэ валги якстерестэ — ванды ули варма* (Ф. Чесноков); ... *Мезеськак стякодо а ёмси — парось велявты покш парокс* (А. Доронин); *Чинзэ-чоп яла аютко — эсень прянтъ стувтокиномс сави* (Н. Эркай);

г) бути валрисьмень васенце пельксэ невтеви шкась, тувталось, конатнень пингстэ тееви омбоце валрисьмесэ ёвтэзь тевтеемась. Истямо союзтомо стакалгавтозь валрисьмень васенце пельксэнтъ ушодксос превсэ путови **бути** союзось или **кода**, **зярдо** союзной валтнэ: — *Кежть кар-*

матадо савтнеме — парс а панжтадо (А. Куторкин); *Виресь увны — ули давол* (Эрзянь меревкст);

д) бути кандовомань-аравтомань союзось ды союзной валтнэ совавтовить васенце валрисьменьтэ ушодксос: ... *Но кода учат — шкась кувакакс маряви, эрьва чись недлякс неяви* (П. Кириллов);

е) бути союзтомо стакалгавтозь валрисьмень омбоце пельксэсь смустензэ коряс поладови васенце пельксэнтень. Истямо валрисьмесэ омбоце пельксэнь ушодксонтень сеедьстэ аравтовить **те**, **се** невтиця местоимениятне или **вана** частицась: ... *Монь сестэ ансяк вейкель бажамось — туемс седе курок* (В. Коломасов); *Аволь вирьтатя вирьсэ сеери, овтонъ вайгельсэ эйкакшт тандавтни — те пижни истя велень озатя* (Я. Кулдуркаев); *Эрямось ведькевень човарокс вели, ансяк почт а яжи. Кода а яжи — оно зяро майсемат цидярдсь Никон* (А. Доронин). Лиясто невтиця местоимениятне совавтозь омбоце валрисьменьтэ ушодксос: *Кизэнь перть сон овсе эзь полавтово... Полавтовсь ансяк оршамозо — те мик Настанъ аламодо дивавтызе* (В. Коломасов). *Паро книганъ сёрмадомасо — вана мейсэ эрьва писателентъ виезэ-вайгелезэ, а лепамиця эрямозо* (А. Доронин);

ж) бути стакалгавтозь валрисьмень омбоце пельксэ ёвтэзесь саеви васенцентень карадо-каршо путомань (сравнениянь) кисэ. Истямо валрисьмесэ омбоце пельксэнтень смустень коряс аравтовить **буто**, **теке** союзтнэ: *Тельня ваясынзе кудотнень — а неявицькак* (Ф. Чесноков); *Варшты — сырнесэ кази; Чипаень налтнэнь марто налкесэзь чудесь аволь ведъ — чудесь солавтозь сырне* (Н. Видяз);

Сеедьстэ **буто**, **теке** союзтнэ совавтовить валрисьмес, лотксема тешксэнтэ апак кола: *Коштоськак весе тосо лия, истямо паро, мик вана истя никстат — и буто одс чачить, весе орматне эйстэть ливтязь туить* (В. Коломасов).

Тиресъ путови кандовомань-аравтомань стакалгавтозь валрисьмень пелькстнэнь юткс, бути кандовицясь тешкстави смустень ды вайгельксэнь коряс. Седе сеедьстэ тиресэ явови шкань кандовицясь. Саемга: *Зярос гайги эрзянь валось — семс монгак эрян* (А. Лёжиков); *Вия эри тусто вирьсэнтъ, горянтъ моросо сон изни. Зярдо моры — чувттнэ цветить, зярдо пейди — умартъ касыть* (В. Радаев).

Седе чуросто тиресэ явовить чарькодеветемань, определениянь, тарканъ ды лия кужонъ кандовицятне. Саемга: *Кие марсесь кочкодыкенъ морот — се, Павел Ивановичень койсэ, уцяскав ломанесь* (А. Доронин); *Ков иля варшта — весе прок одс чачсь, лиякстомсь* (А. Лукьянов); *Кона понги сонзэ мокишанзо алов — лоцьк озави* (А. Куторкин); *Кода сови седеентень тундонть виезэ — маряса* (Н. Эркай).

Лиясто кода вейке лотксема тешкс вейке шкасто путовить запятой ды тире. Саемга: *Зярдо эрямонъ такачинтъ варчасак ды ливезь ведьсэ эсетъ чамат шлясак, — сестэ несак эрямонъ мазычинтъ* (Ю. Исланкин); *Кодамо ёвксос совсетяно, — соды ансяк чокшнесь ськамонзо* (Н. Ишуткин).

Тиресъ путови:

— виде кортамо марто валрисьмесэ авторонъ валтнэнь икелев, бути сынъ молить виде кортамонть мельга: — *Монь койсэ, сазор, тон нек уш ланга нолдык Яхимень, — мерсь атясь* (В. Коломасов);

— диалогонь эрва валрисьмень-репликанть икелев:
 — *Тюма, мекс истя штюпат прят?* — *кевкстизе Навр атя.*
 — *Ярмакон ёмасть.*
 — *Вай, ламо?*
 — *Кодгемень ашо* (А. Куторкин);
 — кавто собственной лем или числительной юткс, бути сынст вельде невтеви ушодомань ды прядомань таркась, шкась или ламочинь улемась: *Станциянть апак лотка, ютась Новосибирск — Москва поезды* (В. Горбунов).

Скобкатне

Скобкатнень вельде явовать башка валт, валсюлмавкст ды валрись-
 меть, конат совавтовить прят валрисьментень ёвтазь арсеманть келейгав-
 томанзо кисэ. Скобкас саевить:

— синтаксисэнь ёнксонь коряс валрисьмень пелькстнэнь марто апак
 сюлма валт, валсюлмавкст, валрисьметь — апак стакалгавто ды стакал-
 гавтозь:

а) бути сын пачтить валрисьмесэ ёвтазь арсемадонть мезе-бути од:
*Неян ташто лато бокат (сынст вельтямкаст пекшень кертъ), эр-
 ванть ёжос чувтонь сока камбраз ладсо стаятозь сэръс* (И. Калинин);

б) бути сын чарькодевить валрисьмень кодамоак пелькс: ...*Те шка-
 стонть совась сынст шабрась Каргин атя (велесэнтъ сонензэ мерить
 тетя лемсэ — Прокопыч)* (В. Коломасов);

— лиянь кортамосто или литературной произведениясто саевксэнтъ
 мельга аравовица сёрмадовкстнэ, конатнесэ невтеви авторонть фамилия-
 зо, произведениянтъ лемезэ, косто саезь цитатась: *Ломантне — менельсэ
 теишень кондят. Веенстнэнь валдост ламо, сын цитнить весемеде
 пек, омбонстнэнь седе аламо* (К. Абрамов);

— пьесань ремаркатне: *Луша (максы Филянень локишо, цётмар, ну-
 дей ды мешок). Саить, цёрынем. Весе неть тетять ульнестъ. Тонгак
 кандтнек* (П. Кириллов);

— валтнэ, ёвтавкстнэ, конат невтьсызъ кунсолыцятнень мелест лек-
 циянь, докладонь ловномсто: (*Цяпамо*). (*Пейдема*). (*Шалт*).

Кавычкатне

Кавычкасо явовать:

— лиянь кортамосто саевкстнэ:

а) лиянь кортамось виде кортамо марто валрисьмесэ: *«Мезе еще
 эрви теэмс, штобу кармавольть кемеме тень», — арсезевсь Митя*
 (П. Кириллов);

б) цитататне. Кавычкатне тесэ невтьсызъ ёвтазь мельтнень-арсема-
 нень кандмаст лия авторнэнь: *Минек масторонь те ине пельксэнтъ
 коряс писателесь прок моро моря: «Тайгась истямо поки, мерят пезэ-
 як арась. Кизна сон видезь видевсь ягудасо ды пангсо...»* (Г. Горбунов).

Кавычкасо явови стихотворениясто саезь цитатась, бути сон совавтови
 авторонть сёрмадомас кода виде кортамо: *Седе тов поэтэсь натой тала-
 кады: «Порксавсь пек паро зеркалась, поки эй поколь бую каладсь»*
 (А. Доронин);

— башка валт ды валсюлмавкст, конатнень совавтсынзе авторось
 аволь эсест виде смустьсэст: *«Лажныця Сура» романсонть семиясь
 невтеви социализмань идеятнесэ-бажамотнесэ апак «валакавто»...*
 (А. Доронин).

— башка валт ды валсюлмавкст, конатнень вельде невтеви авторонть
 згиялмозо, пейдемазо сынст вельде ёвтазентъ коряс: *Эрямось максови
 романсонть истямокс, кодамокс несъ сонзэ писателесь. Чарькодеви,
 «икелев ветичятнненень» те пек эзь вечкеве. Ды а стяко романонть
 лисемадонзо мейле сеске писателентъ «чавсть» печатьсэ, кие кода маш-
 ты* (А. Доронин);

— литературной произведениянь, газетань, журналонь, учреждени-
 янь, предприятиянь ды ламо лиянь лемтне: *Литературасо васенце эс-
 кельксэнтъ А. Д. Куторкин ушодызе «Якстере теште» газетасо, косо
 лиссть «Кавто пингетъ», «Чопода вене», «Чондат», «Кереметь», «Варма
 крандаз» ды лия ёвтнеманзо* (А. Доронин).

А виде кортамо
 А виде-виде кортамо
 А содавикс лицянь валрисьме
 А явновица валрисьме
 Аволь алкуксонь модальнойчи
 Аволь глаголонь сказуемой
 Аволь виде дополнения
 Аволь кандовома-аравтома
 Аволь кандовомань-аравтомань
 стакалгавтозь валрисьме
 Аволь пешксе валрисьме
 Алкуксонь модальнойчи
 Апак келейгавто валрисьме
 Апак стакалгавто валрисьме
 Апак стакалгавто сказуемой
 Аравтома
 Арасьчинь валрисьме
 Арасьчинь форма
 Бажамонь обстоятельства
 Бажамонь кандовица валрисьме
 Вайгелькс
 Валсюлмавкс
 Валрисьме
 Валрисьмень аволь прявт пелькс
 Валрисьмень прявт пелькс
 Валрисьмень грамматикань лув
 Вачкодъкс
 Ве ёндонь кандовома-аравтома
 Вейке прявт пельксень валрисьме
 Вейсэндица вал
 Вейкеть пелькст
 Вейспрамо
 Весе лицянь валрисьме
 Виде дополнения
 Виде кортамо
 Глаголонь сказуемой
 Ёвтнемань валрисьме
 Зяряя ёндонь кандовома-аравтома
 Кавто прявт пельксень валрисьме
 Кандовица вал
 Кандовица валрисьме
 Кандовома-аравтома
 Кандовомань-аравтомань
 стакалгавтозь валрисьме
 Карадо-каршонь союз
 Карадо-каршонь кандовица валрисьме
 Кармавтомань валрисьме
 Кевкстемань валрисьме
 Кевкстемань тешкс
 Кемекстамонь вал
 Кемекстамонь валрисьме

косвенная речь
 неособственно-прямая речь
 неопределённо-личное предложение
 нечленимое предложение
 ирреальная модальность
 неглагольное сказуемое
 косвенное дополнение
 сочинение
 сложносочинённое предложение
 неполное предложение
 реальная модальность
 нераспространённое предложение
 простое предложение
 простое сказуемое
 управление
 отрицательное предложение
 отрицательная форма
 обстоятельство цели
 придаточное предложение цели
 интонация
 словосочетание
 предложение
 второстепенный член предложения
 главный член предложения
 грамматическая основа предложения
 ударение
 соподчинение
 односоставное предложение
 обобщающее слово
 однородные члены
 согласование
 обобщённо-личное предложение
 прямое дополнение
 прямая речь
 глагольное сказуемое
 повествовательное предложение
 параллельное подчинение
 двусоставное предложение
 зависимое слово словосочетания
 придаточное предложение
 подчинение
 сложноподчинённое предложение
 противительный союз
 придаточное предложения сравнения
 побудительное предложение
 вопросительное предложение
 вопросительный знак
 утвердительное слово
 утвердительное предложение

Келейгавтозь валрисьме
 Келень ёнкс
 Ламо пельксень валрисьме
 Лемдемань валрисьме
 Лицянь а невиця валрисьме
 Лотксема тешкс
 Лиянь кортамо
 Лоткамо
 Мельга-мельцек молиция
 кандовома-аравтома
 Нежедема
 Омбоцеде полавтнема
 Онкстамонь ды степенень обстоятельства
 Пешксе валрисьме
 Прявт вал
 Поладома
 Прявт валрисьме
 Путозь теевкс
 Пшкадема
 Саемга
 Серьгедемань валрисьме
 Серьгедемань тешкс
 Синтаксис ёндо ваннома
 Синтаксисень стакалгавтозь теевкс
 Синтаксисень сюлмавома-кандовома
 Синтаксисень тев
 Сказуемостень / предикативностень
 суффикс
 Совавтозь вал
 Совавтозь валсюлмавкс
 Совавтозь валрисьме
 Содавикс лицянь валрисьме
 Союзтомо стакалгавтозь валрисьме
 Стакалгавтозь валрисьме
 Стакалгавтозь сказуемой
 Сэрцек путомань кандовица валрисьме
 Сюлмица союз
 Таркань кандовица валрисьме
 Таркань обстоятельства
 Тевтеемань ладонь кандовица пелькс
 Тевтеемань ладонь обстоятельства
 Тувталонь кандовица пелькс
 Тувталонь обстоятельства
 Чарькодевтемань кандовица пелькс
 Шкань кандовица валрисьме
 Шкань обстоятельства
 Эрявиксчинь сюлмавома
 Явновица валрисьме
 Явовикс пелькст
 Явовтыца союз

распространённое предложение
 языковое средство
 многочленное предложение
 номинативное предложение
 безличное предложение
 знак препинания
 чужая речь
 пауза
 последовательное подчинение
 примыкание
 вторичное склонение
 обстоятельство меры и степени
 полное предложение
 главное слово
 присоединение
 главное предложение
 вставная конструкция
 обращение
 например
 восклицательное предложение
 восклицательный знак
 синтаксический разбор
 сложная синтаксическая
 конструкция
 синтаксические отношения
 синтаксическая функция
 суффикс сказуемостного изменения
 вводное слово
 вводное словосочетание
 вводное предложение
 определённо-личное предложение
 бессоюзное сложное предложение
 сложное предложение
 составное сказуемое
 придаточное сопоставительное пред-
 ложение
 соединительный союз
 придаточное предложение места
 обстоятельство места
 придаточное предложение образа
 действия
 обстоятельство образа действия
 придаточное предложение причины
 обстоятельство причины
 придаточное изъяснительное пред-
 ложение
 придаточное предложение места
 обстоятельство времени
 отношения обусловленности
 членимое предложение
 обособленные члены
 разделительный союз

1. Алёшкина Р. А. Глагольные односоставные предложения в мордовских языках // Вопросы синтаксиса мордовских языков. — Саранск, 1973. — С. 3—57. — Тр. Мордов. НИИЯЛИЭ; вып. 46, ч. 2.
2. Алёшкина Р. А. К вопросу об определённо-личных предложениях и их классификации в мордовских языках // Вопросы финно-угроведения. — Саранск, 1975. — Вып. 6. — С. 5—9.
3. Алямкин Н. С. Обстоятельство: предложения с *синь вастена* // Нар. образование [Саранск]. — 1999. — № 1. — С. 120—126.
4. Алямкин Н. С. Основные и вспомогательные средства выражения актуального членения предложения в мордовских языках // Материалы II Всероссийской научной конференции финно-угроведов. — Саранск, 2000. — С. 31—44.
5. Андуганов Ю. В. Историческая грамматика марийского языка : в 2 ч. Ч. 1 : Синтаксис. — Йошкар-Ола : Мар. кн. изд-во, 1991. — 194 с.
6. Бабайцева В. В. Односоставные предложения в современном русском языке / В. В. Бабайцева. — М. : Просвещение, 1968. — 160 с.
7. Бажутова Н. В. Система вводов прямой речи, их функции в эрзянском языке : автореф. дис. ... канд. филол. наук / Н. В. Бажутова. — Саранск, 2008. — 18 с.
8. Балдина Е. Тувталонь-следствиянь сюлмавоматнень невтемась простой ды сложной валрисьмесэ / Е. Балдина, Е. Ф. Клементьева // Актуальные проблемы филологии и журналистики : материалы XIV науч. конф. молодых ученых филол. фак. Мордов. гос. ун-та им. Н. П. Огарёва. — Саранск : Изд-во Мордов. ун-та, 2010. — С. 65—67.
9. Беспалова Г. Ф. Сложные предложения по целенаправленности в эрзянском языке : учеб. пособие / Г. Ф. Беспалова. — Саранск : [б. и.], 2003. — 56 с.
10. Беспалова Г. Ф. Эрзянь кельсэ лицянь а цевтия валрисьметнень ютксо синонимиясь // Актуальные проблемы филологии и журналистики : материалы XIV науч. конф. молодых ученых филол. фак. Мордов. гос. ун-та им. Н. П. Огарёва. — Саранск : Изд-во Мордов. ун-та, 2010. — С. 63—65.
11. Бондарко А. В. Функциональная грамматика / А. В. Бондарко. — Л. : Наука. Ленингр. отд-ние, 1984. — 136 с.
12. Бояркина А. Эрзянь кельсэ присоединительной конструкциянь смустень ды теевемань ёнксост / А. Бояркина, Е. Ф. Клементьева // Актуальные проблемы филологии и журналистики : материалы XIV науч. конф. молодых ученых филол. фак. Мордов. гос. ун-та им. Н. П. Огарёва. — Саранск : Изд-во Мордов. ун-та, 2010. — С. 68—70.
13. Бубрих Д. В. Сравнительная грамматика финно-угорских языков в СССР // Уч. зап. ЛГУ. — Л., 1948. — Вып. 2.
14. Бубрих Д. В. Эрзя-мордовская грамматика-минимум / Д. В. Бубрих. — Саранск : Мордов. гос. изд-во, 1947. — 51 с.
15. Бубрих Д. В. Историческая грамматика эрзянского языка / Д. В. Бубрих. — Саранск : Мордов. кн. изд-во, 1953. — 265 с.
16. Бузаков И. С. Союзные слова и подчинительные союзы в мордовских (эрзянском и мокшанском) языках : автореф. дис. ... канд. филол. наук / И. С. Бузаков. — Саранск, 1966. — 27 с.
17. Бузаков И. С. Сложное предложение в мордовских языках / И. С. Бузаков. — Саранск : Мордов. кн. изд-во, 1973. — 177 с.
18. Булычёв М. П. Порядок слов в удмуртском простом предложении / М. П. Булычёв. — Ижевск, 1947. — 86 с.
19. Валгина Н. С. Современный русский язык : учеб. для вузов / Н. С. Валгина, Д. Э. Розенталь, М. И. Фомина. — М. : Логос, 2001. — 528 с.
20. Васикова Л. П. Сложное предложение в современном марийском литературном языке : в 2 ч. Ч. 1 / Л. П. Васикова. — Йошкар-Ола : Мар. кн. изд-во, 1982. — 223 с.
21. Водясова Л. П. Сложное синтаксическое целое в современном эрзянском языке / Л. П. Водясова ; Мордов. гос. пед. ин-т. — Саранск, 2000. — 155 с.
22. Водясова Л. П. Эрзянь кель. Синтаксис. Практикань запятаянень материал филологиянь факультетэнь студентнёнень / Л. П. Водясова. — Саранск : Мордов. гос. пед. ин-т, 2008. — 47 с.
23. Виноградов В. В. Избранные труды : в 5 т. / В. В. Виноградов. — М. : Наука, 1975. — Т. 1—5.
24. Грамматика мордовских языков: Фонетика и морфология : в 2 ч. — Саранск : Мордов. кн. изд-во, 1962. — Ч. 1. — 374 с.
25. Грамматика мордовских языков. Фонетика. Графика. Орфография. Морфология / под ред. Д. В. Цыганкина ; Мордов. ун-т. — Саранск, 1980. — 430 с.
26. Грамматика современного удмуртского языка : Синтаксис простого предложения. — Ижевск, 1974. — 168 с.
27. Евсеев М. Е. Основы мордовской грамматики : в 5 т. Т. 4 / М. Е. Евсеев. — Саранск : Мордов. кн. изд-во, 1963. — 471 с.
28. Елисеев Ю. С. Синтаксические словосочетания в современном финском языке / Ю. С. Елисеев. — М. : Изд-во АН СССР, 1959. — 123 с.
29. Закиев И. З. О некоторых синтаксических моделях в алтайских и уральских языках // Некоторые вопросы урало-алтайского языкознания. — Уфа, 1970. — С. 23—31. (Учен. зап. Башкир. ун-та ; вып. 42. Сер. филол. наук, № 15/19.)
30. Ивлюшкина Н. И. Обособленные обстоятельства в мордовских литературных языках // Филологический вестник : межвуз. сб. науч. работ / Мордов. гос. пед. ин-т. — Саранск, 2000. — Вып. 1. — С. 224—228.
31. Илькинова М. З. Обособленные второстепенные члены предложения в мордовских языках : автореф. дис. ... канд. филол. наук / М. З. Илькинова. — Тарту, 1977. — 21 с.
32. Имярекова В. М. Определительные словосочетания в мордовских языках : учеб. пособие / В. М. Имярекова ; Мордов. ун-т. — Саранск, 1984. — 84 с.
33. Колядёнков М. Н. Грамматика мордовских (эрзянского и мокшанского) языков. Синтаксис / М. Н. Колядёнков. — Саранск : Мордов. кн. изд-во, 1954. — 332 с.
34. Колядёнков М. Н. Структура простого предложения в мордовских языках. Предложение и его главные члены / М. Н. Колядёнков. — Саранск : Мордов. кн. изд-во, 1959. — 290 с.
35. Кочеваткина О. Н. Однородные члены простого предложения в мордовских (эрзянском и мокшанском) языках : автореф. дис. ... канд. филол. наук / О. Н. Кочеваткина. — Саранск, 2001. — 16 с.

36. *Лаврентьева Н. М.* Категория предикативности как главный признак простого предложения // Проблемы мордовско-русского билингвизма. — Саранск : Мордов. кн. изд-во, 1985. — С. 94–109.

37. *Липатов С. И.* Методика преподавания мордовских (мокшанского и эрзянского) языков : учеб. пособие / С. И. Липатов, Н. С. Адушкина ; Мордов. ун-т. — Саранск, 1989. — 72 с.

38. *Майтинская К. Е.* Венгерский язык : в 3 ч. Ч. 3 : Синтаксис / К. Е. Майтинская. — М. : Изд-во АН СССР, 1960. — 374 с.

39. *Майтинская К. Е.* Сравнительная морфология финно-угорских языков // Основы финно-угорского языкознания : Вопросы происхождения и развития финно-угорских языков. — М. : Наука, 1974. — С. 214–382.

40. *Майтинская К. Е.* Вопросы сравнительного синтаксиса финно-угорских языков // Основы финно-угорского языкознания : Вопросы происхождения и развития финно-угорских языков. — М. : Наука, 1974. — С. 383–396.

41. *Матезиус В.* О так называемом актуальном членении предложения // Пражский лингвистический кружок. — М., 1967. — С. 239–245.

42. *Мещанинов И. И.* Члены предложения и части речи / И. И. Мещанинов. — Л. : Наука, 1978. — 387 с.

43. *Мишина С. А.* Способы выражения и семантические функции субъекта в мордовских и финском языках : учеб. пособие / С. А. Мишина. — Саранск : Изд-во Мордов. ун-та, 2009. — 80 с.

44. *Мухина Е. Н.* Порядок слов в простом предложении в эрзянском и финском языках : автореф. дис. ... канд. филол. наук / Е. Н. Мухина. — Саранск, 2008. — 22 с.

45. Основы финно-угорского языкознания. Вопросы происхождения и развития финно-угорских языков. — М. : Наука, 1974. — 484 с.

46. Основы финно-угорского языкознания. Прибалтийско-финские, саамские и мордовские языки. — М. : Наука, 1975. — 347 с.

47. *Пенгитов Н. Т.* Порядок слов в предложении в марийском языке // Тр. Мар. НИИ языка, лит. и истории. — Йошкар-Ола, 1961. — Вып. 15. — С. 119–124.

48. *Пешковский А. М.* Русский синтаксис в научном освещении / А. М. Пешковский. — М. : Учпедгиз, 1956. — 399 с.

49. *Рогожина В. Ф.* Подлежащее в мокшанском языке : автореф. дис. ... канд. филол. наук / В. Ф. Рогожина. — Саранск, 2003. — 16 с.

50. *Рятсеп Х. К.* Структура простого предложения в эстонском языке. Ориентированные на глагол модели предложения : автореф. дис. ... канд. филол. наук / Х. К. Рятсеп. — Тарту, 1974. — 91 с.

51. *Савкина Ю.* Подлежащее и структура корякского эрзянского языка : материалы науч. конф. : в 3 ч. Ч. 1 : Гуманитарные науки / сост. О. И. Скотников ; отв. за вып. В. Д. Черкасов. — Саранск : Изд-во Мордов. ун-та, 2009. — С. 82–85.

52. *Серебренников Б. А.* О некоторых характерных особенностях древнего синтаксиса языка коми // Сов. финно-угроведение. — 1967. — № 2.

53. *Серебренников Б. А.* Синтаксис уральского праязыка — синтаксис тюркского типа // Сов. финно-угроведение. — 1987. — № 2. — С. 81–88.

54. *Сий Э.* Курс венгерского языка / Э. Сий. — Будапешт : Танкёныкиадо, 1981. — 630 с.

55. Современный коми язык : в 2 ч. Ч. 2 : Синтаксис. — Сыктывкар : Коми кн. изд-во, 1967. — 312 с.

56. Современный марийский язык. Синтаксис сложного предложения. — Йошкар-Ола : Мар. кн. изд-во, 1982. — 151 с.

57. Современный русский язык : учебник / В. А. Белошапкова, Е. А. Брызгунова, Е. А. Земская [и др.] ; под ред. В. А. Белошапковой. — 2-е изд. — М. : Высш. шк., 1989. — 800 с.

58. Современный русский язык : Теория. Анализ языковых единиц : учеб. для студентов высш. учеб. заведений : в 2 ч. Ч. 2 : Морфология. Синтаксис / В. В. Бабайцева, Н. А. Николина, Л. Д. Чеснокова [и др.] ; под ред. Е. И. Дибровой. — М. : Академия, 2002. — 704 с.

59. *Терещенко Н. М.* Синтаксис самодийских языков. — Л. : Наука, 1973. — 324 с.

60. *Тихонова Т. М.* Отражение формами объектного спряжения глагола прямого дополнения в мордовских языках // XVII Всесоюзная финно-угорская конференция «Языкознание»: тез. докл. — Устинов, 1987. С. 194–196.

61. *Учкина В. И.* Синтаксические функции независимого инфинитива в мордовских языках // Тр. Мордов. НИИЯЛИЭ. — Саранск, 1975. — Вып. 49. — 84–97 с.

62. *Феоктистов А. П.* Типы композит и их правописание в мордовских литературных языках // Словообразовательная архитектура в волжско-финских языках. — Саранск : [б. и.], 1999. — С. 12–16.

63. *Хайду П.* Уральские языки и народы / пер. с венг. Е. А. Хелимского. — М. : Прогресс, 1985. — 430 с.

64. *Хакулинен Л.* Развитие и структура финского языка : в 3 ч. Ч. 3 : Лексикология и синтаксис. — М. : Изд-во илост. лит., 1955. — 292 с. 64.

65. *Цейтлин С. Н.* Категория предикативности в ее отношении к высказыванию и предложению // Теоретические проблемы синтаксиса современных индоевропейских языков. — Л., 1975.

66. *Цыганкин Д. В.* Морфемика и словообразование мордовских языков : учеб. пособие / Д. В. Цыганкин. — Саранск : [б. и.], 2006. — 60 с.

67. *Цыганкин Д. В.* Очерк сравнительной грамматики мордовских (мокшанского и эрзянского) литературных языков : учеб. пособие для студентов вузов / Д. В. Цыганкин, С. З. Деваев. — Саранск : Мордов. ун-т, 1975. — 118 с.

68. *Цыганкин Д. В.* Практикум по синтаксису современных мордовских языков / П. Г. Матюшкин, Д. В. Цыганкин ; Мордов. ун-т. — Саранск, 1971. — 188 с.

69. *Цыпайкина В. П.* Темпоральность в мордовских языках и принципы ее описания / В. П. Цыпайкина. — Саранск : Изд-во Мордов. ун-та, 2007. — 212 с.

70. *Цыплякова О. Ю.* Структура и семантика сложноподчиненных предложений в эрзянском языке : автореф. дис. ... канд. филол. наук / О. Ю. Цыплякова. — Саранск, 2008. — 19 с.

71. *Шахматов А. А.* Синтаксис русского языка / А. А. Шахматов. — Л. : Учпедгиз, 1941. — 620 с.

72. *Щанкина Н. А.* Грамматические средства выражения временных и пространственных отношений в мордовских языках : автореф. дис. ... канд. филол. наук / Н. А. Щанкина. — Тарту, 1981. — 18 с.

73. *Щанкина В. И.* Синтаксические функции зависимого инфинитива в мордовских языках // Проблемы грамматического строя мордовских языков. — Саранск, 1984. — С. 41–53.

74. Мокшень кяльса сёрмадомань, корхтамань, пуиктуациянь норматив. Эрзянь кельсэ сёрмадомань, корхамань, пуиктуациянь лувтис / сост.: Н. С. Алямкин, О. Е. Поляков, Р. А. Алёшкина [и др.]. — Саранск : [б. и.], 1995. — 68 с.

75. Эрзянь кель. Морфемика, валонь тесвема ды морфология / редкол.: Д. В. Цыганкин (отв. ред.), Н. А. Агафонова, М. Д. Имайкина [ды лият]. — Саранск : [б. и.], 2000. — 280 с.

76. *Alhoniemi A.* Über die Unterschiede bei der Verwendung der Subjekt- und Objektconjugation im Ersä- und Mokscha-Mordvinischen, 1996. CIFU — 8/ III: 68—71.

77. *Alhoniemi A.* Mordvan «paljon» ja «vähän» sanojen syntaksista. — *Variaatioita. Tampereen yliopiston suomen kielen ja yleisen kielitieteen laitoksen juhlakirja.* — Tampere, 1992. — S. 1—20.

78. *Bartens R.* Mordvan, tšeremissin ja votjakin konjugtion infinittisten muotojen syntaksi. — Helsinki : Suomalais-ugrilaisen Seuran Toimituksia, 1979. — № 170. — 251 S.

79. *Wiedemann F.* Grammatik der erza-mordvinischen Sprachen nebst einem kleinen mordwinisch-deutschen und deutsch-mordwinischen Wörterbuch. — St.-Petersburg, 1865. — 261 S.

Икельце валось	3
Синтаксисэсь ды сонзэ предметзэ. Синтаксисэнь прявт чарькодемань	4
1 §. Синтаксисэнь сюлмавомодо чарькодемась. Синтаксисэнь сюлмавомань куротис — аволь кандовомась-аравтомась ды кандовомась-аравтомась	5
Валсюлмавоксось	5
2 §. Валсюлмавоксто чарькодемась	8
3 §. Валсюлмавокстнэнь тесвемаст	9
4 §. Валсюлмавоксонь лексикань-грамматикань кужотис	10
5 §. Валсюлмавоксонь пелькстнэнь ютксо синтаксисэнь сюлмавоматис-кандовоматис ды синет невтиця ёнкстнэ	12
6 §. Валсюлмавокссо сюлмавомань кужотис	14
Валрисьмесь	22
7 §. Валрисьмесь ды сонзэ прявт ёнксонзо. Валрисьмесь кода синтаксисэнь единица	22
8 §. Предикативность кода валрисьмень прявтонь ёнкстнэстэ вейксесь	22
9 §. Валрисьмесэ вайгельксэнтэ смустезэ	27
10 §. Валрисьмесэ смустень коряс прядозь арсеманть невтемась	28
11 §. Грамматикань коряс валрисьмень пельксэнзэ вейсэндямось	28
Валрисьмень кужотис	29
12 §. Модальной коряс валрисьмень кужотис. Уликсчиль ды арасьчиль валрисьметис	29
13 §. Корхамань целсь коряс валрисьмень кужотис. Ёвтисмань, кевкстемань ды кармавомань валрисьметис	30
14 §. Ёжомарямонь невтемань коряс валрисьмень кужотис. Серьгедемань валрисьметис	33
15 §. Смустень ды тесвемань коряс валрисьмень кужотис. А явиовиця ды явиовиця валрисьметис	34
16 §. Кавто прявт пельксэнь ды вейке прявт пельксэнь валрисьметис	34
17 §. Ажак келсйгавто ды келсйгавтозь валрисьметис	35
18 §. Пешккс ды аволь пешккс валрисьметис	35
Кавто прявт пельксэнь валрисьметис	37
19 §. Предикативень юрось, сонзэ пельксэнзэ	37
20 §. Подлежащее	38
21 §. Сказуемость	40
22 §. Глаголонь апак стакалгавто сказуемость	42
23 §. Глаголонь стакалгавтозь сказуемость	44
24 §. Аволь глаголонь апак стакалгавто сказуемость	45
25 §. Аволь глаголонь стакалгавтозь сказуемость	53
26 §. Колмо ды седе ламо валсто аштиця сказуемость	54

Валрисьмень аволь прят пелькстнэ	55
27 §. Определениясь	55
28 §. Приложениясь	63
29 §. Дополнениясь	64
30 §. Обстоятельствась	67
Валрисьмесь валонь молема лувось. Актуальной явомась	74
31 §. Валонь молема лувось ды сонзэ смустезэ кортамосонтъ	74
32 §. Валрисьмень актуальность коряс явомазо	75
33 §. Актуальнойчинь коряс а явновия валрисьметне	76
34 §. Валрисьмень актуальной явомань ёнкстнэ	77
35 §. Валрисьмень актуальной ды синтаксисень явоматнень ютксо сюлмавомась	79
Вейке прят пельксень валрисьметне	83
36 §. Вейке прят пельксень валрисьмесе чарькодемась	83
37 §. Вейке прят пельксень глаголонь валрисьметне	84
38 §. Содавикс лицянь валрисьметне	85
39 §. А содавикс лицянь валрисьметне	89
40 §. Весе лицянь валрисьметне	92
41 §. Лицянь а невтиця валрисьметне	94
42 §. Лемдемань варисьметне	101
43 §. Именительной темань теевкстнэ	104
А явновия валрисьметне	107
44 §. А явновия валрисьмесе чарькодемась	107
45 §. А явновия валрисьмень кужотне	107
Аволь пешксе ды эллипсисень валрисьметне	109
46 §. Аволь пешксе валрисьмесе чарькодемась	109
47 §. Аволь пешксе валрисьмень кужотне	109
48 §. Аволь пешксе валрисьметне диалогонь кортамосонтъ	111
49 §. Эллипсисень валрисьметне	112
Валрисьмень вейкетъ пелькстнэ	113
50 §. Валрисьмень вейкетъ пелькстэ чарькодемась	113
51 §. Вейкетъ прят пелькстнэ	114
52 §. Вейкетъ аволь прят пелькстнэ	115
53 §. Вейкетъ ды аволь вейкетъ определениясь	116
54 §. Вейсендиця валось вейкетъ пелькстнень пингстэ	117
Валрисьмень явовикс пелькстнэ	118
55 §. Валрисьмесь явовикс пелькстэ чарькодемась	118
56 §. Явовикс определениясь	119
57 §. Явовикс приложениясь	120
58 §. Явовикс дополнениясь	120
59 §. Явовикс обстоятельством	121
Валрисьмень совавтозь ды путозь теевкстнэ	122
60 §. Валрисьмень совавтозь ды путозь теевкстэ чарькодемась	122
61 §. Совавтозь валтнэ	122
62 §. Совавтозь валсюлмавкстнэ	123
63 §. Совавтозь валрисьметне	123
64 §. Валрисьмень путозь теевкстнэ	127

Пшкадемась	131
65 §. Пшкадсмадо чарькодемась	131
66 §. Пшкадемань ёвтамозо	132
Стакалгавтозь валрисьмесь	135
67 §. Стакалгавтозь валрисьмесе чарькодемась	135
68 §. Стакалгавтозь валрисьметнень куrows явномась	136
69 §. Стакалгавтозь валрисьмень пелькстнень ютксо синтаксисень сюлмавоматнень-каңдовоматнень пестемапельтне	137
Аволь кандовомань-автомань стакалгавтозь валрисьмесь	139
70 §. Аволь кандовомань-автомань валрисьмесе чарькодемась	139
71 §. Аволь кандовомань-автомань стакалгавтозь валрисьметнесь сюлмавоматне-кандовоматне	140
72 §. Сюлмавомань смустесь аволь кандовомань-автомань стакалгавтозь валрисьметнесь	140
73 §. Карадо-кашонь сюлмавоматне аволь кандовомань-автомань стакалгавтозь валрисьметнесь	142
74 §. Явотомань сюлмавоматне аволь кандовомань-автомань стакалгавтозь валрисьметнесь	145
Кандовомань-автомань стакалгавтозь валрисьмесь	147
75 §. Кандовомань-автомань стакалгавтозь валрисьмесе чарькодемась	147
76 §. Кандовомань-автомань стакалгавтозь валрисьмень пелькстнень ютксо сюлмавомань ёнкстнэ	147
77 §. Кандовомань-автомань стакалгавтозь валрисьмесь кужотне	151
78 §. Кандовомань-автомань стакалгавтозь валрисьмесь кандовиця пельксень кужотне	153
79 §. Определениясь кандовиця пелькс марто кандовомань-автомань стакалгавтозь валрисьмесь	153
80 §. Чарькодсвемань кандовиця пелькс марто кандовомань-автомань стакалгавтозь валрисьмесь	155
81 §. Таркань кандовиця пелькс марто кандовомань-автомань стакалгавтозь валрисьмесь	156
82 §. Шкань кандовиця пелькс марто кандовомань-автомань стакалгавтозь валрисьмесь	156
83 §. Онкстамонь ды степенень кандовиця пелькс марто кандовомань-автомань стакалгавтозь валрисьмесь	157
84 §. Тевтеемань ладонь кандовиця пелькс марто кандовомань-автомань стакалгавтозь валрисьмесь	157
85 §. Тувталонь кандовиця пелькс марто кандовомань-автомань стакалгавтозь валрисьмесь	158
86 §. Следствиянь кандовиця пелькс марто кандовомань-автомань стакалгавтозь валрисьмесь	158
87 §. Сэрцек путомань кандовиця пелькс марто кандовомань-автомань стакалгавтозь валрисьмесь	159
88 §. Карадо-кашонь кандовиця пелькс марто кандовомань-автомань стакалгавтозь валрисьмесь	159
89 §. Условиянь кандовиця пелькс марто кандовомань-автомань стакалгавтозь валрисьмесь	160

90 §. Уступкань кандовиця пелькс марто кандовомань-аравтомань стакалгавтозь валрисьмесь	161
91 §. Бажамонь кандовиця пелькс марто кандовомань-аравтомань стакалгавтозь валрисьмесь	161
92 §. Зяряя кандовиця пелькс марто кандовомань-аравтомань стакалгавтозь валрисьмесь	162
93 §. Зяряя прявт пелькс марто кандовомань-аравтомань стакалгавтозь валрисьме	164
Союзтомо стакалгавтозь валрисьмесь	165
94 §. Союзтомо стакалгавтозь валрисьмеде чарькодемась	165
95 §. Союзтомо стакалгавтозь валрисьмень пелькстнэнь ютксо сюлмавомань ёикстнэ	166
96 §. Союзтомо стакалгавтозь валрисьмень кужотне	167
97 §. Ламо пельксэнь союзтомо стакалгавтозь валрисьметнэ	170
Синтаксисэнь стакалгавтозь теевкстнэ	172
98 §. Синтаксисэнь стакалгавтозь теевкстэ чарькодемась	172
99 §. Синтаксисэнь стакалгавтозь теевксэнь кужотне	172
Лиянь кортамось	175
100 §. Лиянь кортамонтэ ёвтамонь-певтемань китис-янтнэ	175
101 §. Виде кортамось	175
102 §. А виде кортамось	176
103 §. А виде-виде кортамось	177
Диалогось	178
104 §. Диалогонтэ пельксэнэ	179
Эрзянь келень пунктуациясь	182
Валксось	196
Тевс нолдазь лисьмапрятне	198

Учебное издание

АГАФОНОВА Нина Афанасьевна
АЛЁШКИНА Раиса Алексеевна
БЕСПАЛОВА Галина Федоровна ды лиятнэ

ЭРЗЯНЬ КЕЛЬ

СИНТАКСИС

Тонавтнемәпель

Нолдави авторской редакциясо

Технической редакторось *Т. А. Сальникова*
 Обложкань дизайнось *Е. Н. Моисеевань*
 Компьютерной версткась *Л. В. Тростинань*

Подписано в печать 27.12.11. Формат 60×90 1/4. Усл. печ. л. 13,00.
Тираж 500 экз. Заказ № 1971.

Издательство Мордовского университета
Типография Издательства Мордовского университета
430005, г. Саранск, ул. Советская, 24